

427



Fr. Baconi
DE VERULAMIO
SERMONES FIDELES,
ETHICI,
POLITICI,
ŒCONOMICI:

Sive
INTERIORA RERUM.
Accedunt

FABER FORTUNE
COLORES BONI ET MALI, &c.

LUGD. BATAVORUM.
Apud **Fredericum Hackium. A. 1659.**



THE
LIBRARY
OF THE
UNITED STATES
DEPARTMENT OF
THE ARMY
WASHINGTON, D. C.
20315

ILLUSTRI
ET
EXCELLENTI DOMINO,
GEORGIO,

Duci Buckinghamiæ, Summo
Angliæ Admirallio.

Honoratissima Domine,

S Alomon inquit, *Nomen bonum*
est *instar Unguenti fragrantis*
& *pretiosi*; Neque dubito,
quin tale futurum sit *Nomen tuum*
apud Posteror. Etenim & *Fortuna*,
& *Merita tua*, præcelluerunt. Et
videris ea plantasse, quæ sint dura-
tura. In lucem jam edere mihi vi-
sum est *Delibationes meas*, quæ ex o-
mnibus meis *Operibus* fuerunt ac-
ceptissimæ: Quia forsitan viden-
tur, præ cæteris, *Hominum Negotia*
stringere, & in sinus fluere. Eas au-
tem auxi, & *Numero*, & *Pondere*;
In tantum, ut plane *Opus Novum*
sint. Consentaneum igitur duxi,

A 2. Affe-

EPISTOLA DEDICATORIA.

Affectui, & Obligationi meæ, erga
Illustrissimam Dominationem tuam, ut
Nomen tuum illis præfigam, tam in
Editioe Anglica, quam *Latina*. Et-
enim, in bona spe sum, Volumen
earum in *Latinam*, *Linguam* scilicet
universalem, versum, posse durare,
quamdiu *Libri & Literæ* durent. In-
stauracionem meam Regi dicavi: *His-*
toriam Regni Henrici Septimi, (quam
etiam in *Latinum* verti,) & Portio-
nes meas *Naturalis Historia, Principi*:
Has autem *Delibationes Illustrissima*
Dominationi tuæ dico; Cum sint ex
Fructibus optimis, quos, Gratia
divina Calami mei laboribus in-
dulgente, exhibere potui. *Deus Il-*
lustrissimam Dominationem tuam ma-
nu ducat.

Illustrissima Dominationis tuæ

Servus Devotissimus
& Fidelis

FR. S. ALBAN.



SERMONES FIDELES.

I.

DE VERITATE.

QUID est *veritas*, inquit *Pilatus* Derisor? Nec præstolari voluit Responsum. Certe sunt; qui cogitationum vertigine delectantur; ac pro servitute habent, Fide fixa aut Axiomatis constantibus constringi; *Liberi Arbitrii* usum in Cogitando, non minus quam in Agendo, affectantes. Cujusmodi quidem *sectæ Philosophorum* licet defecerint; supersunt tamen *Ingenia* quædam ventosa & discursantia, quibus eadem omnino venæ, licet non pari, cum Antiquis, copia sanguinis, repletæ. Verum, nec difficultas sola, laborque quem Homines subeunt, in *Veritate* inveniendâ; nec quæ ex ea inventa Cogitationibus

imponitur Captivitas, *Mendacii* favorem conciliat; Sed ipſius *Mendacii* Naturalis (utcuſque corruptus) Amor. E recentiore *Græcorum Schola* quidam, rem ad Examen vocans, hæret attonitus; dum excogitare nequit, quorſum Mortales amarent *Mendacium*, ipſius *Mendacii* cauſa; Cum nec voluptati ſit, ut *Mendacia Poëtarum*; nec utilitati, ut illa *Mercatorum*. Sed nēſcio quomodo, *Veritas* iſta, (utpote nuda & manifeſta Lux diurna,) perſonatas hujus *Mundi Fabulas*, Ineptiaſque, non tam magnifice & eleganter oſtendit, quam *Tædæ*, *Lucernæ*que nocturnæ. Ad *Unionis*, forſan, valorem, pervenire poterit *Veritas*, quæ per diem ſpecioſiſſima apparet: Sed ad pretium *Adamantis*, aut *Carbunculi*, qui lumine vario pulcherrime ſplendent, nunquam aſcendet. Mixture *Mendacii* voluptatem ſemper auct. Ecquis dubitat, ſi è mentibus *Hominum* tollerentur *Opiniões* vanæ, *Spes* blandæ, *Æſtimationes* Rerum falſæ, *Imaginationes* ad libitum, & id genus alia, quin multorum animi relinquerentur deſecti, & maridi, atræ bilis & languoris pleni, ac ſibimet ipſis ingrati ac diſplicentes? *Patrum* unus, magna cum ſeveritate, *Pœſin* appellat, *Vinum Dæmonum*; Eo quod *Phantaſiam* vanis impleat; licet

licet *Poësis Mendacii* tantum umbra sit. Verumtamen, non est *Mendacium*, mentem pettranfrens, quod officit; Sed *Mendacium* quod à mente imbibitur, nempe ejus generis, de quo ante diximus. Verum utrunque in depravatis Hominum judiciis, & affectibus, hæc ira se habeant; *Veritas* tamen (quæ sola se judicat) docet, *Veritatis inquisitionem*; quæ eam, proci instat, demeretur; *Veritatis Cognitionem*, quæ præsentem eam sistit; & *Veritatis Receptionem cum Assensu*, quæ est ipsius Fructio & Amplexus, Summum esse Humanæ Naturæ Bonum.

Prima, in Operibus sex dierum, Creatura Dei, fuit *Lux sensus*; Postrema, *Lux Rationis*; Quin & Opus ejus, *Sabbatho*, quod deinceps perpetuo exercet, est Spiritus sui Illuminatio. Primo inspiravit Lumen in *Faciem Materia*, vel *Molus* indigesta, postea in *Faciem Hominis*; Quin & usque semper Lucem inspirat in *Faciem Electorum*. *Poëta*, qui *Settam*, alioqui ceteris inferiorem, ornavit, elegantissime dixit; *Suave est in litore stanti videre naves fluctibus exagitatas: Suave ad Arcis fenestram stanti, prælum commissam, ejusque varios eventus, inferius spectare: Sed nulla voluptas aequiparari potest huic ipsi, Nempe ut quis stet super Clivum*

excelsum Veritatis; (Collem certe inaccesibilem, ubi aër semper liquidus est, & serenus!) atque inde *Errores*, *Homines palantes*, *Caligines* & *Tempestates*, in *Convalle subjacente*, *despiciat*: Modo prospectus iste cum misericordia conjunctus sit, non cum Tumore, aut Superbia. Et hoc ipsum, est *Cælo in terris* frui, quando *Mens Humana* in *Charitate* movetur, in *Providentia* quiescit, & supra polos *Veritatis* circumfertur.

Jam vero, ut à *Theologica* & *Philosophica Veritate*, ad *Veritatem*, aut potius *Veracitatem* in Civilibus negotiis, transcamus: Agnoscent vel ipsi qui eam non exercent, apertam, & minime fucatam in Negotiis gerendis, *Rationem*, præcipuum esse *Humanæ Naturæ Decus*: Mixturam autem *Falsi*, similem esse plumbeæ materix, quæ efficit sane, ut facilius cudi possit Metallum, sed ita ut interim vilius fiat. Nam flexuosi isti, & obliqui morus, *Serpentum sunt*; Qui super *ventrem suum* gradiuntur, non pedibus incedunt. Non est vitium, quod tanto Hominem pudore obruit, quam si *Falsus* vel *Perfidus* inveniat. Itaque acutissime *Montaneus*, rationem scrutatus, cur *Mendacii* vocabulum, pro tanto haberetur Opprobrio, & Contumelia; Si *Res recte perpendatur*. (in-

(inquit,) *qui dicit Hominem mentiri, eadem opera dicit, eum adversus Deum audacem esse, adversus Homines timidum: Mendax enim Deo insultat, Homini se incurvat. Certe, quam flagitiosa res sit, Falsitas, & Perfidia, nullo modo exprimi potest melius, quam quod istis (quasi ultimis Clamoribus,) devocabuntur Judicia Dei in Genus Humanum: Prædictum enim est, Christum, in Adventu suo secundo, non recepturum Fidem super terram.*

II.

DE MORTE.

Metuunt Homines Mortem, ut Pueri Tenebras. Quemadmodum autem, metus iste naturalis, in pueris augetur fabulosis quibusdam Terriculamentis, ita & ille alter. Sane, Mortis Meditatio, prout *Mors stipendium est peccati*, & ad aliam vitam transitus, pia est & salubris; Metus vero ejus, ut est *Natura debitum*, res est infirma, & inanis. Inest tamen nonnunquam piis Meditationibus, Fermentum aliquod Vanitatis, nec, non Superstitionis. Præcipitur in Libris nonnullis Religiosorum; qui tractant de Mortificatione, ut recogitet secum Homo, quantus sit dolor, cum vel minimus digitus articulus torqueatur; atque inde æstimet,

A 5

quan-

quantus sit in *Morte* cruciatus, ubi totum corpus corrumpitur, & dissolvitur. Cum tamen *Mors* sæpenumero transeat, minore cum dolore, quam sentitur in tortura membri. Partes enim maxime vitales, non sunt maxime sensitivæ. Nec abs re dictum fuit, ab illo, qui locutus est ut *Philosophus* tantummodo, & *Homo Animalis*; *Pompa Mortis* magis terret, quam *Mors ipsa*: Gemitus & Singultus, membrorum Convulsiones, oris Pallor, Amici flentes, & atrata Funera, cum similibus, hæc sunt quæ *Mortem* ostendant terribilem. Observatione plane dignum est, nullam esse *Animi Passionem* tam debilem, quin superet, & in ordinem redigat *Timorem Mortis*. Ideoque *Mors*, non est hostis adeo formidabilis, cum multos habeat homo circa se Athletas, qui in certamine illam vincant. *Vltio* de *Morte* triumphat; *Amor* eam parvi facit; *Honor* ambit; *Mertus* *Ignominia* eligit; *Moxor* ad eam confugit, *Metus* anticipat. Imo legimus, quod postquam *Otho Imperator* se ipsum interfecisset, ipsa *Misericordia* (quæ *Affectus* est omnium tenerrimus) multos provocavit ad commoriendum, ex mera *Animi Compassione* erga Dominum suum; ut fidiſſimos *Asseclas*. Quin & addit *Seneca Fastidium*, & *Satietatem*: Cogita quam
die

dis eadem feceris ; Mori velle non tantum Fortis , aut Miser , sed etiam Fastidiosus potest . Nec minus observatu dignum est , quantillam mutationem in Animo generoso & forti , appropinquans Mors efficere valeat ; Eisdem enim gerunt homines illi Spiritus , usque ad extremum momentum . Mortuus est Augustus Caesar voce certe urbana ; Livia , conjugii nostri memor , vive , & vale . Tiberius inter dissimulandum ; Ita enim de illo Tacitus , iam Tiberium vires , & corpus , non dissimulatio , deserebant . Vespasianus cum Scommate ; Exonerans enim se super sella ; Ut puto Deus fio . Galba cum Gnoma ; Feri , si ex re sit Populi Romani : protendens simul colulum , Septimius Severus , inter expedienda negotia ; Adeste , si quid mihi restat agendum . Pariter & alii . Certe Stoici , nimium insumpserunt operæ in Solatia Mortis : Etenim grandi suo , contra eam , apparatu , effecerant , ut terribilior videretur . Rectius ille ; Qui Finem vita extremum inter munera ponit Natura . Equæ enim est naturale hominibus Mori , ac Nasci ; atque Infans forsân , non minorem sentit dolorem , ex hoc , quam ex illo . Qui moritur inter prosequendum magnum aliquod desiderium , ita se habet , ut vulceratus , sanguine adhuc fer-

vente, qui plagam vix sentit. Itaque Mens, in aliquod Bonum fixa & intenta, à doloribus *Mortis* se subducit. Verum enimvero super omnia, suavissimum *Canticorum* est illud, *Nunc dimittis*; Cum quis Fines suos, & Expectationes honestas, assecutus fuerit. Hoc item in se habet *Mors*, ut *bona Fama* januam aperiat, & *Livorem* extinguat; *Exstinctus amabitur idem*.

III.

DE UNITATE ECCLESIAE.

CUM *Religio* sit præcipuum humanæ Societatis vinculum, par est, ut & ipsa, debeat veræ *Vnitatis* & *Charitatis* vinculis, astringatur. Dissidia circa *Religionem*, Mala erant, *Ethnicis* incognita. Nec mirum, cum *Religio Ethnicorum* posita esset potius in Ritibus, & Cultu *Deorum* externo, quam in constanti aliqua Confessione, & Fide. Facile enim est conjicere, cujusmodi fuerit illorum *Fides*, cum præcipui *Ecclesia* ipsorum *Doctores* & *Patres*, fuerint *Poëta*. Inter Attributa autem veri *Dei* ponitur, quod sit *Deus Zelotypus*: Itaque Cultus ejus non fert mixturam, nec confortium. Quamobrem pauca quædam de *Vnitate* in *Ecclesia* dicemus. Scilicet, qui sint ejus *Fructus*, qui *Limites*, quibus denique *Modis* concilietur.

tur. *Unitatis Fructus* præcipui, (præterquam quod *Deo* summe placeat, id quod ante omnia poni debet.) sunt duo. Alter respicit eos, qui *extra Ecclesiam* sunt; Alter eos, qui *intra*. Quod ad priorem attinet, certum est, longe maxima in *Ecclesia* Scandala, esse Hæreses, & Schismata; Ut quæ etiam Corruptelas Morum superent. Quemadmodum enim in Corpore Naturali, Vulnera, & Solutio Continuitatis, genere pejora sunt, quam Humores putridi; Similis est Corporis Spiritualis ratio. Adeo ut nihil reperiat, quod æque Homines ab ingressu in *Ecclesiam* absterreat, aut jam receptos expellat, ac *Unitatis Violatio*. Itaque temporibus quibus illud increbrescit, ut alii dicant; *Ecce in Deserto*, alii, *Ecce in Pœnealibus*; hoc est, dum quidam *Christum* quærunt in *Hæreticorum Consiliabulis*, quidam in *Facie Ecclesie externa*; opus est prorsus, ut illa Vox aures Hominum quasi perpetuo feriat; *Nolite exire. Doctor ille Gentium*, cuius Vacatio & Missio, propria & demandata, ei imposuit, ut eorum, qui *extra Ecclesiam* fuerant, curam gereret, inquit, *Si ingrediatur cœtus vestros; Infidelis quispiam, aut Idiotæ, & vos variis loquentes linguis audiat, annon vos insanire predicabit? Neque sane multo melius se habet,*
cum

cum *Athei* & *Homines profani*, tantas, in *Religione*, lites, & *Opinionum* dimicationes, intueantur. Siquidem hæc res ab *Ecclesia* illos avertit, & in *Cathedra Derisorum sedere facit*. Levius quiddam videatur, quam ut in *Tractatu* tam serio citeatur, deformitatem tamen rei egregie depingit. Insignis quidam locandi *Artifex*, in *Catalogo librorum*, *Bibliotheca* cujusdam *Fabulosa*, inter ceteros, cum hac *Inscriptione*, *Librum* ponit, *Salsationes Flovales*, & *Gesticulationes Hæreticorum*. Nemo enim est ex iis, qui non peculiarem quendam motum *Corporis* ridiculum, & *Gestus* deformitatem, exhibeat: unde fieri non potest, quin *Homines Carnales*, & *Politici* degeneres, subsannent, qui facile in contemptum *Rerum Sacratum* feruntur. Quantum ad *Fructus Unitatis*, qui ad eos, qui *intra* sunt, redundat, is, uno verbo, *Pax* est, quæ innumeras *Benedictiones* complectitur. Etenim *Fidem* stabilis, *Charitatem* accendit; Quin & *externa Ecclesia Pax* in *Pacem internam* *Conscientiæ* sensum destillat; *Laboresque* scribentium, & *legentium Controversias*, vertit in *Tractatus Pietatis*, & *Mortificationis*.

Quantum ad *Terminos & Limites Unitatis*, vera proculdubio & iusta eorum Collo-

Collocatio, magni prorsus est, ad omnia in Religione, momenti. Duo autem in iis statuendis videntur fieri Excessus. Homi- nibus enim zelo fervidis, omnis *Pacificatio- nis* mentio est odiosa; Numnam *pax Iehu?* *Quid tibi cum pace? vade post me.* Quasi *Pax* nihil esset ad rem, sed *Sette & Partes*. Contra, quidam tanquam *Laodi- censes*, in causis *Religionis* tepidi, putant, *Capita Religionis*, nexu se commodo, col- ligare posse, per *Vias medias*, & *Opinio- nes* utrinque participantes, & *Reconci- liationes* ingeniosas, ac si pro *Arbitris* se gerere vellent, inter *Deum & Homines*. Uterque Excessus vitandus; Quod fiet, si *Fœdus* inter *Christianos*, ab ipso *Servatore* nostro descriptum, in clausulis illis, quæ primo intuitu inter se opponi viden- tur, perspicuam & planam interpretatio- nem sortiatur. *Qui non nobiscum est, con- tra nos est.* Ex rursus: *Qui contra nos non est, nobiscum est.* Hoc est, si *Capita Religio- nis*, plane *Essentialia & Fundamentalia*, rite discernantur & distinguantur à *Capitibus*, quæ non sunt ex *Fide*, sed ex *Opinio- ne* probabili, & *Intentione sancta*, pro- pter ordinem, & *Ecclesie* politiam, san- citæ. Hoc vero plurimis videri possit tri- viale quiddam; in quo quis actum agat: Verum si hoc ipsum, minore partium stu- dio,

dio, fieret, majore etiam consensu recipe-
 retur. In hac re Consilii nonnihil imper-
 tiri. *Quoniam* est, pro captus nostri tenuitate.
 Videndum est, ne *Homines Ecclesiam*
Dei lacerent, per duo *controversiarum*
 genera. Primum est, cum *Controversia*
 materia levior est, nec tanta contentione,
 quanta circa eam excitatur, digna; Con-
 traditione sola inflammata: Quemad-
 modum enim acute & eleganter nota-
 tum est, ab uno ex *Patribus*; *Tunica*
Christi inconsutilis fuit, at vestis Ecclesia
versicolor. Unde præcipit; *In veste varie-*
tas sit, Scissura non sit. Differunt enim
 haud parum inter se Unitas, & Uniformi-
 tas. Secundum est, cum *Materia* quidem
Controversæ pondus habet, sed ad ni-
 miam subtilitatem ac obscuritatem reda-
 cta est: Adeo ut ingeniosa quædam res
 esse videatur, potius quam solida. Vide-
 mus quandoque fieri, ut quis Doctus, &
 Intelligens, Homines imperitos, de ali-
 qua Quæstione inter se litigantes, au-
 diat; atque perspicue advertat, eos idem
 re ipsa sentire, & in unum convenire,
 quibus tamen ipsis nunquam fuisset ali-
 quit dissidendi Viâs. Quod si hoc non-
 nunquam eveniat, in exigua illa Judicii
 disparitate, quæ inter Homines esse po-
 test; An non credere par est, *Deum in Cœ-*
lis,

lis, qui *Corda scrutantur* & novit, satis perspicere, nos Homines fragiles, in aliquibus, de quibus *Controversiam* moveamus, idem revera sentire, & in ambobus benigne complacere? Hujusmodi *Controversiarum* Natura, & Character, optime à D. Paulo exprimitur, in monito illo ac praecepto, quod circa illud adhibet; *De vitâ prophanâs vocum Novitates, & oppositiones falsi nominis Scientia.* Creant sibi Homines Oppositiones, quæ revera nullæ sunt, easque in nova Vocabula effingunt, & cudent; Quæ tam fixa sunt & invariabilia, ut ubi Sensus Vocabulum regere debeat, Vocabulum imperet Sensui. Sunt etiam, ut *Controversiarum*, ita *Unitatis*, species duæ; quæ Adulterinæ censerî possunt. Altera, cum *Pax Ignorantiæ* tantum implicitæ innititur. Coloribus enim omnibus in Tenebris bene convenit. Altera, quæ confuta est & sarcita, expositionibus ex diametro inter se contrariis: in Capitibus nimirum Fundamentalibus *Veritas* enim & *Falsitas*, similes sunt *Ferro* & *Luto* in digitis pedum Imaginis, quam in somnis vidit *Nebuchadnezzar*; Adhærere sine possunt, incorporari non possunt.

Jam quatenus ad *Modos*, per quos conciliatur *Unitas*, cavendum est Homini-
bus, ne, dum *Unitatem Religionis* procu-
rent

rent & muniant, *Leges Charitatis & Societatis* solvant, & demoliantur. Inter *Christianos* duo tantum recipiuntur, *Gladius*; *Spiritualis* nempe, & *Temporalis*. Uterque autem suum habet locum, & suo perfungitur munere, in *Religione Christiana* propugnanda, & protegenda. Sed neutiquam arripiendus est *Gladius* tertius, qui est *Mahometis*, aut illi similis. Hoc est, ut *Religionem Bello* propagemus, aut cruentis persecutionibus vim Conscientiis inferamus; Exceptis Casibus Scandali aperti; & insolentis; Blasphemiae, aut Machinationis adversus Statum Civilem: Ne dum ut foveantur Seditiones, animentur Conjuraciones, & Rebelliones, Gladius in manus Populi transferatur, & similia; Quae omnia manifesto tendunt ad *Majestatem Imperii* minuendam, & *Auctoritatem Magistratuum* labefactandam; Cum tamen omnis *Legitima potestas sit à Deo ordinata*. Hoc enim nihil aliud est, quam alteram ex *Tabulis Legis*, in alteram allidere; & in tantum Homines ut *Christianos* intueri, ut interim obliti videamur, quod sint *Homines*. *Lucretius Poëta*, cum sibi ante oculos poneret *Agamemnonem*, Filiam propriam immolantem, exclamat; *Tantum Religio potuit suadere malorum!* Quid tandem dixisset,

xisset, si ei *Laniena Parisiensis*, aut *Conjuratio Pulveraria* in *Anglia*, innotuisset? Certe septies factus esset magis *Epicurus*, & *Athenis*, quam fuit. Nam quem admodum *Gladius Temporalis*, non temere, sed magno cum iudicio, in *Casu Religionis*, stringendus est; Ita monstri simile est, cum in manus Populi tradi. Sibi habeant hoc *Anabaptista*, & huiusmodi *Furix*. Certe, insignis fuit illa *Blasphemia*, cum diceret *Diabolus*, *Ascendam*; & ero similis *Altissimo*; Sed adhuc major. *Blasphemia* fuerit, si quis *Deum* introducat dicentem; *Descendam*, & ero similis *principi Tenebrarum*. Quid autem hoc ab illo differt, si *Causa Religionis* descendat, & precipitetur, ad *Crudelia* & *Execrabilia Scelera*, *Principes* trucidandi, in *Populorum* vitas grassandi, & *Imperia* funditus evertendi? Videtur quidem hoc perinde esse, ac si quis descendentem faciat *Spiritum Sanctum*, in specie, non *Columba*, sed *Vulturis*, aut *Corvi*; aut ex *Navi Ecclesia* erigeret *Vexillum Piratarum*, & *Assassinorum*: Quocirca, iustum est, & id ipsum necessitas *Temporum* flagitat, ut *Ecclesia* doctrina sua, & *Decretis* suis; *Principes* Gladio; omnesque *Litera*, seu *Religiosæ* sint, seu *Morales*, *Caduceo* suo; in *Barathrum Inferni* damnent, & detru-

10 DE UNITATE ECCLESIAE.

detrudant in secula , hujusmodi Facta , & doctrinas , iis Auctoritatem aliquam tribuentes ; Ut magna ex parte jam pridem factum est. Certe optandum esset , ut in omnibus circa Religionem Consiliis , ante oculos Hominum præfigeretur Monitum illud Apostoli ; *Ira Hominis non implet Iusticiam Dei.* Atque ut verum dicamus , optime & prudentissime observatum est ab uno ex Patribus , profundæ sapientiz viro ; nec minus ingenue , & sincere , ab eodem prolatum , & evulgatum ; Eos , qui conscientias premi , iisque vim inferri suadent , sub illo Dogmate , Cupiditates suas subtexere , illamque rem sua interesse , putare.

IV.

DE VINDICTA.

V *Indicta* agrestis quædam Justitia est ; quæ quo magis in Humana Natura serpit , eo fortius Legibus severis est evellenda. Etenim *Injuria* illata , Legem tantummodo violat ; At reposita , Legem Auctoritate sua plane spoliatur. Certe , in vindicanda injuria , æqualem se quis Inimico suo sistit ; In remittenda vero , superiorem : Regium enim est , Ignoscere. Equidem memini dixisse Salomonem , *Honori est Homini , offensas præterire.* Quod jam præterit , in integrum restitui non potest ;

At

At prudentes sat habent præsentia & futura curare. Nugantur igitur, & se frustra conturbant, qui præteritarum rerum satagunt. *Injuriam* nemo, *Injuria* ipsius causa, infert; verum, ut ex ea, Lucri aliquid, aut Voluptatis, aut Honoris, sibi conciliet: Cur igitur cupiam succenscam, quod se porius quam me diligit? Quod si quis ex malignitate mera sit injuriosus: quid tum? Etiam Spina & Rubus pungunt & lacerant, quia natura sua utuntur. *Vindictæ præcipue* Excusationem meretur, in iis *Injuriis*, de quibus Lege cautum non est. At simul prospiciat quis, ut Genus *vindictæ*, ejusmodi sit, quod non sit Legi obnoxium. Alias ipse sibi Pœnam conduplicat, Inimicus vero Lucrum facit. Sunt, qui, inter sumendam *Vindictam*, cupiunt, ut læsi intelligant, unde Malum illud sibi ingruerit. Nempe generosior est iste *Affectus*: Siquidem videntur illi non tam ipsa ultione delectari, quam ut læsum Facti sui pœniteat. At vili ingenio præditi, & maliciosi, instar sagittarum sunt, quæ per tenebras volant. Magnus *Dux Florentia Cosmus*, acutissimum telum vibravit in Amicos perfidos, aut in-curiosos. *Legimus* (inquit) & *mandatum habemus*, ut *Inimicis nostris ignoscamus*; at *nusquam* legitur, *astringi nos*, ad
ignos-

ignoscendum Amicis. Verum Spiritus Iob loquitur meliora; Numnam (inquit) de manu Dei bona accipiemus, neque mala itidem quandoque sustinebimus? Quod etiam, aliquo modo, de Amicis dici par est. Hoc certissimum est, Hominem qui Vindicta studet, sua vulnera refricare, quæ alias, sibi relicta, sanari & consolidari potuissent. Vltiones publica, maxima ex parte, prospere cedunt: Quales erant, propter eandem Cæsaris, eandem Pertinacis, eandem Henrici Quarti Magni illius Gallie Regis, & aliorum complurium. At in vindictis privatis hoc minime tenet. Quin potius, Homines Vindicativi vitam fere agunt Veneficarum, quæ ut aliis sunt exitiabiles, ita ipsæ plerumque exitum infaustum sortiuntur.

V.

DE REBUS ADVERSIS.

GRande prorsus sonabat Seneca, more Stoicorum, cum diceret; *Bona rerum Secundarum optabilia, Adversarum mirabilia.* Certe, si Miraculum recte ponatur illud, quod Naturam superat, cernuntur Miracula maxime in Calamitatibus. Ad priorem illam Sententiam magniloquentia superat alterum ex ejus Dictis; Et excelsius quiddam est, quam *Ethnico* conveniat. *Vere magnum, habere Fragilitatem*

tem *Hominis*, *Securitatem Dei*. Sane hoc Dictum in *Poësi* fuisset tolerabilius, ubi transcendentia ista magis probantur. Ac ut verum dicamus, *Poëta* hoc intactum non reliquerunt. Eadem enim fere res est, quæ adumbratur, in portentoso illo *Poëtarum* antiquorum Commento; Quod *Mysterio* videtur non carere; imo & *Statum Christianum* non obscure referre; Nimirum de *Hercule*; Qui cum ad solvenda *Promethæi* vincula proficisceretur, (in *Promethæo* autem figura Naturæ humanæ repræsentatur;) Oceani longitudinem in poculo *figulino* emensus est; Ubi ad vivum *Christiana Constantia* depingitur, quæ in fragili carnis testa, per Mundi fluctus, undique circumfusos, navigat. Verum ut à Granditæpe verborum, ad *Mediocrisatem* descendamus; *Rerum secundarum* præcipua virtus est *Temperantia*, *adversarum Fortitudo*; Quæ in *Moralibus*, reputatur pro virtute maxime *Hæroica*, Quin & *res proflera*, ad *Veteris Testamenti* *Benedictiones*; *adversa*, ad *Novi* *Beatitudines*, pertinent: Quæ, & re ipsa majores sunt, & clariorem *Divini favoris* revelationem exhibent. Attamen etiam in *Veteri Testamento*, si *lyra Davidis* aures præbeas, plures invenias *Troenos*, quam *Exultationes*; *Spiritus*, autem

tem

tem *Sancti* calamus, diffusius tractavit *Iob* afflictiones, quam felicitatem *Salomonis*. *Res prospera*, non sine plurimis timoribus & molestiis transeunt. *Adversa* itidem suis solatiis & spe non vacant. Videmus certe in acupictis, melius placere, cum imagines coloris lucidioris sunt, stamen autem telæ, coloris magis opaci, quam cum stamen ipsum splendidius est, imagines autem tenebrosiores. Iudicium igitur capi potest, quid cordi magis volupe sit, ex eo, quod oculos magis delectat. Habet certe *virtus* simile quiddam odoramentis quibusdam pretiosis, quæ fragrantissima sunt, aut incensa, aut tusa. Nam *fortuna prospera* potissimum *vitiis* hominum indicat, *adversa virtutes*.

VI.

DE DISSIMULATIONE

ET SIMVLATIONE.

Dissimulatio est artium Civilium compendium quoddam, & ars infirmior: Etenim, & ingenium acre, & robur animi constans, ad hoc requiritur, ut quis sciat, quando verum proferendum sit, atque id facere audeat. Itaque inter inferiores Politicos reponuntur, qui magni sunt *Simulatores*.

Quod discrimen, bene apud *Tacitum*,
Cassa-

Casarem Augustum inter, & Tiberium,
 adnotatum est. Etenim de *Livia* sic ait:
 Quod esset, *cum artibus maris, & simu-*
latione filii, bene composita. Artes Imperis
Augusto, Simulationem Tiberio attribuens,
 Idem alibi hisce verbis, *Mucianum* indu-
 cit, *Vespasianum* ad arma contra *Vitel-*
lium sumenda hortantem: *Non aduersus*
Augusti acerrimam mentem, nec aduersus
Tiberii cautissimam senectutem, insurgi-
mus. Quare hæ facultates, *Artium Civi-*
lium, & Simulationum, sunt prorsus di-
 stinguendæ. Esto igitur, ut sit felix ita
 quisquam acuminis, tantæque perspicu-
 ciæ, ut distinguere queat, quæ palam fa-
 cienda, quæ occultanda, quæ tanquam in
 crepusculo producenda, temporum etiam
 & personarum ratione penitata; (Quæ
 reuera artes sunt *Politice, & Civiles,* ut
Tacitus eas recte appellat, huic *Dissimu-*
latio impedimento erit, Quod si quis, ad
 hunc iudicii & discretionis gradum, ad-
 scendere non valeat, ei relinquitur tan-
 quam tutissimum, ut sit *Tectus, & Dis-*
simulator. Ubi enim in singulis non da-
 tur eligere, ibi in omnibus caute insilire
 tutissimum est; Cæcutientibus enim len-
 te movendum. Sane ubique reperias, ho-
 mines rerum tractandarum peritissimos,
 omnes fere Candorem, Ingenuitatem,

& Veracitatem, in negotiis præ se tulisse: Verum simul erant, tanquam equi, benedocti & domiti, qui subito, se sistere, & se vertere, norant. Quod si necessitas quædam ingruat, *Dissimulationem* profundam postulans, tunc quidem opinio & fama, de bona fide & veracitate eorum præconcepra, eos reddit prorsus invisibiles.

Consilia & mentem tegendi, aut velandi, gradus sunt tres. Primus est, *Taciturnitas*. cum quis sensus animi sui premit, adeoque relinquit in æquilibrio, ut, in quam partem propendeat, nemo facile conjecerit. Secundus *Dissimulatio* in Negativa, cum quis ex composito signa quædam & indicia jacit, se non eum esse, qui re vera est. Tertius *Simulatio* in Affirmativa, cum quis aperte fingit & prætexit, se eum esse, qui revera non est.

Quantum ad primum horum, *Taciturnitatem* scilicet; ea est certe *virtus Confessoris*. Atque profecto, *virtutaciturnus* multas audit *Confessiones*; Quis enim garrulo, & loquaci, pectus suum recludat? Quod si quis famam habeat *viri taciturni*, facile aliorum animos reserabit: sicut aër clausus apertum fugit. Atque veluti *delicta confiteri*, non ad aliquem finem collamat, qui ad res Civiles tendit, sed ad
con-

conscientiam sublevandam ; Ita certe *homines taciturni*, ad multarum rerum Notitiam simili de causa perveniunt ~~alium~~ homines , non tam impertire, quam exonerare animum suum cupiant. Ut paucis dicamus , *mysteria silentibus* debentur. Præterea , si verum loquamur etiam in animo, æque ac in corpore, deformis & invenusta est nuditas : neque parvam addit reverentiam consiliis & factis hominum, si minus pateant. At *loquaces & fustiles*, etiam plerumque leves sunt, & creduli. Qui enim eloquitur quæ scit, effutiet etiam quæ nescit. Ponatur igitur pro certo, *habitum Taciturnitatis virtutem esse Politicam, & Moralem*. Sed & illud addendum est, bonum esse homini, ut *vultus* suus *lingue officium* non præripiat. Nam, *revelatio animi ex vultu*, aut *gestu* magnus est defectus, & quædam quasi *prodigio* : eo magis, quod sæpenumero plus notatur, & fidem facit, quam verba.

Quantum ad Secundum, *Dissimulationem*, scilicet : Ex necessitate quadam illa *Taciturnitatem* sequitur. Adeo ut qui *seclusus* esse vult, *Dissimulator*, aliquatenus vel nolens evadet. Etenim astutiores sunt homines quam ut patiantur aliquem in æquilibrio se continere absque aliqua in alteram partem inclinationis suæ decla-

ratione. Ita quæstionibus subtilibus eum obsidebunt, & allicient, & excutient; ut, nisi confirmato & absurdo *silentio* se quis muniat, necesse ei fuerit, se *nonnihil prodere*: Quinetiam si hoc non fecerit, ex *silentio* ipso aliquid conjecturæ capient, non minus, quam ex *verbis*. Quod vero ad *Æquivocationes*, & *Oracula verborum* attinet, non poterunt illa diu valere. Ita ut nemo *rectus* esse queat, nisi aliquem *Dissimulationis* gradum sibi indulgeat: Quæ nihil aliud est, quam silentii quædam appendix, aut limbus.

Quantum vero ad tertium gradum, nimirum *Simulationem*, & *Professionem falsam*; Illam magis vitiosam, & minus Politicam, duco; nisi forte dignus vindice nodus incidere. Itaque perpetua Consuetudo *simulandi*, vitium est, aut ex ingenii lubricitate quadam, vel timiditate, ortum; aut etiam, ex animi constitutione, quæ vitio aliquo magno imbuta est: Quod, quia *occulare* oportet, *Simulationem* etiam in aliis adhibere & exercere efficit, ne forte habitus ipse intercidat.

Commoda Simulationis, & *Dissimulationis*, tria primum est, quod oppositionem amoliat, & homines imparatos aggrediatur, ubi enim consilia cujuscumque divulgata fuerint, *Adversarii*, veluti tuba,

exci-

excitantur. Secundum est, quod in hominis potestate relinquit, ut pedem referat, & se absque existimationis sue iactura de negotio subducatur. Si quis enim se manifesta declaratione obstringit, is cunctis quasi impactis includitur, aut pergendum est ei, aut turpiter desistendum.

Tertium est, quod ad aliena consilia deregenda viam aperiat. Etenim ei, qui sua consilia profert, non facile quis se adversarium profiteatur, verum assentabitur potius; & libertatem loquendi, in libertatem cogitandi, vertet. Itaque habetur apud *Hispanos* satis malignum Adagium: *Dic mendacium, & veritatem erues.* Perinde ac si *Simulatio* clavis esset ad secreta referenda. Tria etiam sunt *Simulationis, & Dissimulationis, incommoda*, ut ex æquo res compensetur. Primum, quod illa timiditatem arguant: id quod omnibus negotiis plumas vellic, ne perneciter ad metam advolent. Secundum, quod in ancipites cogitationes animos complurimum conijciant, qui fortasse alias cooperaturi fuissent, & studio suo rem promoturi: unde sine socia & amica opera ad fines suos solus quis ambulet. Tertium est, (idque maximum,) quod præcipuo ad actiones organo hominem priver: minimum *Fidei*. Optimum

30 DE PARENTIBVS ET LIBERIS.

num fuerit temperamentum, si quis *Veracitatis* famam obtineat, *Taciturnitatis* habitum, *Dissimulationis* usum tempestivum, & facultatem *Simulationis*, ubi opus fuerit.

VII.

DE PARENTIBVS ET LIBERIS.

Gaudia *Parentum* occulta sunt; nec minus dolores eorum, & metus. Illa certe verbis assequi nequeunt, hos autem proferre nolunt. Certe *Liberi* labores humanos suaviore, verum infortunia amariora, reddunt. Curas vitæ multiplicent, sed memoriam mortis mitigant. *Æternitas sobolis* etiam brutis communis est; Sed illa *Memoria Meritorum*, & *Operum*, propria est hominibus. Atque videre sane est, Opera nobilissima, & foundationes, ab *Orbis* profecta; quibus effigies animorum exhibere curæ erat, cum corporis imaginibus distituerentur. Adeo ut *Posteritati* maxime studeant, qui *Posteritate* carent. Qui honores in familiam suam primi introducunt, erga *Liberos* indulgentissimi sunt: Intuentur siquidem eos, non tantum ut *continuationem speciei* suæ, sed ut *verum à se gestarum heredes*: ideoque ut *Liberos*, & *Creaturas*. Gradus affectuum in *Parentibus* erga *Liberos* diversos,

versos, sæpe dispares sunt. Aliquando iniqui: ac potissimum in *matre*. Unde *Salomon* dicit; *Filius sapiens laetificat patrem: Filius vero stultus mæstitia est matri suæ*. In domo fecunda, & *Liberorum* plena, cernere quandoque est, unum aut alterum ex *senioribus* pluris æstimari; atque ex *junioribus* in deliciis esse: Sed in medio fortasse aliquos quasi oblivione transiri: qui nihilominus, haud raro optimæ indolis evadunt. Illiberalitas *Parentum* erga *Liberos* suos, error est plane noxius: Nam eos reddit animo degeneres; fallaciis deditos; ignobilium consortio se delectantes: magisque ad luxum propensos, quando rerum copiam adepti sunt. Itaque optime succedit, quando *Parentes* suam, apud *Liberos*, auctoritatem tuentur, crumenam laxant. Invaluit, tam apud *Parentes*, quam *Padagogos*, & *Famulos*, mos quidem ineptus; æmulationes inter *fratres* ferendi, & alendi, durante eorum pueritia: Quæ sæpenumero in discordias evadunt, post ætatem virilem, & *familias* turbant. *Itali* non magnum ponunt discrimen, inter *Liberos*, & *Nepotes*, aut *Cognatos*; Sed, modo sint è *massa sanguinis* non multum pensi habent, utrum sint *corpore proprio* editi, necnè. Atque si verum dicendum sit, in natura non multum in-

32 DE PARENTIBVS ET LIBERIS,

terest: adeo ut sæpe videamus, *Nepotem* *Auunculo* magis similem, aut *Cognato*, quam *Parenti* proprio; prout sanguis casu quodam derivatur. Curent *Parentes*, in tenera ætate *Filiorum* suorum, cui vitæ generi illos destinant: tum enim maxime sunt flexibiles, & cerei. Neque in hac electione respiciant nimis inclinationem *Filiorum* ipsorum: Quasi illud melius ar-
repturi sint, ad quod maxime videntur propensi. Verum est, si affectus, aut aptitudo *puerorum*, sit erga aliquod studium insignis, non expedire, ut quis naturæ aut indoli repugnet: Sed, ut plurimum præceptum illud sanum est; *Optimum elige, sume & facile illud faciet consuetudo* *Fratres* *juniores* plerunque sunt *fortuna filii*: Sed raro, aut nunquam, prosperum sortiuntur exitum, quando exheredantur *seniores*.

VIII.

DE NUPTIIS ET COLLIBATV.

QUI *Vxorem* duxit, & *Liberos* suscepit, *Obsoles* *Fortunæ* dedit; Sunt enim magnorum conatuum impedimenta, siue ad virtutem tendat quis, siue ad improbitatem: Certe præstantissima (ut alibi diximus) in usum Reipublicæ Opera, & Merita, à *viris* profecta sunt, *prole carentibus*; qui tam affectu, quam fortunis, Rem-

Republicam connubio sibi junxerunt,
 & dotarunt. Attamen rationi videatur
 magis consentaneum, ut qui *Liberos* re-
 linquunt, majorem futurorum temporum
 curam gererent; Ad quæ satis norunt *cla-*
riſſima illa ſua Pignora oportere trans-
 mitti: Sunt tamen, qui licet *Liberis* ca-
 reant, tamen memoriz suæ incuriosi sunt,
 & cogitationes vitæ tantum curriculo
 terminant, & tempora futura, ut ad se ni-
 hil pertinen tia, ducunt. Imo & alii non-
 nulli, *Vxorem & Liberos*, tantum in Ra-
 tionibus Expenſarum habent. Quinetiam
 reperiuntur aliqui fatui avari, qui glorian-
 tur fere, se *Liberis* carere, ut habeantur
 tanto ditiores. Audiverunt ſcilicet ali-
 quos dicentes, *Talis quiſſiam eſt diſiſi-*
mus; alios autem ſubiiterentes, *At Liberis*
compluribus oneratur: Quali divitiarum
 hoc eſſet decrementum. Verum *Cœliba-*
tus cauſa maxime frequens, eſt Liber-
 tis; Præſertim, in quibuſdam animis ſibi
 complacentibus & phantaſticis; qui o-
 mnis reſtrictionis ſenſum naſti ſunt tam
 acutum; ut cingula & perſcelidas fere
 habeant pro vinculis & compedibus. *Viri*
cœlibes optimi ſunt amici, optimi erga
 ſervos domini, ſervi etiam erga dominos
 optimi; At non ſemper ſubditi optimi:
 Sunt enim ad fugam expediti: Atque re-

34 DE NUPTIIS ET COELIBATV.

vera Transfugæ fere omnes sunt ejus conditionis. *Vita cœlebs Ecclesiasticis* bene convenit : Non enim facile quis eriget Solum, si prius stagni alicujus receptaculum interveniat. *Judicibus & Magistratibus* res est fere indifferens : Si enim faciles sint, & corruptelis dediti, servum aliquem videas uxore, multis modis, ad hujusmodi Lucra captanda, deterioreni. Quod ad *Milites* attinet, reperio certe, *duces*, apud *exercitus* suos concionantes, illis in memoriam redigere solere *Charitates Vxorum & Libervorum*. Reperio etiam, *Nuptiarum* contemptum apud *Turcas*, *milites* vulgares reddere viliores. Sunt certe porro, *Vxor & Libers*, disciplina quædam humanitatis; atque *Cœlibes*, etiam sæpenumero magis sunt munifici & charitativi, quia fortunæ eorum minus exauriantur, sunt tamen, ex altera parte, magis crudeles, & sine visceribus, (idonei qui sint severi inquisitores) quia indulgentia & teneritudo affectionum suorum non tam sæpe evocatur & excitatur. Naturæ graves, & consuetudine ductæ, ideoque constantes, sunt plerunque uxoris : ut de *Vlyffe* perhibetur; *Vetulam suam prætulit immortalitati*. *Mulier* casta, sunt plerunque superbæ, & protervæ, merito pudicitie suæ elatæ. Inter vincula præstantissima

tissima castitatis, & obsequii *uxoris* erga *maritum*, illud censei debet, si virum suum *uxor* prudentem putet; Quod nunquam faciet, si eum inveniat *zygotypum*. *Vxores*, Iuvenum dominæ sunt; Mediæ ætatis, sociæ; Senum, nutrices. Adeo ut adsit ansa ad *uxorem* ducendam ætatibus singulis. Inter *Sapientes* tamen numeratus est ille, qui interrogatus; *Quod esset tempus opportunum Nuptiarum?* respondit; *Iuvenibus non adhuc, senibus non omnino* Sæpe fit, ut *mariti* deteriores, bonas habeant *uxores*; Sive hoc fiat, quod hoc modo pretium addatur *mariti* benevolentia, per vices; sive quod *uxores* in patientia sua gloriantur. Hoc autem nunquam fallit. si huiusmodi *mariti*, ab *uxoribus* ipsis expetiti & electi fuerint, contra consensum amicorum; Tunc enim animus iis semper adest, ut stultitiæ suæ poenitere non videantur.

IX.

DE INVIDIA.

EX *Affectibus*, nulli sunt, qui existimantur *fascinare*, præter *Amorem*, & *Invidiam*. Uterque acriter progignit delideria; Uterque se perniciousiter efformat in phantasias, & suggestiones: Atque uterque facile incendit in oculos: (præcipue
B 6 quando

quando Objectum adest;) Quæ omnia ad *Fascinationem* faciunt; si modo *Fascinator* aliqua sit. Videmus etiam, *Scripturam*, *invidiam*, *oculi mali* nomine insignire; atque Astrologos, malos astrorum influxus; *Malignos Aspectus* vocare. Ita ut agnosci ab omnibus videatur, in *Invidia*, ejusque operatione, ejaculatio quædam, & irradiatio ex oculis. Quin & nonnulli tam extiterunt curiosi, ut notaverint, tempora, quibus ictus & percussio *oculi invidi* plurimum obest, tum præcipue esse; cum persona, in quam *Invidia* torquetur, spectatur in Gloria, & Triumpho: Etenim hoc mucronem *Invidia* acuit; Atque insuper illis temporibus spiritus Personæ invisæ prodeunt maxime in exteriora unde ictui occurrunt.

Verum, missis istis rebus curiosis (licet non indignis, quæ in considerationem veniant, sed loco idoneo,) tractabimus hæc tria: *Qui sint ad invidendum maxime proclives; Qui sint Invidia maxime obnoxii: Et quæ sit differentia inter Invidiam publicam, & privatam.* Quæ virtutis ipse expers est, *invidet* virtuti alterius. Etenim animi hominum, se pascunt & delectantur, aut Bono proprio, aut Malo alieno; Quique primo alimentum caret, satiabit se secundo; Et qui nullo

nullo modo sperat se ad virtutem alterius pervenire posse, ipse fortunam ejus libenter deprimat, ut minor intercedat disparitas.

Vir curiosus, & se alienis rebus immiscens, ut plurimum *invidus* est. Etenim, de rebus alienis multum inquirere, neutiquam eo spectare possit, quod operosa illa sedulitas suis rebus conducatur: Itaque fieri non potest, quin hujusmodi *vir*, Scenicam quandam voluptatem capiat, aliorum fortunas spectandi: neque, qui rebus propriis tantum intentus est, segetem *Invidia* multam reperiet. *Invidia* enim passio est cursum, & plateas terit, nec domi se continet; *Non est curiosus, quin idem sit malevolus.*

Viri natalibus Nobiles, *invidia*, erga novos homines, notam subeunt. Etenim mutatur intervallum. Et simile est hoc deceptioni visus; Cum res retrocedere videantur, aliis se promoventibus.

Deformes, & *Eunuchi*, & *Senes*, & *Spu-riti*, *invidi* sunt. Etenim, qui conditionem suam emendare nullo modo potest; conditionem alterius, pro viribus suis labefactabit. Nisi forte hi defectus in generosa & heroica ingenia inciderint, quæ defectus proprios naturales, in honoris sui incrementum verrere nitantur; scilicet,
ut

ut fama hoc arripiat, *Eunuchum*, aut *Claudium*, tam magna perpetrasse; Miraculi nimirum honore affectato. Id quod evenit *Narfeti eunucho* & *Agésilao*, atque *Tamberlani*, qui *claudi fuerunt*.

Eadem fere ratio est hominum, qui & *calamitatibus resurgunt*. Sunt enim perun-que temporibus infensi; atque alienas calamitates, tanquam suarum molestiarum redemptiones, gustant.

Qui in plurimis excellere contendunt, levitate & gloria vana mori, necesse est ut sint *invidi*. Ubique enim occurrunt Ob-jecta *Invidia*: cum fieri nequeat, quin aliqui in tot rebus illos superent. Qui fuit Character *Imperatoris Adriani*, qui Poetas & Pictores, & Opifices alios, in iis scilicet operibus; quibus ipse præcellere gestiebat, capitali quadam invidia prosequabatur.

Postremo Propinqui, & Collega, & una educati, ad invidendum æqualibus, cum evahuntur, proni sunt. Etenim exprobrat hoc illis fortunam propriam, eosque quasi digito monstrat, & frequenter eorum memoriam vellicat; Quin etiam in aliorum notam hæc fortunæ collatio magis incurrit. *Invidia* autem à fama & sermonibus, semper reflectitur, & conduplicatur. Unde *Invidia Cainis*, erga fratrem

Abe-

Abelem malignior fuit, quia cum sacrificium *Abelis* magis acceptum Deo fuit, nemo inspexit. Atque hæc de iis, qui ad invidendum proclives sunt.

Quantum ad illos, qui *Invidia* magis aut minus obnoxii sunt; Primo, iis, qui eminente virtute præditi sunt, minus invidetur, cum promoventur: Promotio enim eorum, videtur ex debito; Debitum autem solutioni nemo invidet, sed largitioni supra meritum. Atque etiam, *Invidia*, non sine comparatione est; Ubi autem nullus comparationis gradus, nulla *Invidia*; Itaque *Regibus* non invidetur, nisi à *Regibus*. Illud tamen observatione dignum est, Personis indignis, sub primum honoris sui ascensum, maxime invideri; postea vero minus; ubi contra, Personæ dignæ, & meritis insignes. *Invidiam* tum demum experiuntur, postquam fortunæ eorum diutius duraverint. Etenim, licet virtus eorum eadem maneat, tamen minus sit illustris; Recentes enim oboriantur homines, qui eam obscurant, Nobiles genere, minus *Invidia* expositi sunt cum honoribus cumulantur: Etenim nihil aliud videtur, quam debitum Majoribus suis repensum: præterea, parum fortunæ eorum additum videtur: *Invidia* autem, more radiorum Solis, in clivo arden-

ardentior est, quam in plano. Itaque eandem ob causam, qui *per gradus* evchuntur, minorem subeunt *Invidiam*, quam qui *per saltum*.

Qui cum *honoribus* suis conjunctos habent *labores magnos, curas, & pericula*, *Invidia* minus laborant. Etenim, existimant homines, eos, honores suos, caro pretio emere, & misereri potius ipsorum nonnunquam incipiunt: Misericordia autem semper fere sanat *Invidiam*. Itaque notabis plerumque, ex viris Politicis, & honore fulgentibus, magis sanos & sobrios, semper querimonias fundere, qualem vitam traducunt; canentes illud, *Quanta patimur!* Non quod ita sentiant, sed quo *Invidia* aciem retundant. Verum hoc intelligi debet, de negotiis, quæ hujusmodi viris imponuntur, non de iis quæ ipsi ad se attrahunt. Nihil enim *Invidiam* magis suscitât, quam ambitiosum & immodicum negotiorum monopolium: Nihilque è converso, *Invidiam* extinguit magis, quam si quis in summis honoribus constitutus, aliis Officiis inferioribus nihil detrahat. Hoc enim modo, quot illi ministri sunt, tot se regit umbraculis ab *Invidia*.

Super omnia, illi *Invidiam* in se concitant maxime, qui fortunarum suarum
ampli-

amplitudinem insolenter & tumide ostentant; nunquam sibi placentes, nisi dum potentiam suam jactent, vel per pompam exteriorem, vel triumphando de Adversariis aut Competitoribus suis dejectis: ubi contra, Viri prudentes sacrificare quandoque *Invidia* ament, de industria interdum permittentes se vinci, in rebus, quæ minus eis cordi sunt. Nihilominus, illud verum est, potentiaæ ostentationem apertam, & indissimulatam, (modo abut arrogantia & gloria inanis) minore *Invidia* laborare, quam si callide & quasi furtim se notæ subtrahat. Etenim, hoc cum sit, nihil aliud facit quis, quam ut Fortunam insimulet, quasi ipse sibi esset conscius indignitatis suæ: unde alios ad sibi *invidendum* stimulat.

Postremo, ut huic parti finem imponamus; Quemadmodum in principio diximus, *Invidia* actum aliquid habere in se ex *Venefico*; Ita non alia est *Invidia* curatio, quam quæ solet esse *Veneficii*, & *Incantationis*: hoc est, *Sortis translatio* (ut vocant,) & in alium *remotio*. Ad quem finem, prudentiores ex honoratis, semper in Scenam introducunt aliquem in quem *Invidiam*, in se alias incursum, derivent: quandoque in ministros & servos, quandoque in Collegas & socios; aut
in

in alios quosdam eam rejicientes. Neque ad hunc usum umquam desunt Personæ aliquæ violentæ, & temerariæ; quæ, modo potentiam & negotia agitent, ea quovis periculo mercari non dubitent.

Jam vero, ut de *Publica invidia* loquamur. Ea saltem aliquid in se habet boni; ubi in *Privata invidia* nihil prorsus inest boni. *Publica* enim *Invidia*, instar salubris *Ostracismi* est, qui viros magnos, supra modum excrecentes, coercet, unde etiam fræno est viris præpotentibus, ne se nimium efferant.

Hæc *Invidia*, quæ *Mala Contentatio* modernis linguis appellatur, (& in Titulo de Seditionibus plenius tractabitur,) est in *Regnis & Rebus pub. contagioni* non absimilis. Etenim sicut *contagio* in sanas partes serpit, easque corrumpit; Ita etiam, quando *Invidia* statum occupaverit, vel optima Reip. Mandata & Instituta in odium vertit, & graveolentiam quandam. Itaque parum proficitur intermiscendo actiones gratas & populares odiosis; Etenim, hoc ipsum imbecillitatem & *Invidia* metum argruit; Quæ tanto magis nocet, ut sit etiam in *Contagionibus*, quæ, si tibi ab iis metuas, facilius irruunt.

Ac *publica* ista *Invidia*, magis in *Rogum* Officiarios & ministros involat, quam

quam in *Reges* ipsos Attamen ecce Regulam quæ vix fallit; Si *Invidia*, quæ ministro incumbit. sit magna, causa autem parva; aut si *Invidia* quasi generalis sit, & omnes Status ministros complectatur: tunc *Invidia* (etsi occulto) *Regem*, aut *Statum* ipsum, petit. Atque hæc dicta sint, de *Publica Invidia*, aut *Contentione mala*; atque de ejus Differentia ab *Invidia privata*, quam priore loco tractavimus.

Addemus etiam, in genere, de affectu *Invidia*, hoc insuper; cum inter omnes *Affectus* esse maxime importunum, & aspiduum. Etenim, aliis *Affectibus* excitandis subinde præbetur occasio; Recte autem dictum est; *Invidiam festos dies non agere*; Quia semper materiam se exercendi reperit. Unde etiam observatum est, *Amorem & Invidiam*, maciem hominibus inducere; id quod alii *Affectus* non faciunt, quoniam non continui sunt. Est etiam *Invidia Affectuum* vilissimus & pravissimus: Quam ob causam proprium est Attributum *Diaboli*; Qui dicitur, *Invidus homo: qui Zizanijs inter Triticum noctu seminavit*: Quemadmodum etiam semper evenit, ut *Invidia* callide & in tenebris operetur, ad præjudicium cujusvis rei optimæ, veluti *Tritici*.

A Moris plus debet Scena, quam Vita. Etenim in Scena, *Amor* semper Comœdiæ præbet Argumentum; quandoque etiam & Tragediæ; At in vita humana, multum plerumque affert hocumentari; Nunc ut *Sirenum* aliqua, aliquando ut *Furiarum*. Observare licet, neminem ex Viris Magnis & Illustribus fuisse (quorum extat memoria; vel antiqua; vel recens;) qui ad actus fuerit ad insanum illum gradum *Amoris*. Unde constat, animos magnos, & negotia magna, infirmam hanc *passionem* non admittere; Excipere tamen oportet *Marcum Antonium*. Imperii *Romani* Duumvirum, & *Appium Claudium*, Decemvirum, Legislatorum inter Romanos principem. Quorum prior fuit revera homo luxuriosus, & voluptatibus deditus; Alter autem vir fuit prudens & austerus. Unde quis perspiciat, *Amorem* (quam rarius) aditum reperire posse, non solum in cor apertum, sed & bene munitum, si diligenti custodia non asservetur. Abiectum quidem, & pusillanimum, est illud *Epicuri* dictum; *Satis magnum alter alteri Theatrum sumus*. Quasi homo natus ad contemplationem Cœli & Cœ-

& Cœlestium, Idolum adorans minutum, fatageret, se submittendo, si non ori, ut bruta, oculo tamen, certe ad altiora contemplanda dato. Mira res videbitur, si passionis hujus excessum perpendamus, ac quomodo ipsi rerum naturæ & valoris vero insultet, vel hoc ipso, quod Hyperbole perpetua nulli rei conveniat, præterquam *Amori*. Neq; hæc Hyperbole solummodo in locutionis phrasi cernitur. Cum enim verissime dictum sit, Adulatorum principem, quo cum ceteri adulescentes minores conspirant, esse unumquemque sibi ipsi; profecto *Amator* aliquid amplius est. Nunquam enim fuit quisquam adeo superbus, qui se ipsum tam absurde magnificeret, quam *Amator* personam amaram. Recte itaq; receptum est illud divinum, *Amare & Sapere, vix Deo conceditur*. Neque aliis tantummodo manifesta est hæc Phrenesis, *Persona* autem *amata* minime, sed & *Amata* potissimum, nisi *Amor* sit reciprocus. Certissimum enim est, *Amorem* semper rependi, aut *Amore* mutuo: aut *Contemptu* intrinseco, & secreto. Quo magis cavendum est hominibus ab hac passione; quæ non solum alias res perdit, sed & se ipsam. Quæ alia infert damna, belle illa exprimit *Poëtarum* fabula: *Eum* scilicet, qui *Helenam* prætulit, *Iunoni* donæ,

na, &

na, & Palladis, amisisse. Quisquis enim *Amatoriiis affectibus* nimis indulget, & divitiis & sapientiæ nuncium remittit. Habet hæc *passio* ætus suos, in ipsis temporibus, quibus animus maxime mollis est, & infirmus: nimirum in rebus prosperis, aut adversis: Quanquam hoc posterius minus forsan observatum fuerit. Utraque enim tempestas *Amorem* accendit, redditque flagrantior; unde evincitur esse stultitiæ proles. Optime illi, qui si *Amores* omnino nequeant extrudere, eos tamen in ordinem redigunt; & à rebus seriis vitæque negotiis, segregant. Si enim illis *Amor* se immisceat, turbat omnia, hominesque eo compellit, ut fines suos recta petere non possint. Quicquid in resit, viri militares *Amoribus* dediti sunt; opinor, non aliter, quam vino. Poscunt enim plerunque pericula, compensationem voluptariam. Inest ingenio humano motus quidem arcanus, & tacita inclinatio, in *Amorem* aliorum: Qui si non insumatur in unum, vel paucos, naturaliter se diffundit in plures; atque homines reddit humanos, & charitativos: Quemadmodum videre licet nonnunquam in *Monachis*. *Amor conjugalis* genus humanum creat; *Amor socialis* perficit; *Amor vero lascivus* inficit, & dehonestat.

DE MAGISTRATIBUS ET
DIGNITATIBVS.

Viri in *Magistratu* collocati, ter servi: servi Principis vel Politicæ; servi famæ; & servi negotiorum. Adeo ut libertate neutiquam fruantur; nec in personis, nec in Actionibus, nec in temporibus suis. Mirum cupiditatis genus, potestatem appetere, libertatem amittere: vel potestatem in alios ambire, potestatem in se ipsum exuere: Ascensus ad *Dignitates* arduus est; Et per labores pervenitur ad labores majores: Sæpe quoque *Indignitatibus* non vacat; Atque per *Indignitates* pervenitur ad *Dignitates*. Statio in *Dignitatibus* res lubrica est; Atque regressus, aut præcipitium est, aut saltem Eclipsis; quæ & ipsa triste quiddam, & Melancholicum. *Cum non sis qui fueris, non esse cur velis vivere.* Imo nec regredi datur, etiamsi quis cupiat; Neque regredi volunt homines, cum ratio postulat ut id facerent; Verum Impatientes manent vitæ privatæ, etiam cum senectus aut infirmitas ingruit; quæ umbram & otium postulant, sicut oppidani senes, qui ante ostium sedere volunt, licet se eo pacto derisui exponant. Sane, Viris in *Magistratibus*

48 DE MAGIST. ET DIGNITAT.

tibus positis opus est; ut aliorum opinio-
nes mutuentur, quo se ipsos beatos pu-
tent; Nam si iudicent ex sensu proprio,
nihil hujusmodi reperient: Verum, quan-
do secum cogitent, quid alii de ipsis sen-
tiant, & quam libenter alii condiciones
cum illis permutare vellent, tum demum
beati sunt, tanquam rumore tenus: cum
intus fortasse contrarium experiantur. Si-
quidem dolores suos primi omnium sen-
tiunt, licet culpas suas omnium novissi-
mi. Certe *Viri Potestatibus sublimes*, ipsi
sibi ignoti sunt; Et dum negotiis distra-
hantur, tempore carent, quo sanitati, aut
corporis, aut animæ suæ, consulant;

Illi mors gravis incubat,

Qui notus nimis omnibus,

Ignotus moritur sibi.

In *Potestatibus*, licentia magna datur, &
boni, & mali: Quorum posterius pro ma-
ledictione habendum; In malis enim, o-
ptima conditio est, nolle; proxima, non
posse. Certe potentia bene merendi, ve-
rus est & legitimus ambitionis finis. Et
enim bene cogitare; licet Deo acceptum
sit, tamen versus homines non multo me-
lius est; quam bene somnare; nisi in a-
ctum producatur. Id autem fieri non po-
test sine *Munere* aliquo, publico & *Pote-
state*; veluti Solo superiore & elevato,

Neri-

Merita & Opera bona, sunt veri fines laborum hominis: Atque eorundem Conscientia perfectio humanæ quietis. *Et conversus Deus, ut aspiceret opera, quæ fecerunt manus sue, vidit quod omnia essent bona nimis: Tum sequitur Sabbatum. In Munere tuo perfungendo, propone tibi exempla optima; Imitatio enim globus est præceptorum; Et post tempus aliquod propone tibi exemplum proprium; Atque in te ipsum stricte inquiras, num non melius inceperis, quam perstiteris: Nèque rursus exempla eorum negligas, qui eodem Munere praviter functi sunt: non ut te ipsum, eorum memoriam carpendo, vendites: sed ut monearis, quid evitare debeas. Institue igitur reformationem, sed absque elatione Tui-ipsius, aut scandalo priorum temporum, & personarum; Hoc tamen tibi constitutum sit, Exempla præclara non minus introducere, quam imitari. Retrahe res ad primam earum institutionem; Et circumspicias, in quibus, & quibus modis, degeneraverint. Attamen utrumque tempus consulas; tum antiquius, ut cognoscas quid optimum fuerit; tum recentius, ut notus, quid fuerit aptissimum. Contende, ut quæ agis pro Potestate, tanquam Regulis quibusdam cohibeantur; ut homini-*

C bus

50 DE MAGIST. ET DIGNITAT.

bus tanquam digito monstres, quid illis sit expectandum: Neque tamen nimium sis pertinax, aut peremptorius: Atque semper, cum à Regula recesseris, quid sit quod agas, diligenter expone. *Muneris* tui Jura constanter tueare; Neque propterea lites de Jurisdictione facile move: Atque ita te geras, ut potius Jura tua assumes & exerceas tacite, & de facto, quam ut Quæstiones de iis cum strepitu suscites, & agites, Jura etiam inferiorum *Munerum*, tibi subordinatorum, defende, ac ne destitue. Tibique majori honori dicas rerum summas præscribere, quam in omnibus satagere. Amplectere, imo invita, qui tibi adjumento sint & informationi, ad *Muneris* tui executionem; neque abige eos, qui operam suam ad hoc tibi deferunt, tanquam se ingerentes; sed potius cum favore eos allicias, & recipias.

Vitia in Auctoritate utenda, & exercenda, sunt præcipue quatuor. *Mora nimia*, *Corruptela*, *Asperitas*, & *Facilitas*. Quantum ad *Moras*, faciles aditus præbe; tempora præstituta serva; inchoata quæ sunt perfice; neque negotia nova intermisce, nisi urgeat necessitas. Quantum ad *Corruptelas*: non solum manus tui ipsius & tuorum liga, ne munera accipiantur; Sed etiam manus supplicantium, ne ea offerant.

ferantur. Prius horum præstat certe integritas adhibita; verum ea ipsa prædicata, & ex professo, idque cum detestatione *Corruptelarum*, etiam posterius assequitur. Neque tantum culpam, verum etiam suspicionem devita. Quicumque mutabiles sunt, & manifesto alterantur absque causa manifesta, injiciunt suspicionem de *Corruptelis*. Itaque, perpetuo, cum ab opinione tua quam declatasti, aut processu quem incepisti, deflectas, ingenue hoc ipsum profiteri; simul & causas quæ te ad hoc commoverunt sedulo declares & inculces; neque rem suffurari te posse credas. Servus gratosus, & apud Dominum potens, si non extet aliqua favoris causa manifesta, reputatur plerumque nihil aliud quam via obliqua ad *Corruptelas*. Quantum ad *Asperitatem*; invdiam, & malevolentiam parit illa, nihil inde metens: *Severitas* siquidem metum incutit, *Asperitas* odium parit. Etiam Reprehensiones de loco superiore, graves esse debent, non contumeliosæ. Quantum ad *Facilitatem*: ea *Corruptelis* etiam deterior est: *Corruptela* enim interdum & subinde tentantur; Quod si quis importunitati pateat, aut respectibus levioribus ducatur, hæc ei ubique aderunt. Sicut ait *Salomon*; *Personas respicere non est bonum*;

52 DE MAGIST. ET DIGNITAT.

num; Talis enim offendet pro brucella panis.
 Verissimum sane; quod à veteribus dictum est; *Magistratus virum indicat.* Alios autem iudicat in melius, alios in pejus; *Omnium consensu capax Imperii, nisi imperasset;* inquit, Tacitus de Galba: Contra de *Vespasiano* idem; *Solus Imperantium Vespasianus mutatus in melius.* Licet alterum intelligat Tacitus de Arte Imperatoria, alterum de Moribus & Affectibus. Signum est luculentissimum indolis generosæ, si quis *honoribus* emendetur. Est enim *Honor*, aut saltem esse debet, *locus virtutis*: Atque quemadmodum in Natura, corpora moventur rapide ad locum, placide in loco: ita virtus in ambitu violentior est, in *honore* adepto sedatior. *Ascensus* omnis ad *Dignitatum fastigium*, incedit tanquam per scalam graduum flexuosam; Atque, si *factiones* valeant, bonum fuerit, alteri parti adherere, dum quis *honorem* scandat: at se ad æquilibrium reducere, postquam eundem fuerit consecutus. Memoriam *Prædecessoris* tui illæsam conserva. Hoc si non feceris, debitum tibi hoc à *Successore* tuo rependetur. *Collegas* etiam amici tracta, & potius advoca cum illud minime expectent, quam exclude cum consentaneum fuerit eos advocari. Ne sis loci tui nimis
 memor,

DE AVDACIA. 53

memor, aut crebram de eo mentionem facias, in quotidianis sermonibus, aut conversatione privata; sed potius prædicetur de te; *Alius prorsus vir est; cum sedet, & munus suum exercet.*

XII.

DE AVDACIA.

IN Scholis tritum est dictum, nec tamen Sapientis observatione indignum. Interrogatus olim *Demosthenes*, quænam prima *Oratoris* virtus? respondit, *Assio*. Quæ secunda? *Assio*. Quæ tertia? Itidem respondit, *Assio*. Ipse dixit, qui rem optime noverat; nec tamen in eo, quod laudabat, multum Naturæ debebat. Mira certe res, illam *Oratoris* partem, quæ non ultra corticem penetrat; & *Histrionis* potius virtus censenda est, quam *Oratoris*; in locum tam sublimem, supra nobiliores illas partes, *Inventionis*, *Elocutionis*, & cæterarum, extolli; Imo quasi omne tulisset punctum, pene solam prædicari. Sed in promptu ratio est: Inest enim naturæ humanæ, plerunque, plus stulti, quam sapientis. Unde & facultates ex, quibus capitur pars illa in animis mortalium stulta, sunt omnium potentissimæ. Huic mire convenit, & quasi parallela est, *Audacia* in negotiis Civilibus. Quid in istis

primum? *Audacia*. Quid secundum? Quid tertium? *Audacia*. Attamen utrumque ignorantiae, & sordidi ingenii, proles est *Audacia*; cæterisque Civilis scientiae partibus longe impar. Sed nihilominus fascinar, & captivos ducit eos, qui vel iudicio infirmi sunt, vel animo timidiore: Tales autem sunt hominum pars maxima. Quin & sapientibus ipsis, cum animis vacillent, vim injicit. Idcirco videmus *Audaciam*, in Democratiis, plurimum valuisse; Apud Senatores vero, & Principes, certe minus. Imo quando primo rebus gerendis admoventur *Audaces*; plus possunt, quam postea: Nam male pollicita praestat *Audacia*. Sane quemadmodum interveniunt agyrtæ, qui corpori naturali mederi profitentur; sic & corpori Politico non desunt homines, qui curationes vel difficillimas suscipient; Quibus forsitan in paucis aliquibus experimentis feliciter successit; sed cum scientiae principia non gustarint, sæpius excidunt Imo videre est nonnunquam hominem *Audacem*, miraculum illud *Mahometis*, edentem. Populo persuasit *Mahometes*, se collem ad semet evocaturum: atque à summo ejus jūgo, preces pro legis suæ cultoribus, oblaturum. Populus magna frequentia convenit: collem, ut ad se veniret,

ret, iterumque iterumque vocavit *Mahometes*; sed cum Collis immotus maneret, ille (nihil omnino pudefactus) inquit; *Si collis ad Mahometem accedere nolit, ad collem ibit Mahometes*. Sic & istiusmodi homines, quando ingentia quædam in se susceperunt, turpissimeque in iis defecerunt, tamen (si ad ipsum *Audacia* culmen pervenerunt) lusu rem excipient, & se vertent, & nihil aliud. Homini- bus profecto magno iudicio præditis, ludibrio sunt *Audaces*; Imo & apud ipsum vulgus *Audacia* aliquid habet ridiculi. Nam si risus Objectum sit absurditas, ne dubites, quin magna *Audacia* semper secum habeat aliquid ridiculi. Neque fere jucundius est spectaculum, quam videre in *Audace* oris confusionem: Vultum enim tunc nanciscitur in se reductum, sed deformiter. nec aliter fieri potest. Nam in verecundantibus fluunt paulatim, refluuntque spiritus; sed *Audaces*, quando tale quidpiam illis contingit, attoniti hærent; ut sit in *Schaccia* ludo, quando non vincitur collusor, sed torpet tantum motus. Atqui hoc postremum, Satyræ aptius, quam serix observationi. Illud vero animadvertendum, *Audaciam* semper cæcamesse. Discrimina enim & obstacula nulla videt: Quare in delibe-

56 DE BONIT. ET BONIT. NATIVA.

tando nocet, in exequendo juvat. Adeo
ut, si *Audaces* turo adhibere velis; sum-
mum illis Imperium non deferas; secun-
dæ Classi annumerentur, & ab aliis regan-
tur. Nam in consiliis capiendis, pericula
ante oculos habere bonum est; in execu-
tione autem, oculos claudere oportet, nisi
pericula valde magna fuerint.

XIII.

DE BONITATE, ET BONI-
TATE NATIVA.

Bonitatem eo sensu accipio, ut sit af-
fectus, qui hominum commoda stu-
deat, & bene velit: Quam eandem Græ-
ci *φιλανθρωπία* vocant. *Humanitatis* au-
tem vocabulum (prout vulgus ea utitur)
levius aliquanto est, atque angustius,
quam ut vim ejus exprimat. *Bonitatem*
scilicet appello Affectum, & Habitum;
Bonitatem autem *nativam*, Inclinationem.
Bonitas vero inter omnes virtutes,
atque animi dignitates, facile primas ob-
tinet; cum sit ipsius *Divina natura* adum-
brata quædam effigies, & character: Qua
è rebus sublata, *homo animalis* nihil aliud
fuerit, quam res inquieta, scelestæ, mi-
sera, imo species quædam noxiorum ver-
mium. *Bonitas Mornli*, virtuti illi Theo-
logicæ, *Charitati*, respondet; neque ex-
cessum

cessum quidem capit, aberrationem autem patitur. Immodica scientiæ cupiditas Angelos cælo deturbavit; immodica scientiæ cupiditas hominem Paradiso expulit: At in Charitate non datur excessus, neque per eam aut Angelus, aut Homo, unquam periculum subire possit. Inclinatione autem ad *Bonitatem*, altis defixa radicibus, naturæ humanæ insidet: Quæ si benefaciendi materia, aut occasione, destituta, non inveniat, quo se exerceat in homines, desectet certe in brutas animantes. Quod in *Turcis*, gente utique fæva & fera, videre est; Qui nihilominus erga bruta animalia misericordes sunt, & eleemosynas canibus & avibus distribuunt. Adeo ut, (referente *Busbequio*) *Aurifex* quidam *Venetus*, *Byzantii* agens, vix tutorem populi effugerit, quod avis cujusdam, rostri oblongi, fauces, inserto baculo, diduxisset. Neque tamen erroribus suis vacat, *Bonitatis* hæc, & *Charitatis*, virtus. Nequam apud *Italos*, jactatur Proverbium; *Tanto buon, che val niem te. Adeo bonus, ut ad nihil bonus.* Neque subversus est *Nicolaus Machiavelus*, literis concedere, idque disertis fere verbis; *Eidem Christianam, homines probos & innocentes in pradam Tyrannorum iniquitati dedisse.* Quod ideo pronun-

C 5

ciavit,

ciavit, quia nulla usquam Lex, nulla secta
aut opinio, tam in immensum extulit *Bonitatem*,
quam *Religio Christiana*. Quo
melius itaque, extra scandali, adeoque pe-
riculi ictum & minas; tuti consistamus,
operæ precium erit nosse *Errores*, qui nos
à recto tam insignis *Habitus* tramite,
transversos agant. Ita aliorum *bono* stu-
deas, ne te illorum interea aut vultibus,
aut voluptatibus, mancipio dedas. Illud
enim facilitatis, atque mollietatis indicium
est, quæ honestam mentem in vincula ca-
ptivam abducit: Neque projicias *Æsopi*
gallo gemmam, cui gratus & felicius ce-
dere granum hordei. *Dei* exemplum, in
hac re, pro præcepto tibi sit. *Ille pluvia*
suarigat, Sole suo irradiat justos juxta
ne injustos: Non tamen omnes ex æquo,
aut opum imbre compluit, aut honorum,
virtutumve splendore, illustrat. Com-
munia quidem beneficia cuivis sunt com-
municanda: peculiariora vero paucis, &
cum delectu. Cave autem, ne dum effi-
giem sculpas, Archetypum destruas.
Theologia quippe, *Amorem nostri ipsius*
pro Archetypo statuit, *Amorem proximi*
pro imitamento. *Vende omne quod habes,*
atque largire pauperibus, & sequere me.
At noli omne, quod habes, vendere, nisi
venias, & sequaris me: hoc est, nisi ejus-
modi

DE BONIT. ET BONIT. NATIVA. 59

modi vitæ institutum ingrediariis, in quo, æque ex parvis opibus, ac ex magnis, poteris aliis benefacere. Secus, dum rivos alis, fontem exhauris: Neque intérea habitus tantum *Bonitatis* reperitur ad rectæ rationis normam applicatus, sed etiam in quibusdam hominibus reperitur *Indoles Naturalis*, ad eam propensa; Uti è contra in aliis *naturalis* quædam *Malignitas*. Sunt enim, qui ex ingenii proprii instinctu averfentur aliorum bonum. Et levius quidem *Malignitatis* genus, in morositatem cedit, aut perversitatem, aut præcipitem opponendi, & se in singulis difficilem præbendi, libidinem, & similia: Gravius tamen illud, atque altius, ad invidiam producit, meramque *malitiam*. Hujusmodi homines in alienis calamitatibus fere florent, easque semper aggravant: Non digni certe, qui conferantur *canibus* illis, qui *Lazaris* delingebant ulcera; sed *mustis*, quæ cruda quæque & excoziata infestant. Non paucos reperias *Misanthropos*, quibus volupe est deducere homines ad suspensii ramum, neque tamen arborem habent in hortis suis, qualem *Timon* habuit. Ingenia ita disposita, non injurie vocare licet, humanæ naturæ vomicas, & carcinomata. Sunt tamen hæc ligna accommodatissima, è

60 DE BONIT. ET BONIT. NATIVA.

quibus fiant *Mercurii Politici*; Similia li-
 gnis incurvis, quæ bene navigiis extru-
 dis conveniunt, jactationi destinatis, non
 autem ædibus, quæ immotæ manent. Par-
 tes autem, & indicia *Bonitatis* sunt plu-
 rima. Si quis se erga Hospites & Peregrin-
 os benignum humanumque præbeat,
 arguit se *Mundi Civem*, sibi que cor esse,
 non instar Insulæ, cæteris terris avulsæ,
 sed Continentis, quæ illis conjungitur:
 Si compatiatur afflictis, nobilitat sua præ-
 cordia, quæ non secus atque celebrata illa
 arbor, per sua vulnera, *Balsamum* exudat.
 Si facilis offensas remiserit, & delictorum
 gratiam fecerit, mentem indicat in alto
 positam esse, supra injuriarum jactum &
 tela. Si pro modicis beneficiis gratum se
 exhibeat, argumento est, pluris se æsti-
 mare hominum animos, quam sarcinas.
 Supra omnia, si supremum illum, *Sancti*
Pauli Apostoli, perfectionis fastigium sit
 consecurus, ut deoveat se, atque anathe-
 matizet à *Christo*, propter salutem fra-
 trum, indicio est, proxime illum accedere
 ad *Naturam divinam*, & quodammodo
Christo ipsa conformati.

XIV.

DE NOBILITATE.

DE Nobilitate primum agamus, ut est
 portio Reipublicæ; Deinde ut est
 condi-

conditio hominum particularium. *Monarchia*, in qua nulli prorsus *Nobiles*, semper pura est & absoluta *Tyrannis*: Cujusmodi est *Imperium Turcicum*. *Dignitatem* enim *Regalem* diluit *Nobilitas*, & *Vulgi oculos* à *Prosapia Regia* aliquantulum avocat. In *Democratia* vero, *Proceres* interdum non desiderantur: Imo *Status ille popularis* multo pacatior est, atque minus *factionibus* & *turbis* obnoxius, ubi non sunt *Stirpes Nobilium*: Illic enim in res ipsas oculi hominum conjiciuntur, non in personas; vel si omnino in personas, id fit, tanquam in maxime idoneis rebus gerendis, minime vero ut ratio habeatur *Insignium*, aut *Imaginum*. *Helvetiorum* *Republicam* satis florentem videmus, licet *Religionis Pagorum*que *diversitas* ob stare videatur. *Utilitas* enim apud illos valet, non *dignitas*. Illa gubernandi forma, qua *Confederatæ Belgarum* *Provinciæ* utuntur, certe eminet: Ubi enim *Paritas* admittitur, ibi & *Consilia* incuntur æquabilis, & *Tributa* penduntur alacrius. *Nobilium* *potentia* & *auctoritas* in *Monarchia*, *Principi* ipsi impertit splendorem, sed *potestatem* immittit; *Populi* vero animus auget, *fortunas* illorum deprimat. bene se res habet, cum *Nobiles* non sint potentiores, quam aut
Im-

Imperii aut Justitiæ ratio postulat : in eo tamen Dignitatis gradu sustineantur , ut insolentia popularis illorum reverentia , tanquam obice , retundatur , antequam in *Regalem Majestatem* se effundat. Rursus , numerosa *Nobilitas* , quæ plerumq; minus potens est , Statum prorsus depauperat : Hinc enim profusæ expensæ : Atq; insuper , cum necesse sit , tractu temporis , complures ex *Nobilibus* indigos fieri , sequitur divortium quoddam , sive malum temperamentû , inter honores & pecunias.

Quod vero ad *Nobilitatem* spectat in personis particularibus : venerationem certe habet , videre Castellum , aut ædificium antiquum , quod nulla ruina invasit ; aut etiam annosam & proceram arborem solidam & integram : quanto magis inrueri antiquam *Nobilem Prosapiam* , à fluctibus , & procellis temporis , illæsam ? *Nobilitas* enim nova *Regia* potentix opus est , antiqua vero temporis solius. Qui ad *Nobilitatis* fastigium primi evehuntur , virtutum claritudine plerumque posteris eminent , sed innocentia minime. Ad honores enim raro ascenditur , nisi per mixturam bonarum & malarum artium. Æquum vero est , ut Virtutum suarum memoria usque ad Posterios permanet ; viriorum vero una cum ipsis moriatur : *Natu-*

lium splendor industriam plerunque minuit; atque qui minus est industrius, alienæ invidet diligentiae. Ad quod accedit, quod non datur, quo possint ulterius *Nobiles* promoveri. Qui vero in eodem loco hæret, dum alii ascendunt, invidiæ stimulis vix carebit. Contra, *Nobilitas* passivam invidiam omnino lenit; eo quod *Nobiles* in honorum possessione nati videntur. Sane *Reges*, quibus *Nobiles* adsunt prudentes & capaces, negotia sua mollius fluere sentient, si eos potissimum adhibeant: Etenim erga huiusmodi *Proceres* populus magis propendet, utpote natos quodammodo ad imperandum.

XV.

DE SEDITIONIBVS ET TVRBIS.

MAgis refert, ut *Pastores populi* Prognostica tempestatum Politicarum sciant; Quæ tunc maximæ sunt, cum Res vergunt ad Aequalitatem; non secus ac naturales tempestates circa *Aequinoctia* invalescunt. Quemadmodum autem sæpe videre est flatus ventorum civos, & veluti è longinquo; quin & similiter Maris tumores occultos ante procellam. Idem evenit ingruentibus procellis politicis.

— Ille etiam cacos instare tumultus

Sæpe monet, fraudesque & opera tume-
scere bella.

Fa-

Famosi libelli, & licentiosi & mordaces sermones in Status scandalum, cum passim volitant, & increbrescunt; similiter novarum rerum rumores mendaces, in Regiminis dedecus, undique jactati, & avide à Populo excepti; sunt certe inter Prognostica *Seditionum*. Quo stemmate deducta sit *Fama*, cum *Virgilius* depingeret, *Gigantum* sororem eam esse ponit.

*Illam Terra parens, ira irritata Deorum,
Extremam (ut perhibent) Cao-Enceladeque sororem*

Progeniit. —

Quasi *Fama* fuissent *seditionum* præteritarum reliquæ: verum sunt illæ, non minus; *Seditionum* futurarum præcursorices. Recte tamen utcunque notatum est, inter *seditiosos tumultus*, & *seditiosos rumores*, nil aliud fere interesse, nisi qualis est Discrepantia inter fratrem & sororem, masculum & foeminam. Præsertim, si eo usque ingravescat malum, ut actiones status laudatissimæ, quæ merito plausum Vulgi mererentur, & Populi studia conciliare deberent, in deteriorem partem traducantur, & sugillantur: Hoc enim invidiæ molem grandem demonstrat; ut recte ait *Tacitus*; *Conflata magna invidia, seu bone seu malo gesta promunt.* Neque propterea sequitur, quod

quia

DE SEDITIONIB. ET TURBIS. 65

quia *Fama* istæ inter turbarum signa numerentur, ideo earum suppressio severior, remedium contra turbas præstare intelligeretur; Nam ut plurimum, contemptæ facilius evanescunt, & conatus sedulus eas coercendi, nihil aliud fere efficit, quam ut durent magis.

Item illud genus obsequii, in exequendis jussis, de quo loquitur *Tacitus*, pro suspecto habendum: *Erant in officio, sed tamen qui mallent imperantium mandata interpretari, quam exequi.* Mandata discutere, detrectare, cavillationibus eludere, quid aliud sunt quam jugum jactare, & inobedientiam tentare? Præsertim, ubi in istis Disputationibus circa mandata, qui à parte mandatorum stant, loquuntur timide & molliuscule; qui autem adversantur, audacius & contumacius.

Etiam (ut bene notat *Machiavellus*) cum *Principes*, qui se pro Parentibus communibus gerere deberent, factioni alicui se adjungunt, idem fit, ac cum lembus, inclinatione nimia in alterum latus, evertitur. Hoc temporibus *Henrici Terti*, *Gallorum Regis*, confirmatum est. Ipse enim, à principio, in Ligam pro extirpandis Protestantibus, se recipi voluit: Ac paulo post, eadem Liga contra ipsum *Regem* vertit. Cum enim Auctoritas *Principis*

68 DE SEDITIONIB. ET TURBIS.

ipsis fit causæ cujuspiam tanquam accessoria, & fortior insurgit aliqua obligatio, quam vinculum *Imperii*, *Reges* incipiunt de possessione Auctoritatis suæ deijci.

Porro cum discordiæ, & duella, & factiones, palam & audacter se ostentant, indicio est, reverentiam erga *Principem* exui. Motus enim *Procerum*, debeat esse sicut motus *Planetarum*, sub *primo Mobili*, (juxta opinionem receptam,) qui rapide quidem circumferuntur secundum motum *primi Mobilis*, leniter autem reuertuntur in motu proprio. Quare si *Viri Primores & Nobiles*, propriis motibus violenter rapiantur: & (ut scite *Tacitus*) *liberius quam ut Imperantium meminissent*; orbes perturbari manifestum est. Reverentia enim idipsum est, quo *Reges* à Deo accinguntur, qui eam aliquando disrumpere minatur; *Solvam cingula Regum*.

Rursus, cum aliqua ex quatuor *Imperii Columnis*, conevtiatur aut labefactetur, (quæ sunt, *Religio, Iustitia, Consilium, Opes*,) tum serenitas precibus imploranda est. Sed mittamus hæc *Prognostica Seditionum*, (circa quæ nihilominus intervenient nonnulla, quæ iis tractandis majorem lucem præbere possint in sequentibus:) & primo de *Materia Seditionum*;
postea

DE SEDITIONIB. ET TURBIS. 67

postea de earum *Causis* & *Flabellis*; ultimo de *Remediis* nonnihil dicamus.

Materiam Seditionum expendere res est consideratione dignissima. Tutissima enim via *Seditiones* evitandi, (si tempora patiantur,) est, ut ipsam *materiam* è medio tollamus. Si enim fomes flammæ paratus sit, scintillæ, quæ incendium facient, ex qua parte emicare possint, nemo facile dixerit. *Seditionum Materia* duplex est; *Magna inopia*, & *Præsentium rerum tedium*. Certissimum est, tot esse proturbis vota quot sunt hominum res attritæ, & decoctæ fortunæ. Unde illa *Lucani* observatio, de statu *Imperii Romani*, paulo ante *Bellum Civile*:

Hinc usura vorax, rapidumque in tempore fœnus:

Hinc concussa fides, & multis utile bellum.
Hoc ipsum, *Multis utile bellum*, certum est indicium Status ad commotiones & turbas dispositi. Tum si Primorum hominum indigentia, ac res accisæ, cum summa plebis inopia & paupertate conjungantur, periculum imminet grave. *Rebelliones* enim, quæ à ventre ortum habent, pessimæ. Quantum vero ad alienationes animorum, & tedium rerum præsentium; Sunt certe illa, in corpore Civili, instar humorum malignorum in corpore naturali,

68 DE SEDITIONIB. ET TYRBIS.

rali, qui ad calorem præternaturalem colligendum, & inflammationes, apti sunt. Nemo autem *Principem*, sui periculi magnitudinem metiatur, ex eo, quod iusta sint aut iniusta, illa quæ animos populi alienant: Hoc enim esset vulgus rationis nimium capax putare, qui suo sæpe recalcitrant commodo. Neque etiam ex hoc quod gravamina, ex quibus invidia oritur, grandia sint aut exigua. Malevolentix enim ex omnibus istæ periculosissimæ sunt, ubi plus timetur, quam sentitur. *Dolendi modus, timendi non item.* Præterea, in maximis oppressionibus, ea quæ patientiam irritant, etiam animos frangunt: At in timoribus dispar est ratio. Neque rursus *Princeps*, aut Status, alienationem animorum, & invidiam grassantem, minus pendat, quod aut sæpius, aut diutius, illa fastidia animorum æstuarunt, neque quicquam inde detrimenti Resp. cepit. Verum enim licet sit, quod non omnis vapor in procellam desinat; Ita vere dici potest, ex altera parte, quod procellæ; licet sæpius pertranseant, tandem glomerantur & ruunt. Atque secundum Adagium illud *Hispanicum; Funiculus in fine, levissima tensione rumpitur.*

Causse seditionum hæ sunt; In rebus Religionis innovatio; Tributa & censæ;
Le-

DE SEDITIONIB. ET TURBIS. 69

Legum & consuetudinum mutatio; Immunitatum & Privilegiorum violatio; Oppressio universalis; Indignorum ad Honores & Magistratus promotio; Alienigenarum Caritas Annona: Milites incuriose dimissi: Factiones facta desperata; Quicquid denique populum offendit, simulque eos in causa communi unit, & conspirare facit.

Quantum ad *Remedia. Præservativa* quædam confuse, & in genere, possunt assignari, de quibus differemus: Curatio autem legitima morbo particulari aptari debet. Itaque Consiliis potius, quam Præcepto, relinquenda.

Primum contra *Seditiones Remedium*, & Præventio, hæc est, Omni cum opera & diligentia causam illam *Seditionum Materialem*, de qua diximus, amovere; Paupertatem intelligo Civium; & inopiam. Cui inservit, Commercii Rationes bene liberare, & bene librare: Artifices & Manufacturas introducere, & fovere: Desidiam & otium profligare: Luxum & profusionem *Sumptuariis Legibus* coercere; Solū & agros cultura lucrosissima subigere: Rebus venalibus pretia justa imponere; Census & Tributa moderari; & similia. In genere præcavendum, ut incolarum multitudo (temporibus scilicet pacis, quando gladius nihil demetit) *Regni proventus*,
qui

quibus ali possit, non exedat. Neque incolarum multitudo, utrum superflua sit, nec ne, capitum numero solum censenda est. Suntu enim pauciores, qui multum profundunt, & parum lucentur, plus illi atterent Statum quam multo plures, qui majore parsimonia degunt, pecunias autem congerunt. *Nobilium* igitur, & eminentioris dignitatis hominum, numerus auctus, magis quam pro analogia plebeiorum, celeriter Statum depauperat. Quod etiam facit *Clorus* numerosus: illi enim sorti Reipubl. nihil addunt. Idem quoque fit, cum plures in Litteris educantur, quam quibus victum suppeditare possint vocationes Civiles.

Neque prættereundum est, quod cum omne publicæ opulentia augmentum, ab exteris nationibus lucriferi necesse sit; (quicquid enim alicubi adjicitur, alibi detrahitur;) Tria tantum esse, quæ Gens Genti vendit: *Materiam mercium; Manufacturam, & Vecturam*. Quæ quidem tres rotæ, si recte progrediantur, ætus divitiarum erunt uberiores. Sæpius autem contingit illud, de quo loquitur *Poëta*, *Materiam superabis opus*, Nempe ut *Manufactura*, & *Vectura*, *Materia* pretium excedat, & Statum magis locupletet. Manifesti sunt hujus rei testes inferioris *Germania*

mania Populus; Qui quidem Fodinas, non subterraneas illas, sed supra terram, præ omnibus Gentibus habent ditissimas. Nihil autem prius debet esse aut consultius, quam ut videat Magistratuus Prudentia, ne pecuniarum thesauri apud paucos recondantur. Aliter enim facile fuerit, *Rempub.* inter magnas opes fame perire. Nummus autem instar fimi, non fructificat, nisi per terram dispergatur. Hoc præcipue efficitur, supprimendo, aut saltem coercendo, voragines illas, *Fœnoris, Monopoliorum, & Latifundiorum* in *Pascua* converforum, & similium.

Quantum ad sedandas animorum offensiones, aut saltem ad amolienda ea, quæ ab iis proveniunt, pericula; Duo sunt, in omni Statu, (ut notum est,) *Subditorum* genera; *Proceres & Plebs*. Quævis harum partium sola si insensa sit, non magnum subest periculum. Tardi enim sunt *Populi* motus, nisi à *Nobilibus* incitentur. *Nobiles* autem invalidi, nisi vulgus, suasponere, ad motus aptum & prædispositum sit: Tum periculum revera ingruit, cum *Potentiores* expectent, dum *Aque* moveantur apud *Vulgus*, ut ita demum animos exulceratos prodere possint. Pingunt *Pœta*, *Cœlicolas Iovem* ut vincerent conjurasse; Quod ubi *Iupiter* accepisset, *Mi-*

nerva

nervus consilio, *Briareum* Centimanum accersivit, ut in suppetias ei veniret. Proculdubio hoc Emblemata *Monarchas* monet, quam tutum & salutare sit eis, *Plebis* studia conciliare & retinere.

Licentiam nonnullam, sed moderatam, animis gravate affectis & malevolis indulgere, ut ebulliant eorum dolores, & in fumos abeant, (modo insolentia absit, & audacia) utile sane est. Qui enim humores, ad interiores partes retrovertit; & vulnus in viscera sanguinem refundere compellit, ulcera mortifera; & exitialia apostemata, inducit.

Ad molliendos exacerbatos & malevolos animos, partes *Epimethei* etiam ad *Prometheum* rite transferri possint. Neque enim reperitur remedium utilius. *Epimetheus*, ubi Mala & Aerumnas evolare sensisset, operculum vasi festinus imposuit, & in imo dolii spem reservavit. Certe, politice & artificiose spem nutrire, & injicere, ac homines à spe alia in aliam circumducere, ex fortissimis est, contra venenum Malevolentiae, Antidotis. Neque certius est iudicium prudentis Regiminis, & rerum Administrationis, quam ubi homines spe continere possit, cum satisfaciendi copia non datur, atque ubi res tam provide tractantur, ut nullum malum

malum ita peremptorie imminere videatur, quin aliqua se ostendat spei rima ad evadendum: Quod eo minus difficile factu est, quia tam privatis hominibus, quam factionibus, sibi ipsis adulari insitum est; aut saltem ostentare in gloriam suam, quod non omnino credunt.

Trita sane est, sed præcellens *Periculis*, quæ Malevolentia minantur, *Cautio*, ut prævideatur, ne sit *Caput* aliquod ad quod populus, insensus & exacerbatus confluere, & sub cujus præsidio in corpus aliquod coire, possit. *Caput* ego illum dico, & Ducem idoneum, qui *Nobilitate* & Existimatione celebratur; quique apud malevolos acceptus est & graciosus, atque ad quem ora & oculos convertunt, quique etiam ipse in rebus suis privatis censetur offensus. Quod genus virorum, aut Statui conciliandum est, idque non perfunctorie, sed solide; aut per alium aliquem, ex iisdem partibus retundendum, qui illi alteri se opponat, atque gratiam popularem in diversa trahat & secet.

Ubique hoc obtinet, quod factiosas potentias & coitiones, qui contra Gubernationem *Imperii* frontem contrahunt, inter se committere, aut saltem diffidentiam inter eas seminare, *Remedium* haud contempnendum sit. Etenim male admo-

D dum

dum agitur cum Rep. si illi, qui erga Imperium bene affecti sunt, discordiarum pleni existant; qui vero insens, & maligni, arcte conjungantur.

Adnotavi sæpius, ingeniosa & arguta dictoria, quæ *Principibus* improvise exciderunt, nonnunquam scintillas ad *Seditiones* injecisse. Exitiale sibi vulnus infixit *Cæsar* eo dicto; *Sylla nescivit Literas, dicere non potuit*. Spem enim omnem illud verbum præscidit, quam homines imbiberant, aliquando eum *Dictaturam* depositurum. Perdidit se ipsum *Galba* eo dicto; *Legi à se militem, non emi*. Inde enim milites de donativis desperarunt. *Probus* item propter eam vocem interiit; *Si vixero, non opus erit amplius Romano Imperio militibus*. Etenim ob hæc verba milites animum desponderunt. Sunt & alia haud pauca ejusdem generis. Interest sane *Principibus*, in rebus ambiguis, & temporibus anxiiis, ut caveant quid dicant; præsertim in concisis his Sententiis, quæ veluti spicula volitant, & ex secreto pectoris eorum emissæ putantur. Longiores enim & productiores Sermones obtusi sunt, & minus notantur.

Postremo, in omnes eventus habeant circa se *Principes*, personas nonnullas militia & fortitudine spectatas, ad reprimendas

das *Seditiones*, in primis motibus. Hoc enim si desit, magis trepidari solet, in Aulis Principum, cum turbæ primo erumpunt, quam par esset. Et Status eo genere periculi laborat, quod *Tacitus* illis verbis ionuit; *Atque is habitus animorum fuit, ut pessimum facinus auderent pauci, plures vellent, omnes paterentur.* Isti autem militares viri, fidi omnino esse debent, & bonæ existimationis, potius quam factiosi, aut populares; & cum cæteris *Proceribus* bene comparati. Aliter *remedium* morbo gravius.

XVI.

DE ATHEISMO.

Minus durum est, credere portentosissimis fabulis *Alcorani*, *Talmudis*, aut *Legende*, quam credere, huic Universitatis rerum fabricæ, *Mentem* non adesse. Itaque *Deus* nunquam edidit miraculum, ad *Atheismum* convincendum, quoniam Opera ejus ordinaria, huic rei sufficiunt. Verum est tamen, parum Philosophiæ naturalis homines inclinare in *Atheismum*; at altiore scientiam eos ad *Religionem* circumagere. Etenim intellectus humanus, dum causas secundas intuetur sparsas, interdum iis acquiescere possit, nec ulterius penetrare; Verum

cum tandem catenam earum, connexarum inter se, & confederatarum, contemplari pergat, necesse habet confugere ad *Providentiam, & Deitatem*. Imo, & illa *Schola*, qua præcipue accusatur, *Atheismi*, si quis vere rem introspiciat, *Religionem* demonstrat clarissime. Nempe *Schola Leucippi, Democriti, & Epicuri*. Etenim longe verisimilius est, quatuor Elementa mutabilia, & unum quintam Essentiam immutabilem, recte ab æterno locata, opus Deo non habere, quam Exercitum Atomorum, & Sæminum infinitorum, sine ordine fortuito vagantium, hunc rerum ordinem, pulchritudinem, progignere potuisse, absque *Ædili* quodam *Divino*. Dicit *Scriptura*, *Dixit insipiens in corde suo, non est Deus*: Non dicit, *Cogitavit insipiens in corde suo*: Adeo ut, magis intra se hoc asserat, tanquam rem quam lubens optaret, quam quod penitus hoc credat & sentiat. Nemo enim *Deos* non esse credit, nisi cui *Deos* non esse expedit. Nulla alia re sane magis convincitur, *Atheismum* labiis tantum insidere, cordi autem minime, quam hac, quod *Athei* opinionem suam sæpe prædicent & defendant; ac si ipsi sibi diffiderent, aliorumque consensu refocillari cuperent. Quinetiam, videas interdum *Atheos* sibi

Disci-

Discipulos comparare, ut alia Secta faciunt. Imo, quod monstri simile est, quidam ex illis mortem & cruciatus subierunt, potius quam opinionem suam retractare sustinerent, cum tamen, si ex animo sentirent, nihil tale esse quale *Deus*, quid tandem de ea re satagerent? *Epicuro* imponitur; cum existimationis suae conservandae gratia, tenuisse, quod existerent quidem *Beata* quaedam *Natura*, sed quae se ipsis fruerentur; neque Mundi administrationi se immiscerent. In qua opinione, ajunt, cum tempori obsecutum, cum revera *Deos* esse non putaret. Verum, ut videtur, minus juste arguitur: Verba enim ejus egregia sunt & divina; *Non Deos vulgi negare profanum, sed vulgi opiniones Diis applicare profanum.* *Plato* ipse melius dicere non potuit. Unde videtur, licet audacia polleret ad divinam rerum administrationem pernegandam, eam tamen ad naturam eorum tollendam illi non suffecisse. *Indi Occidentales* particularium *Deorum* suorum nomina praedicant; etsi nomen nullum generale habeant, quod *Deum* significet: Exempli gratia, perinde ac *Ethnici* nomina *Jovis*, *Apollinis*, *Martis*, &c. in usu habuissent, voce autem, qua *Deum* exprimerent, caruissent. Quod satis indicio est, populos ma-

xime barbaros notionem rei habere, licet latitudinem ejus non comprehendant. Adeo ut contra *Atheistas*, homines maxime ferini, cum Philosophorum subtilissimis, militent. *Atheista* contemplativus, raro reperitur; *Diagoras* quis, *Bion*, & fortasse *Lucianus*, atque alii pauci; qui tamen plures esse videntur quam sunt; quoniam omnibus, qui *Religionem* aliquam aut *Superstitionem* impugnant, à Secta adversa solet inuri nomen & nota *Atheistarum*. Sed magni revera *Atheista* sunt *Hypocrita*; qui Sacra perpetua tractant, sed sine sensu. Adeo ut eos ipse cauterizatos evadere necesse sit. Causæ *Atheismi* sunt: *Divisiones* circa *Religionem*, si plures fuerint; Nam unica Divisio, zelum utriusque partis adauget; verum numerosæ *Atheismum* introducunt. Alia causa sunt, *Scandala Sacerdotum*; cum eo res redeat quo innuit *S. Bernardus*; Non est jam dicere, ut *Populus*, sic *Sacerdos*; quia nec sic *Populus*, ut *Sacerdos*. Tertia est, *Consuetudo profana ludendi & jocandi in rebus sanctis*, quæ sensim reverentiam *Religionis* atterit. Postremo ponuntur *Secula erudita*, præsertim cum *Pace*, & rebus prosperis conjuncta. Etenim Calamitates, & Adversa, animos hominum, ad *Religionem* fortius flectunt. Qui
Deos

Deos negant, Nobilitatem generis humani destruunt. Nam certissimum est, hominem *brutis* cognatum esse, quatenus ad corpus: Quod si, quatenus ad animam, non intercedat ei cognatio cum *Deo*, vilis est plane, & ignobilis creatura. Destruunt quoque magnanimitatem, & humanæ naturæ exaltationem. Cape enim exemplum à cane, & observa, quantos sibi assumat animal illud spiritus, & quantam generositatem induat, cum se ab homine (qui ei vice est *Dei*, aut *melioris naturæ*) impulsus perspiciat. Quam Fortitudinem liquido cernas tantam esse, quantam creatura illa, absque fiducia *melioris naturæ*, quam propriæ, æquare nullo modo possit. Similiter & homo, ubi innittitur, & spem collocat, in *Divina Providentia*, & *Gratia*, fiduciam & vires colligit, quales humana natura, sibi relicta, nequisset attingere. Quare, ut *Atheismus*, in omnibus odium meretur, ita in hoc, quod privet naturam humanam facultate se ultra fragilitatem humanam attollendi. Quemadmodum fit in personis individuis, similiter fit & in nationibus. Magnanimitatem *Romanam* nunquam Gens aliqua æquavit. Audi igitur, quid dicat *Cicero*; *Quam volumus, licet, Patres Conscripti, nos amemus, tamen nec*

30 DE SUPERSTITIONE.

numero Hispanos, nec robore Gallos, nec calliditate Pœnos, nec artibus Græcos, nec denique hoc ipse hujus gentis & terra domestico nativoque sensu Italos ipsos, & Latinos, sed pietate, ac religione, atque hac una sapientia, quod Deorum immortalium Numine omnia regi gubernarique perspeximus, omnes Gentes nationesque superavimus.

XVII.

DE SUPERSTITIONE.

PRæstat, nullam aut incertam, de Deo habere opinionem, quam contumeliosam, & Deo indignam: Alterum enim Infidelitatis est, alterum Impietatis & Opprobrii. Ac *Superstitionis* certe Divinitatis est dedecus. *Plutarchus*, non abs re, inquit; *Mallet* sane multo, ut homines dicerent, nunquam fuisse talem in rerum natura virum, qualis ferebatur *Plutarchus*; quam ut dicerent, fuisse quendam *Plutarchum*, qui Liberos suos, recens natos, comedere & devorare solitus erat; quod Poëta de Saturno memorant. Quemadmodum autem contumelia *Superstitionis* ingravescit adversus Deum; ita & periculum majus ab illa incumbit hominibus. *Atheismus* non prorsus convellit Dictamina Sensus, non Philosophiam, Affectus naturales, Leges, Bonæ famæ desiderium; Quæ

Quæ omnia, licet Religio abesset, Morali
 cuidam virtuti externæ conducere pos-
 sunt: At *Superstitio* hæc omnia dejicit,
 & Tyrannidem absolutam in animis ho-
 minum exercet. Itaque *Atheismus* tur-
 bas in Rebus publicis raro ciet: Homi-
 nes enim cautos reddit, & securitati suæ
 consulentes. Quin & videmus, tempora
 ipsa, in *Atheismum* procliviora, (qua-
 lia fuerint *Augusti Caesaris*,) tranquilla
 fuisse. At *Superstitio* compluribus re-
 gnis & Rebus publicis ruinæ fuit: in-
 troducit enim novum *Primum Mobile*,
 quod omnes Imperio Sphæras rapit. Ma-
 gister *Superstitutionis* populus; Atque in
 omni *Superstitutione* sapientes stultis obse-
 quantur; atque argumenta Practicæ
 succumbunt, ordine perverso. Gravis fuit
 ille sermo quorundam Prælatorum in
Concilio Tridentino, in quo doctrina Theo-
 logorum Scholasticorum plurimum po-
 tuit; Nimirum; Scholasticos Astronomis
 similes fuisse, qui Eccentricos Circulos, &
Epicyclos, & hujusmodi Orbium machi-
 nas finxerunt, quo Phenomena servarent,
 etsi satis scirent, nihil tale revera existere:
 Eodem modo, etiam Scholasticos complu-
 ra subtilia & perplexa Axiomata & Theo-
 remata invenisse, quo practicæ Ecclesiæ
 caverent. *Superstitutionis* causæ sunt; Grati

& sensuales *Ritus* ac *Ceremoniæ*; *Externæ* & *Pharisaica sanctitatis* Excessus; *Traditionum* major quam par fuerit reverentia, quæ Ecclesiam non potest non onerare; *Stratagemata Prelatorum*, quibus utuntur ad ambitionem propriam, & lucrum; Nimius *Intentionum bonarum Favor*, qui Novitatibus & *ιδιολογησικίας* januam aperit; *Exemplorum* importuna & inepta *petitio* ab humanis, quæ in Divina transferantur; quæ necessario patit phantasiarum male coherentium mixturam; Postremo *Tempora barbara*, cum calamitatibus & perturbationibus conjuncta. *Superstitio*, sine velo, deformis res est; Etenim sicut Simiæ, similitudo cum Homine deformitatem addit; ita & *Superstitioni*; similitudo cum Religione. Et quemadmodum cibi salubres corrumpuntur in vermiculos; ita ritus & formulæ bonæ & sanæ corrumpuntur in observantias pusillas & superfluas. Quin &, non caret Superstitione quandoque *Superstitionis* fuga; cum se tanto saniorum & puriorem viam inire putent homines, quanto à *Superstitionibus*, prius receptis, longius deflexerint. Itaque curæ esse debet, in Religione reformanda, (ut sit in corpore purgando) ne sana cum corruptis simul evacuentur;

Quod

DE PEREGR. IN PART. EXTERAS. 83
Quod fere fit, ubi *Reformatio* tegitur à
populo.

XVIII.

DE PEREGRINATIONE IN
PARTES EXTERAS.

P*eregrinatio in partes externas*, in Junioribus pars institutionis est; In Senioribus, pars *Experientiæ*. Qui proficiscitur in *Partes Exteras*, antequam in *Lingua Gentis*, quam adit, aliquos fecerit progressus, ad *Ludum Grammaticum* vadit, non ad *peregrinandum*: Ut adolescentes peregrinentur sub Tutore, aut Servo aliquo experto, probo; modo talis sit, qui *Linguam* calleat, quique *Regionem* illam ante adiverit; unde possit eos instruere; quæ in illa *Regione*, ubi *peregrinantur*, digna spectatu & cognitu sint; quæ amicitiae & familiaritates contrahendæ; quæ denique studia & disciplinæ ibi vigeant. Aliter enim adolescentes *peregrinabuntur* cucullati, & foras prospicient parum. Mirabile certe, in *Navigacionibus*, ubi nihil aspici datur, præter Cælum & Pontum, conficere consueſſe homines *Diaria*; Verum in *Peregrinationibus* per Terram, in quibus tot res occurrunt observandæ, plerumque hoc omitti; Ac si fortuita magis in codicillos mererentur re-

ferri, quam quæ de industria observantur. *Diaria* igitur in usu sint. *Res spectandæ & observandæ* sunt istæ: *Aulæ Principum*; præsertim cum Legatos externos admittunt: *Judicia & Curia*, cum causæ perorantur; & similiter *Consistoria Ecclesiastica*: *Templa & Monasteria*, cum Monumentis in illis extantibus: *Mœnia & Munitiones Urbium & Oppidorum*; *Portus & Sinus*: *Antiquitates & Ruinæ*: *Bibliothecæ, Collegia, Disputationes, & Prælectiones* ubi habentur: *Naves & Carinæ*: *Palatia, & Horti magnifici & amœni* prope *Urbes magnas*: *Armariæ: Navalia*: *Cellæ & Horrea publica*: *Loci Excambii*; *burſæ*: *Cellæ Mercium*: *Exercitia equitationum, Muneris Gladiatorii*: *Militum delectus & instructio*, cum similibus; *Comœdiæ, illæ scilicet ad quas homines melioris notæ spectatum veniunt*: *Theſauri monilium & vestium*: *Curiositates & raritates*: Denique quicquid in locis quæ tranſeunt ſit celebre aut memorabile. De his omnibus, à Tutoribus, aut Servis prædictis diligenter inquirendum. Quantum ad *Triumphos, Saltationes sub larva, Convivia, Nuptias, Funera, Supplicia capitalia, & hujusmodi Spectacula*, non opus est ut reducantur hominibus in memoriam; Attamen non
sunt

sunt certe illa prorsus negligenda. Si tibi cordi sit, fructum *Peregrinationis* adolescentis in compendium redigere, utque brevi spatio multum colligat, hoc faciendum præcipio. Primo (ut dictum est) in Lingua aliquis profectus faciendus antequam proficiscatur. Tum adjungendus est Servus aliquis aut Tutor, qui *Regionem* pernorit, ut & jam dictum est. Habeat etiam præsto Librum aliquem, aut Chartam Chorographicam, Regionis illius, ubi *peregrinatur*; Quæ instar Clavis erit ad inquirendum. Conficiat etiam *Diarium*. Ne moretur longius, in una Urbe, aut Oppido: Plus certe aut minus, prout Locus meretur: sed minimè diu. Imo, dum moratur in aliqua *Civitate*, aut *Oppido*, mutet sæpius hospitium, ex una parte *Oppidi* in alteram; Nam & hoc certe magnè est attrahendi familiaritates, & consuetudines hominum complurium. Secludat se ut plurimum à consortio popularium suorum, atque in iis locis viſitet, ubi simul convivantur homines melioris notæ ex natione ubi *peregrinatur*. Etiam cum de loco in locum *itineratur*, paret sibi Literas commendatorias, ad personam aliquam eminentiorem, degentem in loco quo se transfert; Ut ejus favore & opera utatur,

in

in iis, quæ spectare aut cognoscere desiderat. Hoc modo *Peregrinationis* utilitatem accelerare poterit. Quatenus ad familiaritates & amicitias, quæ inter *peregrinandum* adjungendæ sunt; Utilissima omnium est illa *Secretariorum*, & Ministrorum interiorum quibus Legati utuntur: Hoc enim pacto, in una regione *peregrinando*, etiam plurium regionum notitiam & experientiam ad se attrahet, & surget. Visitet etiam & adeat personas in unoquoque genere egregias, quæ magni apud exteros nominis sunt; ut possit notare, quomodo Os, Vultus, & corporis lineamenta & motus, respondeant Famæ. Quantum ad Rixas & Simultates, cum cura & diligentia sunt illæ vitandæ. Oboriuntur sæpissime circa amores, compositiones, præsidentiam, & verba contumeliosa. Et caveat imprimis quivis à consortio hominum iracundorum, & qui facile inimicitias suscipiunt; Illi enim eum suis immiscebunt contentionibus. Quando *Peregrinator* domum revertitur, nihilominus regiones, in quibus *peregrinatus* est, non relinquat proxis pones: Verum conferret, & colat amicitiam eorum, cum quibus familiaritatem contraxit, (iis dico qui sunt ex dignioribus,) per literas. Et *peregrinatio* sua potius

tius manifestetur & appareat in sermonibus suis; quam in vestitu, aut gestu: etiam in sermonibus suis potius meditetur quid sobrie respondeat, quam ad narrationes facilis & pronus sit. Illud etiam in eo sit conspicuum, quod mores patrios cum moribus exteris non commutaverit: Sed potius quod consuetudines patrias, iis quæ peregre didicit tanquam floribus, asperserit.

XIX.

DE IMPERIO.

Miser proculdubio est animi status; paucæ habere quæ appetas, multæ quæ metuas: Attamen hoc ipsum *Regibus* fere proprium est: Qui in supremo gradu collocati, non habent ad quod aspirent; Id quod animos eorum reddit languidiores: Atque è contra habent phantasmata plurima periculorum & umbrarum volitantium; Id quod animos eorum reddit minus serenos. Hinc etiam emanat & alter ille effectus, quem *Scriptura* *Regibus* tribuit: *ut cor Regis sit inscrutabile*: Etenim suspicionum multitudo, & absentia affectus alicujus prædominantis qui reliquis imperet, cujusvis animum reddit exploratu difficilem. Hinc quoque emanat & illud; Quod *Reges* sæpè numero desideria sibi ipsis creant, atque ad
nugas

nugas animum adiciant : Interdum ad ædificia extruenda : interdum ad *Ordinem* aliquem aut *Collegium* instituendum ; Interdum ad *personam* aliquam evehendam ; Interdum ad artem aliquam mechanicam aut manus excellentiam exercendam : ut Nero studuit pulsandæ citharæ ; *Domitianus* sagittis collimandis , *Commodus* gladiatoris , *Caracalla* aurigationi . Hoc illis incredibile videtur , qui Axioma illud norunt ; *Animum humanum* , magis exhilarari & refici , progrediendo in rebus parvis , quam consistendo in rebus grandibus . Videre etiam est Reges , qui sub *Imperii* sui initiis , in victoriis & provinciis subjugandis , maxime fœlices fuerunt ; Cum vix possibile sit ut perpetuos progressus faciant , verum ut fortunam suam aliquando adversam & retrogradam experiantur ; sub fine supersticiosos & melancholicos evasisse ; Uti contigit *Alexandro Magno* , *Diocletiano* , ac nostra ætate *Carolo Quinto* ; & aliis . Qui enim progredi semper consuevit , & in obicem tandem impingitur , sui ipsius favore excidit ; neque amplius res est quæ fuit .

Dicamus nunc de vera *Imperii Temperatura* ; Quam servare , res ardua est , & rara . Etenim tam *Temperies* , quam *Intemperies* , ex contrariis consistunt . Verum alia res est ,
contra-

contraria miscere, alia alternare. Responsum *Apollonii*, egregia prudentia plenum est. Interrogabat eum *Vespasianus*; *Quid Neroni ruina fuisset?* Respondit; *Nero Citharam perire pulsare & accommodare noverat; At in imperando chordas interdum nimium distendebat, interdum eas nimium relaxabat.* Atque certissimum est; Nihil auctoritatem æque destruere, ac inæqualem, & quasi subfultoriam, atque intempestivam *Potentia* alternationem, nunc rigidius intensæ, nunc laxius remissæ.

Veruntamen & hoc verum est, moderni temporis prudentiam, circa *Principum* negotia tractanda, in hoc potissimum versari; ut conquirantur magis & aptentur remedia & subterfugia malorum & periculorum, cum ingruerint; quam ut prudentia solida & constanti depellantur & summoveantur, antequam impendeant. Verum hoc nihil aliud est, quam in agone cum *Fortuna* experiri. Caveant autem homines, ne obdormiscant circa turbarum materias primas, & inchoamenta. Nemo siquidem scintillam, incendium parituram, prohibere potest, nec regiones metiri, unde eruptura sit. In *Principum* negotiis interveniunt proculdubio multæ difficultates & impedimenta; At sæpenumero maxima impedimenta sunt,

Princi-

Principum ipsorum affectus & mores. Etenim *Principibus* frequenter accidit, ut contradictoria plane appetant; sicut recte *Tacitus*; sunt plerumque *Regum voluntates vehementes, & inter se contraria*. At *Potentia* nimix solœcismus est, credere se posse finem rei pro arbitrio assequi; neque tamen media procurare.

Regibus intercedit negotium cum nationibus vicinis, cum *Vxoribus* propriis, cum *Liberis* suis, cum *Pralatis & Clero*, cum *Proceribus* Regni, cum *Nobilibus* secunda *Classis* sive *Generosis*, cum *Mercatoribus* suis, cum *Plebe* Regni, cum *Militibus* suis. Atque à singulis horum impendent pericula, nisi adhibeatur cura.

Quod ad *Vicinos* attinet, præscribi non potest *Regula* aliqua certæ *Cautio*nis, propter occasionum varietatem, unica excepta, quæ semper tenet. Ea est, ut *Principes* huic rei perpetuo iavigilent, ne quis ex vicinis in tantum excreasca; (vel novis territorii augmentis, vel commercium ad se trahendo, vel propius accedendo, & similibus; quo maiorem nanciscatur lædendi potestatem, quam antea habuerat. Sane, durante *Triumviratu* illo *Regum*; (*Henrico Octavo Anglo, Francisco Primo Gallo, & Carolo Quinto Hispano*;) ea viguit inter ipsos diligentia,

ut

ut nemo triumphum vel palmam terræ acquirere potuisset, quin reliqui duo statim rem ad æquilibrium deducerent; neque pacem sœnore redimere sustinerent. Idemque præstabat Fœdus illud, (cui *Gnicciardinus* securitatem *Italiæ* attribuit,) idem inter *Ferdinandum Regem Neapolitanum*; *Lorenzium de Medicis*, & *Ludovicum Sforzam*, Principes; alterum *Florentiæ*, alterum *Mediolani*. Neque recipienda est Opinio quorundam ex *Scholasticis*; Bellum *juste* suscipi non posse nisi ob injuriam, aut provocationem præcedentem: Siquidem justus metus imminentis periculi, etsi violentia aliqua non præcesserit, proculdubio belli causa est competens & legitima.

Quantum ad *Vxores*; Extant exempla ejus generis crudelia & atrocia: *Livia*, infamis ob veneficium *Augusti*. *Roxolana*, uxor *Solymani*, perniciem intulit *Mustaphæ* celeberrimo illi Principi: Atque alias successionem, & Domum, *Mariti* sui, perturbavit. *Edwardi Secundi Regis Angliæ* uxor, operam præbuit, præcipuam, in *Mariti* sui de Regno deturbatione, & necesse. Hoc genus periculi maxime timendum, cum *Regina* Liberos ex prioris *Mariti* suscepunt, aut in adulterio degunt,

Quan-

Quantum ad *Liberos*; Ab iis etiam
 ortæ Tragediæ plurimæ. Atque gene-
 raliter; suspiciones arreptæ à *Patribus*,
 in *Filios* suos, infaustæ extiterunt. *Mu-*
stapha (quem antea nominavimus) cæ-
 des, *Sirpi Salymanni* adeo fatalis fuit; ut
 successio *Sultanorum*, usque in hodiernum
 diem; pro suspecto habeatur; velut
 sanguinis ementiri; quia *Selymus* secun-
 dus putabatur supposititius. Cædes et-
 iam *Crispi*, *Principis* summæ spei; infli-
 cta per patrem suum *Constantinum Ma-*
gunum, similiter ejus Familix fatalis fuit;
 Siquidem, tam *Constantinus*, quam *Con-*
stantius, Filii ejus, violenta morte perie-
 runt; Et *Constantius*, qui ex Filii ejus
 superstes fuit, decessit sane ex morbo, sed
 non nisi cum *Iulianus* contra eum arma
 cepisset. Cædes similiter *Demetrii Phi-*
lippi Secundi *Macedonis* Filii, vertit se in
Patrem, qui mortuus est ex maxore &
 pœnitentia. Complura sunt ejusmodi ex-
 empla: Verum pauca, aut nulla, ubi *Pa-*
tres aliquid boni ex ejusmodi diffidentis
 perceperunt; præterquam cum *Filii* bel-
 lum aperte *Patribus* intulerunt; ut fecit
Selymus Primus adversus *Bajazetem* *Pa-*
trē suum; & tres *Filii* *Henrici Secundi*,
Regis Angliæ.

Quantum ad *Prelatos*; Ab illis etiam;
 si po-

si potētes fuerint & superbi; periculum ingruit. Ut contigit temporibus *Anselmi*, & *Thoma Beckettii*, *Archi-Episcoporum Cantuarie*; Quorum Baculi Pastorales cum *Regis* gladio concertarunt; licet res illis fuerit cum *Regibus* animosis & fastuosis, *Gulielmo Rufo*, *Henrico Primo*, & *Henrico Secundo*. At periculum huiusmodi, à *Pralasia*, non est magnopere pertimescendum, nisi ubi *Clerus* ab *Auctoritate* & *Jurisdictione* Principatus externi pendet; aut etiam ubi *Ecclesiastici* eliguntur à populo; non autem à *Rege* vel *Patronis* Ecclesiarum.

Quantum ad *Proceres*; Sunt illi certe cohibendi, & tanquam in iusta distantia à *Solio Regali* continendi; Verum depressio ipsorum, poterit *Regem* fortasse ipsum magis absolutum reddere, sed interim minus tutum, & minus efficacem ad ea quæ cupit perficienda. Hoc notavi in *Historia* mea *Regni Henrici Septimi*, qui *Nobiles* suos perpetuo deprimebat: Unde factum, ut tempora ejus difficultatibus & turbis plena essent. *Nobiles* enim, etsi in fide & officio versus eum manserunt, attamen minime cum eo cooperabantur in negotiis suis; ita ut ipse fere omnia solus sustineret.

Quatenus ad *Nobiles secunda Classis*; Parum periculi ab illis manare potest, cum
sint

sint corpus dispersum. Poterunt illi quidem nonnunquam grandia loqui, sed non multum nocere. Quinimo fovendi sunt, tanquam qui potentiam *Nobilitatis superioris* optime temperent, ne immodice exerceat: Atque rursus, cum Populi gubernacula immediate tractent, motus populares optime compescunt.

Quod ad *Mercatores*; Sunt illi instar *Vena Porta*: Qui nisi floruerint, potest quidem Regnum aliquod artus habere robustos, sed venas vacuas, & habitum corporis macrum. Vestigalia & portoria immodica raro *Regis* redditus adaugent. Ex enim quod in partibus lucretur, in summa perdit; commercii Quanto deminuto.

Quantum ad *Plebem*; Ab iis raro creatur periculum, nisi habeant Ductores potententes & populares; Aut si introduces mutationem in Religione; Vel in Consuetudinibus antiquis; Vel in gravaminibus Tributorum; Vel in aliis quæ victum eorum decurtant.

Quantum denique ad *Milites*, Periculosissima res est, si in corpus unum cogantur, vel exercitus, vel præsidiorum; & donativis insuescant. Cujus clarissima cernimus exempla, in *Ianizariis* & *Prætorianis*. Verum *militum* conscriptio, & ad arma tractanda instructio, & in locis diversis,
& sub

& sub diversis ducibus, & sine donativis; res sunt utiles, & salubres, & sine periculo.

Principes corporibus cœlestibus similes: quæ tempora felicia, aut infelicia, in fluxu suo producant; quæque veneratione multa gaudent, requie nulla. Omnia circa *Reges* præcepta, duobus illis monitis clauduntur; *Memento quod es homo*; Et; *Memento quod es Deus, seu Vice-Dei*: Quorum alterum pertinet ad Potestatem eorum coercendam, alterum ad Voluntatem regendam.

X X.

DE CONSILIO.

Summa quæ intercedit inter homines fides, est illa *Consilium* impertiendi. Etenim in alio quovis fidei genere, partes tantum vitæ aliis commendamus; Terras, Bona, Liberos, Existimationem, & alia Negotia particularia; Verum iis quos nobis *Consiliarios* adhibemus, omnia mandamus. Quanto magis, qui partes *Consiliarios* præstant, ad omnem integritatem & sinceritatem astringuntur? *Principes* vel prudentissimi nullo modo in diminutionem Auctoritatis accipiant, si *consilio* virorum selectorum utantur. Quia & *Deus* ipse *consilio* non vacat; sed inter nomina magna *Filii* sui bene-

benedicti ponit, ut *Consiliarius* vocetur. *Salomonis* certe pronunciatum tale: *In consilio stabilitas*. Res humanæ proculdubio, aut primam, aut secundam agitationem subibunt: Si minus *Consulationum* argumentis jactentur, certe fluxibus fortunæ jactabuntur; plenæque evadent, inconstantia, & mutationum, modo texendæ, modo retexendæ, instar vacillationum hominis ebrii. Sane *Filius Salomonis* vim *consilii* expertus est, quemadmodum *Pater* ejus necessitatem & usum vidit. Etenim regnum *Deo* dilectum, primo laceratum & fractum est, *consilio* pravo. Cui quidem *consilio* inustæ sur, ut nobis sint documento, Notæ illæ dux, per quas *consilia* prava in perpetuum, dignoscantur; Una, quod fuerit *consilium* juvenile quoad personas; Altera, quod fuerit violentum quoad subjectum.

Sapientia Veterum in *Parabola* adumbravit, tam unionem & insolubilem conjunctionem *Consilii* cum *Regibus*; quam prudentem & politicum usum ejusdem per *Reges* adhibendum. Alterum in eo, quod *Iovem* narrant, *Metim*; (quæ vox *Consilium* significat,) in *Uxorem* duxisse, in quo innuunt, *Consilium* Imperio sponsæ loco esse. Alterum in eo, quod sequitur: Quod hujusmodi Commentum est.

Tra-

Tradunt, postquam *Metis* nupta fuisset *Iovi*, eam gravidam ex illo factam: *Iovem* autem non sustinuisse donec pareret, sed eam devorasse; Unde ipsum quoque gravidum factum; & *Palladem* armatam ex capite suo edidisse. Quæ Fabula portentosa Arcanum Imperii involvit: Hoc nimirum; Ad quem modum *Reges*, erga *Consilium suum sanctius*, se gerere debeant: Primum, ut res deliberandas illis committant; Quod est veluti prima Conceptio: Secundo; cum elaboratæ & efformatæ fuerint, veluti in utero *Consilii* sui; atque maturuerint, & partui vicinæ sint; tum demum non permittant amplius *Consilio* suo ut Decretum perficiant, ac si res ex eorum auctoritate penderet; sed negotium ad se retrahant, & palam omnibus faciant. Decreta & ordinationes ultimas (quæ, quoniam cum prudentia & potestate ex eunt, assimulantur *Palladi armata*) à se ipsis emanare; neque solum ab Auctoritate sua, verum etiam (quo magis estimationem suam evehant) ab ingenio & auctoritate propria provenire.

Dicamus jam de *Incommodis Consilii*, & de ipsorum *Remediis*. *Incommoda*, quæ se produnt, in *Consilio* utendo, & adhibendo, sunt tria. Primo, quod hæc res negotia minus reddat secreta. Secundo,

E

quod

quod derogare videatur de auctoritate *Principum*, ac si minus ex se penderent. Tertio, quod subit periculum à *Consiliis* infidelibus, quæ tendant potius in commodum *Consulentis*, quam *Principis* ipsius. Ad quæ mala evitanda, doctrina quorundam ex *Italis*, & practica apud *Gallos*, temporibus quorundam *Regum*, introduxit *Consilia interiora*, quæ vulgo vocantur *Cabinetti*: remedium sane morbo deterius,

Quantum ad occultationem *Consiliorum*; Non tenentur *Principes*, omnia cum omnibus *Consiliariis* communicare; sed tam personas, quam negotia, cum delectu, excerpte possunt. Neque necesse est *Principi*, qui deliberat quid sit agendum, simul detegere quid in animo habeat statuere. Verum caveant *Principes*, ne propalationes negotiorum suorum ipsi in causa sint. Quatenus vero ad *Consilia*, quos diximus *Cabinettos*, in illos diverbiū illud competit; *Plenus rimarum sum*. Futilis quispiam, qui gloriæ sibi duxerit, arcana nosse & retegere, plus nocebit, quam complures; qui bene norunt, officii sui esse, eadem reticere. Verum est, intervenire negotia quædam, ejus generis, quæ occultationem summam requirunt; Qualis non facile ultra notitiam

unius

unius aut duorum, præter ipsum *Regem*, excedet: Neque improspere cedere solent istiusmodi *Consilia*: Nam præterquam quod secreta sint, procedunt plerumque constanter, & uno quasi spiritu reguntur, absque contentione. Sed tum demum hoc recte cedit, si *Rex* prudens sit, & proprio Marte validus; & simul *Consiliarii* illi sint sagaces; & ante omnia Finibus, quos sibi proponit *Rex*, fidi. Id quod contigit *Henrico Septimo Angliæ Regi*; qui arcana sua majoris momenti, duobus tantummodo *Consiliariis* imperiebatur, *Mortono*, & *Foxo*.

Quantum ad *Auctoritatem minuentem*; *Fabula* remedium monstrat. Ino Majestas *Regum* exaltatur potius quam deprimitur, cum in Cathedra *Consilii* sedcant. Neque unquam invenire est *Principem*; auctoritate sua imminutum, per *Consilium* suum; Nisi forte ubi obtrigerit Potentia nimia in uno aliquo *Consiliario*; aut nimis arcta combinatio inter diversos: Quæ duo mala cito deprehenduntur, & sanantur.

Quantum ad postremum *Incommodum*; *Consiliarios* nimirum, in *Consilio* dando, suæ rei prospecturos, non Domini; minime dubium est, *Scripturam* illam, *Non inveniunt fidem super terram*, intelligi de-

bere de natura temporum , minime de personis singulis. Reperiuntur quidem viri fideles, sinceri, candidi & veraces; minime vafri aut involuti. Ascendant sibi *Principes*, ante omnia, ingenia talia. Preterea *Consilarii* raro ita inter se uniuntur, quin alius super alium excubias agat; adeo ut, si quis *Consilia* det factiosa, aut ad privatos Fines collimantia, celeriter hoc ad aures *Principis* deveniat. Remedium autem prastantissimum fuerit, si *Roges* dent operam ut *Consiliarios* suos pernoctant; quemadmodum illi, ut *Principem*.

Principis est Virtus maxima nosse suos.

Contra vero *Consiliarios* non decet nimios esse rimatores in personam *Principis* sui. Vera enim *Consilarii* Constitutio hæc; Ut peritior sit in negotiis *Principis*, quam in moribus ejus. Sic enim verisimile fiet, cum *Consilium* potius recta directurum, quam se *Principi* accommodaturum quo complacere. *Principibus* etiam hoc magno usui esse possit, Si opinioniones & vota *Consiliarios* suorum, & divisim, & conjunctim, recipiant. Et enim opinio, in secreto prolata, liberior multo est; sed illa, quæ coram aliis, gravior. Nam in privato quisque propriis affectibus plus inservit; in consortio aliorum affectibus magis obnoxius est. Itaque

que neutrum omittendum: atque ab inferioribus, in privato potius ut libertati consulatur; à grandioribus, in consortio potius ut modestius sententiam ferant. Nil prodest, si *Principes* de rebus deliberent, nisi diligenter quoque deliberent de personis: Etenim res omnes, tanquam imagines mortuæ; vita autem actionis in delectu personarum potissimum consistit. Neque sufficit, de personis deliberare, secundum genera, veluti in idea quadam, aut descriptione Mathematica; qualis videlicet Character & conditio personæ esse debeat; Etenim errores maximi interveniunt, & iudicii libra maxime versatur in delectu individuorum. Illud quoque memoria tenendum; *Optimi Consilarii mortui Libri* veritati non pareunt, cum *Consilarii vivi* forte in adulationem lapsuri sint. Utile itaque fuerit, *Libros* multum revolvere, præsertim eorum auctorum, qui & ipsi gubernacula rerum tractarunt.

Consilia, hac ætate, in locis plurimis, nihil aliud fere sunt, quam Congressus, & Colloquia familiaria; ubi res potius sermonibus jactentur, quam debitis argumentis trutinentur. Atque plerumque præcipitantur nimis, ad Decretum vel Actum *Consilii*, properatur. Satius esset,

si in majoris momenti negotiis, res uno die deliberanda proponeretur, altero tractaretur; *In nocte Consilium*. Id certe præstitutum est in *Tractatu Unionis*, inter *Delegatos Anglia & Scotia*; Qui conventus regulariter, & optimo ordine, processit. Ad petitiones autem privatas, dies aliquos præfigi probo: Nam & supplicantibus tempora certa indicant, quibus commodius se applicent; & solenniores conventus exonerant, ut possint *Hoc agere*. In delectu deputatorum, qui negotia ad *Consilium* informandum præparent, præstat eos eligere, qui æqui sint, & in neutram partem propendeant, quam æquitatem quandam creare, introducendo aliquos, qui utrique parti sedulo faveant. Probo etiam *Delegationes*, non tantum temporaneas, aut è re nata; sed etiam continuatas, & perpetuas. Exempli gratia; Quæ curent separatim, *Commercium*; *Ærarium*; *Bellum*; *Gratias*; *Gravamina*; *Provincias particulares*. Sane, ubi in usu sunt *Consilia* subordinata diversa, atque unicum tantum superius *Consilium*; (ut fit in *Hispania*,) nihil aliud fere sunt ejusmodi *Consilia*, quam *Deputationes* (quales diximus) perpetuæ, nisi quod majore auctoritate polleant. Si casus postulet, ut informetur *Consilium* ab hominibus

nibus alicujus muneris aut professionis particularis, (veluti Jurisperitis, Nauticis, Excusoribus Nummorum, Mercatoribus, Artificibus, & similibus;) audiantur illi primo coram *Delegatis*; & postea, prout occasio postulat, coram *Consilio*. Neque permittantur venire catervatim, aut more Tribunitio se gerere; Hoc enim foret; clamoribus *Consilium* fatigare, non informationem, ut debet, exhibere. *Mensa oblonga*, & rursus *quadrata*, sive *sedes ad parietes* Camerae *Consilii*, videri possunt Formalia tantum; sed sunt profecto Realia: Nam ad *Mensam oblongam*, pauci, qui prioribus locis sedent, res quasi soli transigunt; verum in aliis, quas diximus, figuris, major usus *Consiliario- rum* qui inferius sedent. *Rex*, cum praesidet ipse in *Consilio*, caveat, ne sententiam suam, citius quam par est, declaret: Hoc si fecerit, *Consiliarii* se ad nutum ejus applicabunt, & loco *Consilii* liberi, Canticum ei occinent; *Placebo*.

XXI.

DE MORA.

Fortuna foro rerum vernalium similis est; ubi saepe (si paululum expectare poteris) minuetur pretium. Rursus, aliquando *Sibylla licitationibus* assimulatur; quæ primo plenas offert merces, mox

partes aliquas consumens, integrum tamen pretium postulat. Nam *Occasio* (ut in trito habetur Carmine,) *occipitum nobis obvertit calvum*, postquam capillorum in fronte copiam fecit non arripientibus: vel saltem utris ansam præbet primo accipiendam; dein ventrem, qui difficilius comprehenditur. Nusquam certe major apparet sapientia quam in tempestivis negotiorum auspiciis; principiisque eligendis: Non jam levia sunt pericula; si levia videantur; & plura pericula sefellunt, quam vim intulerunt. Quinimo, satius est, quibusdam periculis, quasi media via occurrere, quam eorum motus, & appropinquationem, perpetuo inquirere, & observare. *Qui enim nimium invigilat, interdum dormitat.* E contrario, umbrarum longitudine decipi, (ut quidam olim, quando *Luna* Horizonti proxima, hostium terga irradiabat,) atque ita ante tempus tela emittere; aut pericula, præmature obviando, accersere, alterum est extremum. Nam *Opportunitatis maturitas, vel immaturitas*, est (ut antea diximus) ad amissum examinanda. Ac; ut plurimum, expedit, omnium magnorum negotiorum principia *Argo* cum centum oculis suis, exitus vero *Briareo* cum centum manibus suis, committere:

tere: primum scilicet invigilare, postea accelerare. Etenim *Orci Galea*, quæ Politicum vere reddit invisibilem, est, *Consiliorum occultatio*, & *Expeditionum celeritas*. Cum enim ad executionem ventum sit, nulla *occultatio celeritati* est æquiparanda; more globuli è Tormento emissi, qui tam velociter pertransit, ut ipsam oculorum aciem antevertat.

XXII.

DE ASTVTIA.

PER *Astutiam* intelligimus, sinistram quandam & obliquam Prudentiam. Et pro certo est, multum interesse, inter *Astutum*, & *Prudentem*; non solum, quatenus ad probitatem, sed etiam quatenus ad mentis vires. Sunt qui chartas pictas artificio quodam miscere sciunt; qui tamen periti lutores non sunt; Sunt itidem nonnulli, qui in Competitionibus, & Factionibus regendis, multum valent, alias vero infirmi iudicii sunt. Rursus, alia res est, personarum naturas & mores callere; alia vero, negotia pernosse: Sunt enim haud pauci, qui in personarum aditibus, & temporibus, versuti sunt, neque tamen partis Realis, negotiorum, sunt capaces: Quæ est constitutio ipsissima hominum, qui in personis dignoscendis, non in li-

bris evolvendis, operam collocarunt. Tales magis in Pragmaticis adhiberi debent, quam in Consiliis; Et non aliter fere usum sui præbent, quam in viis, quas sæpe contriverunt. Converte eos ad homines novos, & artibus suis excidunt: adeo ut verus illa Regula, stultum à sapiente dignoscendi, (*Mitte ambos ad ignotos, & videbis.*) de huiusmodi hominibus non teneat. Quoniam autem *Astuti* isti homines, similes sunt pusillarum mercium propolis, non abs re fuerit, officinas ipsorum excutere.

Inter *Astutias* numerari potest, ut quis vultum ejus, cum quo colloquitur, limatius observet: quod etiam *Iesuitæ* præcipiunt. Sunt enim complures, sique ex prudentioribus, qui corda habent obscura, vultus autem pellucidos. Verum, decet hoc fieri, cum modesta oculorum pervices demissione, quemadmodum & faciunt *Iesuitæ*.

Altera existit *Astutia*, ut, cum aliquid propere & facile obtinere & expediri cupias, personam, cum qua agis, de alio quopiam negotio sermonem inferendo detineas & præoccupes; ne nimium ad Objectiones & scrupulos evigilet. Equidem noveram *Consiliarium* quendam, & *Secretarium*, qui nunquam ad *Elizabetham Reginam Angliæ*, ad Diplomata manu *Regina*

gina signanda, accessit, quin à principio illam in aliquos de rebus Status gravioribus sermones perduceret, ut hisce intenta ad Diplomata minus animum adjiceret.

Idem valet *subita prehensionis* ratio, si quis rem proponat, quando persona, cum qua agitur, ad alia festinat, neque moram pati potest rem accuratius considerandi.

Si cui in animo est, negotium aliquod destruere, quod alius fortasse quispiam dextre & cum effectu propositurus fuisset, ipse se erga negotium *bene affectum simul*, atque ipse rem proponat, sed eo modo, ut successum ejus disturbet.

Abruptio sermonis in medio, quasi quis se ipsum deprehenderet, & contineret, majorem generat appetitum, in eo quocum colloqueris, ad ulterius inquirendum.

Quoniam autem imprimit fortius quod Quæstione erutum est, quam quod sponte oblatum, possis ad inescandam, Quæstionem insolitum induere vultum: ex quo occasio detur alteri interrogandi. Quid tibi velit ista oris mutatio? Ut *Nehemias* fecit; *Neque ante illud tempus tristis fueram in conspectu Regis.*

In rebus ambiguis, & ingratis, bonum est, initia, de iis Sermonem inferendi, aliqui alteri deputare, cujus verba minoris sint ponderis, & majoris auctoritatis vo-

cem in subsidiis reservare, veluti casu fortuito interrogetur ille superveniens, de eo sermone, qui ab altero injectus est. Quod fecit *Narcissus*, cum indicaret *Claudio* Matrimonium *Massalina* & *Sili*.

In rebus, quas à se amoliri quis cupiat, non inutile est, vulgi nomen mutuari: Ac si quis tali formula utatur; *Hoc vulgo dicitur*, aut, *Increbruit Sermo*.

Noveram quendam, qui cum Literas scriberet, id, quod maximi erat momenti, Post-scripto semper includebat, ut rem fere prætermissem.

Noveram & alium, qui cum ad Colloquium cum alio veniret, id quod maxime ei in sermone curæ erat, præterire solitus erat, & discedere, & rursus redire, & tum demum ejus rei mentionem facere, ac si illa fere è memoria excidisset.

Alii se subito deprehendi procurant, tali tempore, quo verisimile est, partem, cui insidiantur, superventuram; ac simul se chartam aliquam in manu habentes, aut aliquid præter consuetudinem agentes, inveniri volunt; ut interrogentur de iis rebus, quas revera ipsi eloqui cupiunt.

Astutia species satis vafra est, ea verba proprio nomine prolata, sibi excidere pati, quæ alium arripere, & iis uti, quis expetit, ut inde alterum irretiat, & subruat.

Nove-

Noveram duos , pro officio *Secretarii*, tempore *Regina Elizabetha*, competitores ; qui tamen se invicem amicè tractabant ; quippe de negotio ipso competitionis suæ sæpius conferebant. Atque alter ipsorum dicebat ; *Fieri Secretarium in declinatione Monarchia* ; rem esse haud parvi periculi ; seque illud genus honoris minime ambire ; Alter statim verba illa, calhde prolata, bona fide arripuit, & cum amicis suis nonnullis libere sermones conferuit, dicens, se in *declinatione Monarchia muneris Secretarii* ambitiosum esse non debere. Prior ille occasione usus est, eaque verba ut ad *Regina* aures pervenirent, tanquam scilicet ab altero prolata, curavit : Quæ indignata circa illa verba, in *Declinatione Monarchia*, cum ipsa se vigentem reputaret, posterioris illius competitionem nunquam postea admisit.

Est *Astutia* quoddam genus, quod *Anglico* proverbio, *Felem in aheno vertere*, satis absurde dicitur ; cum ea verba, quæ quis apud alium profert, imputat Colloquenti, tanquam ab ipso prolata. Et, ut verum dicamus, cum talia aliqua verba inter duos agitata fuerint, difficile est probare & verificare, ab utro primum inceperint.

Et *artificium* in usu, ut quis in alios spicula quædam obliquè torqueat, justificando

cando se ipsum per negativas: utpote dicendo; *Hoc ego non facio*; ut *Tigillius* fecit, *Burrhum* sugillando; *Se non diuersas spes*, sed *incolumitatem Imperatoris*, simpliciter spectare.

Nonnulli in promptu habent tot *Narrationes* & *Historiolas*, ut nihil sit quod insinuare cupiunt, quin id *Historiola* aliqua involvere possint; Unde, & se magis in tuto continent, quasi nihil diserte affirmantes, & rem ipsam maiorem cum voluptate spargi efficiunt.

Bonum est *Astutia* genus, ut quis responsum, quod obtinere cupit, conceptis verbis proponat. Etenim alteram partem minus hæere facit.

Mirum est cernere, quamdiu nonnulli occasionem capient, dicendi illud, quod proferre cupiunt, & quanto circuitu uti sustineant; & quot alia attingere, ut quo volunt perveniant. Res certe hæc, magnæ patientiæ, sed multi usus.

Improvisa, & *audax Questio*, aliquando hominem deprehendit, & detegit. Simile quiddam evenit cuidam, qui nomen mutaverat, & in *Templo Divi Pauli* obambulans, fuit ab alio, per nomen suum verum, à tergo compellatus; ad quod statim retrospexit. Verum merces hæc pusillæ, & *Astutia* minores, sunt insinuatæ. Neque
male

male factum esset, si quis earum conficeret. uberiores Catalogum; Quoniam nihil rebus obest magis, quam quod *Astuti* recipiantur pro *Prudentibus*.

Illud pro certo habendum, nonnullas negotiorum periodos & pausas nosse, qui in ipsorum viscera & interiora penetrare nequeunt: ut reperiuntur aedes nonnullæ, quæ gradus nactæ sunt commodos, & arcameras, sed absque cubiculo aliquo pulchriore. Itaque tales videbis in Conclusionibus *Deliberationum* commodos quosdam exitus reperire. Ad rem vero examinandam, & disceptandam, nullo modo sufficere. Attamen, sæpenumero ex hac re existimationem quandam aucupantur; veluti ingenia, quæ ad decernendum potius quam disputandum, sint aptiora. Sunt qui magis innituntur *dolo*, quos aliis struunt, quam *consiliis* solidis & sanis; Sed *Salomon* ait; *Prudens aduertit ad gressus suos; Stultus diuertit ad dolos.*

XXIII.

DE PRUDENTIA QUÆ

SIBI SERUIT.

Formica animalculum *sibi sapiens*, sed in horto nocivum. Et sane sit, ut qui sui nimium amantes sint, Reipublicæ noceant. Partire itaque moderate, inter amorem

rem Tui ipsius, & amorem Reipublicæ: Atque ita tibi sis proximus, ut in alios non sis injurius: præsertim, in *Régem* tuum, aut *Patriam*. Centrum plane ignobile est actionum hominis cujuspiam, *Commodum proprium*. Recte terrestrem naturam sapit. Terra enim suo stat fixa Centro; ubi quæ affinia Cœlestibus sunt omnia, moventur super Centrum alterius, cui benefaciunt. *Ad se omnia referre*, tolerabilius est in *Viris Principibus*; Quia ipsi intra personam suam non consistunt; sed publico periculo, & fortuna, degunt. Verum in servo *Principis*, aut cive Reipub., res est perniciosissima. Etenim negotia publica universa, quæ ab id genus homine expediuntur, ad fines proprios flectuntur; quos necesse est Eccentricos sæpe esse, ad fines Domini, sive Status sui. Eligant itaque *Principes*, & Status, ministros & servos, qui hac nota non maculantur, nisi velint res suas accessorii tantum loco esse. Imo quod hunc Effectum reddit magis exitiosum, illud est; Quod amittitur plane rerum analogia. Satis enim iniquum esset, si *bonum* servi præferatur *bono* Domini; Sed adhuc longe iniquius est, cum *exiguum bonum* servi, antefertur *magno bono* Domini. Veruntamen id sæpius factum est, per *Officiarios* pravos; veluti
The-

Thesaurarios, Legatos, Duces, & alios servos aut ministros infideles & improbos: Qui globulo suo pondus addunt finium suorum minorum, quod cum in transversum inclinet utilitas Domini sui, in rebus gravioribus & magni momenti. Et plerumque commodum, quod ejusmodi servi ad se attrahant, est pro modulo fortunæ propriæ; at detrimentum, quocum permutent commodum illud, est pro modulo fortunæ Domini sui. Siquidem Philautorum istiusmodi ingenium patitur, ut non morentur domum proximi incendere, pro re nihilo majore quam ad assanda ova sua. Veruntamen hujusmodi ministri, haud raro, apud Viros potentes, gratia pollent; Quia illis jucunda procurant, sibi utilia: Atque utri usvis rei causâ fortunam Domini sui prodent.

Prudentia quæ sibi uni sapit, in plurimis ejus ramis res sane depravata. Assimilanda sapientia soricum qui domum aliquam pro certo deferent paulo ante ruinam: Sapientia vulpis, quæ taxonem è domo expellit, quam sibi defodit, non illi. Sapientia Crocodili, qui lachrymas emittit cum devorare cupit. Verum illud inprimis observationem meretur; Quod hujusmodi homines, qui (ut Cicero loquitur de Pompejo) sui sunt amantes sine rivali,

vali, sæpenumero infortunati sunt: Cumque sibi, per totam vitam, sacrificaverint, in exitu sacrificant inconstantiz fortunæ, cujus alas sperabant se pulchra illa *sapientia* sua præcidisse.

XXIV.

DE INNOVATIONIBVS.

Sicut partus recensediti informes sunt; sic videre est in *novis institutis*, quæ sunt partus temporis. Veruntamen, ut qui in familiam suam honores primi introducunt, posteris suis plerunque dignitate prælucent; ita rerum exemplaria, & primordia, (quando feliciter jacta sunt,) imitationem ætatis sequentis, ut plurimum, superant. Malum enim, in natura humana, naturali motu fertur; qui processu invalescit; At bonum, ut fieri amat in violentis motibus, in primo impetu fortissimum. Certe, omnis Medicina *Innovatio* est: Et qui *nova remedia* accipere nolit, *nova mala* expectet. *Novator* enim maximus omnium *Tempus*. Quod si *Tempus*, decursu solo, res in pejus ferat; *Prudentia* vero & *Industria* eas in melius restituere non contendat, quis tandem erit finis mali? Hoc concedi prorsus debet; Quod consuetudine firmatum est, etiam minus sit bonum, aptum esse tamen temporis.

poribus; Quæque uno quasi alveo fluxerunt, fœdere quodam conjuncta esse; ubi contra *nova veteribus* non usquequaque tam concinne cohzreant: Etsi enim utilitate juvent; *novitate* tamen & inconformitate turbant. Sunt certe *Novitates*, tanquam advenæ aut peregrini, quos admiratione plus, minus benevolentia prosequimur. Recte quidem hæc omnia, si *Tempus* quiesceret, hoc tamen indefesse in orbem agitur. Inde fit, ut *importuna & morosa moris retentio*, res turbulenta sit, æque ac *Novitas*; & qui vetera superstitiose nimis reverentur, cedant in præsentis seculi ludibrium. Prudentes igitur facient homines, si, in *innovationibus* suis, à *Tempore* exemplum petant; *Tempus* enim *innovat* vel maxime, sed tacite, pedetentim, ac sine sensu. Illud enim pro certo habeas; Quod *novum* est, præter spem & expectationem accedere; & huic adjicere aliquid, illi eripere: At cui incremento est *Novitas*, ille fortunæ gratias habet, & tempori; Cui vero nocumento, is *Novitatis* auctorem injuriarum postulat. Expediit præterea; *Experimentis novis*, in corporibus Politicis medendis, non uti; nisiurgens incumbat necessitas, aut evidens se ostendat utilitas; & sedulo cavere, ut *Reformationis studium mutationem*

116. DE EXPEDIENDIS NEGOTIIS.

nem inducat, non autem *studium mutationis Reformationem* prætexat. Quinetiam omnis *novitas*, quam rejicere fortasse non datur, pro suspecta tamen haberi debet. Denique ex *Scriptura* monito; *Stemus super vias antiquas, atque circumspiciamus, qua sit via bona, & recta, & ambulamus in ea.*

XXV.

DE EXPEDIENDIS NEGOTIIS.

C*eleritas* nimia & affectata, negotia, ut plurimum, perdit. Similis est illi rei, quam *Medici Prædigestionem*, sive præproperam *Digestionem* vocant; quæ corpus implere solet humoribus crudis, & secretis seminibus morborum. Itaque *Negotiorum expeditionem* ne metiaris per tempora consulendi, sed per *negotii* ipsius *progressum*. Et quemadmodum in cursu minime in passus granditate, aut pedum elevatione altiore, *celeritas* consistit, sed in motu eorundem humiliore, & æquabili; Ita in *Negotiis*, mordicus rei inhærere, neque partem *negotii* nimiam pro una vice avide amplecti, *celeritatem* in conficiendo procurat. Curæ est nonnullis illud tantum, ut brevi tempore multum confecisse videantur; aut ut periodos aliquas *negotiorum* falsas constringant, quo
acres

acres in *negotiis* existimentur : Verum aliud est, tempori parere, *negotium* contrahendo, aliud intercidendo: *Negotia* autem in eum modum tracta, crebris nimirum congressibus, plerumque sursum deorsum feruntur, magna inconstantia. Novimus *Virum* prudentem, cui semper in ore erat, cum *festinationem* nimiam videret; *Manete paulisper, ut expediamus celerius.*

Ex altera parte, vera *Celeritas*, in expediendis *negotiis*, res est pretiosa. Tempus siquidem *negotiorum*, sicuti pecunia mercium, est mensura. Emitur igitur *negotium* magno, ubi nimia est *protractio*. *Spartani*, & *Hispani*, tarditatis notati sunt; *Mi venga la muerte de España: Veniet mors mea ab Hispania*: Tum, scio, cunctanter veniet.

Autem illis præbe facilem, quibus primæ in informatione *negotiis* partes demandatæ sunt: & potius viam illis monstrés ab initio, quam postea in Orationis filo crebrius interrumpas. Qui enim in ordine, quem sibi præstituit, perturbatur, subsultabit, & prolixior fiet, dum memoriam suam recolliget; quam alias futurus fuisset, si sua methodo perrexisset. Sed interdum videre est, *Moderatorem* molestum esse magis, quam *Oratorem*.

Repetitiones plerumque cum temporis
jactu-

jactura fiunt: Attamen *Statum Quaestio-*
nis saepe repetere, lucrum est *temporis* vel
 maximum. Etenim complures sermones,
 prorsus abs re, in ipso partu, abigit. Ora-
 tiones prolixæ & curiosæ, æque *expedi-*
tioni negotiorum conveniunt, ac toga præ-
 longa; terram verrens, cursui. Præfatiun-
 culæ, Transitiones bellæ, & Excusationes,
 atque alia verba, quæ ad personam loquen-
 tis referuntur, *tempus* haud parum deva-
 stant; Et licet à modestia emanare videan-
 tur, sunt tamen revera gloriolæ captattri-
 ces. Sed cave, ne in rem ipsam, ab initio,
 descendas, cum in hominum voluntatibus
 impedimentum aliquod reperiatur, aut
 obstructio; Etenim animorum præoccu-
 patio sermonum semper postulat præfa-
 tiones: instar fomentationis ante unguen-
 tum, quo unguentum mollius subintret.

Ante omnia, *Ordo*, & *Distributio*, &
Partium apta *Extractio*, *celeritatis* tan-
 quam vita est: ita tamen ut *Distributio*
 non sit nimium subtilis. Nam qui *partitio-*
ne non utetur, in *negotia* nunquam com-
 mode ingreditur; qui autem nimia ute-
 tur, vix emerget. *Tempora* prudenter de-
 ligere, *tempus* plurimum lucratur; Atque
 intempestiva propositio, nil aliud, quam
 ærem verberare, & tempore abuti. Tres
 sunt *negotiorum partes*: *Præparatio*; *Con-*
sulta-

sultatio sive *Examinatio* ; & *Perfectio* : Harum (si *Expositioni* consulere in animo est) media, sit opus, multorum ; Prima autem, & ultima, Paucorum. Procedendi in *negotiis* initium sumere ab iis quæ scripto comprehensa sunt, plerunque *Expositionem* promovet: Licet enim contigerit, ea in totum rejici, nihilominus *Negativa* illa plus valebit ad consilia educenda, quam *Indefinita* ; Quemadmodum cinis magis generativus, quam pulvis.

XXVI.

DE PRUDENTIA APPARENTE.

Recepta est opinio; Gallos prudentiores esse quam videntur, *Hispanos* autem prudentiores videri quam sunt. Sed utcunque se res habeat inter *Gentes* ; certum est, hoc usu venire inter *Personas* singulares. Sicut enim loquitur *Apostolus* de pietate; *Speciem pietatis habentes, sed virtutem ejus negantes* ; Ita certe inveniuntur nonnulli, qui nugantur solenniter, cum prudentes minime sint, *magnæ conatu nugæ*. Res est profecto prudentibus ridicula; & Satyra digna, affectatores istos videre ; in quos formas se vertant, & quali utantur arte quasi prospectiva, qua superficie appareat corpus, quod profunditatem aut dimensionem solidi habeat.

beat. Alii tam secreti sunt, & in se declarando parci, ut merces suas, nisi sub obscura luce, ostendere nolint; & videri volunt, plus significare, quam loqui: Cumque sibi ipsis conscii sint, se de iis rebus loqui, quas non bene norunt; cupiunt nihilominus videri, se illa nosse, quæ non possunt tuto loqui. Alii vultu & gestu verbis suffragantur, & veluti per signa sapiunt: Ut Cicero ait de Pisone; *Respondes, altero ad frontem sublato, altero ad mentum depresso supercilio; crudelitatem tibi non placere.* Alii se valere putant, si grande quiddam loquantur, idque stylo peremptorio: Itaque nihil morantur, & pro admissis accipiunt, quæ probare non possunt. Sunt, qui, quicquid sub captum eorum non cadit, spernere, aut parvi pendere præ se ferunt, tanquam impertinens & curiosum; sicque incitiam suam pro judicio limato obtendunt. Alii distinctionem aliquam semper in promptu habent; & plerunque hominum ingenia subtilitate perstringendo, rem prætervehuntur. De quo genere loquitur *Aulus Gellius; Hominem delirum qui verborum minutiis, rerum frangit pondera.* Ad quod exemplum, Plato in *Protagora*, per ironiam, introducit *Prodicum*, sermonem integrum contextentem ex distinctionibus,

à prin-

à principio usque ad finem. Generaliter, istiusmodi homines, in Consultationibus; *negativa* libenter se applicant, & existimationem quandam aucupantur ex scrupulis & difficultatibus proponendis & prædicendis; Etenim cum id, quod proponitur, penitus rejicitur, nil ultra restat agendum; sin probatur, nova indiget opera: quod prudentiæ genus spurium negotia prorsus perdit. Ut verbo dicamus; Nec Mercator aliquis obærat, nec decoctor rei familiaris occultus, tot artificiis se muniet, ad divitias simulandas; quot homines isti *vera prudentia* destituti, utuntur, ad *prudencia* suæ opinionem tuendam. Certe, homines hac *prudencia* præditi, opinionem vulgi facile aucupari possunt, sed ad negotia gravia tractanda nemo talium delectum faciat: Etenim, ad negotia promovenda, satius proculdubio fuerit, virum eligere paulo absurdior, quam huiusmodi Formalistam fastidiosum.

XXVII.

DE AMICITIA.

Res sane difficilis esset, etiam illi qui dixerit, plus veri ac falsi, idque compendio, miscuisse, quam in illo scito; *Quicumque solitudine delectatur, aut fera, aut Deus est.* Negari enim non potest, quod
 F infi-

insitum & latens odium, seu fastidium societatis, si in aliquo deprehendatur, sapiat nescio quid belluinum: illud tamen è converso, quod aliquam *Divina natura* speciem præ se ferat, falsissimum est; nisi hujusmodi vita solitaria minime ab amore ipsius solitudinis proveniat, sed à studio secedendi, ut altioribus Contemplationibus quis vacet: Id quod in nonnullis Ethnicorum reperitur, sed affectatum & fictum: ut in *Epimenide Cretense*, *Numa Romano*, *Empedocle Siculo*, & *Apolonio Tyaneo*: sincerum tamen & verum in plurimis *Eremitarum antiquorum*, & in sanctis *Patribus Ecclesie*. Interea vero parum perspiciunt homines, quid hoc sit quod *Solitudo* nominatur, & quibus finibus circumscribatur. Turba enim non est societas dicenda: & facies hominum nihilo plus sunt quam in porticibus picturæ; Colloquia vero absque dilectione *cymbalo non præstant tinnienti*. Hoc innuit id, quod Latino jactatum Proverbio; *Magna civitas, magna solitudo*. In magnis enim urbibus *Amici* & *Necessarii* remotius disperguntur, adeo ut minus plerumque familiariter, & in consortio vivatur, quam in viciniis angustioribus. Quin & ulterius progredi licet, atque verissime asserere, meram & miseram esse *solitudinem*.

nem, ubi desunt *amici* veri: sine quibus Mundus nihil aliud quam Eremus est. Quo etiam sensu si solitudinem accipias; quicumque natura & genio suo ab *amicitiis* abhorret, huiusmodi affectum à bruto potius, quam ab homine mutuatur.

Maximus *Amicitia* fructus est *levamen* & *evaporatio anxietatis* & *tumorum cordis*, quos animæ perturbationes, cujuscunque generis, imprimere solent. Novimus, morbos illos in corpore esse maxime periculosos, qui ex obstructionibus & suffocationibus nascuntur: Neque multo secus se res habet in ægitudinibus animæ. Sarsam adhibere possis ad lecoris, *Chalybem preparatum* ad Lienis, *Flores Sulphuris* ad Pulmonum, *Castoreum* ad Cerebri oppilationes deobstruendas: Nulla autem invenitur Medicina apertiva ad obstructiones Cordis, præter *Amicum* fidelem; cui impertire possis, dolores, gaudia, metus, spes, suspiciones, curas, consilia, & quicquid denique Cor opprimat, tanquam sub sigillo *Confessionis Civilis*.

Res est profecto mirabilis, si quis secum reputet, quam magni, *Principes summi* & *Monarcha*, istum *amicitia fructum* (de quo loquimur) æstiment: Tanti sane, ut eundem, & incolumitatis suæ, & amplitudinis, periculo, interdum coëmant.

Principes enim, propter distantiam & sublimitatem fortunarum suarum, à fortunis fervorum & subditorum suorum, *fructum* hunc decerpere nequeunt: nisi forte (quo cum melius colligant) aliquos evehant & promoveant, qui sint sibi tanquam socii & æquales: id quod sæpenumero non sine præjudicio fit. Linguae modernæ, istiusmodi personas, nomine *Gratiosorum*, vel *Amicorum Regis*, insigniunt; ac si res esset favoris & conversationis: at vocabulum Romanum, ejus rei rectius exprimit verum usum, atque causam; illos nominans, *Participes curarum*; Hoc enim illud est, quod verum ligamen præstat. Atque hoc fecisse manifesto videmus, non tantum *Principes* delicatos, & imbecillis animi; sed etiam prudentissimos, & maxime Politicos ex iis qui regnarunt: Qui sæpe sibi adjunxerunt aliquos ex servis suis; quos & ipsi *Amicos* suos vocarunt, & aliis eodem illos nomine insignire permiserunt: non alio utentes vocabulo, quam quod inter homines privatæ fortunæ receptum est.

L. Sylla, postquam Romanum Imperium occupasset, *Pompeium* (postea cognominatum *Magnum*) ad eam potentiam evehit, ut *Pompeius* superiorem jam *Sylla* factum se venditaret. Cum enim amicum quendam suum *Consulem* fecisset,

set, contra ambitum *Sylle*; atque *Sylla* in malam partem hoc accepisset, & verba indignationis nonnulla protulisset, *Pompeius* id minime tulit, sed ferè disertis verbis eum quiescere iussit; addendo; *Plures adorare Solem orientem, quam occidentem.* Apud *Iulium Cæsarem* *Decimus Brutus* tanta gratia valuit, ut eum *Cæsar Octavio*, suo nepoti, hæredem substituerit. Atque hic ille fuit, qui *Cæsarem* ad mortem suam pertraxit. Cum enim *Cæsar* Senatum dimittere in animo habuisset, propter mala quædam prælagia, (præcipue somnium quoddam uxoris suæ *Calpurnia*.) *Brutus* eum molliter è Cathedra, arrepto brachio ejus, levans, dixit; *Sperare se, eum Senatum non tam parvi habiturum, ut dimittere illum vellet, donec uxor somnium melius somniasset.* Et videtur sane tanto favore apud *Cæsarem* polluisse, ut *Antonius* in Epistola quadam, quæ à *Cicero*ne, in una ex *Philippicis*, verbatim recitatur, eum *Veneficum* appellaret; ac si *Cæsarem* incantasset. *Augustus Agrippam* ignobilem licet natalibus, ad tantam celsitudinem promovit, ut quando cum *Mecenate* deliberaret de nuptiis filix suæ *Julie*; *Mecenas* eum libere monuisset; *Agrippam*, aut in generum assumendum, aut interficiendum, nihil esse tertium; quando-

*quidem eum ad tantum fastigium perdu-
xisset. Tiberius Caesar Seianum tantis ho-
noribus auxit, ut ii duo haberentur tan-
quam Par Amicorum: Certe Tiberius, in
Epistola quam ad eum, ita scribit; Hæc
pro amicitia nostra non occultavi: Atque
universus Senatus, aram Amicitia tan-
quam Dea dedicavit: propter arctam in-
ter eos Amicitiam. Similis, aut etiam illa
majoris, Amicitia exemplum cernitur, in-
ter Septimium Severum, & Plantianum;
Etenim, Filium suum natu majorem, fi-
liam Plantiani in uxorem ducere, coëgit:
ac Plantianum sæpe, etiam cum contume-
lia filii sui, honoravit. Quin & scripsit ad
Senatum hisce verbis; Ita diligo virum, ut
cupiam eum mihi supersitem fore. Quod
si hi Principes, Trajano alicui, aut Marco
Aurelio, similes fuissent, immensæ naturæ
eorum bonitati hoc attribui posset: cum
vero viri tam prudentes extiterint, tan-
toque robore & severitate animi præditi,
tamque impensè amatores sui; liquido
probatur, eos felicitatem suam (licet vix
major mortalibus ullis obligisset) veluti
mutilam duxisse, nisi per hæc amicitias
facta fuisset integra, & perfecta. Atque,
quod majus est, affuerunt his Principibus
uxores, filii, nepotes; neque tamen hæc om-
nia, amicitia solatia supplere valuerunt.*

Mini-

Minime oblivioni mandandum, quod *Comminens* notatum reliquit, de Domino suo priore, *Duce Carolo*, cognominato *Strenuo*; cum secreta sua cum nemine communicare voluisse; minime omnium ea, quæ cum præ cæteris angebant. Et ultorius ait; eam animi obfectione, posterioribus vitæ annis, intellectum ipsius nonnihil debilitasse, & viciasse. Potuisset certe *Comminens*, si voluisset, simile iudicium facere de Domino suo posteriore, *Ludovico Undecimo*; cui occultatio consiliorum pro tormento fuit. Tessera *Pythagora*, obscura, sed optima; *Cor ne edito*. Certe, si quis durum huic rei nomen imponeret, qui *amici* destituuntur, quibus cogitationes suas & anxietates libere impertiant, sunt cordium suorum *Anthropophagi*. At illud plane ad miraculum proxime accedit, (quocum claudam hunc, de primo *amicitia fructu*, sermonem;) nimirum; Istam cum *Amici* communicationem, contrarios duos effectus producere; gaudia enim conduplicat, mœrores dimidiat. Nemo siquidem læta sua *amico* impertit, quin lætetur amplius: Nemo autem tristibus *amicum* communicat, quin contristetur minus. Adeo ut revera, eadem virtute polleat, super animum hominis; quam Alchymistæ *Lapidi* suo tribuere solent,

super corpus humanum; hoc est, quod contraria operetur, sed semper in beneficium naturæ. Attamen absque auxilio notionum Chymicarum, extat hujus reieemplum inligne, in cursu naturæ ordinario. Nam in rebus naturalibus Unio alit & confortat actiones quasque naturales; impressiones omnes violentas hebetat & retundit: idemque prorsus fit in animis.

Secundus *Amicitia fructus*, salubris est *intellectui*, sicuti primus *Affectibus*. *Amicitia* enim serenitatem inducit in *Affectibus*, à tempestatibus & procellis. Verum in *Intellectu* etiam noctem abigit, & lumen infundit, confusione cogitationum dissipata. Neque hoc intelligendum est tantum de Consilio fideli, quod ab *Amicis* dari solet; Sed antequam de illo dicamus; certum est, Quicumque animum cogitationibus multis gravatum habet, ingenium ejus & intellectum clarescere veluti in diem, communicatione consiliorum, & discursu cum alio. Etenim cogitationes suas facilius agit, & in omnes partes versat; easdem ordinatius disponit; illas tanquam in faciem intuetur, postquam conversæ fuerint in verba; denique se ipso prudentior evadit: Idque assequitur horulæ magis unius sermone, quam diei integræ meditationibus. Recte dictum est

à The-

à *Themistocle* ad *Regem Persarum*; sermones tapetibus similes esse. cum explicentur, per quod imagines distincta conspiciuntur; ubi cogitationes, instar sarcinarum quarundam, complicantur & involvuntur. Neque etiam restringitur secundus iste *fructus Amicitia* (qui consistit in obstructionibus *Intellectus* aperiendis) ad eos solum *Amicos*, qui consilio polleat; (hi proculdubio optimi sunt;) sed & hoc seposito, discit profecto quispiam à se ipso; & proprias cogitationes in luminis oras educit; ingeniumque suum tanquam cōtem versus acuit, quæ ipsa non secatur. Ut verbo dicamus: præstat *Statua* cuidam, vel *Imagini*, se impertire, quam cogitationes suas silentio suffocare.

Adde jam (ut fiat sermo, de hoc secundo *Amicitia fructu*, magis perfectus) illud modo dictum; quod promptius occurrit, & in vulgarem observationem cadit; *Fidèle* intelligo ab *Amico Consilium*. Bene asserit *Heraclitus*, in uno *Ænigmatum* suorum; *Lumen secum optimum*: Atqui certissimum est; lumen quod ab alio proficiscitur, per modum consilii, illo siccius esse & purius, quod à proprio emanat iudicio, & intellectu; siquidem quod affectibus semper maceratur & tingitur. Adeo ut non minus intersit, inter

F 5 consi-

consilium Amici & consilium cujuslibet proprium, quam inter *consilia Amici & Adulatoris*. Neque enim *Adulator* magis infestus, quam *quilibet sibi*: neq; rursus, remedium præstantius, contra *adulationem sui ipsius*, reperitur, quam *libertas Amici*. *Consilium* duorum generum est, Alterum de *Moribus*: alterum de *Negotiis*. Quantum ad prius; Optimum ad animi sanitatem tuendam, medicamentum, est *Admonitio Amici fidelis*. Se ipsum ad rationes stricte reddendas compellere, medicina est interdum nimis penetrans, & corrosiva. Lectio librorum moralium, res est paulo hebetior. Observatio propriorum defectuum in aliis, tanquam in speculo, aliquando, ut fit etiam in speculis, minus respondet. Verum (ut diximus) optima medicina, (optima ad recipiendum, optima ad operandum,) est *Admonitio Amici*. Mirum profecto est videre, quot errores enormes, & plane absurdos, committant aliqui, (præsertem ex grandioribus,) quia non adsit iis *Amicus*, qui monere possit: in damnum haud parvum, & existimationis, & fortunæ suæ. Sunt enim, (ut ait *Apostolus Iacobus*), *tanquam homines, qui intuentur in speculum, & statim obliviscuntur imaginis suæ*. Quantum ad *Negotia*; Vetuse est; *Melius videre oculos, quam oculum*; licet nonnulli hoc cavilla-

villentur. Etiam recte dicitur; *Spectatorem sape plus videre, quam lusorem*: Quin & certius disploditur sclopetum majus, palo innixum, quam super brachium; Et si quidam tam altum sapiant, ut putent, in sese esse omnia. Verum, quicquid dici possit in contrarium, certum est, Consilium negotia dirigere, & stabilire. Quod si quis secum cogitet, consilium se quidem capturum, sed per partes; in aliis hunc, in aliis illum, consulendo; bene habet; hoc est, (melius illi fuerit, quam consilio omnino non uti;) verum in duo pericula impingit; Unum, quod vix fidele consilium reperturus sit, raro enim, nisi à fideli, & intimo *Amico*, consilium datur, quod non ad dantis fines inflexum & detortum sit. Alterum, quod consilia illa, à diversis manantia, (licet cum fide, & bona intentione præstita,) damnosa sæpenumero erunt & nociva; ac partim ex incommodis, partim ex remediis, commixta; veluti, si Medicū ad voces, qui in curatione morbi illius peritus habetur, sed corporis tui constitutionis penitus ignarus: Quare poterit, fortasse, valetudinem, ad tempus, promovere, sed cum periculo, ne, in summa, sanitati præjudicet: atque hoc pacto morbum extinguet & non ita multo post hominem. Verum *Amicum*, cui status *Amici* sui perfecte cognitus

gnitus est, cavebit, ne in præsens juvando, in malum futurum impingat. Itaque consiliis istis dispersis, (ut jam dictum) nolim acquiescat: Distrahent enim potius, & seducunt, quam dirigent & stabiliunt.

Post nobiles hosce duos *Amicitia fructus*, (*Pacem dico in Affectibus*, & *Fulcrum Iudicii*;) sequitur ultimus; qui similis est *Malo Granato*; plenus granis compluribus: Intellico autem *Auxilium* & *Participationem*, in actionibus & occasionibus vitæ. Hic autem, expeditissima via representandi ad vivum, usum multiplicem *Amicitia*, fuerit, circumspiciendo & videndo, quam multa sint, quæ per se quispiam exsequi commodè non poterit: Atque inde apparebit, non per Hyperbolen, sed sobrie dictum esse ab Antiquis; *Amicum esse alterum se*: Quandoquidem, si quis vere rem reputet, *Amici officia* proprias cujusque vires superent. Homines mortales sunt; quin & in medio operum aliquorum, quæ maxime affectant, sæpe moriuntur: veluti in collocacione filii in matrimonium; consummatione conatuum & desideriorum suorum; & similibus. Jam si quis *Amicum* habeat fidelem, securitatem præstat de iisdem rebus, *Amici cura* & opera, post mortem persiciendis: adeo ut fatum immaturum vix oblit;

oblit; atque habeat quis, (ut loquamur more Tribulum aut Firmariorum,) in desideriiis suis, terminum, non unius, sed duarum vitarum. Homo corpore circumscribitur, & corpus loco; Verum ubi *Amicitia* præsto est; vitæ munia omnia concessa sunt, & sibi, & deputato suo. Quot numero res sunt, quas per se quispiam, cum dignitate aut decoro, peragere non possit? Merita sua non potest cum verecundia recensere; multo minus extollere: Non sustinet quis, ut se submittat ad supplicandum, aut etiam emendicandum: Infinita sunt talia. Verum hæc, & hujusmodi, in *Amici* ore, sat decora sunt; ad quæ erubescimus in persona propria. Rursus, persona cujusque, multa habet conjuncta, quæ exuere non potest: Filium alloqui quis non poterit, nisi ut Pater; Uxorem, nisi ut Maritus; Inimicum, nisi salva dignitate; ubi *Amico* conceditur loqui, prout res postulat; neque ad respectus personæ alligatur. Verum hæc enumerare infinitum fuerit. Ipse regulam dedi: ubi quis propriam personam, in Fabula, sustinere non poterit: *Amicus* si desit; satius est ei Scenam derelinquere.

XXVIII.

DE SUMPTIBVS.

Opes destinantur *Sumptibus*: *Sumptus* autem honori, & actionibus honeste-

honestis. *Sumptus* itaque largiores, occasionis & rei dignitate commensurandi sunt. Etenim *spontanea paupertas* debetur quandoque *Patria*, non solum *regno cælorum*; *Sumptus* autem consueti cuiusque censu definiendi sunt; eoque tenore temperandi, ut intra reditus sint; nec servorum fraudi aut incuriæ obnoxii; atque insuper iā eum modum dispositi & ordinati, ut rationes impensarum exhibitæ, æstimatione sint minores. Certe, qui diminutionem fortunarum suarum pati nolit, necesse habet impensas suas ordinarias ita instituire, ut dimidia tantum pars reddituum insumatur, altera reponatur: qui vero rem augere cupit, tertiam partem solam *impensis* assignet. Haud sordidum est summis etiam viris, si rationes suas diligenter inspiciant. Hoc omittunt complures, non tam socordia, quam aversatione quadam, ne se contristent, si res nimio plus accisas deprehenderint. Vulnera autem, nisi explorentur, sanari nequeunt. Qui *Oeconomica* sua commode tractare non possunt, iis relinquitur, ut quos adhibent ministros, & caute eligant, & subinde mutant: Novi enim minus audent, minusque astuti sunt. Cui raro rationes suas inspicere datur, eum quæ computationi subjacent, in certos reditus, atque etiam

sum-

sumptus, vertere convenit. Qui impendiosior est in uno *sumptus* genere, cum sobrie parcum & frugi oportet esse in alio: exempli gratia; Si victu abundantior, vestium elegancia sit moderatior; si in Aula sua copiosior, in Equili contrarior sit; & sic de similibus. Qui enim in singulis impensarum generibus est profusior, decoctionem fortunarum ægre vitabit. In perplexa & obstrata re familiari liberanda, perinde sibi quis obesse poterit nimia festinatione, ac dilatione nimia: præproperæ enim venditiones, iacturam ex usuris sæpe exæquant. Porro autem, qui simul & semel sortem assesit, de relapsu periclitatur: cum enim prætervectum tantas angustias se sentiat, ad ingenium redibit: Qui autem se per gradus extricaverit, habitum frugalitatis inducit; eademque opera tam animo, quam fortunis, medetur. Sane qui res collapsas restituere in votis habet, vel minima quæque non spernat: Atque plerumque minus sordidum est, *sumptus* quantvis minutos præcidere, quam minutis *lucris* se submittere. Caute admodum inchoandi sunt *sumptus*, qui semel inchoati permansuri sint. Sed in *sumptibus*, qui non facile redeunt, splendidiorem & magnificentiorrem esse licebit.

XXIX.

DE PROFERENDIS FINI-
BVS IMPERII.

Dictum *Themistoclis*, sibi ipsi applicatum, incivile certe fuit, & inflatum; sin de aliis, atque in genere, prolatum fuisset, prudentem sane Observationem, & pergravem Censuram complecti videretur. Rogatus in convivio, ut cytharam pulsaret, respondit; *Fidibus se nescire; ceterum posse oppidum parvum in magnam civitatem evehere*. Ista certe verba, ad sensum Politicum translata, Facultates duas, multum inter se discrepantes, in iis qui rerum gubernacula tractant, optime describunt, & distinguunt. Etenim, si *Regum* Consiliarios, Senatores, aliosque ad negotia publica admos, qui usquam fuerunt, attente intueamur; reperientur profecto (licet rarissime) nonnulli, qui *Regnum* aut *Civitatem* è parvis ampla efficere possint, *Fidicines* tamen sint valde imperiti: Econtra autem, alii quamplurimi, in cythara, aut lyra, (hoc est, *Aulicis tricis*,) miri artifices, qui, tantum abest, ut *Repub.* amplificare possint, ut potius à natura comparati videantur: ad statum reip. beatum & florentem labefactandum, & evertendum. Sane artes illar
dege-

degeneres, & præstigiæ, quibus sæpenumero *Consiliarii*, atque rerum potentes, & gratiam apud *Principes* suos, & famam in vulgus, reportant, haud aliud nomen merentur, quam *Peritia* cuiusdam *Fidicularia*; utpote, cum sint res, magis gratæ in præsens, & artificibus ipsis ornamento, quam ad *Rerumpub.*, quarum sunt ministri, opes & amplitudinem, utiles, aut accommodæ. Occurrent proculdubio & alii *Consilarii*, atque *Reipub.* Gubernatores, minime spernendi, qui sint negotiis pares, possintque res commode administrare, easque à manifestis præcipitiis & incommodis conservare; à virtute tamen illa *Rerumpub. erectrice & amplificatrice* longo intervallo absunt.

Verum qualescunque demum fuerint Operarii, conjiciamus oculos in opus ipsum; Qualis nimirum censerì debeat vera *Regnorum & Rerumpub. Magnitudo*, & quibus *Artibus* obtineri possit: Dignum profecto argumentum, quod *Principes* perpetuo in manibus habeant, & diligenter meditentur; quo nec vires suas in majus æstimantes, inceptis se vanis & nimis arduis implicant; nec rursus easdem plus æquo despicientes, ad consilia pūlanima & meticulosa se demittant.

Magnitudo Imperiorum, quoad *Molem*
& Ter-

& *Territorium*, mensuræ subijcitur, quoad *Reditus*, calculis. *Numerus Civium*, & *Capita*, censu; *Vrbium* & *Oppidorum* amplitudo, tabulis excipi possint. Attamen non reperitur inter Civilia res errori magis obnoxia, quam verum & intrinsecum excipere valorem, circa vires & Copias *Imperii* alicujus. Assimilatur *Regnum Cælorum* non glandi, aut nuci alicui grandiori, sed *grano Synapis*, quod inter grana est minimum; quod tamen habeat, interim, intra se, proprietatem quandam, & spiritum innatum, quo se & citius attollat, & latius diffundat: eodem modo invenire est *Regna* & *Status*, ambitu quidem & regionum tractu valde ampla; quæ tamen ad *Fines* ulterius *proferendos*, aut latius imperandum, sunt minus aptæ; alia contra, dimensione satis exigua, quæ tamen bases; in quibus maximæ *Monarchiæ* inædificentur, esse possint.

Urbes munitæ, plena Armamentaria, Equorum propagines generosæ, Currus armati, Elephantæ, Machinæ atque Tormenta bellica omnigena, & similia; sunt certe ista universa nihil aliud, quam *Ovis induta pelle Leonina*; nisi *Gens* ipsa, stirpe sua, & ingenio, sit fortis, & militaris. Imo, nec numerus ipse Copiarum multum juvat, ubi milites imbelles sunt, & igna-

ignavi. Recte enim *Virgilius*; *Lupus numerum pecorum non curat*. Exercitus *Persarum*, in campis *Arbela*, oculis *Macedonum*, tanquam vastum hominum pelagus, subiciebatur, adeo ut Duces *Alexandri*, nonnihil ipso spectaculo perculsi, *Regem* interpellarent, atque ut noctu praelium committeret, ei auctores erant: Quibus ille; *Nolo* (inquit) *suffurnari victoriam*. Ea autem etiam opinione fuit faciliior. *Tigranes Armenius*, castrametatus in quodam colle, cum exercitu quadringentorum millium, cum spectaret aciem *Romanorum*, quæ quatuordecim millia non excessit, contra se tendentem, in scommate illo suo sibi complacuit; *Ecce* (inquit) *hominem*; pro legatione, nimio plus quam oportet; pro pugna, longe minus. Eisdem tamen, priusquam occubisset Sol, satis multos, ad illum infinita strage profigandum, expertus est. Innumera sunt exempla, quam sit multitudinis cum fortitudine congressus impar. Primo igitur, pro re certissima & exploratissima decernatur, & statuatur; Quod caput omnium, quæ ad Magnitudinem Regni aut status spectent, sit, ut populus ipse sit stirpe & ingenio bellicolus. Atque illud magis tritum, quam verum, quod *Nervi belli sint pecunia*, si defint nervi lacertorum

rum in Gente molli & effœminata. Recte enim *Cræso* ostendenti aurum respondit *Solon*; *At si quis (ô Rex) venerit, qui melius quam tu ferrum gestet, illi profecto totum hoc cedes aurum.* Quare, quicunque is tandem sit *Princeps* aut *Status*, cuius subditi nativi & indigenæ, non sint animosi & militares, potentiam suam admodum sobrie æstimet: Atque è contra, *Principes*, qui dominantur in Gentes animosas & Martias, norint illi satis vires suas, si sibi alias non desint. Quod attinet ad Copias mercenarias† (quod solet adhiberi remedium, cum Copiæ nativæ desint,) plena sunt omnia Exemplis; quibus liquido patet, quod quicunque status illis innitetur, poterit fortasse pennas, ad tempus breve, nido majores extendere, sed defluent illæ paulo post.

— *Benedictio Iuda, & Issacharis*, in unum nunquam convenient; nimirum, ut eadem Tribus aut Gens, sit simul, & *Leonis catulus*, & *Asinus procumbens inter sarcinas*. Neque unquam fiet, ut *Populus Tributis* oppressus, fortis existat, & bellicosus. Verum est, collationes publico consensu factas, minus animos subditorum deicere, & deprimere, quam quæ ex imperio mero indicuntur. Id quod liquido videre est in *Tributis Germania inferioris*,

rioris, quas *Excisas* vocant; atque, aliquando ex parte, in iis, quæ *Subsidia* nominantur apud *Anglos*. Etenim notandum est, sermonem jam institui, de animis hominum, non de opibus. *Tributa* autem huc ex consensu conferuntur; & quæ ex imperio imponuntur, etsi eadem res sint, quoad opes exhauriendas, varie tamen omnino animos subditorum afficiunt. Statuatur igitur & hoc, *Populum Tributis gravatum*, idoneum ad imperandum non esse.

Aspirantibus ad Magnitudinem *Regnis* & *Statibus*, prorsus cavendum, ne *Nobiles* & *Patricii*, atque (quos vocamus) *Generosi*, maiorem in modum multiplicentur. Hoc enim eo rem deducit, ut *Plebs Regni* sit humilis & abjecta, & nihil aliud fere quam *Nobilium* mancipia & operarii. Simile quiddam fieri videmus in silvis, cæduis; in quibus, si major, quam par est, caudicum sive arborum majorum relinquatur numerus, non renascetur silva sincera & pura; sed major pars in vepres & dumos degenerabit: Eodem modo, in *Nationibus*, ubi numerosior justo est *Nobilitas*, erit *Plebs* vilis & ignava: atque eo demum res redibit, ut nec centesimum quodque caput sit ad galeam portandam idoneum: præsertim si peditatum species; qui Exercitus ple-

Eus plerumque est robur præcipuum; Unde succedet magna populatio, vires exiguz. Nusquam gentium, hoc quod dico, luculentius comprobatur, quam exemplis *Angliæ*, & *Galliæ*; Quarum *Angliæ*, quamvis territorio, & numero incolarum longe inferior, potiores tamen partes fere semper in bellis obtinuit; hanc ipsam ob causam, quod apud *Anglos*, coloni, & inferioris ordinis homines, militiæ habiles sint, rustici *Galliæ* non item. Qua in re, mirabili quadam & profunda prudentia, excogitatum est ab *Henrico Septimo Angliæ Rege*, (id quod in *Vita* ejus *Historia* fusius tractavimus,) ut prædia minora atque domus Agricolationis instituerentur, quæ habeant certum, eumque mediocre agri modum annexum, qui distrahi non possit; Eo fine, ut ad victum liberaliorem sufficiat, utque agricultura ab iis exerceretur, qui domini fuerint fundi, aut saltem usu-fructuarii, non conductitii, aut mercenarii: Nam ita demum Characterem illum, quo Antiquam *Italiam* insignivit *Virgilius*, merebitur regio aliqua;

- *Terra potens armis, atque ubere gleba.*
Neque prætereunda est illa pars *Populi*, (quæ *Angliæ* fere est peculiaris, nec alibi (quod scio) in usu; nisi forte apud *Polanos*,)

nos,) *Famuli* scilicet *Nobilium* : Hujus enim generis etiam inferiores, quoad pediatum, agricolis ipsis minime cedunt. Quare certissimum est, quod magnificentia, & splendor ille Hospitalis, atque Familitia, & veluti Satellitia ampla, quæ in more sunt apud *Nobiles*, & *Generosos*, in *Anglia*, ad potentiam militarem apprime conducant; ubi contra, *Nobilium* obscura, & magis privata, & in se reducta vitæ ratio, Capias militares minuit.

Danda est omnino opera, ut *Arbor* ista *Monarchia*, qualis fuit *Nebuchadnezar*, truncum habeat satis amplum; & robustum; ad ramos suos & frondes sustentandas; hoc est, ut numeris *indigenarum*, ad subditos extraneos cohibendos, satis superque sufficiat. Illi igitur Status, ad *Imperii Magnitudinem* bene comparati sunt, qui *Ius Civitatis* facile & libenter largiuntur. Vana siquidem fuerit opinio, posse manipulum hominum: utcunque animis & consilio excellant, regiones nimio plus amplas & spatiosas, *Imperii* iugo cohibere & frænare. Id ad tempus fortasse facere possint, sed diuturnitatem hæc res non assequitur. *Spartani* parci fuerunt & difficiles in cooptandis novis Civibus. Unde donec intra parvos limites dominati sunt, res eorum firmæ fue-

fuerunt, & stabiles; at postquam limites suos cœpissent proferre, & latius dominari, quam ut stirps *Spartanorum*, turbam exterorum, imperio commode coercere posset, potentia eorum corrui. Nulla unquam Respublica sinus suos, ad novos Cives recipiendos, tam profuse laxavit, quam *Respublica Romana*. Itaque par erat, instituto tam prudenti, fortuna; cum in imperium toto orbe amplissimum succreverint. Moris apud eos erat, *Ius Civitatis* prompte elargiri; idque in supremo gradu, hoc est, non solum *Ius Commerci*, *Ius Connubii*, *Ius Hereditatis*; verumetiam *Ius Suffragii*, & *Ius Petitionis* sive *Honorum*: Hocque rursus, non singulis tantum Personis, sed totis familiis, imo Civitatibus; & nonnunquam integris Nationibus communicarunt. Huc adde consuetudinem deducendi Colonias, quibus *Romana stirpes* in solum exterum transplantabantur. Quæ duo Instituta si simul componas, dices profecto, non Romanos se diffudisse super *Vniuersum Orbem*; sed contra, *Orbem uniuersum* se diffudisse super Romanos: Quæ securissima proferendi Imperii est ratio. Subit mirari sæpius Imperium *Hispanorum*, quod tam paucis indigenis tot Regna & Provincias amplexari & frenare possit. At certe,

certe, *Hispania* ipsa, pro Arboris stemmate satis grandi haberi debent: cum longe ampliorem contineant regionum tractum, quam *Roma*, aut *Sparta*, sub initiis suis, contigerat. Porro, quanquam *Ius Civitatis* satis parce soleant *Hispani* impertire, quod proximum tamen est, faciunt; Quippe, qui cujuscunque Nationis homines, ad militiam suam ordinariam, promiscue admittant. Quinetiam, summum belli Imperium, haud raro, ad Duces, natione non *Hispanos*, deferunt. Attamen, & illam ipsam videntur, non ita pridem, indigenarum paucitatem sensisse, eique succurrere cupisse; ut ex *Pragmatica Sanctione*, hoc Anno promulgata, cernere est.

Certissimum est, *Artes Mechanicas sedentarias*, quæ non sub dio, sed sub tecto exercentur; atque *Manufacturas delicatas*, quæ digitum potius quam brachium requirunt, sua natura, militaribus animis esse contraria. In universum, Populi bellicosi ferriari gaudent, & pericula quam labores minus exhorrent. Atque in hoc ingenio suo, non sunt admodum reprimendi, si, animos ipsorum in vigore conservare, cordi nobis sit. Magno itaque adjumento, *Sparta*, *Athenis*, *Roma*, aliisque antiquis Rebus publicis fuit, quod habue-

rint non ingenuos ; sed servos plerunque ; quorum laboribus istiusmodi opificia expediebantur. Verum mancipiorum usus , post *Legem Christianam* receptam , maxima ex parte , abiit in desuetudinem. Huic vero rei proximum est , ut artes istæ alienigenis tantum permittantur ; qui propterea alliciendi , aut saltem facile recipiendi sunt. *Nativorum* autem *Plebs* ex tribus generibus hominum constare debet ; Nempe ex *Agricolis* , *Famulis ingenuis* , & *Artificibus* ; quorum opera robur & lacertos viriles postulant : Cujusmodi sunt *Fabri Ferrarii* , *Lapidarii* , *Lignarii* , & similes ; non annumerando *Militiam* descriptam.

Ante omnia , ad *Imperii Magnitudinem* confert , ut Gens aliqua *Armorum studium profiteatur* , tanquam decus suum , & institutum vitæ primarium , & in præcipuo honore habitum. Quæ enim à nobis adhuc dicta sunt , ad habilitates tantum erga arma spectant ; Quorsum autem habilitas , si non rei ipsi incumbitur , ut producat in actum ? *Romulus* (ut narrant , aut fingunt ,) postquam è vivis excesserat , illud *Civibus* suis legavit , ut ante omnia *remilitarem* colerent , unde in Caput Orbis terrarum Urbs eorum insurgeret. *Imperii Spartani* fabrica universa , (non nimis prudent-

denter quidem, sed diligenter tamen,) ad illum finem & scopum, composita est & constructa, ut Cives sui Belligeratores essent. *Persarum*, & *Macedonum*, idem erat institutum, sed non tam constans aut diuturnum. *Britanni*, *Galli*, *Germani*, *Gothi*, *Saxones*, *Normanni*, & nonnulli alii, etiam ad tempus armis se præcipue dediderunt. *Turca* idem institutum, Lege sua paululum extimulati, hodie retinent, sed magnam militiæ suæ (ut nunc est) declinatione. In *Europa Christiana*, Gens, quæ illud adhuc retinet & proficitur, soli sunt *Hispani*. Verum res est tam liquida, & manifesta, unumquemque in eo proficere maxime, in quo plurimum impendit studii, ut verbis non indigeat. Satis sit innuisse, desperandum omnino alicui Nationi esse, quæ non ex professo arma & militiam colat, iisque præcipue studeat & incumbat, sibi veluti ultro obventuram insignem aliquam *Imperii Magnitudinem*: Contra autem, certissimum esse temporis Oraculum, Nationes illas, quæ in armorum professione & studiis diutius permanserint, id quod *Romani*, *Turcaque*, potissimum fecere,) miros in *Imperio amplificando* facere progressus. Quin & illæ, quæ bellica gloria, per unius tantummodo seculi spatium florere; inde tamen, unico illo secu-

lo, cum *Imperii amplitudinem* assecuta sunt, quam longo post tempore, etiam remissa illa armorum disciplina, retinuerunt.

Præcepto præcedenti affine est; Ut Statutus quis utatur ejusmodi Legibus, & Consuetudinibus, quæ justas illi causas, aut saltem prætextus, arma capescendi, tanquam in promptu ministrent. Etenim, ea est insita animis hominum Iustitiæ apprehensio, ut bellum, (quod tot sequuntur calamitates,) nisi gravem ob causam, saltem speciosam, inferre abstineant. *Turcis* præsto est semper, & ad nutum, belli causa; Propagatio scilicet Legis & Sectæ suæ. *Romani*, quanquam pro magno decore *Imperatoribus* apud eos fuerit, si *fines Imperii* ipsorum protulissent, tamen ob hanc causam, ut *fines proferrentur*, nunquam bella susceperunt. Aspiranti igitur ad *Imperium* Nationi illud in more sit; Ut sensum habeat vividum & acrem injuriæ alicujus, vel Subditis suis limitaneis, vel Mercatoribus, vel publicis Ministris, illatæ; neque à prima provocatione diutius torpeat, aut tardet. Item, prompta sit, & alacris, ad auxilia mittenda *Sociis suis, & Fœderatis*: Id quod perpetuum erat apud *Romanos*: adeo ut si forte in *Populum fœderatum*, cui etiam cum aliis fœdus defensivum intercederet, hostilis impressio fa-

ita esset, atque ille à plurimis suppetias
 poteret; *Romani* omnium primi semper
 adessent, beneficii decus nemini præri-
 piendum relinquentes. Quod vero attinet
 ad bella, antiquis temporibus, propter *Sta-
 tum conformitatem* quandam, aut *Corre-
 spondentiam tacitam*, gesta, non video in
 quo jure illa fundata sint. Talia fuerunt
 bella, quæ à *Romanis* suscepta erant, ad
Graciam in libertatem vindicandam; Ta-
 lia à *Lacedæmoniis* & *Atheniensibus*, ad
 constituendas aut evertendas *Democra-
 tias*, & *Oligarchias*; Talia quandoque il-
 lata sunt, à Rebuspublicis aut Principibus,
 sub prætextu, subditos alienos protegen-
 di, & à Tyrannide liberandi. Ad rem præ-
 sentem sufficiat, ut illud decernatur; Non
 esse expectandam, Statui alicui, *Imperii
 Amplitudinem*, nisi ad quamvis occasi-
 nem justam se armandi protinus expengi-
 scatur.

Nallum omnino corpus, siue sit illud
 naturale, siue Politicum, absque *exercita-
 tione*, sanitatem suam tueri queat. *Regno*
 autem aut Reipublicæ *justum* atque *hon-
 orificum bellum* loco *salubris exercitatio-
 nis* est. Bellum Civile profecto instar calo-
 ris febrilis est; At bellum externum instar
 caloris ex motu; qui valetudini imprimis
 conducit. Ex pace enim deside atque tor-

pente, & emolliuntur animi, & corrumpuntur mores. Sed utcunque res se habeat, quatenus ad alicujus Status *felicitem*, *Magnitudinis* proculdubio interest, ut quasi semper in armis sit. Atque exercitus veteranus perpetuo tanquam sub vexillis habitus, etsi res sit magni proculdubio sumptus & impensæ; attamen ejusmodi est, ut statui alicui, quasi arbitrium rerum inter vicinos, aut saltem plurimum existimationis ad omnia, conferat. Id quod insigniter cernere in *Hispaniâ*, qui jam per annos centum & viginti, Exercitum veteranum, ad aliquas partes, licet non semper ad easdem, aluerunt.

Maris dominium, Monarchiæ quædam Epitome est. Cicero de Pompeii contra *Cæsarem* apparatu, scribens ad *Atticum*; *Consilium* (inquit) Pompeii, plane *Themistocleum* est; Putat enim, qui mari potitur, eum rerum potiri. Atque *Cæsarem* Pompeius proculdubio delassasset, & attrivisset, nisi inani fiducia inflatus, ab illo incepto destitisset. *Pralia navalia*, quanti fuerint momenti, ex multis exemplis patet. Pugna ad *Ælium*, Orbis Imperium determinavit. Pugna ad *Insulas Cursolares*, *Circulum in naribus Turca posuit*. Multoties certe evenit, ut *victoria navales*, finem summæ belli attulerint; sed hoc factum est,

est, cum alex huiusmodi praeliorum, totius belli fortuna commissa est. Illud minime dubium, quod qui *Maris* potitur dominio, in magna libertate agit, & tantum, quantum velit, de bello sumere potest: Ubi contra, qui terrestribus Copiis est superior, nihilominus plurimis angustiis conflictatur. At hodie, atque apud nos *Europæ*, si unquam, aut uspiam, potentia *Naturalis*, (quæ quidem huic regno *Britannia* in dotem cessit,) summi, ad rerum fastigia, momenti est: tum quia pleraque *Europa Regna* Mediterranea simpliciter non sunt, sed maxima ex parte Mari cincta, tum etiam, quia utriusque *India* thesauri & opes, imperio *Maris*, veluti accessorium quiddam, existunt.

Bella moderna, veluti in tenebris gesta censerî, possunt, præ gloria & decore vario, quæ in homines militares, priscis temporibus, à rebus bellicis, resiliere solebant. Habemus hodie, foras ad animos faciendos, *Ordines* quosdam *honorificos militiæ*; Qui tamen jam facti sunt armis & togæ communes: Etiam in *Scutis Gentilitiis Stemmata* nonnulla habemus: Insuper, *Hospitia*, quædam *publica*, militibus emeritis & mutilatis destinata; & huiusmodi. Verum, apud Veteres, in locis, ubi victoriæ partæ sunt, extructa Trophæa;

Laudationes funebres; Monumenta magnifica occumbentium in bello; Coronæ Civicae, Militares, singulis concessæ; Nomen ipsum *Imperatoris*, quod postea *Reges* maximi à belli Ducibus mutuati sunt; Reducentium Ducum, bellis prospere confectis, celebres Triumphi; Donativa atque largitiones ingentes in milites, sub Exercituum dimissionem: Hæc (inquam) tot & tanta fuerunt, & tam insigni splendore coruscantia, ut pectoribus mortalium: etiam maxime congelatis, igniculos subdere, eaque ad bellum inflammare potuerint. Ante omnia vero, *Mos ille Triumphandi*, apud *Romanos* non res erat ex pompa, aut spectaculum quoddam inane, sed inter prudentissima planè nobilissimaque instituta, numerandus: Utpote, qui in se hæc tria haberet; Ducum decus & gloriam; *Ærarii* ex spoliis locupletationem; & Donativa militum. Verum honor *Triumphus*, fortasse *Monarchiis* non competit, præterquam in personis *Regum* ipsorum, aut *Filiorum Regum*; Quod etiam, temporibus *Imperatorum*, *Roma* obtinuit: qui honorem ipsum *Triumphus*, *Sibi* & *Filiis* suis, de bellis, quæ præsentibus ipsi confecerant, tanquam peculiarem reservant: *Vestimenta* autem solummodo, & *insignia Triumphalia*, aliis *Ducibus* indulserunt.

Verum,

Verum , ut Sermones hos claudamus ;
 Nemo est , (ut testatur *Sacra Scriptura* ,)
qui sollicite cogitando , potest apponere ad
staturam suam cubitum unum ; in pusillo
 scilicet corporis humani modulo : ceterum
 in magna *Regnorum & Rerump.* fab-
 rica *Imperium amplificare , & fines pro-*
ferre , Reges penes & dominantes est. Nam
 prudenter introducendo *Leges , Instituta ,*
& Consuetudines , quales jam proposui-
 mus , & alias his similes , posteris , & seculis
 futuris , *Magnitudinis* sementem fecerunt.
 Verum ista *Consilia* apud *Principes*
 raro tractantur , sed res fortunæ plerunque
 committitur.

XXX.

DE REGIMINE VALETUDINIS.

IN *Regimine Valetudinis* , invenire est
 quandam prudentiam , ultra *Regulas*
Medicinae : Observatio cujusque propria ,
 eorum quæ nocent , eorum quæ juvant ,
 optima est *Medicina* ad sanitatem tuendam.
 Verum tutius est concludere ; *Hoc*
sensi mihi nocuisse , ergo eo non utar ; quam
 isto modo ; *Hoc quod sensi , minime offendit ,*
ergo eo uti licet. Etenim vigor juventutis ,
 excessus plurimos tegit , qui tamen in senectute
 tandem velut debita exigentur ,
 Considera ætatem ingruentem , neque
 G 5 con-

confide eadem perpetuo continuare: Non enim bellum iudicendum *senectuti*. Cave à subita aliqua mutatione, in *Regiminis* parte quapiam principali; Quod si necessitas urgeat, cætera ad eam mutationem accommoda. Secretum enim est, & Naturale, & Politicum; *Tutius est, multa mutare, quam unum magnum*. Examini tamen subicias consuetudines tuas; Diætaræ, Somni, Exercitationis, Vestium, Mansionis, & similibus: Et, si quid nocumento esse iudices, experire illud paulatim exuere; ita tamen, ut si ex mutatione nocumenti aliquid perceperis, ad consuetam redeas: Difficile enim distinguere inter ea, quæ toto genere sunt salubria, & ea quæ corporis tui unicus constitutioni conveniunt. Vacuo animo esse, & hilari, ad horas cibi, somni, & exercitationis, est ex optimis præceptis, ad prolongandam vitam. Quatenus ad *animi Passiones & Studia*: Devita invidiam; metus anxios; iram intus cohibitam; subtiles & nodosas disquisitiones; gaudia, & exilarationes immodicas; tristitiam alte pressam, & non communicatam. Amplectere spes; lætitiâ potius quam gaudium; delectationum varietatem magis quam satietatem; admiratione, & propterea novitates; studia quæ animum replent splendidis & illu-

illustribus objectis; Veluti, Historias, Fabulas, Peragrationes Naturæ. *Medicationem* si omnino fugias, valetudine utens bona, corpori ingrator accedet, cum necessitas ingruerit. Eidem si nimium assuecas, detrahet de viribus & efficacia ejus quando morbus advenerit. Probo potius *Diatas* quasdam, ad certa tempora, quam usum medicamentorum frequentem; nisi jampridem transferit in consuetudinem. *Dieta* enim hujusmodi alterant corpus magis, perturbant minus. Ne contempnas accidens aliquod in corpore tuo novum & insuetum, sed consilium *Medicorum* circa illud adhibe. Dum ægrotas, valetudinem tuam cura maxime; dum valet, corpore tuo utere, nec sis nimis delicatus: Qui enim, dum valet, corpori tolerantiam imperat; in morbis compluribus, qui scilicet non sunt acuti, *Dieta* sola, & corporis *Regimine* paulo exquisitiore, curari possit absque multa *Medicatione*, *Celsus* monitum illud suum numquam parturisset ut *Medicus*, nisi una fuisset vir prudens. In præceptis dat, tanquam Arcanum tuendæ valetudinis; & prologandæ vitæ; ut quis contraria alternet, & subinde mutet, sed cum inclinatione in extremum benignius. Nempe; Victu utere parciori, & pleniori, sed pleniori sæpius.

Vigiliis, & somno largiori, insuescas, sed somno magis: Quietem & motum sive exercitium, repetas; sed frequentius motum; & similia. Ita enim Natura simul & fovebitur: & robur acquirat. Ex *Medicis* aliqui, erga ægrum, & ejus desideria, tam sunt indulgentes, ut morbi curam legitimam non urgeant; Alii contra, tam regulares & rigidi, in procedendo secundum Artem, circa curam morbi, ut ægri conditionem & naturam non satis respiciant. *Medicum* elige temperaturæ mediæ: vel si hoc ad votum, in uno aliquo *Medico*, non cesserit, adhibe ex utroque genere unum: atque memor sis advocare *Medicum* corporis tui gnarum non minus, quam in Arte sua spectatum.

XXXI.

DE SUSPICIONE.

S*uspiciones* inter cogitationes, sunt ut inter aves Vespertilioes: Nunquam volitant, nisi luce crepera. Reprimendæ certe sunt, aut saltem caute custodiendæ: Mentem enim obnubilant; amicos alienant, & negotia interpellant; ita ut nec alacriter, nec constanter, peragi possint. *Reges* inclinant ad tyrannidem; *Maritos* ad zelotypiam; etiam *Prudentes* ad animi vacillationem, & melancholiam, Sunt autem
tem

tem *Suspiciones*, defectus, non tam cordis quam cerebri: locum enim reperiunt etiam in fortissimis animis; Exemplo esse poterit *Henricus Septimus*, *Rex Angliæ*: quo non fuit alter suspicior, nec tamen animosior. In ejusmodi vero temperatura minus nocent: plerunque enim non admittuntur, nisi prius discutiantur, utrum probabiles sint, annon. Verum in meticulosis ingeniis nimio plus prævalent. Nihil certe æque facit hominem multa *suspiciari*, ac parum scire. Itaque rectissime adhibetur remedium, ad *Suspiciones*, ut quis inquisitionem urgeat. Fumo enim & tenebris aluntur *Suspiciones*. *Quid sibi tandem volunt homines? Existimantne, cunctos, quorum opera utuntur, & quibuscum versantur, Angelos esse, aut Sanctos? Nesciuntne, illos ad suos proprios fines aspirare; & unumquemque proximiorē esse sibi, quam alteri? Nullus itaque est modus moderandis Suspicionibus aptior, quam remedia parare, ac si Suspiciones essent veræ; iis vero fræna injicere, ac si essent falsæ. Eatenus enim Suspiciones usui esse poterunt, ut ita nos comparemus, quod quamvis verum foret, quod suspicamur, nocere tamen non possit. Suspiciones, quas ex se mens colligit, nil sunt, nisi inanes bombi. Quæ vero externo artificio aluntur, apimisque*

misque hominum instillantur susurronum & famigatorum sermonibus, aculeos habent. Optima certe ratio, expediendi nos, ex impedita hac *Suspicionum* sylvā, est libera quædam & aperta illarum declaratio, apud eos, quos suspectos habemus: hinc enim fieri non potest, quin plus cognoscamus, utrum veræ sint, nec ne, quam antea. Hoc simul reddet eum quem *suspectum* habemus, cautum magis & circumspectum, ne novam præbeat *Suspicionis* ansam. Sed hoc fieri non oportet cum hominibus pravæ indolis & degeneris: hi enim, ubi semel se *suspectos* sentiant, fideles postmodum nunquam evadent. Diverbium habetur apud *Italos*, *Sospetto licentia fede*. Quasi *Suspicio* fidei missionem daret: cum potius fidem accendere deberet, ut se ipsam liberaret.

XXXII.

DE DISCURSU SERMONUM.

Sunt qui in *Sermonibus* affectant potius ingenii laudem, quā in quacunque partem disputare possint, quā iudicii, in veritate enucleanda: ac si laudabile esset, invenire quid dici possit, non quid taceri debeat. Sunt qui in promptu habent *Locos* aliquos *Communes*, & *Themata*, in quibus luxuriantur, cætera steriles & jejuni; Quod penuriæ genus plerumque tædio af-

afficit, & quamprimum notam subierit, in ridiculum evadit. Pars *Sermonis* honoratior, hæc est; ansam *Sermonis* præbere; & rursus eidem moderari, ac ad alia transire; nunc enim quis *Chorem ducit*. Bonum sane, in conversatione & colloquiis familiaribus subinde variare; & *Sermones* circa res præsentibus cum disputationibus; Narrationes cum argumentis; Quæstiones cum positivis; Locosa cum seriis, immiscere: Satietatem siquidem & fastidium parit, in aliquo Subjecto diutius hære. Quantum ad *Locos*; Sunt quædam, quæ à loco, veluti privilegio, eximi debent; Religio, negotia Reipublicæ, personæ sublimes, Privatorum negotia majoris momenti, denique casus omnis miserabilis. Nonnullos tamen reperies, quibus ingenia sua obdormiscere videbuntur, nisi acutum aliquem & mordacem Sarcasum in quempiam contorserint. Ille *Habitus* omnino coercendus;

Parce Puer stimulis, & fortius utere loris.
In summa, Discrimen servandum, inter *falsa*, & *amara*. Certe, qui *Satyricam* amplectitur *venam*, sicut aliis metum injicit ab ingenio suo, ita ab aliorum memoria metuere debet. Qui interrogat multum, & addiscet multa, & placebit in multis, præsertim si quæstiones suas ad captum & pe-

peritiam Respondentis adapret; siquidem occasionem ei præbebit scientiam suam ostentandi; ipse autem novis continuo scientiæ augmentis dotabitur. Molestæ autem ne sint Quæstiones; Id Examinatori convenit. Etiam qui *Sermonis* familiaris dignitatem tueri cupit, aliis vices loquendi relinquat. Qui &, si qui adsint, qui dominari in *Sermonibus* & tempus univrsum occupare studeant, illos arte quadam abrumpere sciat, & alios ad loquendum inducere; Sicut Tibicines moderari solent saltantibus. Scientiam si quandoque dissimiles eorum quæ scire existimaris, putaberis alias ea scire, quæ nescis. *Sermo* alicujus de se ipso, rarus esse debet, & cum judicio. Novi quendam, cui sæpe in ore erat, per Ironiam; *Oportet hunc egregie sapientem esse, ita multa de se ipso loquitur.* Vix occurrit casus aliquis, in quo se laudare quis decore possit, præter unum: Is est, si virtutem alterius laudet; Sed eam intelligo virtutem, ad quam ipse aspirat. *Sermo* alios pungens & vellicans, parce utendus: Etenim *Sermones familiares* debent esse instar campi aperti, in quo spatari licet; non viæ regię; quæ deducit domum. Noveram *Nobiles* duos, ad partem *Anglia Occidentalem*; quorum alter *Scommatibus* nimio plus indulgebat, sed hospitalis ad-

admodum erat; alter autem quærere solebat, à convivijs illius prioris; *Dic sodes, annon Scomma aliquod intercesserat in quempiam jactum?* Cui Conviva forte; *Tale aliquid contigit.* At ille, utpote alterius æmulus, *Satis sciebam, eum prandium bonum malis condimentis corrupturum.* Sermo cum discretionis præstat Eloquentiæ; Et apte loqui, & accommodare, ad personam cum qua colloquimur, efficacius est, quam ornamenta verborum aut Methodi, captare. *Continuata oratio bona*, absque interlocutione bona, tarditatem monstrat: At replicatio, & interlocutio bona, absque facultate *Orationem* continuandi, penuriam, & scientiam minime fundatam, prodit: Quemadmodum in Animalibus videmus, quæ cursu minus valent, flexu maxime agilia esse: Ut sit inter Leporarium, & Leporem. Circumstantiis nimio pluribus *Orationem* vestire, antequam rem ipsam attingas, tædium parit; iisdem penitus carere, abruptum quiddam est, & ingratum.

XXXIII.

DE PLANTATIONIBUS

POPVLORVM.

Colonia eminent inter Antiqua & Heroica Opera. Mundus, cum adhuc juvenis esset, plures progeniuit liberos; nunc se-

senex factus, pauciores. Etenim, non immerito *Colonias* novas, tanquam liberos Nationum antiquiorum duxerim. *Plantationem Populorum* proba in solo puro: intelligo, ubi *Populus* non destruitur, ut *Populus* inferatur: Hoc enim cum sit, *Extirpatio* prorsus est, non *Plantatio*. *Plantatio* regionum non absumilis est *Plantationi* sylvarum: in quibus de Utilitate capienda nihil cogitandum ante annum vicesimum: Verum fructus uber & locuples, in fine Operis, expectandus. Illud certe, quod præcipue *Colonias*, alias bene successuras, evertit, fuit, sordida illa & avida lucri captatio, sub initiis *Coloniæ*. Verum est, Lucri segetem acceleratam non negligendam, modo cum bono *Colonia* conjuncta sit, sed non ultra. Indignum quiddam & infausum est, cum frax *Populi*, exules, & damnati, in *Colonia* seminarium sumuntur. Quin & *Coloniæ* ipsam corrumpit & perdit. Hujusmodi enim homines profligati instar errorum degent; nec operi accingent, sed otio se dedent; quin & scelera perpetrabunt, fruges consument, & *Colonia* fastidio afficientur: Ac tum demum nuncios & literas in patriam mittent, in *Plantationis* præjudicium & dedecus. *Populus*, qui in *Coloniæ* sumatur, præcipue fiat Artifices generum sequentium: Hor-

tulani, Aratores, Fossiores, Fabri ferrarii, Fabri lignarii, Piscatores, Aucupes, Chirurghi, Pharmiacopolæ, Coci, Pistorès, Cervisiarii, & hujusmodi. In *Regione*, ubi *plantare* instituis, circumspice primo, quod genus esculentorum & poculentorum, terra ex sese, sine cultura, edat: Veluti Castaneas, Juglandes, Noces, Pinus, Olivas, Dactylos, Pruna, Cerasa, Mel silvestre, & similia; Atque illis, ut par est, utere. Dein disquire, quod genus Victualiorum, Solum proferre possit celeriter intra annum: Veluti Pastinacas, Caricas, Brassicas, Cepas, Raphanos, Melones, Pepones, Cucumeres, Attriplices de *Hiernusalem*, Maiz, & alia. Quantum ad Triticum, Siliquam, Hordeum, & Avenam, nimiam Grana hæc poscunt culturam: Attamen à Fabis & Pisitis etiam inchoare licet: tum quia minore opera indigent; tum quia non minus cibi loco, quam panis, inserviunt. Etiam ab Oryza multiplex provenit seges, quæ & cibi quoque copiam facit. Ante omnia, magna copia transportanda, panis Biscocti, Farinæ ex Avena, Pollinis, Farinæ omnigenæ, & similium, ut sub initiis præsto sint, donec panis confici possit. Pecudes, & Aves, delige eas, quæ à morbis præcipue immunes sunt, & præ cæteris prolificæ: Quales sunt Porci, Capræ,

præ, Gallinæ, Gallinæ Indicæ, Anseres, Columbæ domesticæ, Cuniculi, & similes, Præcipue autem Piscationibus incumbendum, tum ad sustentationem *Colonia*, tum ad lucrum exportationis. Commeatus in *Coloniis* adeo parca manu fere distribuendus, ac si in Oppidis obsessis esset; hoc est, pro rata. Maxima autem pars soli, quod in hortos aut segetes convertitur, horreis publicis assignetur, in quibus fruges reponantur, & mensura certa distribuantur: Ita tamen ut supersint nonnullæ fundi portiones, in quibus industria singulorum se exercent. Circumspice insuper, quas merces nativas *Regio* illa producat, ut exportatio earum, in loca ubi maxime in pretio sunt, sumptus levet; Ut usu venit in *Nicotiano* apud *Virginiam*; modo non sit (ut jam dictum) in præjudicium intempestivum *Colonia* ipsius. Sylvæ in *Regionibus* desertis, ut plurimum, abundant; Itaque ligna, ad ædificia, naves, aut ejusmodi usus apta, inter præcipuas merces numeranda. Si inveniatur vena ferri, & rivuli ad molendina ferraria idonei, ferrum è mercibus questuosius est, in *Regionibus* sylvestris. Salis nigri confectio per calorem solis, si Clima ferat, digna res est quæ tentetur. Etiam Sericum vegetabile, si adsit, merx est lucrosa. Pix cujuscunque generis, ubi proveniunt

vediunt pinus & abietes, semper præsto
 est. Quin & pharmaca, & ligna odorata,
 si reperiantur, haud parvum commodum
 præbent. Etiam cineres, quibus ad sapa-
 utuntur, non modicum utilitatis afferent;
 Similiter & alia; quæ perquiri possunt.
 Verum fodinis ne confidas nimium, præ-
 sertim à principio. Fodinæ enim fallaces
 sunt, & sumptuosæ; & spe pulchra lactan-
 tes, colonos reddunt circa alia socordes. Re-
 gimen *colonia* committatur uni, cui tamen
 assideant Consiliarii aliquot; atque mun-
 niantur auctoritate, ad exemplum Juris
 militaris, sed aliquantulum restricta. Ante
 omnia, hunc sibi decerpant homines fru-
 ctum, vivendo in eremo; ut Deum sem-
 per, ejusque cultum, præ oculis habeant.
 Rursus, *Colonia* à numerosiore Concilio
 (intelligo in regione, matre *colonia*, resi-
 dente) non pendeat; nec ob contributio-
 nes exiguas multitudini nimie subjiciatur,
 sed sit numerus eorum, qui negotia *colonia*
 procurant & ordinant, moderatus: Sint-
 que potius ex *Nobilibus*, & *Generosis*, quam
Mercatoribus; Hi enim lucro præsentis plus
 satis inhiant. Sit plane immunitas à vecti-
 galibus & portoriis, donec *colonia* adole-
 verit: neque tantum immunitas à solutio-
 nibus pecuniarum concedatur, sed etiam
 libertas merces in quascunque velint par-
 tes

tes exportandi ; nisi gravis aliqua causa obfuerit. *Coloniam* Populo ne farcias aut superoneris, alios post alios mittendo : sed potius informationi diligenti intende, quot capita de tempore in tempus minuantur ; eaque numero conveniente, prorata, suppleas ; ita tamen, ut *coloni* bene victitent, nec penuria affligantur. Magnam jampridem salubritati complurium *coloni-
nium* detrimentum intulit, ædificatio juxta Mare & fluvios, in locis paludinosi & aquosis. Itaque, etsi ab hujusmodi locis incipiendum, propter vecturæ & aliarum rerum commoditatem, paulatim tamen in superiores *regionis* partes, & ab aquis remotiores, ascendendum. Interest etiam sanitatis *colonia*, ut salis sat bona copia convehatur ; quo cibi, quos verisimile est putridos aliter sæpe futuros, condiantur. Si *Coloniam* plantes, ubi Barbari sedes suas habeant, neutiquam eos nugis tantum, & tricis, concilies ; sed justicia, & modis gratiosis, demerere ; nihil tamen de præfidiis minuendo, quæ ad securitatem pertinent ; Neque etiam Benevolentiam eorum aucupare auxiliis contra hostes suos ; sed auxiliis defensivis non incommodum erit subvenire. Interest etiam, aliquos ex indigenis, sæpe in *regionem*, unde *colonia* migravit, mittere ; ubi videant conditio-

nes hominum suis multo præstantiores ; idque sub reditu inter suos divulgent. Postquam *colonia* adoleverit, & robur acceperit, tempestivum erit mulieres summittere, ut *colonia* ex sese propagetur, nec semper ab externis pendeat. Super omnia flagitiosissimum est, *coloniam* semel deductam, deferere & destituere ; præterquam enim quod dedecori est, nil aliud est, quam proditio mera, profusioque sanguinis, complurium hominum miserorum.

XXXIV.

DE DIVITIIS.

Divitiis cognomine magis proprio vocare nequam queam, ut eas appellem *impedimenta Virtutis*. Sicut enim se habent *impedimenta* ad *Exercitum*, ita *divitia* ad *Virtutem*. Necessariæ siquidem sunt, sed graves ; Quinetiam cura illarum victoriam sæpe disturbat, *Divitiarum* magnarum nullus est usus, præterquam in iis expendendis, Cætera in opinione versantur. Idem dicitur Salomon, *Vbi multa sunt opes, multi qui comedunt eas*. Et, *Quid prodest possessori, nisi quod cernat divitiis oculis suis? Possessio divitiarum, nulla voluptate dominum perfundit, quantum ad fœsum ; Est sane custodia ipsarum ; est etiam potestas donativi aut distributionis ;*
est

est & fama, & inflatio ab ipsis; Sed non datur solidus ipsarum usus, qui ad dominum pertingat. Annon vides ficta illa pretia, quibus gemmæ, & hujusmodi rariora, æstimantur; & quam inania opera suscipiantur, ad ostentationem meram, ut usus aliquis *divitiarum* magnarum videri possit? Sed dicet quispiam, usum earum vel in hoc maxime cerni posse; quod dominos ex periculis & calamitatibus redimant: Ut ait *Salomon*; *Substantia divitis ubi roboris ejus, & quasi murus elevatus in imaginatione sua.* Sed caute *Salomon*, quod *imaginatione*, non *re ipsa*, tales sunt. Plures enim, sine controversia, *divitiis* suis magnis vœnierunt, quam redempti sunt. *Divitias* magnas ne feceris; sed quas parare possis juste, impendere sobrie, erogare hilariter, & libenter dimittere. Neque tamen contemptum ipsarum, instar *Monachi* alicujus, aut à seculo abstracti, foveas, sed de usu distingue; Sicut *Cicero* optime de *Rabirio Posthumo*; *In studio rei amplificanda apparebat, non avaritia prædæ, sed instrumentum bonitati queri.* Ausculta etiam *Salomoni*, nec præproperæ opum accumulationi inhia; *Qui festinat ad divitias, non erit insons.* Fingunt *Poëta*, *Plutum*, (qui *divitias* sonat) à *Jove* missum, claudicare, & tardigradum esse: à *Plu-*

tone

tone autem, currere, & pēdibus celerem. Innuentes, *Divitias*, bonis artibus, & justo labore, partas, tarde accedere; sed per mortem aliorum advenientes (veluti ex hæreditatibus, testamentis, aut similibus) præcipitanter ruere. Nec minus poterit *Fabula* ea de *Plutone* intelligi, si *Plutonem* pro *Diabolo* accipias. Cum enim opes à *Diabolo* fluunt, veluti per fraudes, oppressiones, injusticiam, & scelera rapido cursu feruntur.

Via ad ditescendum variaz, & pleræque earum fœdæ. *Parfimonia* inter optimas censi possit, neque tamen ipsa omnino innocens est: Opera enim liberalitatis & Charitatis coarctat. *Soli Cultura*, quasi ad *divitias* maxime genuina; utpote quæ benedictio *magna matris Telluris* sit. Verum lenta est hæc via. Attamen ubi homines insigniter opulenti, se ad *Agriculturam*, & lucra rustica, submittunt, *divitias* in immensum coacervant. Noveram ex *Proceribus Angliæ* quendam, cui maximi redditus proveniebant, è re rustica, supra subditos ceteros quoscunque ætatis meæ. Dives erat armentis, ovibus, sylvis, tam cædis, quam grandioribus; lithanthracibus; frumento, plumbi & ferri fodinis; & compluribus aliis proventibus rusticis. Adeo ut terra ei instar maris esset, merces perpetuo

H

impor-

importans. Recte à quodam observatum; Se magno cum labore ad exiguas, & nullo fere ad magnas *divitias*, pervenisse. Postquam enim res alicujus nummaria sic increverit, ut nundinarum & mercatum opportunitates præstolari possit; atque eos contractus superare, quibus ob summæ magnitudinem perpauci admodum homines apti sunt; atque etiam in laboribus aliorum participare, qui minus pecunia abundant; fieri non potest, quin supra modum ditescat. *Lucra ex Professionibus*, honesta certe sunt; & duabus rebus promoventur maxime; Diligentia, & Fama bona propter probitatem in negotiando. At lucra ex contractibus majoribus plerunque naturæ magis ancipitis; Cum quis scilicet aliorum necessitates & angustias obsideat; servos & ministros alienos in damnum dominorum corrumpat; emptores alios, qui in majora forte pretia consensissent, artificiose & vafre summoveat; & hujusmodi fraudes exercent; quæ omnes merito damnandæ sunt. Quantum vero ad *Emptiones*, animo, non retinendi, sed rursus divendendi, illæ ex utraque fere parte molunt; tam Venditorem, quam Emptorem prementes. *Societates* locupletant affatim; si cautus adhibeatur delectus eorum, quibuscum *societas* initur. *Fœnui* ex certissimis

mis lucri generibus est, licet ex pravissimis; utpote quod hominem panem suum comedere faciat *in sudore vultus alieni*: atque in *Sabbatho* operari non cessat. Attamen certum licet sit, non caret rimis suis secretis: Siquidem Notarii, & Infitores, ad commodum proprium, homines fortunarum dubiarum quandoque extollent, *Primum* esse in *inventione* aliqua *nova*, aut Privilegio, inundationem quandam opum interdum largitur: Sicut contigit primo *Sacchari Excoctori* in *Canariis*. Itaque si quis se peritum Dialecticum præstare possit, ut addat *Inventioni* Iudicium, magna haud dubie efficiet; præsertim si tempora sint propitia. Qui lucra tantummodo certa captat, ægre ad magnas *divitias* assurgit: Contra, qui totus in incertis est, vix fortunarum dispendia vitabit: Bonum igitur fuerit incerta lucra certis munire, ut damnis subveniatur. *Monopolia*, & *Mercium Coëmptiones* ad *revenditionem*, ubi Lege nulla prohibentur, ad *divitias* viam sternunt facilem; præsertim si quis prospicere possit, quæ merces in æstimationem venturæ sint, atque eo modo se illis abunde instruat. Opum acquisitio, per *servitium Regum*, aut *Magnatum*, dignitatem quandam habet; tamen si assentationibus & servilibus artificiis, sese ad omnes nutus

importans. Recte à quodam observatum; Se magno cum labore ad exiguas, & nullo fere ad magnas *divitias*, pervenisse. Postquam enim res alicujus nummaria sic increverit, ut nundinarum & mercatum opportunitates præstolari possit; atque eos contractus superare, quibus ob summæ magnitudinem perpauca admodum homines apti sunt; atque etiam in laboribus aliorum participare, qui minus pecunia abundant; fieri non potest, quin supra modum ditescat. *Lucra ex Professionibus*, honesta certe sunt; & duabus rebus promoventur maxime; Diligentia, & Fama bona propter probitatem in negotiando. At lucra ex contractibus majoribus plerunque naturæ magis ancipitis; Cum quis scilicet aliorum necessitates & angustias obsideat; servos & ministros alienos in damnum dominorum corrumpat; emptores alios, qui in majora forte pretia consensissent, artificiose & vafre summoveat; & hujusmodi fraudes exercent; quæ omnes merito dammandæ sunt. Quantum vero ad *Emptiones*, animo, non retinendi, sed rursus dividendi; illæ ex utraque fere parte molunt; tam Venditorem, quam Emptorem prementes. *Societates* locupletant affatim; si cautus adhibeatur delectus eorum, quibuscum *societas* initur. *Fœnus* ex certissimis

mis lucri generibus est, licet ex pravissimis; utpote quod hominem panem suum comedere faciat *in sudore vultus alieni*: atque in *Sabbatho* operari non cessat. At tamen certum licet sit, non caret rimis suis secretis: Siquidem Notarii, & Infitores, ad commodum proprium, homines fortunarum dubiarum quandoque extollent, *Primum* esse in *inventione* aliqua *nova*, aut Privilegio, inundationem quandam opum interdum largitur: Sicut contigit primo *Sacchari Excoctori* in *Canariis*. Itaque si quis se peritum Dialecticum præstare possit, ut addat *Inventioni* Iudicium, magna haud dubie efficiet; præsertim si tempora sint propitia. Qui lucra tantummodo certa captat, ægre ad magnas *divitias* assurgit: Contra, qui totus in incertis est, vix fortunarum dispendia vitabit: Bonum igitur fuerit incerta lucra certis munire, ut damnis subveniatur. *Monopolia*, & *Mercium Coëmpiones* ad *revenditionem*, ubi Lege nulla prohibentur, ad *divitias* viam sternunt facilem; præsertim si quis prospicere possit, quæ merces in æstimationem venturæ sint, atque eo modo se illis abunde instruat. Opum acquisitio, per *servitium Regum*, aut *Magnatum*, dignitatem quandam habet; tamen si assentationibus & servilibus artificiis, sese ad omnes nutus

flectendo, parentur, inter vias vilissimas poterit numerari. Quantum ad *venationem Testamentorum*, & *Legatorum*, (quemadmodum *Tacitus Senecam* insinuat; *Testamenta* & *Orbos tanquam indagine capi*;) adhuc pejor est hæc res, quanto cum hominibus conditionis humilioris rem habemus, quam in servitio.

Fidem illis nimiam ne adhibeas, qui præ se ferunt contemptum *divitiarum*: Ex enim *opes* despiciunt, qui desperant; neque invenies usquam tenaciores, ubi incipient ditescere. Ne sis in minutis tenax, *Divitia* alas habent, & aliquando ex sese avolant, aliquando emittendæ sunt, ut ampliores congregent. *Opes* suas moribundi relinquunt; aut usui publico; aut Liberis, Cognatis, & Amicis: In utroque genere *Legationes* paulo moderatiores melius cedunt. *Divitia magna* hæredi relictæ, aves rapaces undique ad eas convolare invitant; nisi hæres fuerit ætate & judicio confirmator. Similiter *Foundationes* gloriose & splendide, in usus publicos, sunt instar *Sacrificiorum sine sale*, & nihil aliud quam *dealbata Eleëmofynarum sepulchra*; quæ ab intus cito corumpentur & putrescent. Itaque dona tua, magnitudine ne metiaris, sed commoditate; & ad debitam mensuram redigas: neque opera Charitatis in mortem

tem usque differas ; Etenim , si quis recte rem æstimes, qui id facit, ex alieno potius donat , quam è proprio.

XXXV.

DE AMBITIONE.

Ambitio Choleram refert : Quod genus humoris , activos , vehementes , alacres , & promptos reddit ; nili obstructionem patiatur. Quod si obstructione concludatur, adeo ut libere permeare non possit, fit adusta, & inde maligna & venenosa. Similiter *Ambitiosi*, si in ambitu & petitione sua repulsas non patiantur , sed semper sint in progressu , polypragmones potius sunt quam periculosi : Sin in cupiditatibus frænentur , & subinde frustrentur , malevolentiam & invidiam in corde foveant , & iniquo prorsus oculo , tum res, tum homines intuentur ; ac tum demum in sinu latantur cum res male cedant: Qui quidem animi affectus, cum servis *Regum*, aut Rerumpublicarum pessime congruit: Bonum itaque *Principibus* fuerit , (si *ambitiosis* utantur,) ita rem disponere, ut perpetuo directi, nunquam retrogradi sint. Quod quia sine præjudicio fieri non potest, melius esset, ab hujusmodi ingenii hominibus omnino abstinere. Etenim, si ipsi cum servitio suo non affurgent, operam

H 3 dabunt

dabunt ut servitium suum cum ipsis corruat. Verum, quia modo diximus, *Ambitiosos* non adhibendos, nisi urgente necessitate, operæ pretium fuerit jam dicere, quibus in casibus necessarius sit eorum usus.

Imperatores & Duces in bello boni, utcunque *ambitiosi* sint, omnino recipiendi: Etenim utilitas ipsorum, ut præficiantur, cætera compensat: Militem autem deligere, qui *ambitione* vacet, perinde est, ac si calcaribus eum spoliēs. Quin & alter usus *Ambitiosorum* est, ut umbellæ loco *Principibus* sint, contra invidiam & periculum: Nemo enim eas partes subibit, nisi sit instar columbæ occæcatæ, quæ ideo in sursum volat, quia circumspicere non potest. Est etiam alius usus *Ambitiosorum* non parvus, ut prægrandibus alas amputent, & eorum potentiam labefactent; Quemadmodum *Macronem Tiberius* adhibuit, ad dejiendum *Seianum*.

Quandoquidem igitur, in casibus memoratis, necessarii sint, superest ut ostendamus, qua ratione sint frændandi & coercendi, ut minus ab illis impendeat periculi. Perniciosi minus sunt, si natalibus ignobiles, quam si Nobiles: si ingenio paulo truciores & asperiores, quam si gratiosi & populares; denique si nuper honoribus ad-

moti,

moti, quam si veteratores facti sint, & in honoribus suis muniti. Signum infirmi animi in *Principibus*; à plerisque ducitur, si *gratiosos* & intimos sibi adjungant; attamen, si verum dicendum est, non aliud reperitur remedium præstantius contra potentiam nimiam *Procerum*, aut *Magistratum*. Siquidem, quando juvandi & nocendi potestas penes *gratiosum* residet, vix fiet, ut aliquis ex *Proceribus* magnopere potentia turgat. Alia ratio *Ambitiosos* coercendi non mala est, si per alios æque *Ambitiosos*, & protervos, liberentur: Sed tum opus est Consiliariis aliquibus moderatioribus, qui partes medias teneant, ne factiones omnia pessudent: Etenim absque illa saburra navis vacillabit nimis. Saltem allicere poterunt *Principes*, & animare aliquos humilioris conditionis, qui *Ambitiosorum* veluti flagella sint. Quantum ad ingenerandam illam in *Ambitiosis* opinionem, ut se ruinæ proximos putent, atque eo modo contineantur: Si meticulosi fuerint, bene forsitan cedit; Sin animosi & audaces, præcipitabit conatus & machinationes eorum; neque est sine periculo. Quod si necessitas flagitet, ut revera rejiciantur, neque id simul, & subito, facere, tutum foret; optimum erit, favoribus & repulsiis eos alternis excipere, unde atto-

niti & confusi hæreant, nescientes quid expectent, & veluti intra sylvam ambulent.

Ex *Ambitionibus*, minus est nociva, cupiditas prævalendi in rebus majoribus, quam se immiscendi rebus omnibus: Istud enim confusionem consiliorum parit, & negotia destruit. Etiam minus periculi incumbit ab *Ambitioso* in negotiis acri, quàm ab eo qui gratia & clientelis pollet. Qui inter strenuos, & negotiis pares, eminere studet, magnam profecto suscipit provinciam: verum hoc Publico utile est: Qui vero illud machinatur, ut Viros cordatos deprimat, & ipse solus inter Ciphras Numerus sit, seculi alicujus lues est & calamitas. *Honor* tribus insignitur commodis; *Potestate bene merendi*; *Aditu facili ad Viros Principes*; & *Fortunarum propriarum in melius evectione*. Qui optimam ex his tribus fovet intentionem, cum aspirat, vir probus est: *Princeps* quoque, qui hujusmodi in servis suis intentiones dignoscere valeat & distinguere, *Princeps* est prudens. Verum in genere præoptandi sunt *Principibus* hujusmodi servi, qui officio magis ducantur, quam *Ambitione*: quique negotia amplectantur & ament, potius ex conscientia bona, quam ex ostentatione: Denique distinguant *Principes* cum judicio, inter ingenia, quæ sese omnibus negotiis inge-

DE NAT. & IND. NAT. in HOM. 177
ingerunt, & animum promptum seu ala-
crem.

XXXVI.

DE NATURA ET INDOLE
NATURALI IN HOMINIBVS.

Natura occultatur sæpenumero, in-
terdum vincitur, raro extinguitur.
Vis *Naturam* efficit magis impetuosam
cum recurrit; Doctrina & præcepta effe-
ctus naturales reddunt minus quidem im-
portunos, sed non tollunt; verum *Consue-
tudo* sola ea est, quæ *Naturam* plane im-
mutat & subigit. Qui victoriam de natura
sua reportare cupit, sibi nec nimis magna,
nec parva nimis pensa constituat: Priora
enim animum dejicient, propter frustra-
tiones crebras; Posteriora non multum
attollent, etiam si sæpius prævaleat. Atque
sub initiis exerceat se adminiculis quibus-
dam, ut Natatores recentes, velicis aut
juncis; deinde cum impedimentis, ut Sal-
tatores solent, calceis gravioribus. Etenim,
perfectionem in re qualibet inducit, si ex-
ercitatio difficilior sit, quam usus. Ubi *Na-
tura* admodum potens est, & proinde vi-
ctoria difficilis, opus erit per gradus quos-
dam procedere. Qui tales sunt: Primo,
Naturam sistere ad tempus aliquod; mox
illius, qui cum irasceretur, Literas Alpha-
beti, priusquam quicquam faceret, recitare

H 5

sole-

solebat : Secundo, *Naturam* moderari, & ad minores portiones deducere; Ut si quis, abstinenciam à vino exercens, à majoribus haustibus ad minores deveniat; Postremo autem, *Naturam* penitus sub jugum mittere, & domare. Verum si quis eo Animi robore & constantia polleat, ut se subito eximere & vindicare poterit, hoc optimum fuerit :

*Optimus ille animi vindex, ladentia pectus
Vincula qui rupit, dedoluitque semel.*

Neque antiqua Regula rejicienda; Ut *Naturam*, ad instar bacilli, in contrariam partem flectas ; quo recta tandem deveniat. Verum intellige hoc, ubi Extremum illud alterum, in vitium non ducat. Insuper & hoc advertas, ne Habitum superinducere contendas, nixu continuo, sed intermisso; Nam intermissio imperium redintegrat, & adauget; Et si quis, dum tironem agit, perpetuo se exerceat, eveniet, ut errores, non minus quam facultatem, imbibat. Neque huic malo succurritur, nisi per tempestivas intermissiones. Præterea, victoriæ in *Naturam* non nimium cito triumphum accinas; *Natura* enim, ad longum tempus sepulta jacebit, & tamen occasione data reviviscet : Id quod contigit *Puella* apud *Æsopum*, ex *sele* in *mulierem* conversæ ; Quæ civiliter admodum imensa se-
debat,

debat, donec mus in conspectu ejus forte curreret. Itaque occasiones tales, aut omnino evites, aut iisdem frequentius insuescas, quo minus moveant. *Indoles* cujusque *naturalis* optime apprehenditur in consuetudine familiari; in hac enim nulla intervenit affectatio: in perturbationibus siquidem illæ Præcepta & Regulas penitus excutunt: denique, in casu aliquo novo & insolito; quia tum à consuetudine deseritur. Felices dixerim, quorum *Indoles naturalis* cum vitæ suæ genere congruit: Alias vere dicere possint: *Multum incola fuit anima mea*. In studiis, quicquid à *natura* tua ad alienum repereris, statâ tempora tibi præfigas ad ejusdem Exercitationes & Meditationes; Sin autem cum Genio tuo convenerit, de statis horis ne sis sollicitus; Cogitationes enim tuæ sponte illuc convolabunt, prout negotia & studia cætera permittent. *Natura* cujusque, ex vi innata, aut bonas, aut malas herbas, producit: Itaque sedulo & tempestive illas irriget, has evellat.

XXXVII.

DE CONSUETUDINE ET
EDUCATIONE.

Cogitationes hominum sequuntur plerunque inclinationes suas; *Sermones* autem, *doctrinas*; & *opiniones*, quas imbibunt;

berunt; At *Facta* eorum ferme *antiquum* obtinent. Itaque, ut bene notat *Machiavellus*, (licet in exemplo scelerato,) minime fidendum est, aut naturæ violentiæ, aut verborum grandiloquentiæ, nisi corroborentur *Consuetudine*. Instantia ejus hæc est: In facinore aliquo audaci & crudeli patrando, non acquiescendum esse, aut in naturæ alicujus ferocia, aut in promissis constantibus, nedum juramentis, sed committendum scelus esse viris sanguinolentis, & jamdudum cædibus assuetis. Sed *Machiavello*, de *Fratre* quopiam *Clemente*, aut *Ravillaco*, aut *lauregna*, aut *Balsazare Gerardo*, aut *Guidone Faulxio*, nihil innotuit. Verum tenet Regula ejus; Naturam, aut promissorum fidem & ferociam, viribus *Consuetudinis* haud æquipollere. Solummodo, superstitio, nostris temporibus, eo provecta est; ut primæ classis Sicarii, Lanii obfirmatis minime cedant; atque decreta votiva, etiam in re sanguinaria, *Consuetudinis* vires exæquent. In aliis quibuscunque, *Consuetudinis* potentia clare elucescit: adeo ut miraculi instar sit, audire, quot professiones, protestationes, promissa, verba grandia, jactitent plurimi; & tamen, istis omnibus posthabitis, pro more consueto agere, ac si imagines essent, & machinæ plane inanimes, solis

Con-

Consuetudinis rotis impulsæ & actæ. Videre etiam licet *Consuetudinis* tyrannidem in aliis multis. *Indi* (loquor de *Gymnosophistis*, & veteribus, & modernis) se leniter super pyram componunt, atque hoc modo se ipsos igne sacrificant. Quin & fœminæ cum maritis in rogum immitti properant. *Pueri Spartani*, antiquis temporibus, flagris cædi sustinebant, super aram *Diana*, vix ejulatu aut gemitu ullo emisso. Memini, sub initiis *Regina Elizabetha*, *rebellem* quendam *Hibernum*, supplicationem *Deputato* obtulisse, ut torque lignea, non fune, suspenderetur; quia illud magis in more rebellibus erat. Inveniuntur Monachi in *Russia*, qui ad Pœnitentiam complendam, tota nocte hyemali, in vase aqua repleto non recusabunt sedere, donec glacie constringantur. Plurima denique exempla adduci poterunt, plane stupendas *Consuetudinis* vires, tam super animum, quam super corpus, prodentia. Quandoquidem igitur *Mos* veluti summus sit humanæ vitæ moderator & magistratus, curæ sit imprimis, ut *Mores* bonos asiscamus. Certe *Consuetudo* validissima, cum à pueritia incipit: Hanc *Educationem* appellamus; Quæ nihil aliud est, quam à teneris annis inbibita *Consuetudo*. Ita videre est, in Linguis ediscendis Linguam ipsam magis

[illegible]

XXXVIII.

DE FORTVNA.

NEgari non potest, quin Accidentia & Casus externi, ad hominum *fortunas* promovendas, vel deprimendas, plurimum possint. Gratia alicujus ex Magnatibus, opportunitas, aliorum obitus, occasio virtuti cujusque congrua. Veruntamen, *fortunam* suam fingere cuique præcipue, in manu propria est. *Faber quisque fortuna sue*, inquit *Comicus*. Atque inter externas causas illa frequentissima; *Stultitiam enim, alterius Fortunam promoveri*. Nemo enim ita subito evehitur, ac occasione errorum alterius. Ut inquit Adagium; *Serpens, nisi serpentem comederit, non fit draco.*

Virtutes apertæ & conspicuæ laudes pariunt; At insunt virtutes quædam occultæ & latentes, quæ pariunt *Fortunam*. Nimirum, facultates nonnullæ se expediendi, quæ nomen non habent. *Hispanum* vocabulum, (*Desembolura*,) eas quadam ex parte innuit: Scilicet, cum non inveniuntur in natura alicujus obices aut impedimenta: sed rotæ animi ad motum rotarum *Fortuna* versatiles sunt. Ita enim *Livius* (postquam *Catonem Majorem* his verbis descripsisset; *In illo viro tantum robur corporis & animi fuit, ut quocunque loco natus esset, fortunam sibi salutis videretur;*)

ſueſcendo, parentur, inter vias viliffimas poterit numerari. Quantum ad *venationem Teſtamentorum*, & *Legatorum*, (quemadmodum *Tacitus Senecam* inſimulat; *Teſtamenta* & *Orbos* tanquam *indagine capi*;) adhuc pejor eſt hæc res, quanto cum hominibus conditionis humilioris rem habemus, quam in ſervicio.

Fidem illis nimiam ne adhibeas, qui præ ſe ferunt contemptum *divitiarum*: Et enim *opes* deſpiciunt, qui deſperant; neque invenies uſquam tenaciores, ubi incipient diſceſcere. Ne ſis in minutis tenax, *Divitie* alas habent, & aliquando ex ſeſe avolant, aliquando emittendæ ſunt, ut ampliores congregent. *Opes* ſuas moribundi relinquunt; aut uſui publico; aut Liberis, Cognatis, & Amicis: In utroque genere *Legationes* paulo moderatiores melius cedunt. *Divitie* *magne* hæredi relictæ, aves rapaces undique ad eas convolare invitant; niſi hæres fuerit ætate & judicio confirmator. Similiter *Fundationes* glorioſæ & ſplendidæ, in uſus publicos, ſunt inſtar *Sacrificiorum ſine ſale*, & nihil aliud quam *dealbata Eleëmoſynarum ſepulchra*; quæ ab intus cito corrumpentur & putreſcunt. Itaque dona tua, magnitudine ne metiaris, ſed commoditate; & ad debitam meſuram redigas; neque opera Charitatis in mortem

tem usque differas ; Etenim , si quis recte rem æstimes, qui id facit, ex alieno potius donat , quam è proprio.

XXXV.

DE AMBITIONE.

Ambitio Choleram refert : Quod genus humoris , activos , vehementes , alacres , & promptos reddit ; nisi obstructionem patiatur. Quod si obstructione concludatur, adeo ut libere permeare non possit, fit adusta, & inde maligna & venenosa. Similiter *Ambitiosi*, si in ambitu & petitione sua repùllas non patiantur , sed semper sint in progressu , polypragmones potius sunt quam periculosi : Sin in cupiditatibus frænentur , & subinde frustrentur , malevolentiam & invidiam in corde foveant , & iniquo prorsus oculo , tum res , tum homines intuentur ; ac tum demum in sinu latentur cum res male cedant: Qui quidem animi affectus, cum servis *Regum*, aut Rerumpublicarum pessime congruit: Bonum itaque *Principibus* fuerit , (si *ambitiosis* utantur,) ita rem disponere, ut perpetuo directi , nunquam retrogradi sint. Quod quia sine præjudicio fieri non potest, melius esset, ab hujusmodi ingenii hominibus omnino abstinere. Etenim, si ipsi cum servitio suo non assurgant , operam

H 3 dabunt

dabunt ut servitium suum cum ipsis corruat. Verum, quia modo diximus, *Ambitiosos* non adhibendos, nisi urgente necessitate, operæ pretium fuerit jam dicere, quibus in casibus necessarius sit eorum usus.

Imperatores & Duces in bello boni, utcunque *ambitiosi* sint, omnino recipiendi: Etenim utilitas ipsorum, ut præficiantur, cætera compensat: Militem autem deligere, qui *ambitione* vacet, perinde est, ac si calcaribus eum spoliēs. Quin & alter usus *Ambitiosorum* est, ut umbellæ loco *Principibus* sint, contra invidiam & periculum: Nemo enim eas partes subibit, nisi sit instar columbæ occæcatæ, quæ ideo in fursum volat, quia circumspicere non potest. Est etiam alius usus *Ambitiosorum* non parvus, ut prægrandibus alas amputent, & eorum potentiam labefactent; Quemadmodum *Macrobius* *Tiberius* adhibuit, ad dejiciendum *Seianum*.

Quandoquidem igitur, in casibus memoratis, necessarii sint, superest ut ostendamus, qua ratione sint frænandi & coercendi, ut minus ab illis impendeat periculi. Perniciosi minus sunt, si natalibus ignobiles, quam si Nobiles: si ingenio paulo truciore & asperiores, quam si gratiosi & populares; denique si nuper honoribus ad-

moti,

moti, quàm si veteratores facti sint, & in honoribus suis muniti. Signum infirmi animi in *Principibus*, à plerisque ducitur, si *gratiosos* & intimos sibi adjungant; attamen, si verum dicendum est, non aliud reperitur remedium præstantius contra potentiam nimiam *Procerum*, aut *Magistratum*. Siquidem, quando juvandi & nocendi potestas penes *gratiosum* residet, vix fiet, ut aliquis ex *Proceribus* magnopere potentia turgeat. Alia ratio *Ambitiosos* coercendi non mala est, si per alios æque *Ambitiosos*, & protervos, liberentur: Sed tum opus est Consiliariis aliquibus moderatioribus, qui partes medias teneant, ne factiones omnia pessudent: Etenim absque illa saburra navis vacillabit nimis. Saltem allicere poterunt *Principes*, & animare aliquos humilioris conditionis, qui *Ambitiosorum* veluti flagella sint. Quantum ad ingenerandam illam in *Ambitiosis* opinionem, ut se ruinæ proximos putent, atque eo modo contineantur: Si meticolosi fuerint, bene forsitan cedit; Sin animosi & audaces, præcipitabit conatus & machinationes eorum; neque est sine periculo. Quod si necessitas flagitet, ut revera rejiciantur, neque id simul, & subito, facere, tutum foret; optimum erit, favoribus & repulsi eos alternis excipere, unde atro-

niti & confusi hæreant, nescientes quid expectent, & veluti intra sylvam ambulent.

Ex *Ambitionibus*, minus est nociva, cupiditas prævalendi in rebus majoribus, quam se immiscendi rebus omnibus: Istud enim confusionem consiliorum parit, & negotia destruit. Etiam minus periculi incumbit ab *Ambitioso* in negotiis acris, quàm ab eo qui gratia & clientelis pollet. Qui inter strenuos, & negotiis pares, eminere studet, magnam profectò suscipit provinciam: verum hoc Publico utile est: Qui vero illud machinatur, ut Viros cordatos deprimat, & ipse solus inter Ciphras Numerus sit, seculi alicujus lues est & calamitas. *Honor* tribus insignitur commodis; *Potestate* bene merendi; *Aditu* facili ad *Viros Principes*; & *Fortunarum* *propriarum* in melius erectione. Qui optimam ex his tribus fovet intentionem, cum aspirat, vir probus est: *Princeps* quoque, qui hujusmodi in servis suis intentiones dignoscere valeat & distinguere, *Princeps* est prudens. Verum in genere, præoptandi sunt *Principibus* hujusmodi servi, qui officio magis ducantur, quam *Ambitione*: quique negotia amplectantur & ament, potius ex conscientia bona, quam ex ostentatione: Denique distinguant *Principes* cum judicio, inter ingenia, quæ sese omnibus negotiis inge-

solebat : Secundo, *Naturam* moderari, & ad minores portiones deducere; Ut si quis, abſtinentiam à vino exercens, à majoribus hauſtibus ad minores deveniat; Poſtremo autem, *Naturam* penitus ſub jugum mittere, & domare. Verum ſi quis eo Animi robore & conſtantia polleat, ut ſe ſubito eximere & vindicare poterit, hoc optimum fuerit :

Optimus ille animi vindex, ledentia peſtus Vincula qui rupit, dedoluitque ſemel.

Neque antiqua Regula rejicienda; Ut *Naturam*, ad inſtar bacilli, in contrariam partem ſectas ; quo recta tandem deveniat. Verum intellige hoc, ubi Extremum illud alterum, in vitium non ducat. Inſuper & hoc advertas, ne Habitum ſuperinducere contendas, nixu continuo, ſed intermiſſo; Nam intermiſſio impetum redintegrat, & adauget; Et ſi quis, dum tironem agit, perpetuo ſe exerceat, eveniet, ut errores, non minus quam facultatem, imbibat. Neque huic malo ſuccurritur, niſi per tempeſtivas intermiſſiones. Præterea, victoriæ in *Naturam* non nimium cito triumphum accinas; *Natura* enim, ad longum tempus ſepulta jacebit, & tamen occaſione data reviviſcet : Id quod contigit *Puella* apud *Æſopum*, ex ſele in mulierem converſæ ; Quæ civiliter admodum in menſa ſedebat,

debat, donec mus in conspectu ejus forte curreret. Itaque occasiones tales, aut omnino evites, aut iisdem frequentius insuescas, quo minus moveant. *Indoles* cujusque *naturalis* optime deprehenditur in consuetudine familiari; in hac enim nulla intervenit affectatio: in perturbationibus siquidem illæ Præcepta & Regulas penitus excutiunt: denique, in casu aliquo novo & insolito; quia tum à consuetudine deseritur. Felices dixerim, quorum *Indoles naturalis* cum vitæ suæ genere congruit: Alias vere dicere possint: *Mulum incolam fuit anima mea*. In studiis, quicquid à *natura* tua ad alienum reperiis, stata tempora tibi præfigas ad ejusdem Exercitationes & Meditationes; Sin autem cum Genio tuo convenerit, de stasis horis ne sis sollicitus; Cogitationes enim tuæ sponte illuc convolabunt, prout negotia & studia cætera permittent. *Natura* cujusque, ex vi innata, aut bonas, aut malas herbas, producit: Itaque sedulo & tempestive illas irriget, has evellat.

XXXVII.

DE CONSUECUDINE ET
EDUCATIONE.

Cogitationes hominum sequuntur plerunque *inclinationes* suas; *Sermones* autem, *doctrinas*; & *opiniones*, quas imbibunt;

berunt; At *Falla* eorum ferme *antiquum*
obtinent. Itaque, ut bene notat *Machia-*
vellus, (licet in exemplo scelerato,) mini-
 me fidendum est, aut naturæ violentiæ,
 aut verborum grandiloquentiæ, nisi cor-
 roborentur *Consuetudine*. Instantia ejus
 hæc est: In facinore aliquo audaci & cru-
 deli patrando, non acquiescendum esse, aut
 in naturæ alicujus ferocia, aut in promissis
 constantibus, nedum juramentis, sed com-
 mittendum scelus esse viris sanguinolentis,
 & jamdudum cædibus assuetis. Sed
Machiavello, de *Fratre* quopiam *Clemen-*
te, aut *Ravillaco*, aut *Iauregna*, aut *Balta-*
zare Gerardo, aut *Guidone Faulxio*, nihil
 innotuit. Verum tenet Regula ejus; Natu-
 ram, aut promissorum fidem & ferociam,
 viribus *Consuetudinis* haud æquipollere.
 Solummodo, superstitio, nostris tempo-
 ribus, eo propecta est; ut primæ classis
 Sicarii, Laniis obfirmatis minime cedant;
 atque decreta votiva, etiam in re sangui-
 naria, *Consuetudinis* vires exæquent. In
 aliis quibuscunque, *Consuetudinis* poten-
 tia clare elucescit; adeo ut miraculi instar
 sit, audire, quot professiones, protestatio-
 nes, promissa, verba grandia, jactitent plu-
 rimi; & tamen, istis omnibus posthabitis,
 pro more consueto agere, ac si imagines
 essent, & *machine plane inanimæ*, solis
 Cou.

Consuetudinis rotis impulsæ & actæ. Vide-
re etiam licet *Consuetudinis* tyrannidem
in aliis multis. *Indi* (loquor de *Gymnoso-
phistis*, & veteribus, & modernis) se leniter
super pyram componunt, atque hoc modo
se ipsos igne sacrificant. Quin & fœminæ
cum maritis in rogam immitti properant.
Pueri Spartani, antiquis temporibus, fla-
gris cædi sustinebant, super aram *Diana*,
vix ejulatu aut gemitu ullo emisso. Me-
mini, sub initiis *Regina Elizabetha*, *rebel-
lem* quendam *Hibernum*, supplicationem
Deputato obtulisse, ut torque lignea, non
fune, suspenderetur; quia illud magis in
more rebellibus erat. Inveniuntur Mona-
chi in *Russia*, qui ad Pœnitentiam com-
plendam, tota nocte hyemali, in vase aqua
repleto non recusabant sedere, donec gla-
cie constringantur. Plurima denique ex-
empla adduci poterunt, plane stupendas
Consuetudinis vires, tam super animum,
quam super corpus, prodentia. Quando-
quidem igitur *Mos* veluti summus sit hu-
manæ vitæ moderator & magistratus, cu-
ræ sit imprimis, ut *Mores* bonos asciscamus.
Certe *Consuetudo* validissima, cum à
pueritia incipit: Hanc *Educationem* appel-
lamus; Quæ nihil aliud est, quam à teneris
annis inbibita *Consuetudo*. Ita videre est,
in Linguis ediscendis Linguam ipsam ma-
gis

gis commodè se applicare omnibus expressionibus & sonis; artus quoque magis agiles & flexiles ad omnes posituras & motus esse, in pueritia, aut adolescentia, quam postea. Verissimum enim est, optimathes istos novam plicam non bene admittere: Nisi fuerit in nonnullis hominibus, quibus animi nondum fixi, sed eodem apertos ad omnia præcepta conservarunt, quo continuo emendationem reciperent; id quod rarissimum est.

Verum si *Consuetudinis* vires, cum simplex solummodo sit, & se juncta, tantæ sint; multo magis *Consuetudo* copulata, & conjuncta, & in Collegium coacta, excellit. Isthic enim exemplum docet, relevat societas, æmulatio stimulat, gloria animos extollit: Ita ut in hujusmodi locis, vires & influxus *Consuetudinis* tanquam in exaltatione sint. Certe multiplicatio, & (ut *Chymicorum* vocabulo utar,) *Projectio*, super naturam humanam, consistit in societatibus bene institutis, & disciplina salubri informatis. Etenim Respublicæ recte administratæ, quin & leges bonæ alunt virtutem in herba, sed semina ipsius non multum promovent. Verum infelicitatis Orbis hoc habet, ut media maximarum virium applicentur quandoque finibus minime expetendis.

XXXVIII.

D E F O R T V N A .

NEgari non potest, quin Accidentia & Casus externi, ad hominum *fortunas* promovendas, vel deprimendas, plurimum possint. Gratia alicujus ex Magnatibus, opportunitas, aliorum obitus, occasio virtuti cujusque congrua. Veruntamen, *fortunam* suam fingere cuique præcipue, in manu propria est. *Faber quisque fortune sue*, inquit *Comicus*. Atque inter externas causas illa frequentissima; *Stultitiam nimis*, alterius *Fortunam* promovere. Nemo enim ita subito evehitur, ac occasione errorum alterius. Ut inquit Adagium; *Serpens, nisi serpentē comederit, non fit draco*.

Virtutes apertæ & conspicuæ laudes pariunt; At insunt virtutes quædam occultæ & latentes, quæ pariunt *Fortunam*. Nimirum, facultates nonnullæ se expediendi, quæ nomen non habent. *Hispanum* vocabulum, (*Desemboltura*,) eas quadam ex parte innuit: Scilicet, cum non inveniuntur in natura alicujus obices aut impedimenta: sed rotæ animi ad motum rotarum *Fortuna* versatiles sunt. Ita enim *Livius* (postquam *Catonem Majorem* his verbis descripsisset; *In illo viro tantum robur corporis & animi fuit, ut quocunque loco natus esset, fortunam sibi facturus videretur;*)

tur; illud diserte notat, quod ei fuisset *ingenium versatile*. Quare si quis limis & adductis oculis aspiciat, videbit *Fortunam*: *caca* enim licet sit, haud tamen prorsus *invisibilis*. Etenim via *Fortuna* similis est *Galaxia* in æthere; quæ concursus est, sive coacervatio complurium stellarum minutarum, seorsim invisibilium, sed conjunctim luminosorum. Eodem modo, complures virtutes sunt, exiguae, & vix in notam incurrentes; sive potius facultates & consuetudines appositæ; quæ *fortunatas* reddunt. *Itali* ex ipsis nonnullas notant; quales quis minime putaret. Cum hominem innuunt; cui prosperam *Fortunam* spondent, inter cæteras ejus qualitates adjicient, quod habet *Poco di Matto*. Neque sane inveniuntur aliæ duæ Qualitates magis ad hanc propitiæ, quam si quis habeat modicum ex *stulto*, & non nimium ex *honesto*. Itaque, quibus Patria, aut Principes sui, nimio plus chari extiterunt; iidem nunquam *fortunati* fuerunt; neque profecto esse possunt. Quando enim cogitationes suas extra se ipsum quis collocaverit, viam suam bene inire nequit.

Fortuna præpropera, magna molientes, & nonnihil turbulentos, reddit; at *Fortuna* exercita ea est, quæ efficit prudentes & cordatos. *Fortuna* proculdubio, saltem pro-

propter filias suas, honorem meretur; *Confidentiam* scilicet, & *Exislimationem*; Et enim has duas parit *Fortuna* prospera; alteram intra nos ipsos; alteram in aliis erga nos; Exque vicissim pariunt animos & auctoritatem. Viri cuncti prudentes, quo invidiam suarum virtutum amoliantur, omnia *Providentia* & *Fortuna* imputare solent: Ita enim decentius & liberius eas sibi assumere possint; Quinetiam Majestatem homini quandam addit, si videretur *Numini* curæ esse. Sic *Casar*, dum animaret gubernatorem navis in tempestate, dixit; *Casarem portas, & fortunam ejus*. Sic *Sylla* nomen *Felicitis* elegit, non *Magni*. Atque illud observationem non præterit; eos, qui ex professo, sapientiæ & artibus propriis nimium tribuerunt, in fine *infortunatos* evasisse.

Narratur de *Timotheo Atheniensi* postquam in reddendis rationibus Præfecturæ suæ, hanc Clausulam, ad ravim usque, inseruisset; *Atque in hoc nulla erant fortuna partes*, deinceps illi nihil cessisse prospere. Sunt certe, quorum *fortuna* similis *Carmibus Homeri*, quæ majore cum facilitate fluunt, quam aliorum *Poëtarum Versus*: Id quod *Plutarchus* de *Fortuna Timoleonis*, ad *Fortunas Agesilai*, aut *Epaminonda*, comparata, prædicat. Hoc vero ut fiat, sine dubio,

dubio, in nobis ipsis, maxime situm est.

XXXIX.

DE USURA SIVE FOENORE.

PLurimi Invektivas quasdam ingenio-
sas, in *Fœneratores*, commenti sunt.
Dicunt; Miserum esse, Diabolum in *Dei*
partem involasse, *Decimas* scilicet. *Fœne-*
ratores maximum esse *Sabbathi violato-*
rem; Aratrum siquidem suum non cessare
Sabbathis. *Fœneratores* *Fucum* esse, de
quo *Virgilius*;

Ignavum Fucos pecus à præsepibus arcent.
Fœneratores, Legem primitivam, post
Lapsum hominis latam, pessundare; quæ
fuit; *In sudore vultus tui comedes panem*
tuum; minime vero; *In sudore vultus alic-*
ui. *Fœneratores* pileis luteis indui oportere,
quia *Judaizant*. Rem esse contra natu-
ram, ut *pecunia* generaret *pecuniam*; &
hujusmodi alia. Ego vero hoc dico tantum;
Fœnus esse, inter *Concessa*, propter *duri-*
tiem cordis. Cum enim necesse sit homini-
bus, ut *pecunias* mutuo dent, & accipiant;
sintq; tam duro corde, ut eas gratis com-
dare nolint; reliquum est ut permittantur
Usura. Alii nonnulli in medium adduxe-
runt callidas quasdam & suspectas propo-
sitiones, de *Argentariis*, & *Excambiis* pu-
blicis, de *detectione* fortunarum hominum
singulorum, & aliis hujusmodi artificiis.

Verum

Verum pauci de *Fœnore* differuerunt solide & utiliter. Optimum fuerit, proponere nobis ante oculos *Fœnoris commoda*, & *incommoda*; ut Bonum vel ponderetur, vel separetur; Quinetiam cavete inprimis, ne dum *Fœnore* feramur in melius, intercipiamur, & incidamus in pejus.

Incommoda Fœnoris hæc sunt; Primum, quod Mercatorum numerum minuit. Nam si ignava hæc *pecunia* in *foenus* erogatio è medio tolleretur, *nummi* non delitescerent præ socordia; sed, magna ex parte, in mercaturam impenderentur; Quæ instar *Vena Porta*, cuius *Regno* est, ad opes introducendas. Secundum, quod Mercatores inopes reddit; Sicut enim Colonus terram colere ita fructuose nequit, si Reditum solvat nimis gravem; ita Mercator tam commode & lucrose mercaturam suam exercere vix potest, si *pecuniis fœnore* sumptis negotietur. Tertium *Incommo- dum* duorum priorum Appendix quædam est, Portoriorum & Vestigalium publicorum imminutio, quæ fluunt & refluant, pro modo commercii. Quartum, quod Thesaurum, & *Pecuniam* Regni sive Reipublicæ, in paucorum manus reducit: Cum enim *Fœneratoris* Incrum certum sit, cæterorum incertum, eveniet in fine ludi; prout fit sæpe in alea, ut maxima pars pecuniar

cuniz promo cedat. Illud autem pro inconcullo tenendum, florere Rempublicam inprimis, cum *pecunia* dispergantur, non coacerventur. Quintum, quod terræ & prædiorum pretium deprimit: Etenim *pecunie* insumuntur, vel in mercaturam, vel in prædiorum cœmptiones; *Fœnus* autem utrique obviare videtur. Sextum, quod omnes labores, molimina, & inventa nova quæcunque, enervat & hebetat; in quibus *pecunia* minime sibi deesset, nisi à torpedine ista impidiretur. Postremum, quod tinea est & teredo facultatum quamplurimorum hominum; id quod, tractu temporis, egestatem publicam parit.

Econtrario, *Commoda Fœnoris* hæc sunt. Primo, quod utcunque *Usura* in aliquibus mercaturæ noceant, in aliis nihilominus profunt: Certissimum enim est, maximam mercaturæ partem à junioribus Mercatoribus exerceri, *fœnore* sumptis *pecuniis*; Unde si *Fœnerator* pecunias suas, vel exigat, vel non emittat, secutura necessario est magna mercaturæ clades. Secundum est, quod nisi prompta hæc à *Fœneratoribus pecuniarum* mutuatio hominum necessitatibus subveniret, in extremas angustias cito redigerentur: quandoquidem cogerentur res suas (sive bona mobilia fuerint, sive prædia) nimis vili pretio vendere:

Ita.

Itaque, ubi *Fœnus* rodit tantum, distractiones præproperæ penitus absorberent. Nam quantum ad *Oppignerationes*; aut ea quæ a *Iureconsultis* appellantur *Mortuæ vadia*, huic certe malo remedium vix exhibebunt: Siquidem aut ea prorsus non accipient homines sine *Fœnore*: aut si accipiant, solutione ad diem minime præstita, summo jure agent. Memini, *Pecuniosum* quendam, virum durum, rure agentem, qui solebat dicere; *In malam crucem abeat ista fœneratio: Impedimento est quo minus Pignorum & Obligationum pœnas exigere possimus.* Tertium & ultimum hoc est: Nugas meras dico, si quis existimet, Mutationem pecuniarum facilem, non admissio *Fœnore*, fieri posse: Neque rursus quis agnomo comprehenderit, innumera quæ sequentur mala, si *Contractus* illi murui dati & accepti convellantur. Itaque de abolendis prorsus *Vsuris* sermones facere ineptum foret. Respub. omnes, pro diversa tamen ad *Sortem* ratione, eas tolerant; adeo ut opinio illa in *Vttopiam* protinus releganda.

Dicamus jam de *Reformatione & Norma Vsurarum*. Quibus nimirum modis, *Incommoda* earum optime evitentur, *Commoda* retineantur. Patet jam, conferendo inter se *Commoda & Incommoda Vsurarum*,

tum, quod modo fecimus,) duo esse, quæ reconciliare oportet. Prius, ut refundantur dentes *Fœnoris*, ne hiemum mordeat: Secundum, ut viris pecuniosis aperiatur via, qua ad pecunias Mercatoribus præstandum invitentur, ne Commercium intercidat aut languescat. Hoc autem fieri non potest, nisi in *Fœnore* duas Proportiones introducas: *Minorem & Majorem*. Si enim *Fœnus* ad unicam tantum Proportionem, eamque minorem, redigas, mutuo accipientem aliquantulum levabis, sed Mercator *pecunias* non facile reperiet. Atque insuper notandum est; Mercaturam, cum sit omnium maxime lucrosa, *Fœnus* ad proportionem bene magnam ferre posse; alios Contractus minime.

Ut his duabus intentionibus satisfiat, hac via insistere licet. Dux sunt *Fœnoris* Proportiones; Prior omnibus permittatur; Posterior cum licentia, aliquibus tantum hominibus, & in aliquibus Reipublicæ locis, ubi mercatura fervet, concedatur. Primo igitur, (si nos audias) reducat *Fœnus* ad partem vicesimam *Sortis* pro Mutatione in annum: Ea proportio Edicto promulgetur, ut libera sit omnibus. Pro ea accipienda, *Princeps* sive Respublica, multæ omni renunciet. Hoc ab obstructione aliqua generali, aut difficultate
 majore

maiorē Mutuationem conservabit. Hoc innumeris Mutuatoribus, ruri & alibi de-
gentibus, solamini erit. Hoc magna ex
parte prædiorum pretia adaugebit. Quan-
doquidem annuus valor prædiorum, hic
apud nos in *Anglia*, excedet illam *Fœnoris*,
ad hanc Proportionem redacti, quantum
annuus valor sex librarum, excedit illum
quinque tantum. Hoc denique, industrias
hominum, ad utilia & lucrosa inventa a-
cuet & excitabit: eo quod plurimi hujus-
modi inventis potius se dedent, quam lu-
cro tam exili, quale diximus, ex *Usuris*, ac-
quiescere; præsertim cum lucro jampri-
dem majori ex iisdem assuevissent. Secun-
do, certis quibusdam hominibus, commo-
dandi Mercatoribus notis, & non aliis qui-
buscunque hominibus, *Licentia* conceda-
tur: Hoc autem fiat, additis Cautionibus
quæ sequuntur. Sit Proportio (etiam hæc
de qua loquimur) illa paulo remissior, quā
antea solvere solebant: Hoc pacto, uni-
versi, tam Mercatores, quam alii, refor-
matione hæc recreabuntur. *Princeps* au-
tem, sive Resp., exiguam aliquam Sum-
mam percipiat, pro *Licentiis* singulis; reli-
quum lucri, *Fœneratori* cedat. Sienim lu-
crum *Fœneratoris* leviter tantum minua-
tur, cum nullo modo à *fœnore* exercendo
deterrebit: Exempli gratia; Si quis antea
decem

192 DE USURA SIVE FOENORE.

decem aut novem libras, pro *Sorte* centum librarum, quotannis accipere solebat: is etiam octo potius libris contentus erit, quam *Fœneratorem* exuet, aut certa cum incertis commutabit: Sint isti, quibus *Licentia* scilicet conceditur, numero minime definiti; Sed tamen ad Urbes aliquas, & Oppida quæ mercatura florent, restringantur: Ita enim, prætextu *Licentiarum*, opportunitatem non habebunt *Pecunias* aliorum pro suis commodandi: nec novem aut octo librarum Proportio, *Licentia* munita, generalem illam quinque librarum absorbebit: Nemo siquidem *pecunias* suas procul à se mittere, aut in manus ignotas concedere, præoptabit.

X'L.

DE JUVENTUTE ET SENECTUTE.

Iuvenis annis, poterit esse senex *horis*, si *tempora* jacturam non fecerit. Sed hoc raro contingit. Generaliter, *Juventus* similis est primis cogitationibus, quæ secundis sapientia cedunt. Etenim inest cogitationibus *Juventus* quædam, non minus quam ætatibus. At tamen inventio *Juvenum* vivacior est quam *Senum*; Atque imaginationes in mentes eorū illabuntur melius, & veluti divinius. Ingenia præservida, & quæ cupiditatibus violentis ac perturbatio-

bationibus huc illuc impelluntur, non maturata fiunt ad res gerendas, donec *Meridie* ætatis suæ attigerint. Ut videre est in *Julio Casare*, & *Septimio Severo*. De quorum posteriore dictum est: *Juventutem agit erroribus, imo furoribus plenam*: Quia tamen, in serie *Imperatorum* universa, fuit propemodum celeberrimus. Sed ingenia sedata & composita, etiam in *juventute* florere possint. Cujus rei exempla cernuntur, in *Augusto Casare*, *Cosmo Duce Florentia*, *Gastono de Foix*, & aliis nonnullis. Ex altera parte, calor & vivacitas, si in *Senectute* inveniantur, temperamentum optimum constituunt ad negotia. *Juvenes* ad inveniendum magis idonei sunt, quam ad judicandum; & executione potius quam consiliis validi: & ad negotia nova melius adhibentur, quam ad consueta. Etenim ex *Senectute* experientia *Senum*, in iis quæ sub experientia eorum cadunt, eos dirigit: sed in rebus novis eos seducit. Errores *Juvenum* negotia sæpenumero pessundant: verum errores *Senum* non ultra fere procedunt; nisi ut plus fieri potuisset, aut citius, *Juvenes*, in rebus gerendis & tractandis, majora amplectuntur, quam comprehendere valeant; plura movent, quam componere rursus sciunt: ad fines advolant gradibus & mediis non bene pensatis; præcepta quædam

dam absurde, persequuntur, in quæ casu inciderunt: extrema remedia à principio usque tentant: deniq; quod errores conduplicat, errores agnoscere, aut revocare, detrectant: Similes equis male domitis, quæ nec se sistere, nec vertere, volunt. *Senes* plus satis obijciunt, in consultationibus nimium morantur: pericula, plusquam expedit, reformidant; pœnitentia præpropera vacillant; atque negotia raro admodum ad periodum justam deducunt: sat putantes, mediocritate quadam successus frui. Bonum certe fuerit, in negotiis mixturam adhibere, & *Senum & Juvenum*: Illud enim in præsens utile erit, ut virtutes utriusque ætatis, defectus earum corrigant; Utile etiam futuro, ut *Juvenes* perdiscant, dum *Senes* moderentur; Postremo accidentia externa melius compescit, quia *Senes* auctoritate, *Juvenes* gratia & popularitate, pollent. At in Moralibus *Juventus* fortasse primas tenebit, ut *Senectus* in Politicis. Ex *Rabbini* quispiam, super Textum illum: (*Juvenes vestri videbunt visiones, & Senes vestri somniabunt somnia*:). sic infert; Quod *Juvenes* propiore ad se aditu *Deus* dignatur, quam *Senes*: Quia *Visio* revelatio clarior & manifestior est, quam *Somnium*. Et sane, quanto quis magis de Mundo bibit, tanto plus toxico ejus inficitur: Tum

DE JUVENTUTE & SENECTUTE. 195

Senectus, potius in facultatibus intellectus, quam in virtutibus voluntatis & affectuum, proficit. Sunt qui in *Juventute* admodum præcoces sunt, sed currentibus annis cito marcescunt, & deveniunt evanidi. Tales sunt, Primo qui ingenia nacti sunt fragilia, quorum acies facile retunditur: qualis fuit *Hermogenes Rhetor*: ejus Libri subtilissimi sunt; verum ipse paulo post stupidus evasit. Secundum genus eorum, quibus naturales quædam facultates insunt, quæ magis *Juventutem* decent, quam *Senectutem*: qualis est Oratio fluens, & luxuriosa: quæ in *Juvene* laudatur; in *Sene* non item. Ita *Cicero* loquitur de *Hortensio*: *Idem manebat, neque idem decebat*. Tertium eorum, qui sub initiis nimium effesuntur, & magnanimitate præditi sunt, supra quam ætas provectior ferre valeat: qualis fuit *Scipio Africanus*, de quo *Livius* ita prædicat: *Ultima primis cedebant*.

XLI.

DE PULCHRITUDINE.

V*irtus*, instar Gemmæ pretiosæ, optima est; sine ornamentis inserta. Atque profecto eadem præstat; in corpore decoro, licet non delicato: quodque aspectus dignitatem potius præ se ferat, quam *pulchritudinem*. Neque fere reperies, exi-

mie *formosos* virtutibus pollere : ac si Natura in hoc magis incubuisset, ut non turpiter erraret, quam ut aliquid excellens produceret. Itaque conversationibus apti sunt, at excelsos spiritus non gerunt : Et urbanitati potius student, quam virtuti. Sed hoc in omnibus non tenet. Siquidem *Augustus Caesar*, *Titus Vespasianus*, *Philippus Pulcher Rex Gallus*, *Edouardus Quartus Rex Anglia*, *Alcibiades Atheniensis*, *Ismaël Persa*, viri prorsus magni fuerunt, & nihilominus *perpūlchrī*.

In *Pulchritudine* præfertur venustas coloris : & decorus ac graciosus oris & corporis motus ipsi venustati. Ea præcipua *Pulchritudinis* portio quam pictura representare non potest; Imo nec effigies ipsa viva, primo aspectu. Non reperitur *Pulchritudo* aliqua excellens, cui non insit aliquid minus conforme in compagine. Haud facile, quis dixerit, utrum *Apelles*, aut *Albertus Durerus* nugator major fuerit: quorum alter hominem secundum proportionem Geometricas effingere voluit; alter, ex compluribus faciebus, optimas quasque partes desumendo, unam satagebat depingere excellentem. Tales (credo) effigies vix ulli placebunt, præterquam Pictori ipsi. Non quin existimem, elegantiorē faciem depingi à Pictore posse quā unquam
in

in vivis fuit: sed hoc ei contingere oportet ex felicitate quadam, & casu, (veluti Musicis sui cantus) non autem ex Regulis artis. Videre est facies nonnullas, quarum partes singulæ examini si subjiciantur, vix unam reperiēs quā separatim probes: quæ tamen in consortio satis placent. Quod si verum sit, *Pulchritudinem* præcipuam sitam esse in motu decoro, mirum sane non est, si proveciores ætate aliquando videantur junioribus *amabiles*: Secundum illud *Euripidis*: *Pulchrorum autumnus pulcher*: Etenim fieri non potest, ut Juvenis per omnia decus tueatur, nisi forte juventutem ipsam ad supplementum decoris assumas. *Pulchritudo*, est instar fructus horæ, qui facile corrumpitur; nec diu durat: atque sæpe juventutem inducit dissolutam, senectutem autem sero pœnitentem: attamen si bene collocetur, virtutes splendere facit, vitia erubescere.

XLII.

DE DEFORMITATE.

Deformes Naturam fere ulciscuntur: Sicut enim natura minus illis propitia fuit, ita & illi Naturæ vicissim adversi: cum sint plerique ipsorum (ut loquitur *Scriptura*) *sine affectione naturali*. Est proculdubio consensus inter animam & cor-

pus : atque Natura , *ubi peccat in uno , periclitatur in altero*. Sed quia in fabrica animæ conceditur homini electio, in fabrica corporis imponitur necessitas: astra inclinationis naturalis obscurantur nonnunquam à Sole virtutis & disciplinæ. Consentaneum itaque fuerit, de *Deformitate* dicere, non ut signo, quod quandoque fallit; sed ut causâ, quæ perraro effectû destruitur. Quicumq; in persona sua aliquid habet, quod contemptum inducit, perpetuum habet in se stimulum, quo à contemptu se vindicet: Itaque *Deformes* semper audacissimi: in principio, veluti in defensione sua, utpote qui contemptui exponuntur: sed processu temporis, ex habitu acquisito. Iterum *Deformitas* industriam acuit: ejus generis industriam, ut aliorum defectus & infirmitates sedulo rimetur, unde habeant quod rependant. Præterea, in potentioribus, suspiciones & zelotypiam, versus eos, extinguit: veluti homines quos tuto despicere liceat: competitores autem & æmulos consopit: utpote nihil suspicantes de promotione eorum ad honores. donec ipsos in possessione honorum videant. Adeo ut si rem diligenter introspicias, in magnis ingeniis *Deformitas* ascensum ad honores patefaciat. *Reges* antiquis temporibus; (atque hodie etiam in

in Imperiis nonnullis) *Eunuchorum* fidei magnopere ianiti solebant: Qui enim erga omnes invidi sunt, uni magis fidi sunt, & obnoxii. Attamen fidem illis adhibebant, potius ut rimatoribus bonis & susurronibus, quam aut Magistratibus aut ministris publicis. Similis etiam est ratio *deformium*. Manet illa Regula, quam antea posuimus: *Deformes*, si animosi sint, à detritu & ignomina liberare se gnaviter contendunt: Quod fieri non potest, nisi aut per virtutem, aut per malitiam. Itaque nil mirum cuiquam videatur, si quandoque in viros egregios evadant; qualis fuit *Agessilaus*, *Zangerus Solymanni Filius*, *Æsopus*, *Gasca Peruvia Præfatus*: quin & *Socrates* illis annumerari possit, cum aliis.

XLIII.

DE ÆDIFICIIS.

ÆDES extruuntur, ut in iis habitemus, non ut eas spectemus: Pulchritudini igitur præponatur Usus, nisi forte utrunque obtineri possit. Relinquamus fabricas adium speciosas, quæ admirationem incurrunt, palatiis Poëtarum incantatis: qui eas extruunt sumptu parvo. Qui domum elegantem ædificat, sed in situ malo, carceri se ipsum mandat. Situm autem malum intelligo, non tantum ubi aer in-

salubris, sed etiam ubi aër inæqualis est: Quales sunt *ades*, quæ extruuntur quidem in colliculo paululum elevato: sed cincto undiq; , more Theatri, collibus altioribus: ubi ardor Solis constringitur, venti autem, veluti in canalibus, variis æstibus reciprocantur: adeo ut in huiusmodi situ subito sentias diversitatem non minorem caloris & frigoris, quam si in locis diversis habitares. Neque malum situm facit aëris solummodo conditio prava; verum etiam viarum & adituum incommoditas: forarum venalium indiga: & (si *Morum* confulas) vicini mali. De compluribus aliis non loquor: qualia sunt, Aquarum absentia; Sylvarum defectus, quæ & focum, & umbrâ, præbeant: Sterilitas soli, aut quod ex variis glebarum generibus minime commistū sit; Prospectus coarctatus; Defectus terræ planæ & æquabilis: Locorum defectus in propinquo, qui venationibus, aucupiis, cursibus equorum, idonei sint; Mare nimis in vicino, aut nimis in remoto: Commoditas nulla fluviorum navigabilium, aut etiam incommoditas ipsorum ob inundationes: Situs remotior ab urbibus magnis, quod negotiis obeſt, aut etiam propinquior, quod victui necessaria absorbet, & omnia cara reddit: Locus ubi quis latifundia ampla possideat, aut acquirere

rere possit, & locus contra ubi pennas extendere nequeat: Quæ singula minime eo animo enumeramus, ac si *domus* aliqua his incommodis omnibus vacare possit, verum ut tot ex illis evitemus, quod evitari concedatur: atque rursus, si quis *Domos* plures ædificet, ita rem disponat, ut quæ in una desint commoditates, adsint in altera. Responsum *Luculli Pompeio*, bellulum erat: qui, cum in palatio *Luculli*, immensas & luminosas porticus & cameras conspexisset, sic inquit: *Optime proculdubio hic habitatur æstate, sed quomodo hyemem toleras? Cui Lucullus: Quid, numnam me putas avium prudentiam non assequi: quarum nonnullæ, hyeme ingruente, sedes suas mutant?*

Transcundum jam à situ *Domus*, ad domum ipsam. Imitabimur *Ciceronem*: qui libros conscripsit *de Oratore*, & librum unicum qui inscribitur *Orator*: quorum priores *Præcepta artis* tradunt, posterior *Perfectionem*. Describemus igitur *Palatium Regium*, atque ejusdem modulum quendam conficiemus. Prorsus enim mirabilis res est, tam vastas hodie existere moles in *Europa*, quales sunt *Vaticanum*, & *Escorialæ*, & nonnullæ aliz: in quibus tamen *Cameram* aliquam vere magnificam vix reperies.

Primum igitur statuo, *Palatium* perfectum neutiquam esse, nisi duas habeat portiones diversas: *portionem Convivii*, ut loquitur Liber *Hesperii*: & *portionem Mansionis* sive familiaris: alterum ad pompas, magnificentias, & celebritates; alterum ad habitationis usum. Intelligo, *portiones* istas duas extrui debere, non ut latera domus, sed ut *frontis* ipsius partes: easque exterius uniformes esse, licet interius longe diversas. Coniungi autem volumus *portiones* istas, per tuxim sublimem & splendidam, in medio frontis. Atque, quoad *portionem convivii*, uniceam tantum illic *Cameram* poni velim: eamque supra gradus quinquaginta pedes ad minus altam: & subter eam, *Cameram* item alteram, similis longitudinis & latitudinis: quæ apparatus & instructionem, ad festa, ludos, & ejusmodi magnificentias: actores etiam, dum se ornent & parent, commode recipiat. Alteram *portionem*, *Mansionis* scilicet, dividi velim præcipue, in *Aulam*, & *Sacellum*, utramque amplam & pulchram: Eas vero per universam *Portionis* longitudinem extendi nolim; sed relinqui in exitu Cornicula duo: hyemale & æstivale: Atque subter hæc omnia (excepto *Sacello*) Cellas amplas subterraneas collocari volo: quæ Culinis privatis, Promptuariis, Panariis, & simili-

milibus, inserviant. Quantum ad Turrim;
 Eam elevari volo usque ad duo Tabulata:
 utrumque quindecim pedes altum, supra
 duas alas frontis; coopertam plumbo æ-
 quabili, atque statuis per fulcra laterum, in
 summitate, decoratam: Eandem turrim in
 Cubicula distingui volo. Gradus autem
 turris apertos esse, in se revertentes, &
 per senos subinde divisos; utrinque statuis
 ligneis, inauratis, vel saltem ænei coloris,
 cinctos, cum statione spatiosa & lata in
 vertice. Verum, cavendum, ne locus, ubi
 famuli comedant, sit ad unum gradum, vel
 prope: Si enim sit, ciborum nidor ascen-
 det, tanquam in tubo quodam. Et de *fron-*
te Edificii hætenus. Tantum intelligo
 gradus primos ascensus ad viginti pedes
 sustolli debere; altitudinem scilicet Ta-
 bulati inferioris.

Ultra *frontem Edificii*, aream spatiosam
 designo, cujus latera tria sint; ipsa *adium*
fronte haud paululum humiliora; Atque
 in quatuor angulis ejusdem areæ, turres
 extruantur, altitudinem laterum prædicto-
 rum nonnihil superantes, ad gradus, qui-
 bus in superiora ascendantur, capiendos:
 quæ turres non recipiantur in planum *edi-*
ficii; sed extra prominent. Area autem
 integra lapidibus latis quadrangulis mini-
 me subternatur: Nam hujusmodi pavi-

Primum igitur statuo, *Palatium* perfectum neutiquam esse, nisi duas habeat portiones diversas: *portionem Convivii*, ut loquitur Liber *Hesler*: & *portionem Mansionis* sive familiae: alterum ad pompas, magnificentias, & celebritates; alterum ad habitationis usum. Intelligo, *portiones* istas duas extrui debere, non ut latera domus, sed ut *frontis* ipsius partes: easque exterius uniformes esse, licet interius longe diversas. Coniungi autem volumus *portiones* istas, per turrim sublime & splendidam, in medio frontis. Atque, quoad *portionem convivii*, unicam tantum illic *Cameram* poni velim: eamque supra gradus quinquaginta pedes ad minus altam: & subter eam, *Cameram* item alteram, similis longitudinis & latitudinis: quæ apparatus & instructionem, ad festa, ludos, & ejusmodi magnificentias: actores etiam, dum se ornent & parent, commodè recipiat. Alteram *portionem*, *Mansionis* scilicet, dividi velim præcipue, in *Aulam*, & *Sacellum*, utramque amplam & pulchram: Eas vero per universam *Portionis* longitudinem extendi nolim; sed relinqui in exitu Cœnacula duo: hyemale & æstivale: Atque subter hæc omnia (excepto *Sacello*) Cellas amplas subterraneas collocari volo: quæ Culinis privatis, Promptuariis, Panariis, & simili-

milibus, inserviant. Quantum ad Turrim;
Eam elevari volo usque ad duo Tabulata:
utrumque quindecim pedes altum, supra
duas alas frontis; coopertam plumbo æ-
quabili, atque statuis per fulcra laterum, in
summitate, decoratam: Eandem turrim in
Cubicula distingui volo. Gradus autem
turris apertos esse, in se revertentes, &
per senos subinde divisos; utrinque statuis
ligneis, inauratis, vel saltem ænei coloris,
cinctos, cum statione spatiosa & lata in
vertice. Verum, cavendum, ne locus, ubi
famuli comedant, sit ad unum gradum, vel
prope: Si enim sit, ciborum nidor ascen-
det, tanquam in tubo quodam. Et de *fron-
te Edificii* hætenus. Tantum intelligo
gradus primos ascensus ad viginti pedes
sustolli debere; altitudinem scilicet Ta-
bulati inferioris.

Ultra *frontem Edificii*, aream spatiosam
designo, cujus latera tria sint; ipsa *adium
fronte* haud paululum humiliora; Atque
in quatuor angulis ejusdem areæ, turres
extruantur, altitudinem laterum prædicto-
rum nonnihil superantes, ad gradus, qui-
bus in superiora ascendantur, capiendos:
quæ turres non recipiantur in planum *edi-
ficii*; sed extra promineant. Area autem
integra lapidibus latis quadrangulis mini-
me subternatur: Nam hujusmodi pavi-

menta calorem molestum æstate, & similiter frigus asperum hyeme, immittunt: sed habeat ambulacra, ex ejusmodi lapidibus, per latera tantum *ædificii*; & formam crucis, ex iisdem, in medio: cum quadris interpositis, quæ gramine vestiantur, detonso quidem, sed non nimis prope terram. Latus universum aræ, ex parte *Convivii*, occupent spatiosæ & speciosæ *Porticus*. In quibus singulis *Porticibus* sint in laquearibus tres aut quinque Sphæræ concavæ, (Cupulas vocant,) pulchræ, in longitudine positæ, ad æqualem distantiam: Sint quoque fenestræ, ex vitro colorato, ubi pingantur columnæ, imagines omnigenæ, flores, & similia. At latusex parte *Familie*, simul cum latere tertio è regione *frontis*, complectatur *Cameras præsentiales*, & alias usus ac decoris ordinarii: atque rursus Cubicula: Sintque etiam tria ista latera ita extructa, ut exhibeant *ædificium* duplex: non translucida, sed ex altera tantum parte fenestrata; ut tam matutinis, quam vespertinis temporibus, præsto sint *Camera*, in quas Sol non intret. Accommodentur etiam eo modo, ut habeantur ibi *Cubicula* & *Camera* tam æstivales ad refrigerium, quam hyemales ad frigus arcendum. Invenies non raro *ædes* pulchras, sed tamen ita vitro & fenestris repletas, ut

vix locum suppeditent, ubi te recipias aut ad Solem, aut ad frigus, evitandum. Quantum ad Fenestras prominentes, sive arcuatas, eas probo tanquam res commodas: (Urbibus sanæ fenestræ ad planum *ædificii*, & minime protuberantes, magis conveniunt: propter Uniformitatem structuræ plateas versus;) Sunt enim receptus colloquiis opportuni: atque insuper tam Ventum, quam Solem, summovent: Quod enim alias, per totam fere *Cameram*, pertransisset, vix ultra fenestram penetrabit. Raræ tamen sint huiusmodi fenestræ arcuatæ, non ultra quatuor: dux scilicet, ex utroque latere aræ.

Ultra hanc, quam diximus, *Aræam*, sit alia interior: paris, & amplitudinis, & altitudinis: *Horto* per exterius circumcincta: interius autem, Ambulacris pulchris arcuatis, usque ad primum Tabulatum, circumdata. Pars autem exterior Solarii inferioris versus *Hortum*, quatenus ad duo latera, convertatur, in *Specum* sive *Cavernam*; (*Grottam* moderni vocant) ad umbram & æstivationem: apertam, aut fenestratam, tantum ex parte *Horti*: Sit autem *Caverna* illa solo æqua, non omnino pressa: & eleganti pavimento strata; ad terræ vapores excludendos. Erigatur autem in medio istius aræ *Fons* splendidus: aut
Opus

Opus aliquod ex Statuis magnificum: Pavimentum autem simile sit areæ illi antedictæ. Hujus areæ *edificia*, ex utroque latere, destinentur *Cameris*, & *Conclavibus* secretioribus: Latus autem transversum, Porticibus etiam secretioribus. Curandum vero, ut aliquæ, tam ex *Cameris* & *Conclavibus*, quam ex Porticibus, designentur ad usum infirmorum: si forte *Princeps*, aut quisvis è grandioribus, ægrotaverit. Habeant autem Portiones singulæ ægris destinatæ (ut moderni loquuntur) *Ante-Cameram*, *Cameram* ad Cubile, & *Re-Cameram*. Hæc autem, quæ diximus, supra secundum Solarium collocentur. At latus transversum Solarii inferioris, versus *Hortum* convertatur in Porticum speciosam, patentem, & columnis fultam. Rursus, supra Solarium tertium, ex omnibus tribus lateribus, statuatur Porticus elegantes, columnares, & apertæ, ad prospectum & refrigerium *Horti* excipiendum. Verum ad angulos duos lateris transversi, in Solario secundo, accommodentur & ornentur duo splendida & delicata *Conclavia*, (*Cabinettos* moderni vocant:) pavimento nitente, aulæis sumptuosis instructa, vitro CrySTALLINO fenestrata, cum Cupola elevante, in medio. Sint autem *Conclavia* illa rebus curiosis omnigenis, & spe-

spectatu dignis, referta. In supremis quoque Porticibus (si fieri posset), optarem collocari, juxta parietes, in locis diversis, *Fonticulos* quosdam aquam emittentes: qui per secretos tubos iterum transcant. Interior autem pars, in Solario superiore, versus arcem, formetur in Porticus & Ambulacra, bene munita & obducta, ad usum convalescentium. Atque hactenus de *Modulo Palatii* ipsius: Nam de Balneis, & piscineis, non loquor. Superest tamen, ut antequam ad frontem ædium pervenias, collocentur arces tres: Area viridis, gramine vestita, cum pariete in circuitu, & juxta parietem arboribus, ordine positis, sata: area altera, ejusdem amplitudinis, sed in pariete cujus sint turricele extructæ; aut simile quid ejusmodi elegantie: area item tertia, quæ cum fronte ipsa ædium, quadrangulum constituat; quam ædificio certe aliquo circumdatam nolo; neque rursus nudis parietibus cinctam: sed Ambulacris supra columnas, non arcus, erectis: in summitate vero plumbo, vel lapide quadrato, coopertis, & ad latera elegantibus Statuis parvis, ænei coloris, munitis, clausam. Quatenus vero ad ædificia omnia, quæ nobis familiaribus inserviunt, summoneantur illa, ad aliquam distantiam, à *Palatio* ipso; ita tamen, ut
 in-

interponantur *Porticus* humiliores, & oblectat: intra quas ad *Palatium* transire possis.

XLIV.

DE HORTIS.

DEus ipse primus plantavit *Hortum*. Atque revera, inter solatia humana, illud *horti* est purissimum. Etenim spiritus hominum maxime reficit & oblectat: quo sine, *Edificia* & *Palatia*, manūs tantum sunt opera, nec sapiunt Naturam. Quinetiam notabis, *Secula* cum proficiunt in cultura & magnificentia, citius pervenire ad *adificiorum* pulchritudinem, quam ad *hortorum* elegantiam & amœnitatem: quasi elegantia illa *Hortorum* esset res perfectior.

Statuo, in *hortis Regalibus* assignari oportere *Hortos* pro singulis anni *mensibus*: in quibus, separatim, Plantæ, quæ illo *Mense* florent & vigent, producantur. Pro *Decembri*, *Januario*; & sine *Novembri*, eligendæ sunt Plantæ, quæ per totam Hyemem vireſcunt; Quales sunt: *Aquifolia*: *Hedera*: *Laurus*: *Iuniperus*: *Cupressus*: *Taxus*: *Buxus*: *Pinus*: *Abies*: *Rosmarinus*: *Lavendula*, *Pervinca*, flore albo, purpureo, & cæruleo: *Chamædri*: *Irides* quoad folia: *Aurantia*, *Limones*, & *Myreus*, si *Calidariis* conserventur; & Ama-

Amaracus juxta parietem & versus Solem
 satus. Sequuntur pro fine *Januarii* & *Fe-*
bruarii : Arbutum Chamælex Germani-
 cæ sive Mezereonis; quæ eo tempore flo-
 ret; Crocus vernus, flore luteo, & glau-
 cō; Primulæ Veris; Anemones: Tulipa
 præcox: Hyacinthus Orientalis: Cha-
 mæris: Fritellaria. Pro *Martio* : Omne
 genus Violarum, præcipue Purpureæ sim-
 plici flore, quæ sunt præcociissimæ: Pseu-
 donarcissus luteus, Bellis, Amygdalus,
 quæ tunc floret: Malus Persica, & Cor-
 nus, quæ etiam tunc florent: Rubus odo-
 ratus. Pro *Aprili* : Viola flore albo multi-
 plice, Parietaria lutea, Leucoium, Her-
 ba paralytis; Irides, & Lilia omnigena:
 Flores Roris marini, Tulipa, Pæonia; flo-
 re multiplici: Narcissus verus: Periclime-
 num *Sabaudicum*: Cerasus, & Pirus, &
 Prunus diversi generis in flore: Acanthus,
 quæ tunc folia emittit: Arbor Lelac. Pro
Majo & Junio : Cama-cariophyllus o-
 mnium generum, præcipue virginæus:
 Omne genus Rosarum, Moschata sola ex-
 cepta, quæ serius floret: Periclemenum
 commune, Fraga, Buglossum, Colum-
 bina: Flos Africanus, simplex, & multi-
 plex: Cerasus, quæ tum fructum profert:
 Ribes: Ficus in fructu: Baccæ Rubi Idæi:
 Vitis flores: Lavendula florens: Satyrium
 hor-

hortense flore albo: Herba Muscaria: Lili-
um. Convallium: Malus florens: Flos
Cyaneus. Pro *Iulio*: Cariophyllata om-
nium generum: Rosa Moschata, Tilia
florens; Pira, & Poma & Pruna, præco-
cia: Pro *Augusto*: Pruna omnium gene-
rum, Pira, Mala Armeniaca, Baccæ Oxy-
acanthæ, Nuces Avellanæ, Melones Mo-
scharellini, & omnigeni Coloris Delphi-
num, sive Consolida Regalis. Pro *Septem-
bri*, Uvæ, Poma, Papaver variorum colo-
rum, Mala Persica, Melo-cotonea, Necta-
rinæ, Corna, Pira hyemalia; Cydonea.
Pro *Octobri*; & principio *Novembris*, Sora-
ba, Mespila, pruna sylvestria, Rosæ feræ;
Malvæ arborescentes flore roseo; & simi-
lia. Hæ vero, quas enumeravimus, Planti-
tæ, *Climati Londinensi* conveniunt. Sed
hoc volo; ut sit alicubi quasi Vër perpe-
uum, prout fert loci conditio.

Quoniam autem odor *Florum*, spirans
in aëre, (ubi undulat more modulationis
Musica,) gratior multo est, quam si eos
decerpas manu, ideo nihil magis confert;
ad delectationem illam, quæ ex odore *Flo-
rum* percipitur, quam nosse eos *Flores* &
Plantas, quæ adhuc crescentes, nec avul-
sæ maxime emittunt auras suaves, & æ-
rem Odore perfundunt. Rosæ tam pallidæ,
quam rubræ, dum crescunt; *Odoris* sui
sunt

sunt tenaces, nec aërem tingunt; adeo ut juxta sepem earum ambulans, nihil *Odoris* percipias, etiam si hoc experiaris tempore roris matutini. Laurus itidem dum crescit, *Odoris* parum emittit: neque etiam Rosmarinus, aut Amaracus. Id, quod ante omnia suavissimo *Odore* aërem (crescens) imbuat, est Viola; præcipue alba, flore multiplici: quæ bis quotannis floret: medio *Aprilis*, & sub finem *Augusti*. Ei proxime accedit Rosa Moschata: tum folia Fragaræ marcescentis, quæ *halitum* emittunt plane *cardiacum*: Tum flores *Vitis*, qui apparent in racemis noviter prostratis, ad instar pulveris, qualis est in caule Plantaginis: Tum Rubus odoratus: Tum Parietaria lutea, quæ gratissimum edic *Odorem*, sata juxta fenestras Conclavis, aut Cubiculi in imo Solario sita: Tum Caryophyllatæ, tam minores, quam majores; Tum flores *Tiliæ*; Tum Periclymeni flores, e minus locati: Tum flores Lavendulæ. De floribus Fabæ non loquor, quoniam campestres sunt. At ea, quæ aërem jucundissimo *Odore* perfundunt, sed non nisi calcata, aut contrusa, sunt tria: Pimpinella, Scpillum, & Mentha Aquatica. Itaque Ambulacra integra his sunt conferenda, ut *Odorem* eorum calcando exprimas.

Horti Contentum (loquor autem de
Hor-

Hortus Regius : sicut feci de *Ædificiis*)
 haud minus triginta iugerum esse debet;
 Atque illud in tres partes dividi convenit:
Graminetum in introitu: *Fruticetum* sive
Eremum in exitu: Et *Hortum præcipuum*
 in medio: Præter *Ambulacra* utrinque
 ad latera: Mihi quidem placet, quatuor ju-
 gera *Gramineto* assignati; Sex *Fruticeto*:
 Bis quatuor ad *Ambulacra* ad latera; Et
Horto præcipuo duodecim. Oblectamen-
 tum ex *Gramineto* duplex est: Primum
 quidem oculis, quibus nihil jucundius est,
 quam gramen subinde tonsum, & vires-
 cens: Alterum, quoniam in medio orbita
 purganda est, qua iri possit versus fronti-
 spicium *Sepis magnifica*, quæ *Hortum præ-*
cipuum includat. At quoniam orbita ista
 longa erit neque in magnis ardoribus, an-
 ni, aut dici, umbra *Horti* emenda est, am-
 bulatione per *Graminetum*, exposito Sole;
 ideo *Ambulacra* obrecta, duodecim pedes
 alta, ex opere lignario, utrinque ad latera
Gramineti extruenda sunt, per quæ *Hor-*
tum introire possis, in umbra continua,
 Quantum autem ad *Schemata*, & *Figuras*,
 ex varii coloris terra distinctas, quæ sub-
 jaceant fenestris *Ædificii*, nugæ plane sunt.
 Sæpius videas in placentis talia. Figura
 quadrata *Horto* optime convenit; quam
 undique sepi pulcherrima & arcuata claudi
 oport-

oportet. Arcus extollantur supra Columnas ex opere lignario, pedes decem alti, lati sex: Spatia autem inter columnas, ejusdem dimensionis sint cum latitudine Arcus. Supra arcus sit Sepes continuata pedes quatuor alta: ex opere itidem lignario: & hanc supra, sit Turricula in summitate arcus cujusque extructa, cujus interior capacitas sufficiat avicularum caveæ excipiendæ. Et supra interstitia arcuum collocentur aliæ aliquæ figuræ inauratæ, continentes lamellas vitri colorati, quibus varie ludant radii Solares. Hanc autem Sepem intelligo supra aggerem, haud præcipitem quidem sed mediocriter declivem, sex pedes altum, totum floribus confutum, erigendam esse. Intelligo etiam, ut hæc quadra *Horti*, non totam Soli latitudinem occupet, sed satis spatii, variis Ambulacris conficiendis, utrinque ad latera relinquat: in quæ, oblecta illa *Gramineti Ambulacra*, de quibus diximus, deducant. Verum ad introitum & exitum *Horti*, hujusmodi *Ambulacra* cum sepibus omnino omittenda sunt: in introitu quidem, ne conspectum *amœna* illius *sepis*, à *Gramineto* impediatur: in exitu autem, ne prospectum *Fruticeti* per arcus intercipiat.

Dispositionem soli intra claustrum *Sepis*, variandam ad placitum relinquo: Hoc in-

curiosas inventiones, arcuandi aquas sine earum effusione: & eas effingendi in varias formas, (plumarum, poculorum vitreorum, conopeorum, campanarum, & similibus;) etiam rupes artificiosas, & huiusmodi. Sunt illa quidē spectatu jucunda, sed nihil ad salubritatem, aut suavitatem;

Fruticetum autem, quod tertiam totius *Horti* partem posuimus; velim ut ad similitudinem naturalis *Deserti* prope accedat. Arbores in illo plantari nolo, nisi quod in aliquibus locis erigi præcipio arborum series, quæ in vertice *Ambulacra* contineant, ramis arborum cooperta, cum fenestris. Subjaccat autem pars soli, floribus odoris suavis abunde consita, qui auras in superius exhalent; alias *Fruticetum* apertum esse sine arboribus velim. *Dumeta* tamen spargi placet, ex Rubo odorato, *Periclymeno*, & *Vite sylvestri*: Terram autem ubique consitam volo, *Violis*, *Fragis* præcipue, & *Primulis Veris*. Hæ enim plantæ jucundum spirant *Odorem*, & in umbra feliciter crescunt. *Dumeta* autem; & *Ambulacra* super arbores, spargi volumus ad placitum; non ordine aliquo collocari. Probo etiam cumulos parvos, instar eorum quos talpæ erigunt, (quales in *Eriocetis* campestribus esse solent,) alios *Serpillo*, *Garyophyllatis* minoribus alios, alios

Chamædri quæ florem præbet pulchrum, alios Pervinca, alios violis, Fragis alios, Floribus Paralyſis alios, Bellidibus alios, alios Rosis rubris, alios Liliis convallium, alios Armeriis rubris, alios Helleboro flore purpureo, & Floribus ſimilibus, ſuavis, & bellis, conſitos. Pars etiam cumulorum habeat in vertice Frutices. Eæ ſint: Roſa, Juniperus, Aquifolia, Oxyacantha; (Sed hæc rarior propter Odoris gravitatem floret:) Ribelium baccis rubris; Uva criſpa, Roſmarinus, Laurus, Rubus odoratus: & id genus aliæ. Frutices autè ferro reſecandæ ſunt, ne deformiter excrescant.

Jam Solum utrinque ad latera, in *Ambulacra privata*, pro quavis diei parte umbroſa, diſtribuendum eſt. Ex iis etiam quædam à ventis aſperioribus ita muniendæ ſunt, ut in iis ſpatiari poſſit quis, tanquam in porticu. Quinetiam, obeandem cauſam, videlicet ut venti arceantur, ad exitus claudendæ ſunt. Et hæc clauſa *Ambulacra* præcipue ſabulo ſubſternendæ ſunt, abſque gramine, ne in udo ambulatio ſit. In plerisque horum *Ambulacrorum*, arbores fructiferæ omnigenæ collocandæ ſunt, tam ad parietes externos, quam in ordinibus interius. Et hoc in genere obſervari debet, ut terra elevata, in qua arbores fructiferæ plantantur, ſit lata, humilis, & mol-

K

liter

Primum igitur statuo, *Palatium* perfectum neutiquam esse, nisi duas habeat portiones diversas: *portionem Convivii*, ut loquitur Liber *Hester*: & *portionem Mansionis* sive familiar: alterum ad pompas, magnificentias, & celebritates; alterum ad habitationis usum. Intellico, *portiones* istas duas extrui debere, non ut latera domus, sed ut *frontis* ipsius partes: easque exterius uniformes esse, licet interius longe diversas. Coniungi autem volumus *portiones* istas, per turrim sublimem & splendidam, in medio frontis. Atque, quoad *portionem convivii*, unicam tantum illic *Cameram* poni velim: eamque supra gradus quinquaginta pedes ad minus altam: & subter eam, *Cameram* item alteram, similis longitudinis & latitudinis: quæ apparatus & instructionem, ad festa, ludos, & ejusmodi magnificentias: actores etiam, dum se ornent & parent, commodè recipiat. Alteram *portionem*, *Mansionis* scilicet, dividi velim præcipue, in *Aulam*, & *Sacellum*, utramque amplam & pulchram: Eas vero per universam *Portionis* longitudinem extendi nolim; sed relinqui in exitu Cœnacula duo: hyemale & æstivale: Atque subter hæc omnia (excepto *Sacello*) Cellas amplas subterraneas collocari volo: quæ Culinis privatis, Promptuariis, Panariis, & simili-

milibus, inserviant. Quantum ad Turrim; Eam elevari volo usque ad duo Tabulata: utrunque quindecim pedes altum, supra duas alas frontis; coopertam plumbo æquabili, atque statuis per fulcra laterum, in summitate, decoratam: Eandem turrim in Cubicula distinguere volo. Gradus autem turris apertos esse, in se revertentes, & per senos subinde divisos; utrinque statuis ligneis, inauratis, vel saltem ænei coloris, cinctos, cum statione spatiosa & lara in vertice. Verum, cavendum, ne locus, ubi famuli comedant, sit ad unum gradum, vel prope: Si enim sit, ciborum nidor ascendet, tanquam in tubo quodam. Et de *fronte Edificii* hætenus. Tantum intelligo gradus primos ascensus ad viginti pedes sustolli debere; altitudinem scilicet Tabulati inferioris.

Ultra *frontem Edificii*, aream spatiosam designo, cujus latera tria sint; ipsa *adum fronte* haud paululum humiliora; Atque in quatuor angulis ejusdem areæ, turres extruantur, altitudinem laterum prædictorum nonnihil superantes, ad gradus, quibus in superiora ascendantur, capiendos: quæ turres non recipiantur in planum *edificii*; sed extra promineant. Area autem integralapidibus latis quadrangulis minime subternatur: Nam hujusmodi pavimenta

menta calorem molestum æstate, & similiter frigus asperum hyeme, immittunt: sed habeat ambulacra, ex ejusmodi lapidibus, per latera tantum *ædificii*; & formam crucis, ex iisdem, in medio: cum quadris interpositis, quæ gramine vestiuntur, detonso quidem, sed non nimis prope terram. Latus universum arcæ, ex parte *Convivii*, occupent spatiosæ & speciosæ *Porticus*. In quibus singulis *Porticibus* sint in laquearibus tres aut quinque Sphæræ concavæ, (Cupulas vocant,) pulchræ, in longitudine positæ, ad æqualem distantiam: Sint quoque fenestræ, ex vitro colorato, ubi pingantur columnæ, imagines omnigenæ, flores, & similia. At latusex parte *Familie*, simul cum latere tertio è regione *frontis*, complectatur *Cameras præsentiales*, & alias usus ac decoris ordinarii: atque rursus *Cubicula*: Sintque etiam tria ista latera ita extructa, ut exhibeant *ædificium* duplex: non translucida, sed ex altera tantum parte fenestrata; ut tam matutinis, quam vespertinis temporibus, præsto sint *Camera*, in quas Sol non intret. Accommodentur etiam eo modo, ut habeantur ibi *Cubicula* & *Camera* tam æstivales ad refrigerium, quam hyemales ad frigus arcedendum. Invenies non raro *ædēs* pulchras, sed tamen ita vitro & fenestris repletas, ut

vix locum suppeditent, ubi te recipias aut ad Solem, aut ad frigus, evitandum. Quantum ad Fenestras prominentes, siue arcuatas, eas probo tanquam res commodas: (Urbibus sanæ fenestræ ad planum *adificii*, & minime protuberantes, magis conveniunt: propter Uniformitatem structuræ plateas versus;) Sunt enim receptus colloquiis opportuni: atque insuper tam Ventum, quam Solem, summovent: Quod enim alias, per totam fere *Cameram*, pertransisset, vix ultra fenestram penetrabit. Raræ tamen sint hujusmodi fenestræ arcuatæ, non ultra quatuor: duæ scilicet, ex utroque latere arcæ.

Ultra hanc, quam diximus, *Aream*, sit alia interior: paris, & amplitudinis, & altitudinis: *Horto* per exterius circumcincta: interius autem, Ambulacris pulchris arcuatis, usque ad primum Tabulatum, circumdata. Pars autem exterior Solarii inferioris versus *Hortum*, quatenus ad duo latera, convertatur, in *Specum* siue *Cavernam*; (*Grottam* moderni vocant) ad umbram & æstivationem: apertam, aut fenestratam, tantum ex parte *Horti*: Sit autem *Caverna* illa solo æqua, non omnino pressa: & eleganti pavimento strata; ad terræ vapores excludendos. Erigatur autem in medio istius arcæ *Fons* splendidus: aut
Opus

Opus aliquod ex Statuis magnificentum: Pavimentum autem simile sit areæ illi antedictæ. Hujus areæ *edificia*, ex utroque latere, destinentur *Cameris*, & *Conclavibus* secretioribus: Latus autem transversum, Porticibus etiam secretioribus. Curandum vero, ut aliquæ, tam ex *Cameris* & *Conclavibus*, quam ex Porticibus, designentur ad usum infirmorum: si forte *Princeps*, aut quisvis è grandioribus, ægrota-verit. Habeant autem Portiones singulæ ægris destinatæ (ut moderni loquuntur) *Ante-Cameram*, *Cameram* ad Cubile, & *Re-Cameram*. Hæc autem, quæ diximus, supra secundum Solarium collocentur. At latus transversum Solarii inferioris, versus *Hortum* convertatur in Porticum speciosam, patentem, & columnis fultam. Rursus, supra Solarium tertium, ex omnibus tribus lateribus, statuatur Porticus elegantes, columnares, & apertæ, ad prospectum & refrigerium *Horti* excipiendum. Verum ad angulos duos lateris transversi, in Solario secundo, accommodentur & ornentur duo splendida & delicata *Conclavia*, (*Cabinettos* moderni vocant:) pavimento nitente, aulæis sumptuosis instructa, vitro Crystallino fenestrata, cum Cupola elevante, in medio. Sint autem *Conclavia* illa rebus curiosis omnigenis, & spe-

spectatu dignis, referta. In supremis quoque Porticibus (si fieri possit), optarem collocari, juxta parietes, in locis diversis, *Fonticulos* quosdam aquam emittentes: qui per secretos rivos iterum transeant. Interior autem pars, in Solario superiore, versus arcem, formetur in Porticus & Ambulacra, bene munita & obducta, ad usum convalescentium. Atque hactenus de *Modulo Palatii* ipsius: Nam de Balneis, & piscinis, non loquor. Superest tamen, ut antequam ad frontem ædium pervenias, collocentur arces tres: Area viridis, gramine vestita, cum pariete in circuitu, & juxta parietem arboribus, ordine positis, sata: area altera, ejusdem amplitudinis, sed in pariete cujus sint turriculæ extructæ; aut simile quid ejusmodi elegantiz: area item tertia, quæ cum fronte ipsa ædium, quadrangulum constituat; quam *edificio* certe aliquo circumdatam nolo; neque rursus nudis parietibus cinctam: sed Ambulacris supra columnas, non arcus, erectis: in summitate vero plumbo, vel lapide quadrato, coopertis, & ad latera elegantibus. Statuis parvis, ænei coloris, munitis, clausam. Quatenus vero ad *edificia* omnia, quæ nobis familiaribus inserviunt, summoveantur illa, ad aliquam distantiam, à *Palatio* ipso; ita tamen, ut in-

interponantur *Porticus* humiliores, & oblectæ: intra quas ad *Palatium* transire possis.

XLIV.

DE HORTIS.

DEus ipse primus plantavit *Hortum*. Atque revera, inter solatia humana, illud *horti* est purissimum. Etenim spiritus hominum maxime reficit & oblectat: quo sine, *Ædificia* & *Palatia*, manus tantum sunt opera, nec sapiunt Naturam. Quia etiam notabis, *Secula* cum proficiunt in cultura & magnificentia, citius pervenire ad *adificiorum* pulchritudinem, quam ad *hortorum* elegantiam & amœnitatem: quasi elegantia illa *Hortorum* esset res perfectior.

Statuo, in *hortis Regalibus* assignari oportere *Hortos* pro singulis anni *mensibus*: in quibus, separatim, Plantæ, quæ illo *Mense* florent & vigent, producantur. Pro *Decembri*, *Januario*; & fine *Novembris*, eligendæ sunt Plantæ, quæ per totam Hyemem virescunt; Quales sunt: *Aquifolia*: *Hedera*: *Laurus*: *Iuniperus*: *Cupressus*: *Taxus*: *Buxus*: *Pinus*: *Abies*: *Rosmarinus*: *Lavendula*, *Pervinca*, flore albo, purpureo, & cæruleo: *Chamaedris*: *Irides* quoad folia: *Aurantia*, *Limones*, & *Myrtus*, si *Calidariis* conserventur; &

Ama-

Amaracus juxta parietem & versus Solem
 satus. Sequuntur pro fine *Iannarii* & *Fe-*
bruario: Arbutum Chamælex Germani-
 cæ sive Mezereonis; quæ eo tempore flo-
 ret; Crocus vernus, flore luteo, & glau-
 cō; Primulæ Veris; Anemones: Tulipa
 præcox: Hyacinthus Orientalis: Cha-
 mæiris: Fritellaria. Pro *Martio*: Omne
 genus Violarum, præcipue Purpureæ sim-
 plici flore, quæ sunt præcociissimæ: Pseu-
 donarcissus luteus, Bellis, Amygdalus,
 quæ tunc floret: Malus Persica, & Cor-
 nus, quæ etiam tunc florent: Rubus odo-
 ratus. Pro *Aprili*: Viola flore albo multi-
 plice, Parietaria lutea, Leucoium, Her-
 ba paralytis; Irides, & Lilia omnigena:
 Flores Roris marini, Tulipa, Pæonia; flo-
 re multiplici: Narcissus verus: Periclime-
 num *Sabaudicum*: Cerasus, & Pirus, &
 Prunus diversi generis in flore: Acanthus,
 quæ tunc folia emittit: Arbor Lelæ. Pro
Majo & *Iunio*: Camæcariophyllus o-
 mnium generum, præcipue virgineus:
 Omne genus Rosarum, Moschata sola ex-
 cepta, quæ serius floret: Periclemenum
 commune, Fraga, Buglossum, Colum-
 bina: Flos Africanus, simplex, & multi-
 plex: Cerasus, quæ tum fructum profert:
 Ribes: Ficus in fructu: Baccæ Rubi Idæi:
 Vitis flores: Lavendula florens: Satyrium
 hor-

hortense flore albo: Herba Muscaria: Lilium: Convallium: Malus florens: Flos Cyaneus. Pro *Julio*: Cariophyllata omnium generum: Rosa Moschata, Tilia florens, Pira, & Poma & Pruna, præcocia: Pro *Augusto*: Pruna omnium generum, Pira, Mala Armeniaca, Bacca Oxyacanthæ, Nuces Avellanæ, Melones Moschatellini, & omnigeni Coloris Delphinium, sive Consolida Regalis. Pro *Septembri*, Uvæ, Poma, Papaver variorum colorum, Mala Persica, Melo-cotonea, Nectaridæ, Corna, Pira hyemalia, Cydonea. Pro *Octobri*, & principio *Novembris*, Sorba, Mespila, pruna sylvestria, Rosæ feræ, Malvæ arborescentes flore roseo, & similia. Hæ vero, quas enumeravimus, Plantæ, *Climati Londinensi* conveniunt. Sed hoc volo; ut sit alicubi quasi Ver perpetuum, prout fert loci conditio.

Quoniam autem odor *Florum*, spirans in aëre, (ubi undulat more modulationis *Musica*,) gratior multo est, quam si eos decerpas manu, ideo nihil magis confert, ad delectationem illam, quæ ex odore *Florum* percipitur, quam nosse eos *Flores* & *Plantas*, quæ adhuc crescentes, nec avulsæ maxime emittunt auras suaves, & aërem Odore perfundunt. Rosæ tam pallidæ, quam rubræ, dum crescunt, *Odoris* sui sunt

sunt tenaces, nec aërem tingunt; adeo ut juxta sepe eam ambulans, nihil *Odoris* percipias, etiamsi hoc experiaris tempore roris matutini. Laurus itidem dum crescit, *Odoris* parum emittit: neque etiam Rosmarinus, aut Amaracus. Id, quod ante omnia suavissimo *Odore* aërem (crescens) imbuat, est Viola; præcipue alba, flore multiplici: quæ bis quotannis floret: medio *Aprilis*, & sub finem *Augusti*. Ei proxime accedit Rosa Moschata: tum folia Fragaræ marcescentis, quæ *halitum* emittunt plane *cardiacum*: Tum flores Vitis, qui apparent in racemis noviter protrusis, ad instar pulveris, qualis est in caule Plantaginis: Tum Rubus odoratus: Tum Parietaria lutea, quæ gratissimum edic *Odorem*, sata juxta fenestras Conclavis, aut Cubiculi in imo Solario sitis: Tum Caryophyllatæ, tam minores, quam majores; Tum flores Tilie; Tum Periclymeni flores, e minus locati: Tum flores Lavendulæ. De floribus Fabæ non loquor, quoniam campestres sunt. At ea, quæ aërem jucundissimo *Odore* perfundunt, sed non nisi calcata, aut contrusa, sunt tria: Pimpinella, Scpillum, & Mentha Aquatica. Itaque Ambulacra integra his sunt conferenda, ut *Odorem* eorum calcando exprimas.

Horti Contentum (loquor autem de
Hort.

Hortis Regiæ : sicut feci de *Ædificiis*)
 haud minus triginta jugerum esse debet;
 Atque illud in tres partes dividi convenit:
Graminetum in introitu: *Fruticetum* live
Eremum in exitu: Et *Hortum præcipuum*
 in medio: Præter *Ambulacra* utrinque
 ad latera: Mihi quidem placet, quatuor ju-
 gera *Gramineto* assignari; Sex *Fruticeto*:
 Bis quatuor ad *Ambulacra* ad latera; Et
Horto præcipuo duodecim. Oblectamen-
 tum ex *Gramineto* duplex est: Primum
 quidem oculis, quibus nihil jucundius est,
 quam gramen subinde tonsum, & viref-
 cens: Alterum, quoniam in medio orbita
 purganda est, qua iri possit versus fronti-
 spicium *Sepis magnifica*, quæ *Hortum præ-*
cipuum includat. At quoniam orbita ista
 longa erit neque in magnis ardoribus, an-
 ni, aut dici, umbra *Horti* emenda est, am-
 bulatione per *Graminetum*, exposito Sole;
 ideo *Ambulacra* obrecta, duodecim pedes
 alta, ex opere lignario, utrinque ad latera
Gramineto extruenda sunt, per quæ *Hor-*
tum introire possis, in umbra continua,
 Quotum autem ad *Schemata*, & *Figuras*,
 ex varii coloris terra distinctas, quæ sub-
 jaceant fenestris *Ædificii*, nugæ plane sunt.
 Sæpius videas in placentis talia. Figura
 quadrata *Horto* optime convenit; quam
 undique *Sepi* pulcherrima & arcuata claudi
 oport-

oportet. Arcus extollantur supra Colum-
nas ex opere lignario, pedes decem alti,
lati sex: Spatia autem inter columnas, ejus-
dem dimensionis sint cum latitudine Ar-
cus. Supra arcus sit Sepes continuata pe-
des quatuor alta: ex opere itidem ligna-
rio: & hanc supra, sit Turricula in summi-
tate arcus cujusque extructa, cujus inte-
rior capacitas sufficiat avicularum caveæ
excipiendæ. Et supra interstitia arcuum
collocentur aliæ aliquæ figuræ inauratæ,
continentes lamellas vitri colorati, quibus
varie ludant radii Solares. Hanc autem
Sepem intelligo supra aggerem, haud præ-
cipitem quidem sed mediocriter decli-
vem, sex pedes altum, totum floribus con-
situm, erigendam esse. Intelligo etiam,
ut hæc quadra *Horti*, non totam Soli lati-
tudinem occupet, sed satis spatii, variis
Ambulacris conficiendis, utrinque ad la-
tera relinquat: in quæ, oblecta illa *Grami-
neti Ambulacra*, de quibus diximus, dedu-
cant. Verum ad introitum & exitum *Hor-
ti*, hujusmodi *Ambulacra* cum sepibus o-
mnino omittenda sunt: in introitu quidem,
ne conspectum *amænæ* illius *sepio*, à *Grami-
neto* impediatur: in exitu autem, ne pro-
spectum *Fruticeti* per arcus intercipiat.

Dispositionem soli intra claustrum *Se-
pio*, variandam ad placitum relinquo: Hoc
in-

interim monens, ut, quæcunque ea tandem sit, nimis curiosa & operosa ne sit. *Imagines* excisas ex Iunipero, vel alia materia hortensi, non probo: Puerilia sunt ista. Humiles speculæ rotundæ, instar simbriarum, cum Pyramidibus parvulis, placeant. Columnas etiam, & Pyramides altas, ex opere lignario, in aliquibus locis sparsas, sepibus vestitas, recipio. *Ambulacra* ampla & spatiosa esse volo, *Ambulacra* angustiora & obrectiora ad Latera summovenda sunt, neutiquam vero in Pomærio *Horti* præcipui collocanda. Consulere etiam, ut in medio *Horti* sit *Monticellus* pulcher, cum tribus ascensus ordinibus, & tribus *Ambulacris*, ejus latitudinis, ut quatuor una ambulare possint. Et hæc insuper *Ambulacra* perfecte circularia esse suadeo, absque figuris Propugnaculorum. Altitudo autem *Monticelli* triginta pedum esto: Atque in vertice, *Domicellus* elegans extruatur, cum Caminis venuste ordinatis, & absque multo vitro.

Fontes quod attinet, magno sunt illi ornamento, & refrigerio; sed Stagna, & Piscinæ, exulent: *Hortum* enim insalubrem reddunt, & scatentem muscis, ranis, & similibus. *Fontes* duorum generum intelligo; Unum qui aquam salientem verset, & dispergat, cum crateribus suis: Alterum
niti-

nitidum aquæ receptaculum, quadratum, pedum triginta vel quadraginta, illime, sine cæno, aut piscibus. Quoad primum, *Imagines* inauratæ, aut marmoreæ, quæ in usu sunt, ornamento esse recte possunt. Sed in eo genere cardo rei est, ita aquam regere, ut perpetuo fluat: nec consistat, aut in cratere, aut in cisterna; ita ut quiete non sit decolor, versa aut in viridem, aut rubrum, aut huiusmodi: neque muscum colligat, aut putredinem. Etiam, manu purganda est quotidie, ut maneat limpida. Item, gradus aliqui ascensus ad *Fontem*, & *Pavimentum* circa eum elegans, decori sunt. Illum alterum *Fontis* genus, quod Balneum sive Lavacrum dici potest, multum ornatus, & curiositatis, recipere potest: quibus non immoramur. Veluti: Ut fundum sit *imaginibus* decoratum, latera quoque: simul hinc inde vitro variorum colorum, & huiusmodi corporibus politis, & radiantibus, splendens: circumdatum etiam clausura humilium statuarum. Sed maximum est illud; cuius, in priore genere *Fœtium*, mentionem fecimus; Nimirum, ut aqua sit in perpetuo motu: aqua scilicet, quæ Balneo superior sit, nutrita: per canales venustos inducta: & rursus, per tubos subter terrâ aquâsis dimensionis, ne aqua diutius consistat,educta. Verum quoad curio-

curiosas inventiones, arcuandi aquas sine earum effusione: & eas effingendi in varias formas, (plumarum, poculorum vitreorum, conopeorum, campanarum, & similium;) etiam rupes artificiosas, & huiusmodi. Sunt illa quidē spectatu jucunda, sed nihil ad salubritatem, aut suavitatem.

Fruticetum autem, quod tertiam totius *Horti* partem posuimus; velim ut ad similitudinem naturalis *Deserti* prope accedat. Arbores in illo plantari nolo, nisi quod in aliquibus locis erigi præcipio arborum series, quæ in vertice *Ambulacra* continent, ramis arborum cooperta, cum fenestris. Subjaceat autem pars soli, floribus odoris suavis abunde confita, qui auras in superius exhalent; alias *Fruticetum* apertum esse sine arboribus velim. Dumeta tamen spargi placet, ex Rubo odorato, *Periclymeno*, & *Vite sylvestri*: Terram autem ubique consistam volo, *Violis*, *Fragis* præcipue, & *Primulis Veris*. Hæ enim plantæ jucundum spirant *Odorem*, & in umbra feliciter crescunt. *Dumeta* autem; & *Ambulacra* super arbores, spargi volumus ad placitum, non ordine aliquo collocari. Probo etiam cumulos parvos, instar eorum quos talpæ erigunt, (quales in *Eriocetis* campestribus esse solent,) alios *Serpillo*, *Garyophyllatis* minoribus alios, alios

Cha-

Chamædri quæ florem præbet pulchrum, alios Pervinca, alios violis, Fragis alios, Floribus Paralyſis alios, Bellidibus alios, alios Roſis rubris, alios Liliis convallium, alios Armeriis rubris, alios Helleboro flore purpureo, & Floribus ſimilibus, ſuavis, & bellis, conſitos. Pars etiam cumulorum habeat in vertice Frutices. Eæ ſint: Roſa, Juniperus, Aquifolia, Oxyacantha; (Sed hæc rarior propter Odoris gravitatem floret:) Ribelium baccis rubris; Uva criſpa, Roſmarinus, Laurus, Rubus odoratus: & id genus aliæ. Frutices autē ferro reſecandæ ſunt, ne deformiter excrescant.

Jam Solum utrinque ad latera, in *Ambulacra privata*, pro quavis diei parte umbroſa, distribuendum eſt. Ex iis etiam quædam à ventis aſperioribus ita munienda ſunt, ut in iis ſpatiari poſſit quis, tanquam in porticu. Quinetiam, obeandem cauſam, videlicet ut venti arceantur, ad exitus claudenda ſunt. Et hæc clauſa *Ambulacra* præcipue ſabulo ſubſternenda ſunt, abſque gramine, ne in udo ambulatio ſit. In plerisque horum *Ambulacrorum*, arbores fructiferæ omnigenæ collocandæ ſunt, tam ad parietes externos, quam in ordinibus interioribus. Et hoc in genere obſervari debet, ut terra elevata, in qua arbores fructiferæ plantantur, ſit lata, humilis, & mol-

K

liter

liter ascendens : & floribus suavis con-
sita, sed raris, ne succo defraudent arbores.
Ad exitus Soli lateralis utrinque monti-
cellos fieri probo, ad talem altitudinem
parietis exterioris, ut in monticello stan-
ti, in agros pateat prospectus.

Rursus, quoad *Hortum* præcipuum, non
negarem, in eo confici debere *Ambulacra*
quædam, eaq; minime angusta, arboribus
fructiferis utrinque consita. Quin & arbo-
reta aliqua arborum fructiferarum prope
constitarum : & Umbracula artificiosa &
bella, cum sedibus ordine elegante locata.
Verum hæc nullo modo nimis confertim:
Relinquendus est enim *Hortus* præcipuus
apertior, & aëre perspirabilis, & liber. Um-
bram enim quæras velim in *Ambulacris*
lateralibus, ubi in ardoribus anni, vel diei,
ambules. *Hortus* siquidem præcipuus com-
paratus est in temperatiores anni partes,
vernas, & autumnales, æstate autem, ad
matutina & vespertina tempora, aut etiam
ad dies nubilosos.

Aviaria non probo, nisi tantæ sint am-
plitudinis, ut cespites gramine substerni
queant : fruticibus etiam & arbusculis vi-
vis conserantur : ut *aves* liberius volitent,
& se per diversa oblectare & componere
possint : utque nulla in area aviarii conspi-
ciatur spurcicies.

Quan-

Quantum vero ad *Ambulacra in clivis*, & variis ascensibus amœnis conficienda, illa Naturæ dona sunt, nec ubique extrui possunt: Nos autem ea posuimus, quæ omni loco conveniunt.

Horti itaque *Regii* figuram jam delineavimus, partim præceptis, partim modulo generali, sed minime accurato. Et hac in re sumptibus minime pepercimus. Sed ad *Principes* id nihil est, qui, ut nunc fit, plerumque *Hortulanos* consulunt: atque haud minore sumptu, varia, parum cum iudicio, componunt: addentes etiam quandoque statuas, & alia, ad magnificentiam, & pompam: sed ad genuinam *Hortorum* voluptatem, & amœnitatem, nihil conducentia.

XLV.

DE OFFICIO JUDICIS.

Generaliter, melius est, per Verba *negotari*, quam per Literas; & per Intercessionem personæ tertiæ, quam per se ipsum. Literæ utiles sunt cum quis, per Literas itidem, responsum elicere desiderat; vel, ubi sua interfit, Exemplaria Literarum quas scripsit, producere, & monstrare: denique, ubi metuere quis merito possit, ne sermo interrumpatur, aut per portiones audiatur. Contra viva voce tractare præstat, cum facies hominis reve-

rentiam incussura sit; ut sit plerunque in colloquio cum inferiore: aut in rebus, quas extremis tantum digitis tangere convenit; in quibus oculus loquentis, in vultum & gestum alterius intentus, monere possit, quousque procedere liceat; & generaliter, quando libertatem quis sibi retinere cupit, vel dicendi, vel interpretandi ea quæ dixerit. In tractando per alios, cautius & melius fuerit, eos eligere qui simplicioris sunt ingenii; quos probabile est, illa, quæ in mandatis habent, executuros, & successum rei fideliter narraturos: quam eos, qui ex aliorum negotiis aliquid in se honoris aut utilitatis transferre callidi sunt, atque ea, quæ referent, verbis emollient, ut impense placeant. Tales etiam adhibe, qui *negotio*, cui præficiuntur, faveant; id enim industriam acuit: atque insuper tales, qui cum re quam tractant congruitatē quandam habent; veluti, audaces ad expostulandum; blandos ad persuadendum; astutos ad observandum & rimandum: protervos, & paulo absurdiores, ad res, quæ aliquid inhiberi habent, transigendas. Tales etiam adhibe, qui in *Negotiis* tuis antea tractandis felices fuerunt, & obtinuerunt; Hoc enim confidentiam parit; & omnem lapidem movebunt, quo veluti præscriptionem tueantur. Melius fuerit, hominem cum quo

quo *negotiaris*; primo deviter degustare, & quasi ex longinquo, quam ab initio Summam rei proponere; Nisi forte in animo sit, brevi illi aliqua quaestiuicula irretire & opprimere. Praestat cum illis *negotiaris*, qui in ambitu sunt, quam cum illis, qui desideria sua sunt adepti. Si cum alio sub conditione *negotiaris*, prima veluti occupatio, aut possessio vororum, in praecipuis numeranda: Id autem etiam ratione postulare nequis, nisi aut natura rei talis sit quae praecedere debeat: nec alteri commode insinuare possis, illum opera tua in aliis usurum; aut denique habearis ipse pro homine in primis integro & verace. Omnis *Negotio* co spectat: aut ut *detegat* aliquid; aut ut *officiat*. *Detegunt* se homines, vel animum suum communicando; vel cum ira commoti sunt; nec se bene cohibere sciunt: vel cum ex improviso opprimuntur; vel cum necessitate quadam adiguntur, non habentes quod praetexant. Si quem ad *novum* fingere cupias, ut inde *officiat* aliquid; aut inclinationes & mores ejus bene cognoscendi, ut eum manu ducas; aut fines ejus perspicendi, ut suadeas; aut infirmitates ejus, & ea quibus obnoxius est, exploranda, ut terreas; aut denique amicos ejus, qui plurimam apud eum valent conciliandi, ut eo modo regere possis. In *tractando* cum eali-

222. DE CLIENT, FAMVL. & AMICIS.

fidis & dolosis, verbis eorum minime credendum, nisi fines & intentiones eorum habeas verborum interpretes; Quin & optimum fuerit, pauca apud illos loqui, & quæ minime expectant. In rebus quibuscunque difficilioribus non expectandum, ut quis simul, & seriatim, & merat, sed præparatione opus est; ut per gradus mature-

scant. *De Clientibus, Familiis, & Amicis.*

DE CLIENTIBVS, FAMVLIS, & AMICIS.

Clientis sumptuosissime admittendi; ne dum quis cauda pennas adauget, alarum pennas præseindat. Eos autem sumptuosos intelligo, non solum qui impensis gravantur, sed etiam qui petitionibus molesti & importuni sunt. *Cientes* communes, conditiones alias expectare non debent, extra favorem, commendationem, si opus sit, & ab injuria protectionem. *Cientes* autem *Amici fastidiosi*, adhuc magis vitandi, qui alicui se applicant, non tam ex amore ipsius cui famulantur, quam ex odio versus alium concepto. Unde sæpenumero sequitur animorū illa abalienatio, quam videre est inter potentiores. Similiter, *Cientes* illi gloriosi, qui in hoc incumbunt, ut loco buccinarum sint, ad laudes eorum resonandas, quibus famulantur, haud parum docent, eorum negotia inutilitate sua cor-

rum

rum

rumpunt; tum vero honorem Domini sui (si quis vere rem reputet) exportant, & mercem invidiæ invehunt. Est & aliud genus *Clientum* prorsus periculosum; qui nil aliud quam Speculatores sunt, & secreta familiæ rimantur, ac rursus aliorum auribus insusurrant: Attamen hujusmodi homines, apud Dominos suos, sæpenumero in summo pretio habentur; siquidem officiosi sunt, & susurros fere commutant. *Clientela* hominum Ordinis cujuscumque, si ejusdem cum *Patrono* Ordinis sint, (veluti militum versus illum qui præfecturam in bellis gessit, & hujusmodi,) semper pro re decora habitum est, & in bonam partem acceptum, etiam in *Monarchiâ*: modo absit pompa nimia, & popularitas. Verum *Clientela* omnium maxime honorifica, ea est; Ut quis *Patronum* se profiteatur, corû qui virtute & meritis clarent, cujuscunque Ordinis sint, vel Conditionis. Attamen ubi nulla insignis cernitur in meritis dissimilitudo, præstat mediocribus patrocinari, quam eminentioribus. Atque insuper; si verum omnino dicendum sit, in seculis aliquanto corruptioribus, homines industrii & satagentes, usui magis sunt, quam vera virtute præditi. Certi, in impetrando, optimum est, ejusdem gradus Subditos pari comitate tractare; Paucos enim

immensa gratia prosequi, ipsos magis insolentes, reliquos malevolos efficiet; quandoquidem Ordinis paritas æquas gratiæ conditiones, tanquam ex debito, poscit. Verum e contra, in iis, quæ favoris meri sunt, prodest cum delectu afficere; Nam eos, qui benignius tractantur, impense gratos reddet, ceteros imprimis officiosos: Neque de hoc merito conqueratur quispiam; cum omnia ex gratia, non ex debito, prodeant. Recte cavetur, ne sub initiis immoderatus aliquem favore prosequaris; Nam quæ tractu temporis sequuntur, vix istis initiis respondere possunt. Fingi, (quod ajunt:) & regi, ab *Amico* aliquo, tutum non est: Etenim mollitiem quandam animi prodit: Tum vero convitiis & scandalo occasionem præbet: Plurimi enim, qui nos ipsos immediate non perstrinxissent, *Amicum* illum nostrum contumeliis afficere non verebuntur; atque eo modo honorem nostrum vulnerabunt. Attamen, plurimum potestati subjici, & veluti in partes distrahi, adhuc pejus; Hoc enim nos reddet postremæ (ut nunc loquuntur,) editionis, & plenos inconstantia. Deliberare cum *Amicis* aliquot paucis, honorabile sane & utile; *Spektatores enim sæpenumero plus vident, quam Luforos*: Atque (ut Adagio dicitur) *Vallus optime collem monstrat:*
Amici-

DE SUPPLICANTIBVS. 225

Amicitia vera in Orbe, rara admodum; & minime omnium ea quæ inter æquales; quod genus apud veteres, celebrari solebat. Si qua est, ea reperietur inter superiores & inferiores; fortunæ quorum altera alteram comprehendere possint.

XLVII.

DE SUPPLICANTIBVS.

Suscipiuntur complura *Negotia* & *Inventa* mala; & *Petitiones* privata bonum corumpunt publicum. Suscipiuntur etiam complura *Negotia* in se bona; sed animo non bono: intelligo, non solum corrupto, sed etiam callido; absque ulla perficiendi *Negotii* intentione. Non desunt, qui *Petitiones* in manus suas recipiunt, & operam avide pollicentur, quibus tamen, ut cum effectu procedant, curæ non est: verum si animadvertant, rem aliorum conatu successuram, ipsi quoque gratiam aucupabuntur; aut certe mercedem aliquam secundariam captabunt, aut denique *Supplicantis* spes, dum negotium vertitur, in usum proprium convertent. Alii *Petitiones* amplectuntur, eo solû animo, ut negotiis aliorum, quæ simul tractantur, impedimenta inibiunt: velut aliquid obiter deferant & informant, cujus alias prætextum idoneum parare non potuerint; de

Petitione ipsa, cum sibi hoc modo consuluerint, nihil solliciti: vel generaliter, ut per aliorum negotia negotiis suis pontem sternant. Imo & alii tam mala fide agunt, ut *Petitiones* suscipiant consilio de liberato eos destituendi, qui Competitori aut Adversario gratificentur.

Certe si quis rem perpendat, comitatur omnem *Petitionem* jus quoddam, vel æquitatis, si sit *petitio* Justitiæ; vel meriti, si sit *petitio* Gratiæ. Si quem moveat inclinatio propria, ut parti iniquiori faveat; in causa Judiciali, utatur potius auctoritate sua, ut rem componat, quam ut obtineat. Si quem moveat inclinatio propria, ut favore suo minus merentem impertiat, in Causa Gratiæ; absteineat saltem ob omni calumnia, & maledicentia, in melius merentem. *Petitiones*, quas ipse non satis intelligis, Amico alicui fido & sagaci demanda; qui referat, an ejusmodi sint, quas salvo honore promovere possis: verum prudenti & anxio judicio Amicus ille deligendus; alias quidlibet tibi imponet. *Supplices*, his temporibus, adeo mora & procrastinationibus cruciantur, ut Veracitas & Candor; vel in negotium primitus recusando; vel in successum ejus qualem-qualem animo simplici referendo; vel in gratiam non ultra quam par est captando; res facta sit non

non solum laudabilis, verum etiam gratiosa. In *Petitionibus* Gratia, prima *Petitionis* oblatio, nullius debet esse momenti; Eo usque *Supplicantis* fides, in re illa patefacienda, valere possit, ut si notitia ejus aliunde quam per eum haberi non potuisset, hoc ei fraudi non sit, sed potius remuneretur. Valorem ejus, quod petitur, ignorare, imperitia quædam est; non secus ac, æquitatem ejusdem oscitanter prætervehi, malam arguit conscientiam. *Petitiones* scdulo occultare, non modicum prodest ad obtinendum; Spes enim jactare. Competitorum licet alios deterere possit, alios tamen acuet, & excitabit. Verum temporum opportunitates, ante omnia, in *Petitionibus* valent. Temporum inquam, non tantum respectu eorum, in quorum potestate positum est, *Petitiones* vel rejicere, vel concedere; verum etiam respectu eorum, à quibus juste metuendum, ne se illis opponant. In delectu ejus, cui *Petitionis* tue curam demandes, respicias magis aptitudinem; quam amplitudinem; atque eum potius adhibe, qui paucioribus negotiis se immiscet, quam qui omnia amplectitur. Denegatæ *Petitionis* iteratio concessioni ipsi quandoque æquipollet; modo quilibet se, nec animo dejectum, nec male affectum, ostendat. *Iniquum petas, ut æquum feras,*

Regula non mala, ubi quis gratia floreat: Alias enim consultius foret, gradibus quibusdam, ad id quod petis, ascendere, & aliquid saltem impetrare: Qui enim in principio, *Supplicantis* erga se studium amittere non dubitasset; is, in fine, & *studium Supplicantis*, & *beneficium*, prius *collatum*, simul amittere non sustinebit. Nihil tam leve videtur, quam viros præpotentes de *Literis* suis interpellare; cum tamen, si *Litteræ* illæ in causis minus honestis & justis volitent: tantum de existimatione scribentis depercat. Non invenitur in Rebus pub. perniciosius hominum genus, quam generales isti *Petitionum Concinnatores*; Etenim pestes plane sunt & lues, negotiorum publicorum.

XLVIII.

DE STUDIIS, & LECTIOIBUS LIBRORVM.

Sudia, & *Lectiões Librorum*, aut Meditationum voluptati, aut Orationis ornamento, aut Negotiorum subsidio, inserviunt. Usus eorum; quatenus ad voluptatem, in secessu & otio inprimis percipitur: Quatenus ad Orationis ornamenta, in sermone tam familiari, quam solenni, locum habet; Quatenus vero ad Negotiorum subsidium, huc spectat; ut accuratioze judicio res & suspiciantur & disponantur.

tur. Etenim, homines, rerum gerendarum ignari; ad negotia exequenda idonei fortasse sunt; & in specialibus iudicio non malo utuntur: verum Consilia de Summis rerum, eorumque Inventio & Administratio recta, felicius à *Literatis* promanant. Temporis nimium in *Lectiōe* & *Studiis* terere, speciosa quædam sceordia est; iisdem ad Ornatum mollius abuti, affectatio mera est, quæ se ipsam prodit; De rebus autem, ex Regulis Artis iudicare, *Scholam* omnino sapit, nec bene succedit. Naturam *Litera* perficiunt, ab experientia autem ipsæ perficiuntur. Dotes enim naturales, instar plantarum sunt, sponte provenientium, quæ culturam & falcem artis desiderant: *Litera*, e contra generalia nimis præcipiunt, nisi ab experientia determinentur. Callidi *Literas* contemnunt; simplices admiranter, prudentes, operæ earum, quantum par est, utuntur; Neque enim *Litera* verum sui usum satis edocent; Sed hæc res prudentia quædam est, extræ eas & suprà eas sita, observatione tantum comparata. *Libros* non legas animo contradicendi, & disputationum præliis concertandi; neque rursus omnia pro concessis accipiendi, aut in verba auctoris iurandi; neque denique in sermonibus te venditandi; sed ut addiscas, ponderes, & iudicio tuo

tuo aliquatenus utaris. Sunt *Libri*, quos leviter tantum degustare convenit; sunt quos deglutire, cursimque legere oportet; sunt denique, sed pauci admodum; quos ruminare & digerere par est. Hoc *est*, *Libri* quidam per partes tantum inspiciendi; alii perlegendi quidem, sed non multum temporis, in iisdem evolvendis, infumendum; alii autem pauci diligenter evolventi, & adhibita attentione lingulari. Invenies etiam *Libros* haud paucos, quos per alios, & vicaria opera, legere sufficiat, eorumque Compendia tantum desumere. Verum hoc fieri nolim, præterquam in Argumentis humilioribus, & Auctoribus minoris pretii: Alias enim *Libri* (ut sic dicam) distillati, instar aquarum distillatarum, quas vulgo mercantur, erunt penitus insipidi. *Lectio* copiosum reddit, & bene instructum; *Disputationes* & *Colloquia* promptum & facilem; *Scriptio* autem, & *Notarum collectio*, perlecta in animo imprimat, & altius figit. Itaque si quis in *notando* segnissus sit, aut fastidiosus, memoria illi opus est bona: si *Colloquiis* se non exerceat, requiritur ei ingenium promptum; si in legendo parcus sit, hoc solum relinquitur, ut artificio quopiam utatur, quo videatur ea scire quæ nescit. *Historiarum lectio* prudentes efficit; *Poëtarum*, ingeniosos; *Artes*

Ma-

Mathematica subtilitatem donant; *Naturalis Philosophia* iudicium profundum parit; *Moralis* gravitatem quandam morum conciliat; *Dialectica & Rhetorica* pugnam reddunt, & ad contentiones alacres; *Abeque* (ut ait ille) *studia in moros*. Quin & vix occurrit, in intellectu, impedimentum aliquod inlitum, aut naturale, quod non *Studio* quopiam idoneo emendari & edolari possit: Quemadmodum morbi corporis, exercitiis quibusdam propriis, levati possunt: Globulorum lusus calculo & renibus salubris; Sagittatio pulmonibus & thoraci; Lenis deambulatio ventriculo; Equitatio capiti, & similia. Eodem modo, si cui sit ingenium vagum & volucrum, *Mathematicis*, incumbat: In demonstrationibus enim *Mathematicis*, si mens vel minimum aberret, de novo incipiendum est: Si cuius ingenium sit minus aptum ad rerum differentias & distinctiones eruendas, ad *Scholasticos* se conferat; illi enim *Cumini Sotiores* sunt: Si quis ad transcursum ingenii segnis sit, nec alia in aliorum probationem, & illustrationem, avertere, & arrigere deat; noverit, *Jure Consultorum* Casus evolvat: Adeo ut singuli intellectus morbi, ex *Litoris*, medicinas proprias comparare sibi possint.

XLIX.

DE FACTIONIBVS.

PLurimi Opinionem minime sanam for-
 verunt; Hanc nimirum; Principi in
 Status sui administratione, & Viro magno,
 in actionum suarum directione, ad *Factiones*
 quæ invaluerunt, præcipue respicien-
 dum; Atque hanc principalem prudentiæ
 partem esse: Cum e contra facultas hæc
 prudentiæ quam maxime vigeat, vel in
 disponendis rebus, quæ ad omnes sine dis-
 crimine pertinent, & in quibus homines
 diversarum *Factionum* coeunt; vel in pal-
 pandis, conciliandis, & tractandis singulis.
 Neque tamen assero, *Factionum* debitam
 considerationem esse negligendam. Hu-
 milioris fortunæ viri, cum in ambitu sint,
 alicui parti adhærere debent; verum po-
 tentioribus, & jam pridem honorem adep-
 tis, consultius est, æquos se præstare, in
 neutram partem propendendo. Quin & in
 ambientibus ita caute adhærere, ut videar-
 tur quis alteri ex partibus addictus, & ta-
 men parti adversæ minime odiosus, viam
 quandam sternit ad honores, per medium
Factionum. *Factio* inferior, & debilior, in
 conjunctione plerumque firmior, & con-
 stantior: Et non raro observari poterit,

pau-

paucos, qui obstinati & pertinaces sint, *Factionem* numerosiorem; sed tamen moderatam, in fine defatigare, & depellere. *Factionum* altera postquam extincta fuerit, illa quæ manet, in *Factiones* novas disrumpitur; Veluti, *Factio Luculli & Optimatum*, ad tempus aliquod, se in satis magno vigore, contra *factionem Pompeii & Caesaris*, sustinuit; Verum postquam Auctoritas *Senatus & Optimatum* deprimebatur, *Factio* ipsius *Caesaris & Pompeii*, in partes propediem scissa est. Similiter, *Factio Antonii & Octavianii Caesaris*, contra *Brutum & Cassium*, ad tempus aliquod duravit; sed deletis *Copiis Bruti & Cassii*, *Antonius & Octavianus*, cum partibus suis, paulo post dissilierunt. Exempla hæc (diceo) ad *Factiones Bellificas* spectant. Sed idem in *Factionibus privatis* tenet. Itaque, in *Factionibus* qui secundas antea tenebant, *Factione scissa*, sæpius primas tenent. Contra tamen, haud raro, potestate omni excidunt: Complures enim in oppositione tantum valent; quæ cessante, actutum deveniunt inutiles. Observatu dignum, quod sæpe evenit; plurimos nimirum, postquam voti compotes sint, & in dignitate quam ambierunt collocati, continuo se applicare contrariæ *Factioni*: existimantes forsi-

tan. se de alterius *Factionis* affectu & studiis jamdudum certos esse; itaque ad Amicos novos conciliandos se comparare, Proditor in *Factionibus* plerunque rem obtinet; Postquam enim res diutius, tanquam in æquilibrio, suspensæ hæssent, tum demum unius alicujus in partes contrarias transitio victoriam refert; in eumque gratiæ omnes cumulatur. Indifferens illa inter partes processio, neutri inclinando, non semper ab animo moderato procedit; sed à consilio callido; quandoquidem proximus sibi quisque sit, atque ex utraque *Factione* utilitatem demetere speret. Certe in *Italia*, in suspicionem incurrit Papa; de quo vox illa in vulgus volitat: *Padre commune*. Tum etiam in signum trahitur, *Papam* illum, omnia ad familiæ suæ amplitudinem referre, in animo habere. *Regibus* inprimis cavendum est, ne *Factioni* alicui Subditorum suorum se ex professo adjungant: *Liga* enim *Confederationis*, intra Statum quempiam. *Monarchiis* semper exitiales: Siquidem obligationem introducunt obligatione ipsa *Imperii* validiorem, atque *Regem* constituunt tanquam unum ex nobis: Id quod cernere erat in *Liga Francia*. Cum *Factiones*, manu forti, & palam, concertant, signum est Imperii in *Regibus* labascentis: multumque

que præjudicat ipsorum & auctoritati, & negotiis, Motus *Factionum*, sub *Regibus*, similes esse debent motibus (ut *Astronomi* loquuntur) *orbium inferiorum*: qui suos habent motus proprios, sed interim, conversione *Primi Mobilis*, cum obsequio circumferuntur.

LIB. I. DE CÆREMONIIS CIVILIBUS, & DECORO.

DE CÆREMONIIS CIVILIBUS, & DECORO.

LIB. I. DE CÆREMONIIS CIVILIBUS, & DECORO.

QUæ *Realis* solummodo est, ei multa virtute opus ducor: Sicut *Gemma*, quæ sine ornamento omni inferitur, è purissimis & nitidissimis esse debet. Verum, si quis diligenter animadvertat, sit in laude, quod sit in lucro: Obtinet enim Proverbium illud: *Lucra levia crumenam efficiere gravem*. Siquidem, lucra levia frequenter redeunt, cum majora rarius se offerant: Similiter, verissimum est, virtutes exiguas magnas conciliare laudes, quia perpetuus earum usus est: tum in observationem *Hominum* incurrunt: Cum è contra, virtutis alicujus magnæ exercendæ occasio, raro admodum obtingit. Itaque ad famam & existimationem alicujus multum juvat, & (quemadmodum *Isabella, Regina Castilianna*, dicere solebat,) *instar* Epi-

*Epistolarum commendatitiarum, quæ nunquam non præsta sint, haberi possit: si quis Formulæ utetur discretis & decoris. Ad hæc addiscendas, nihil ferme aliud requiritur, quam ut eas quis non contemnat: ita enim in aliorum moribus easdem observabit: de reliquo autem nemo sibi diffidat. Si enim majorem illis operam navabit, de pretio decident: quod in illo potissimum situm est, ut tanquam nativæ videantur, & minime affectatæ. Nonnullorum vultus, & gestus, & externa alia, instar versus sunt, in quibus syllabæ singulæ mensurantur. Qui poterit magna comprehendere, qui se tam pusillis rebus submittit? *Cæremoniæ decentibus*, erga alios, omnino abstinere, perinde est ac si doceas, easdem illos erga te negligere; quo pacto te ipsum facies viliores? Præcipue, nequaquam omittendæ erga illos, quibuscum familiaritate minime conjunctus es: neque erga homines ingenio fastidioso. Verum, excessus in illis, & locutio plane hyperbolica, (quali nonnulli utuntur,) non solum res molesta; sed etiam finem & pondus, eorum quæ dicuntur, omnino minuit. Est proculdubio modus artificiosæ cujusdam insinuationis, in verbis ipsis, inter *Formulas* communes, qui homines revera inest, & mirifice afficit; qui eximie alicui prodest, si quis ejus viam cal.*

callescat. Inter æquales, de familiaritate sollicitum esse, nihil opus est; quare reprime te paululum, & dignitatem tuam tuere; At inter inferiores non deerit reverentia; Itaque inter illos benigne te gerere, & cum familiaritate quadam, non incongruum est. Qui in sermone aliquo, aut re, nimius est, adeo ut satietatem inducat, valorem sui ipsius minuit. Aliis se applicare, bonum est; modo cum significatione quadam fiat, hoc non ex facilitate prodire, sed ex comitate & urbanitate. Præceptum non contemnendum est; Cum in alterius sententiam iveris, aliquid semper de proprio addere. Exempli gratia: Opinioni ejus suffragaris? Cum distinctione, & non alias fiat. Propositioni ejus annuere libet? Fiat sub modo aliquo vel conditione. Consilium ejus sequi & amplecti visum est? Novi alicujus argumenti pondus addas, propter quod in partes ejus transire videaris. Cavendum imprimis, ne *Magister* in *Cæremoniis* & *Formulis* habearis: Id enim si fiet, utcumque virtute vera emineas, audies tamen ab invidis, in nominis tui detrimentum, *Urbanus* tantum & *Affectator*. Etiam negotiis damnosum est, si quis *Formulas* nimium affectet, vel in opportunitatibus & temporibus deligendis impense curiosus sit. *Salomon* inquit, *Qui ob-*
ser-

servat ventum, non seminat. & qui considerat nubes, nunquam metet. Prudens opportunitates plures faciet, quam inveniet. *Mores hominum externi, vestibus eorum similes esse debent; Non sint nimis concinni, nec corpus coarctantes; Sed qui libertatem præbeant, ad exercitia, & motum quemlibet.*

L I.

DE LAVDE.

L*Aus virtutis reflexio est. Atque, ut sit in speculis, trahit aliquid è natura corporis, quod reflexionem præbet. Si à vulgo proficiscitur, ut plurimum reflexio illa parva est, & falsa: & vanos potius ac tumidos, quam vera virute præditos, committatur. Sub captum siquidem vulgi, virtutes complures, quæ excellunt, non cadunt. Virtutes minores, ab iis, Laudes extorquent; mediæ, admirationem quandam, vel stuporem illis incuriunt; sublimes autem, in sensum aut perceptionem eorum, prorsus non veniunt. Sed apparitiones virtutum, species virtutibus similes, illos afficiunt quam maxime. Sane, Fama fluvio similis est, quæ levia & inflata attollit, gravia & solida mergit. Quod si Viri, etiam iudicii profundioris & digni-*

gnitatis, cum vulgo concurrunt, tum id, quod Scriptura dicit, contingit; *Nomen bonum inftar unguenti fragrantis*. Omnia undique replet, neque facile evanescit. Etenim odores unguentorum, durabiles magis sunt, quam florum. *Laudum* tot conditiones fallaces sunt, ut *Laus* merito in suspicionem venire possit. *Laudes* quædam ab *adulatione* sola procedunt; Quod si *Adulator* sit vulgaris, Attributis quibusdam utetur communibus, & quæ omnibus competere possint; non quæsitis aut appositis; *Adulator* callidior si sit, vestigia premet *Adulatoris* principalis: intelligo, Tui ipsius; Et in quibus tibi places, aut te ipsum excellere putas, iis *Adulator* inhaerebit maxime: Sin *Adulator* sit impudens, & perfrictæ frontis, tum demum, in quibus conscius tibi sis defectus tui, & ad quæ maxime erubescis, ea *Adulator* tibi vel præcipue imputabit; & affiget, per vim, spreta conscientia. *Laudes* nonnullæ, à voluntate bona, cum reverentia conjunctæ, proficiuntur; quæ sane *Laudum* formula; *Principibus*, & *Viris* quibuscunque dignioribus, debetur; *Laudando præcipere*: Cum scilicet apud illos prædicando, quales sint, humiliter moneas, quales esse debeant. Sunt qui *Laudibus* quandoque onerantur, animo malitioso; ad constan-

*audam invidiam, & odia concitandi; Pessimum genus inimicorum laudantium; ut ait ille: Adco ut apud Græcos in Proverbium exierit; Ei qui in malum suum laudaretur, pūfulā nari continuo adhaesuram: Sicut apud nos vulgo dicitur; Cum quis mentiatnr, metuendum ne ejus lingua scabies propediem oboriatnr. Illud asserere licet, Laudes moderatas, tempestive irrogatas, & minime vulgares, honori vel maxime esse. Dicitur est Salomonis; qui benedixit proximo suo voce grandi, de nocte consurgens, maledicēti similis erit. Etenim, vel hominem, vel rem aliquam, ad cœlum usque evehere, contradictionem irritat, & derisui exponit. Verumtamen, ut se ipsum laudare, servato decore, vix conceditur, nili in casibus admodum raris: ita vocationem suam, & munus quod gerit, aut studia quibus se addixit, laudare quis cum venia possit, imo cum specie quadam magnanimitatis. *Cardinales Romani*, (qui Theologi sunt, & Fratres & Scholastici,) verbum usurpant, extremi contemptus & convitii; erga negotia Civilia: Vocant enim negotia Civilia, (veluti, Belli, Legationum, Judiciorum, & hujusmodi,) *Hispanico vocabulo, Sbirrarias*; quod sonat, Mūnera Licitorum & Scribarum. Ac si artes illæ memoratæ, magis ejusmodi homines,*

nes,

nes, quam in fastidio *Cardinalatus* positos, decerent. Et tamen (si res rite ponderetur) Speculativa cum Civilibus non male miscentur. *Sanctus Paulus*, cum de se ipso gloriatur, illud nonnunquam interponit; *Ve stultus loquor*: At cum de Vocatione sua verba facit, nihil veretur dicere; *Magnificabo Apostolatum meum*.

LII.

DE VANA GLORIA.

E Leganter quidem *Æsopus*; *Musca* sedens super radium rota curru, ita secum; *Quantum pulverem moveo*? Similiter existunt quidam futiles & vani, qui, cum aliquid vel sponte procedit, vel manu potentiore cietur, si modo ipsi vel minimam rei partem attigerint, continuo putant se machinam totam vertere. *Gloriosi* semper *Factiosi*; Etenim nulla ostentatio sine comparatione sui est. Quin & violenti ut sint, necesse est, ut quæ verbis jactantur, revera præstent. Neque taciturni omnino esse possunt; ideoque opere, ut plurimum destituuntur; Sicut *Gallis* in Proverbium abiit; *Beaucoup de bruit, peu de fruit*; *Strepitus multum, fructus parum*. At tamen, sine controversia, hujusmodi ingeniis, in Civilibus, aliquando uti prodest. Si fama excitanda sit, vel opinio late

L

spar-

spargenda, sive virtutis, sive potentia, istiusmodi homines Buccinatores egregii sunt. Rursus; sicut prudenter notat *Livius*, circa Tractatus *Antiochi & Ætolorum*: *Mendacia reciproca, & ex utraque parte, quandoque magno usui esse possunt*: Veluti, cum quis inter *Principes* duos negotietur, ut eos, ad bellum indicendum, *Principi* tertio concitet; atque hoc ut efficiat, unius copias apud alterum, supra modum, & veritatem, vicissim attollat. Quin & hoc fit quandoque, ut qui inter privatos tractet, apud utrumque existimationem suam augeat, artificiose insinuando, se apud alterutrum plus posse, quam revera potest. Atque in his, & huiusmodi, haud raro accidit, ut aliquid ex nihilo producat: Mendacia enim opinionem ingenerare sufficiunt; *Opinio* autem rem & substantiam progigat. In Ducibus, & Viris militaribus, *gloriosum* esse, non inutile est; Sicut enim ferrum acuit ferrum, ita per *gloriam* hanc animi invicem acuuntur, & excitantur. Insuper, in actionibus magnis, quæ sumptibus, & periculo privatorum, suscipiuntur, ingenia jactabunda vivacius negotia impellunt; Qui enim ingenio sobrio sunt, & solido, plus habent saburræ, quam veli. Rursus in existimatione doctrinæ & literarum

cujuspiam, non volitabit *Fama* illius per ora virum, neque bene alata erit, sine plumis aliquibus *ostentationis*. *Qui de contemnenda gloria libros scribunt, nomen suum inscribunt*; inquit ille *Socrates, Aristoteles, Galenus*, (magna nomina,) ingenio iactabundo erant. Certe *Gloria vana*, ad propagandam & perpetuandam memoriam, magnopere juvat: neque *Virtus* ipsa, tantum humanæ naturæ debet, propter nominis sui celebrationē, quantum *sibi ipsi*. *Fama* siquidem *Ciceronis, Seneca, Plinii Secundi*, ad hunc usque diem vix durasset, aut saltem non tam vegeta, nisi conjuncta fuisset cum aliqua *Vanitate & Iactantia*, in se ipsis. *Iactantia* enim, instar vernicis videtur esse, quæ ligna non solum splendere facit, verum etiam durare. Atqui, dum hæc de *vana gloria* dissero, minime eam Qualitatem intelligo quam attribuit *Tacitus Muciano, Omnium, quæ dixerat, feceratque, arte quadam ostentator*: Hæc enim ex vanitate neutiquam procedit, sed ex arte, & prudentia, cum magnanimitate quadam conjuncta: & in aliquibus hominibus, qui naturæ veluti comparati ad eam sunt, res est, non solum decora, sed & gratiosa. Excusationes enim decoræ, concessionem tempestivæ, quin & modestia ipsa bene temperata, nihil aliud sunt, quam

Ostentationis artes. Neque inter artes hæc reperitur aliqua felicior, quam illa, de qua loquitur *Plinius Secundus*: Hoc est; Liberaliter & copiose id in aliis laudare, in quo ipse evineas. Nam ad hunc modum ille ingeniose satis: *In alio laudando, tibi ipsi ministras: Is enim quem laudas, aut superior tibi est, aut inferior; Si inferior, & tamen laudandus, tu multo magis; Si superior, neque jure laudandus, tu multo minus.* Gloriosi prudentibus derisui sunt; stultis admirationi; parafitis prædæ & elcæ; sibi ipsis, & gloria vana, mancipia.

LIII.

DE HONORE & EXISTIMATIONE.

Honoris & Existimationis, vera, & jure optatio, acquisitio, ea est; Ut quis virtutes, & facultates suas, dextre & absque detrimento, revelet. Nonnulli enim in actionibus suis *Proci Fama* sunt, & veluti venatores: Quod genus hominum, sermonibus plerunque celebratur, sed interiorum animi reverentiam vix assequitur. Alii contra, virtutem suam, inter monstrandum, obscurant; Ex quo fit, ut opinione minores sint, quam merita ipsorum postulant. Siquis rem suscipiat, simulque perficiat, quæ prius intentata fuerat; aut tentata quidem, sed deserta; aut ad exitum for-

forſan perducta, ſed minus commode, & feliciter; iſ *honorem* adipiſcetur majorem, quam ſi quid perfeciſſet gravioris ſane difficultatis & momenti; ſed in quo alterius tantum veſtigia, & non ultra premeret. Si quis actiones ſuas ita inter ſe committat, & contemperet, ut in aliquibus earum, ſingulis factionibus, vel populi combinationibus, ſatisfaciat, Harmonia erit tanto perfectior. *Honoris* ſui minime frugalis diſpenſator eſt, qui rem quamvis ſuſcipit, in qua dedecori, plus fuerit, votis excidere, quam, obtinuiſſe, *honoris*. *Honor*, qui comparativus eſt, & alium prægravat, reflexionem habet maxime vividam; inſtar Adamantis, aut Carbunculi, cum angulis multiplicibus ſecti. Itaque, epixe hoc agas, ut Competitores tuos, ſi modo poſſis, etiam in iis, in quibus ipſi ſumme gloriantur, ſuperes. Servi, & amici familiares, prudentes modo ſint & cauti, *exiſtimationi* cujuſpiam non modicum proſunt: Ita *Quint. Cicero*; *Omnis fama à domeſticiſ amanat*. Invidia; quæ *honoris* veluti tinea & teredo eſt optime extinguitur, ſi quis id ſibi præſtituere videatur, ut meritum potius ambiat, quam famam: & ſucceſſus ſuos proſperos, magis providentiæ Divinæ & felicitati cuiſdam tribuat, quam artibus aut virtutibus propriis.

Gradus Honoris Imperialis sic vere & optime ordinantur. Primo loco statuendi, *Conditores Imperiorum*; quales fuerunt *Romulus, Cyrus, Iulius Caesar, Ottomanus, Ismaël*. Secundo loco, *Legumlatores*; qui etiam vocabantur *Conditores Secundi*, aut *Perpetui Principes*; quoniam Legibus suis, etiam post mortem, Imperia administrant; quales, fuerunt *Lycurgus, Solon, Justinianus, Eadgarus Alphonsus Castilianus*, cognomine *Sapiens*, qui *Septem Partitiones* edidit. Tertio loco *Liberatores*, vel *Servatores Patriarum suarum*; qui bellis intestinis diutinis finem imposuerunt, aut patrias à servitute alienigenarum vel tyrannorum liberarunt: veluti, *Augustus Caesar, Vespasianus, Aurelianus, Thodoricus, Henricus Septimus Rex Anglia, Henricus Quartus Rex Gallia*. Quarto loco, *Propagatores*, sive *Propugnatores Imperii*; qui bellis honorificis fines Imperii protulerunt; vel defensione strenua & nobili inavoribus restiterunt. Ultimo loco, *Patres Patria*; qui iustè imperant, & temporibus felicibus, quamdiu vivunt, Cives suos beant. In his ultimis duobus exempla non adduco, quandoquidem tanto numero sint. *Honorum*, qui *Subditis* competere possunt, *gradus* hi sunt. Primo statuendi *Principes curarum*; ii nimirum, quorum

hu-

humeris præcipuum pondus rerum suarum *Principes* imponunt: Vulgo appellamus *Manus Regum dexteræ*. Secundo, *Duces belli*: *Regum* suorum intelligo *Locum tenentes*: qui operam eis egregiam in bellis præstant. Tertio, *Gratiosi*: eos volo qui non ultra hoc potentes sunt, quam ut *Principibus* solatio sint, & *Populo* innoxii. Quarto, *Negotiis pares*: qui magnos sub *Principibus* gerunt Magistratus: in quibus iuste & prudenter versantur. Est & genus quoddam *Honoris*, quod raro contingit; & tamē inter maximos reponi meretur: Hic est eorum, qui se morti & periculis devotent, & sacrificant, propter bonum patriæ: Quod fecerunt *Marcus Regulus*, & duo *Decii*.

LIV.

DE OFFICIO JUDICIS.

Meminisse debent *Judices*, esse Muneris sui, *Ius dicere*, non autē *Ius dare*: *Leges* inquam interpretari, non condere. Aliter, deveniet eorum auctoritas simile quiddam auctoritati illi, quam sibi vendicat *Ecclesia Romana*: quæ prætextu *Interpretationis Scripturarum*, etiam addit aliquid quandoque, & immutat, & pronunciat, quod non invenit: atque specie Antiquitatis, introducit Novitatē *Judicem*

*Epistolarum commendatitiarum, quæ nunquam non præsto sint, haberi possit: si quis Formulæ utetur discretis & decoris. Ad hæc addiscendas, nihil ferme aliud requiritur, quam ut eas quis non contemnat: ita enim in aliorum moribus easdem observabit: de reliquo autem nemo sibi diffidat. Si enim majorem illis operam navabit, de pretio decident: quod in illo potissimum situm est, ut tanquam nativæ videantur, & minime affectatæ. Nonnullorum vultus, & gestus, & externa alia, instar versus sunt, in quibus syllabæ singulæ mensurantur. Qui poterit magnam comprehendere, qui se tam pusillis rebus submittit? *Cæremoniæ decentibus*, erga alios, omnino abstinere, perinde est ac si doceas, easdem illos erga te negligere; quò pacto te ipsum facies viliores? Præcipue, nequaquam omittendæ erga illos, quibuscum familiaritate minime conjunctus es: neque erga homines ingenio fastidioso. Verum, excessus in illis, & locutio plane hyperbolica, (quali nonnulli utuntur,) non solum res molesta; sed etiam finem & pondus, eorum quæ dicuntur, omnino minuit. Est procubdubio modus artificiosæ cujusdam insinuationis, in verbis ipsis, inter *Formulas* communes: qui homines revera inest, & mirifice afficit; qui eximie alicui pròdest, si quis ejus viam cal.*

callescat. Inter æquales, de familiaritate sollicitum esse, nihil opus est; quare reprime te paululum, & dignitatem tuam tuere; At inter inferiores non deest reverentia; Itaque inter illos benigne te gerere, & cum familiaritate quadam, non incongruum est. Qui in sermone aliquo, aut re, nimius est, adeo ut satietatem inducat, valorem sui ipsius minuit. Aliis se applicare, bonum est; modo cum significatione quadam fiat, hoc non ex facilitate prodit, sed ex comitate & urbanitate. Præceptum non contemnendum est; Cum in alterius sententiam iveris, aliquid semper de proprio addere. Exempli gratia: Opinioni ejus suffragaris? Cum distinctione, & non alias fiat. Propositioni ejus annuere libet? Fiat sub modo aliquo vel conditione. Consilium ejus sequi & amplecti visum est? Novi alicujus argumenti pondus addas, propter quod in partes ejus transire videaris. Cavendum imprimis, ne *Magister* in *Cæremoniis* & *Formulis* habearis: Id enim si fiet, utcunque virtute vera emineas, audies tamen ab invidis, in nominis tui detrimentum, *Urbanus* tantum & *Affectator*. Etiam negotiis damnosum est, si quis *Formulas* nimium affectet, vel in opportunitatibus & temporibus deligendis impense curiosus sit. *Salomon* inquit, *Qui ob-*
ser-

servat ventum, non seminat: Et qui considerat nubes, nunquam metet. Prudens opportunitates plures faciet, quam inveniet. *Mores hominum externi, uestibus eorum similes esse debent; Non sint nimis concinni, nec corpus coarctantes; Sed qui libertatem præbeant, ad exercitia, & motum quemlibet.*

L I.

DE LAVDE.

L*aus virtutis reflexio est. Atque, ut sit in speculis, trahit aliquid e natura corporis, quod reflexionem præbet. Si à vulgo proficiscitur, ut plurimum reflexio illa parva est, & falsa: & vanos potius ac tumidos, quam vera virtute præditos, comitatur. Sub captum liquidem vulgi, virtutes complures, quæ excellunt, non cadunt. Virtutes minores, ab iis, Laudes extorquent; mediæ, admirationem quandam, vel stuporem illis inocularunt; sublimes autem, in sensum aut perceptionem eorum, prorsus non veniunt. Sed apparitiones virtutum, species virtutibus similes, illos afficiunt quam maxime. Sane, Fama fluviio similis est, quæ levia & inflata attollit, gravia & solida mergit. Quod si Viri, etiam iudicii profundioris & digni-*

gnitatis, cum vulgo concurrunt, tum id, quod Scriptura dicit, contingit; *Nomen bonum instar unguenti fragrantis*. Omnia undique replet, neque facile evanescit. Etenim odores unguentorum, durabiles magis sunt, quam florum. *Laudum* tot conditiones fallaces sunt, ut *Laus* merito in suspicionem venire possit. *Laudes* quædam ab *adulatione* sola procedunt; Quod si *Adulator* sit vulgaris, Attributis quibusdam utetur communibus, & quæ omnibus competere possint; non quæstis aut appositis; *Adulator* callidior si sit, vestigia premet *Adulatoris* principalis: intelligo, Tui ipsius; Et in quibus tibi places, aut te ipsum excellere putas, iis *Adulator* inhaerebit maxime: Sin *Adulator* sit impudens, & perfrixæ frontis, tum demum, in quibus conscius tibi sis defectus tui, & ad quæ maxime erubescis, ea *Adulator* tibi vel præcipue imputabit; & affiget, per vim, spreta conscientia. *Laudes* nonnullæ, à voluntate bona, cum reverentia conjuncta, proficiuntur; quæ sane *Laudum* formula; *Principibus*, & *Viris* quibuscunque dignioribus, debetur: *Laudando præcipere*: Cum scilicet apud illos prædicando, quales sint, humiliter moneas, quales esse debeant. Sunt qui *Laudibus* quandoque onerantur, animo malitioso; ad con-

flau-

bandam invidiam, & odia concitanda; *Pessimum genus inimicorum laudantium*; ut ait ille: Adeo ut apud Græcos in Proverbium exierit; *Ei qui in malum suum laudaretur, pustulâ nari continuo adnascituram*: Sicut apud nos vulgo dicitur; *Cum quis mentiatur, motuendum ne ejus lingua scabies propediem oboriatur*. Illud asserere licet, *Laudes moderatas, tempestive irrogatas, & minime vulgares, honori vel maxime esse*. Dictum est *Salomonis*; *qui benedicit proximo suo voce grandi, de nocte consurgens, maledicti ejus similis erit*. Etenim, vel hominem, vel rem aliquam, ad cælum usque evehere, contradictionem irritat, & derisui exponit. Verumtamen, ut se ipsum *laudare*, servato decoro, vix conceditur, nisi in casibus admodum raris: ita vocationem suam, & munus quod gerit, aut studia quibus se addixit, *laudare* quis cum venia possit, imo cum specie quadam magnanimitatis. *Cardinales Romani*, (qui Theologi sunt, & Fratres & Scholastici,) verbum usurpant, extremi contemptus & convitii, erga negotia Civilia: Vocant enim negotia Civilia, (veluti, Belli, Legationum, Judiciorum, & hujusmodi,) *Hispanico vocabulo, Sberrarias*; quod sonat, Mûnera Lictorum & Scribarum. Ac si artes illæ memoratæ, magis ejusmodi homines,

nes, quam in fastidio *Cardinalatus* positos, decerent. Et tamen (si res rite ponderetur) Speculativa cum Civilibus non male miscentur. *Sanctus Paulus*, cum de se ipso gloriatur, illud nonnunquam interponit; *Us stultus loquor*: At cum de Vocatione sua verba facit, nihil veretur dicere; *Magnificabo Apostolatum meum*.

LII.

DE VANA GLORIA.

E Leganter quidem *Æsopus*; *Museus* sedens super radium rota curvus, ita secum; *Quantum pulverem moveo?* Similiter existunt quidam futiles & vani, qui, cum aliquid vel sponte procedit, vel manu potentiore cietur, si modo ipsi vel minimam rei partem attigerint, continuo putant se machinam totam vertere. *Gloriosi* semper *Factiosi*; Etenim nulla ostentatio sine comparatione sui est. Quin & violenti ut sint, necesse est, ut quæ verbis jactitarunt, revera præstent. Neque taciturni omnino esse possunt; ideoque opere, ut plurimum destituuntur; Sicut *Gallus* in Proverbium abiit; *Beaucoup de bruit, peu de fruit*; *Strepitum multum, fructus parum*. Attamen, sine controversia, hujusmodi ingenii, in Civilibus, aliquando uti prodest. Si fama excitanda sit, vel opinio late

L

spar-

spargenda, siue virtutis, siue potentia, istiusmodi homines Buccinatores egregii sunt. Rursus; sicut prudenter notat *Livius*, circa Tractatus *Antiochi* & *Ætolorum*: *Mendacia reciproca, & ex utraque parte, quandoque magno usui esse possunt*: Veluti, cum quis inter *Principes* duos negotietur, ut eos, ad bellum indicendum, *Principi* tertio concitet; atque hoc ut efficiat, unius copias apud alterum, supra modum, & veritatem, vicissim attollat. Quin & hoc fit quandoque, ut qui inter privatos tractet, apud utrumque existimationem suam augeat, artificiose insinuando, se apud alterutrum plus posse, quam revera potest. Atque in his, & huiusmodi, haud raro accidit, ut aliquid ex nihilo producat: Mendacia enim opinionem ingenerare sufficiunt; *Opinio* autem rem & substantiam progignit. In Ducibus, & Viris militaribus, *gloriosum* esse, non inutile est; Sicut enim ferrum acuit ferrum, ita per *gloriam* hanc animi invicem acuuntur, & excitantur. Insuper, in actionibus magnis, quæ sumptibus, & periculo privatorum, suscipiuntur, ingenia jactabunda vivacius negotia impellunt; Qui enim ingenio sobrio sunt, & solido, plus habent saburræ, quam veli. Rursus in existimatione doctrinæ & literarum

cujuspiam, non volitabit *Fama* illius per ora virum, neque bene alata erit, sine plumis aliquibus *ostentationis*. *Qui de consè- nenda gloria libros scribunt, nomen suum inscribunt*; inquit ille *Socrates, Aristoteles, Galenus*, (magna nomina,) ingenio jactabundo erant. Certe *Gloria vana*, ad propagandam & perpetuandam memoriam, magnopere juvat: neque *Virtus* ipsa, tantum humanæ naturæ debet, propter nominis sui celebrationē, quantum *sibi ipsi*. *Fama* siquidem *Ciceronis, Seneca, Plinii Secundi*, ad hunc usque diem vix durasset, aut saltem non tam vegeta, nisi conjuncta fuisset cum aliqua *Vanitate & Iactantia*, in se ipsis. *Iactantia* enim, instar vernicis videtur esse, quæ ligna non solum splendere facit, verum etiam durare. Atqui, dum hæc de *vana gloria* dissero, minime eam *Qualitatem* intelligo quam attribuit *Tacitus Muciano*; *Omnium, qua dixerat, feceratque, arte quadam ostentator*: Hæc enim ex *vanitate* neutiquam procedit, sed ex arte, & prudentia, cum magnamimitate quadam conjuncta: & in aliquibus hominibus, qui natura veluti comparati ad eam sunt, res est, non solum decora, sed & gratiosa. Excusationes enim decoræ, concessionem tempestivæ, quin & modestia ipsa bene temperata, nihil aliud sunt, quam

Ostentationis artes. Neque inter artes habere reperitur aliqua felicior, quam illa, de qua loquitur Plinius Secundus: Hoc est; Liberaliter & copiose id in aliis laudare, in quo ipse emineas. Nam ad hunc modum ille ingeniose satis: In alio laudando, tibi ipsi ministras: Is enim quem laudas, aut superior tibi est, aut inferior; Si inferior, & tamen laudandus, tu multo magis; Si superior, neque jure laudandus, tu multo minus. Gloriosi prudentibus derisui sunt; stultis admirationi; paratis prædæ & cæ; sibi ipsis, & gloria vana, mancipia.

LIII.

DE HONORE & EXISTIMATIONE.

HONORIS & EXISTIMATIONIS, vera, & jure optimo, acquisitio, ea est; Ut quis virtutes, & facultates suas, dextre & absque detrimento, revelet. Nonnulli enim in actionibus suis *Proci Fama* sunt, & veluti venatores: Quod genus hominum, sermonibus plerumque celebratur, sed interiori animi reverentiam vix assequitur. Alii contra, virtutem suam, inter monstrandum, obscurant; Ex quo fit, ut opinione minores sint, quam merita ipsorum postulant. Siquis rem suscipiat, simulque perficiat, quæ prius intentata fuerat; aut tentata quidem, sed deserta; aut ad exitum for-

forſan perducta, ſed minus commode, & feliciter; iſ *honorem* adipiſcetur majorem, quam ſi quid perfeciſſet gravioris ſane difficultatis & momenti; ſed in quo alterius tantum veſtigia, & non ultra premeret. Si quis actiones ſuas ita inter ſe committat, & contemperet, ut in aliquibus earum, ſingulis factionibus, vel populi combinationibus, ſatisfaciat, Harmonia erit tanto perfectior. *Honoris* ſui minime frugalis diſpensator eſt, qui rem quamvis ſuſcipit, in qua dedecori, plus fuerit, votis excidere, quam, obtinuiſſe, *honoris*. *Honor*, qui comparativus eſt, & alium prægravat, reflexionem habet maxime vividam; inſtar Adamantis, aut Carbunculi, cum angulis multiplicibus ſecti. Itaque, enixe hoc agas, ut Competitores tuos, ſi modo poſſis, etiam in iis, in quibus ipſi ſumme gloriantur, ſuperes. Servi, & amici familiares, prudentes modo ſint & cauti, *exiſtimationi* cujuſpiam non modicum proſunt: Ita *Quint. Cicero*; *Omnis fama à domeſticis emanat*. Invidia; quæ *honoris* veluti tinea & teredo eſt optime extinguitur, ſi quis id ſibi præſtituere videatur, ut meritum potius ambiat, quam famam: & ſucceſſus ſuos proſperos, magis providentiæ Divinæ & felicitati cuidam tribuat, quam artibus aut virtutibus propriis.

Gradus Honoris Imperialis sic vere & optime ordinantur. Primo loco statuendi, *Conditores Imperiorum*; quales fuerunt *Romulus, Cyrus, Iulius Caesar, Ottomanus, Ismael*. Secundo loco, *Legumlatores*; qui etiam vocabantur *Conditores Secundi*, aut *Perpetui Principes*; quoniam Legibus suis, etiam post mortem, Imperia administrant; quales, fuerunt *Lycurgus, Solon, Justinianus, Eadgarus Alphonfus Castilianus*, cognomine *Sapiens*, qui *Septem Partitiones* edidit. Tertio loco *Liberatores*, vel *Servatores Patriarum suarum*; qui bellis intestinis diutinis finem imposuerunt, aut patrias à servitute alienigenarum vel tyrannorum liberarunt: veluti, *Augustus Caesar, Vespasianus, Aurelianus, Theodoricus, Henricus Septimus Rex Anglia, Henricus Quartus Rex Gallia*. Quarto loco, *Propagatores*, sive *Propugnatores Imperii*; qui bellis honorificis fines Imperii protulerunt; vel defensione strenua & nobili in vasoribus restiterunt. Ultimo loco, *Patres Patria*; qui iuste imperant, & temporibus felicibus, quamdiu vivunt, Cives suos beant. In his ultimis duobus exempla non adduco, quandoquidem tanto numero sint. *Honorum*, qui *Subditis* competere possunt, *gradus* hi sunt. Primo statuendi *Principes* curarum; ii nimirum, quorum hu-

humeris præcipuum pondus rerum suarum *Principes* imponunt: Vulgo appellamus *Manus Regum dexteræ*. Secundo, *Duces belli*: *Regum* suorum intelligo *Locum tenentes*: qui operam eis egregiam in bellis præstant. Tertio, *Gratiosi*: eos volo qui non ultra hoc potentes sunt, quam ut *Principibus* solatio sint, & Populo innoxii. Quarto, *Negotiis pares*: qui magnos sub *Principibus* gerunt Magistratus: in quibus iuste & prudenter versantur. Est & genus quoddam *Honoris*, quod raro contingit; & tamē inter maximos reponi meretur: Hic est eorum, qui se morti & periculis devotent, & sacrificant, propter bonum patriæ: Quod fecerunt *Marcus Regulus*, & duo *Decii*.

LIV.

DE OFFICIO IUDICIS.

Meminisse debent *Iudices*, esse *Muneris* sui, *Ius dicere*, non autē *Ius dare*: *Leges* inquam interpretari, non condere. Aliter, deveniet eorum auctoritas simile quiddam auctoritati illi, quam sibi vendicat *Ecclesia Romana*: quæ prætextu *Interpretationis Scripturarum*, etiam addit aliquid quandoque, & immutat; & pronunciat, quod non invenit: atque specie *Antiquitatis*, introducit *Novitatē Iudicium*

oportet esse, potius eruditum, quam ingeniosum; venerabilem, quam gratiosum; magisque deliberativum, quam confidentem. Ante omnia integritas, *Iudicium* quasi portio est, virtusque propria. *Maledictus sit* (inquit *Lex*) *qui terminum terra movet antiquum*. Sane qui lapidem, fines distinguentem, transponit, culpa non caret. Verum *Iudex* injustus ille est, qui præcipue *Terminos* immutat, cum de terris & rerum proprietate iniquam fert sententiam. Una certe iniqua sententia plus nocet, quam exempla plurima. Hæc enim rivulos tantum inficiunt; illa autem fontes. Ita ait *Salomon*: *Fons turbatus, & vena corrupta, est justus cadens, in causa sua, coram adversario*. Officium *Iudicii* relationem habere possit, partim ad *Litigantes*: partim ad *Advocatos*: partim ad *Scribas & Ministros* *Injusticia* subitus; partim ad *Principem* vel *Statum* supra.

Primo quantum ad *Causas & Litigantes*. *Sunt* (inquit *Scriptura*) *qui iudicium vertunt in absinthium*: Sunt etiam certe, qui illud vertunt in *acetum*. *Injusticia* enim illud reddit *amarum*: mora *acidum*. *Iudex* strenuus hoc præcipue agit, ut vim & dolum compescat; quorum vis magis perniciofa est, quanto aperiior; dolus, quanto tectior & occultior. Adde etiam *Lites* con-

ten-

tentiosas; quæ evomi debent, ut *crapula Curiarum*. Iudicem decet viam parare ad justam sententiam, qualem *Deus* parat; *valles exaltando; colles deprimendo*. Eodem modo, quando ex alterutra parte videt *Iudex* manum elatam, veluti in prosecutione importuna, captionibus malitiosis, combinationibus, patrocinio potentum, Advocatorum disparitare, & similibus; tum elucescit virtus *Iudicis* in æquandis iis quæ sunt inæqualia; ut *Iudicium* suum veluti in area plana fundare possit. *Qui fortiter emungit, elicit sanguinem*: Cumque torcular vini premitur fortius, vinum prodit acerbum, acinum sapiens. Itaque caveant sibi *Iudices* ab interpretationibus Legum duris, & illationibus alte petitis. Neque enim peior est tortura, quam tortura *Legum*: Præcipue in *Legibus pœnalibus* curæ iis esse debet: ne, quæ in terrorē latæ sunt, vertantur in rigorem: neve in Populum superinducant imbrem illum, de quo *Scriptura*: *Pluet super eos laqueos*. Etenim *Leges pœnales*, si severe executioni demandentur, sunt similes *imbri laqueorum*, cadenti super Populum. Itaque hujusmodi *Leges*, si vel dormiverint diu, vel temporibus prudentibus minus quadrent, à *Iudicibus* prudentibus, in executione earum, reprimantur:

Judicis officium est, ut res, ita tempora rerum, &c.

In Causis capitalibus, decet *Indices* (quantum Lex permittit) in *Judicio* meminisse misericordiæ; & cum severitate *Exemplum*, cum pietate *Personam* intueri.

Quantum ad *Advocatos* qui Causas agunt; Patientia, & Gravitas, ut Causis audiendis, *Iustitiæ* pars essentialis, & *Judex* nimium interloquens minime est *Cymbalum bene-sonans*. Non laudi est *Judici*, si primus aliquid in Causa inveniatur, & arripiat, quod ab *Advocatis*, suo tempore, melius audire potuisset: aut acumen ostendet in probationibus vel *Advocatorum* Perorationibus nimis cito interrumpendis; aut anticipet informationes *Quæstionibus*, licet ad rem pertinentibus. *Judicis* partes in audiendo sunt quatuor: Probationum seriem ordinare; *Advocatorum*, & testium, prolixitatem, repetitionem, aut sermones extra rem moderari; Eorum, quæ allegata sunt, medullam, & quæ majoris momenti sunt; recapitulare, seligere, & inter se componere: Et demum Sententiâ ferre. Quicquid ultra hæc est, nimium est; & oritur aut à gloriola & loquendi aviditate; aut ab audiendi impatientia; aut à memoriæ debilitate; aut à defectu attentionis sedatur, & æquabilis. Sæpenumero mirum

mirum est visu, quantum *Advocatorum* audacia apud *Iudices* valeat; ubi contra, *Iudices*, ad imitationem *Dei*, (in cujus Tribunali sedent,) *superbos comprimere*, & *humiles erigere*, debetent. Sed etiamnum magis mirum est, *Iudices Advocatis* quibusdam præ ceteris immoderate & aperte favere. Quod necesse est ut merces *Advocatorum* augeat & multiplicet, atque simul suspicionem corruptionis & obliqui ad *Iudices* aditus inducat. Debetur *Advocato* à *Iudice* laus aliqua, & commendatio, cum *Causæ* bene aguntur, & tractantur: præsertim, si *Causa* sua cadat; Hoc enim apud *Clientem*, *Extimationem Advocati* sui tuctur, & simul opinionem ejus de *Causa* sua prosternit. Debetur etiam *Reipublicæ*, reprehensio *Advocatorum* moderata; ubi callida nimis præstant consilia: aut supina apparet negligentia, aut levis informatio, aut indecora importunitas, aut impudens defensio. *Advocatus* autem illud tribuat *Iudici*, ne illi obstrepat, aut se rursus in *Causam* agendam callide insinuet, postquam *Iudex* de re pronuncia-verit. Econtrario autem, *Iudex* se *Causæ* mediæ, & nullatenus peroratæ, non ingerat; nec *Clienti* occasionem præbeat, ut *Advocatos suos*, vel probationes, ad plenum non auditas, conquærat.

Quantum ad *Scribas & Ministros*, *Sedes Iustitia*, veluti locus sacratuſ est; ubi non tantum ſedes ipſa, ſed & ſubſellia, & præcinctuſ ſedis, ſcandalo & corruptelis vacare debent. Etenim (ut ait *Scriptura*) *non colliguntur uva ex ſpinis*: neq; *Iuſtitia* ſuaſ ſuoſ fruſtuſ edere poteſt inter vepreſ & dumeta *Scribarum & Miniſtrorum* rapacium, & lucris inhiantium. *Curiarum* *aſſecta* pravi, ſunt quatuor. Primo *Seminatoruſ litium*: qui *Curiaſ* tumefcere faciunt, *Populuſ* tabeſcere. Secundo, qui *Curiaſ contentioneſ* circa *Iuriſdictionem* impliciant: neq; vere ſunt (ut habentur) *Amici Curia*: ſed *Paraſiti Curia*: *Curiaſ* inflando ultra terminoſ; propter micaſ & compendia propria. Tertio, ii, qui poſſunt cenſeri tanquam *Curiarum manuſ ſiniſtra*: *Homineſ*, qui *Curiarum* proceſſuſ legitimoſ, diviticuſ, & verſutiſ, diſtorquent; *Iuſtitiamque* in lineas obliquaſ, & labyrinthoſ, trahunt. Quarto. *Explicatores & Exaſtoreſ Fœderum*, qui tritam Similitudinem confirmant *Curiarum* ad *rubuſ*: quodum oviſ, tempeſtatem fugienſ, ſe recipit, velleriſ parteſ amittit. Contra, *Scriba* antiquuſ, in anteaſtiſ *Curiarum* perituſ, in aſtiſ ipſiſ concipiendiſ cautuſ, & in negotiſ *Curia* ſolereſ, digituſ eſt *Curia* egregiuſ; Et ſæpe *Iudici* ipſi viam monſtrat.

Quan-

Quantum vero ad *Principem*, aut *Statum*; *Iudices*, ante omnia, in memoria fixum tenere debent vericulum ultimum *Duodecim Tabularum Romanarum*: *Salus Populi suprema Lex* : & pro certo ponere, *Leges*, nisi sint in ordine ad eum finem, res esse captiosas, & oracula male inspirata: Itaque bene succedit, cum *Res* aut *Status* sæpius cum *Iudicibus* deliberat; & rursus, cum *Iudices* *Principem* & *Statum* sæpius consulant. Ille, cum inter deliberationes Politicas interveniat *Quæstio Iuri*: Hi, cum in Subiecto legali interveniant considerationes *Status*. Contingit enim hæud raro, ut res in *Iudicium* adducta, versetur circa *Meum* & *Tuum*, & nihilominus consequentia ejus ad *rationes Status* penetret. Intelligo autem, ad *rationes Status* pertinere, non solum, si quid ad jura *Regalia* impetenda spectet, verumetiam si quid innovationem aliquam minus tutam, aut exemplum periculosum, introducat; aut si manifesto portionem aliquam *Populi* majorem gravet. Neque quisquam infirmi *Iudicii* existimet, justas *Leges* adversus Politica vera, aliquid antipathiz habere. Sunt enim hæc duo veluti spiritus & nervi quorum alteri in alteris moventur. Recordentur etiam *Iudices*, *Salomonis Thronum* *Leonibus* utrinque sustultum fuisse: Sine sane *Leones*,

Leones, sed *Leones* sub *Throno*: caventes, ne aliquid ex *juribus Regalibus* impetant aut convellant. Postremo, ne sint *Indices* tam ignari juris, & *prærogativæ* suæ, ut cogitent, non sibi relinqui, tanquam muneris sui partem principalem, sanum & prudentem *Legum* usum, & applicationem. Et enim in animum revocare poterunt dictū illud *Apostoli* de lege humanis legibus majore; *Nos scimus quia Lex bona est, modo quis ea usatur legitime.*

L V.

DE IRA.

IRam penitus extinguere velle, ostentatio quædam *Stoicorum* est. Meliora nos nacti sumus *Oracula*: *Ira scimini, & nolite peccare: Sol non occidat super iracundiam vestram.* Limites *ira* apponendi sunt, & quousque, & quamdiu. Dicemus primo, quibus modis *inclinatio naturalis*, aut etiam *Habitus ira*, temperari possit, & leniri. Secundo, qualiter *particulares motus ira* reprimi possint, aut saltem *citra nocumentū* cohiberi. Tertio, quibus modis *ira excitari* possit, aut *sedari*, in aliis.

Quantum ad primum; Non alia se ostendit via, quam ut serio in animo revolvas mala & calamitates *Ira*: & quā vehementer vitam humanam perturbat, & infestat. Huc autem tempestivum fuerit maxime, si po-

si pone nos respiciamus, quamprimum *impetus ira* refederit. Eleganter *Seneca*, *iram ruina similem esse, quæ in aliud cadendo, se ipsam comminuit. & frangit.* Hortatur *Scriptura*: *Vt animas nostras in patientia possideamus.* Certe, quicumque *patientia* excidit, de *anima* suæ *possessione* dejicitur. Hominis non est, *Apes* imitari,

— *Animas quæ in vulnere ponunt.*

Ira sane, si quis recte attendat, res humilis est, & infra dignitatē hominis. Hoc liquebit, si illos intueamur, in quibus *ira* regnat: qui plerumque ex infirmioribus sunt; *pueri. mulieres, senes, agroti.* Itaque, cum *irasci* contigerit, caveant homines, (si modo dignitatis suæ velint esse memores,) ne *iram* suam cum metu eorum quibus *irascuntur*, sed cum contemptu, conjungant; ita ut injuria superiores potius videantur, quam inferiores: Quod nō difficile factu foret, si quis *iram* suam paululū regat, & inflectat.

Quantum ad Secundum; *Causa, & Motiva ira*, præcipue tres sunt. Primo, si quis *pronus* sit ad *sensum injuria*, nemo enim *irascitur*, nisi qui se læsum sentiat. Itaque teneri qui sunt, & delicati, ut subinde *irascantur*, necesse est; & tot se offerent quæ illis molestiam exhibebunt, quæ à Naturis robustioribus vix sentientur. Secundo, si quis *curiosus & perspicax* sit in *interpretatione*

*tione injuriæ illatæ, quatenus ad Circumstantias ejus, ac si contemptum spiraret. Opinio enim contemptus, iram excitat & acuit, plusquam læsio ipsa. Itaque, si homines ad ista ingeniosi sint, iram miris modis incendunt. Ultimo, opinio contumelia, sive quod existimatio hominis per consequentiam lædatur & perstringatur, iram intendit & multiplicat. Cui rei accedit Remedium presentaneum. Ut quis utatur (quod Consalvus dicere solebat) tela honoris crassiore: Sed in omnibus Ira frænationibus, optimum est, tempus lucrari, & sibi ipsi persuadere, horam vindictæ nondum adesse, sed instare, quasi ad manum, opportunitatem aliquam majorem; atque hoc pacto, motum animi interim compescere, & se in tempus aliud servare. Ira autem, ut citra noxam erumpat, uterunque hominem obsederit, duo sunt, quæ maxime cavenda. Prius est, *Acerbitas verborum*, præcipue *aculeatorum*, & ei, quem ferimus, propriorum; *Communis enim maledicta mordent minus*. Atque rursus, *Secretorum revelatio*: Hoc enim societati quemvis ineptum reddit. Posterius est, ne quis, dum ira fervet, *negotium*, quod in manibus est, *abrumpat*: sed, uterunque ira frænum laxet, nihil tamen agat, quod revocari non possit.*

Quan-

Quantum ad *excitandam* aut *sedandam iram in aliis*: fit hoc maxime per temporum electionem prudentem. Cum subri-
stes homines sunt, aut aliquantulum mor-
rosi, tempus est *iram* incendendi. Deinde,
ut antea diximus, decerpendo, & inculcan-
do, quicquid *contemptum* arguere aut ag-
gravare possit. Rursus, *ira* sedatur per con-
traria huius. Primo deligendo tempora se-
rena, & ad hilaritatem prona, in quibus ne-
gotium aliquod ingratum, & ad iracun-
diam provocans, aperias: Prima enim im-
pressio plurimum valet. Deinde, ut, quan-
tum fieri potest, *injuriam* à *contemptu* se-
greget; eam imperitiæ, timori, animi con-
cussioni repentinæ, aut simili cuiuspiam im-
putando.

LVI.

DE VICISSITUDINE RERUM.

Salomon inquit; *Nihil novum super ter-
ram*. Itaque quemadmodum Plato opi-
natus est; *Omnem scientiam nihil aliud ef-
se, quam reminisceniam*: Sic Salomon pro-
nunciat; *Omnem novitatem nihil aliud ef-
se, quam oblivionem*. Ex quo cernere pos-
sis; fluvium Lerthes, non minus super ter-
ram, quam subter terram, decurrere. *Astro-
logus* quidam abstrusus, & parum notus, as-
serit: *Nisi in causa fuissent res due constan-
tes,*

tes, (una, quod stella fixa aequalē inter se distantiam perpetuo seruent: nec unquam propius sibi invicem accedant, & longius à se abscedant: altera, quod motu: & rursus non variet:) ne momentum quidem temporis individuum aliquod durare potuisset. Illud certum est, materiam in perpetuo fluxu esse, neque unquam consistere. Atqui, magna illa lintea sepulchralia, quæ omnia oblivione involvunt, duo sunt; Diluvia, & Terra-motus. Quatenus ad Conflagrationes, & Siccitates magnas, illæ populū penitus non absorbent, aut destruunt. Fabula Phaëtonis, brevitatem conflagrationis, ad unius tantum diei spatium, representavit. Atque triennalis illa à pluvia cessatio, tempore Elia, particularis tantum fuit, & multos superstitēs reliquit. Incensiones illas loqueris, quæ per fulmina & fulgura apud Indios Orientales fiunt? Angustæ quidem sunt, nec magna spatia occupant. Pestilentias etiam prætereo, quia nec illæ totaliter absorbent. Verum, in memoratis illis duabus calamitatibus (Diluviorum, & Terra-motuum,) insuper notandum est; reliquias populorum, quas emergere contigerit, plerunque homines rudes & montanos esse; quique temporum præteritorum memoriam posteris tradere non possint; Adeo ut oblivio non minus omnia

omnia involvat, quam si nulli prorsus superstites remanerent. Si quis attente introspectat *Indorum Occidentalium* conditionem, probabile reperiet, eos populum juniorem esse & recentiorem, quam populos orbis veteris. At longe verisimilius est, desolationem illam, quæ illos olim invaserat, minime per *Terra-motus* factam, (contra, quam narrabat *Sacerdos Ægyptius*, in colloquio cum *Solone*, de *Insula Atlantide*: eam, scilicet, à *Terra-motu absorptam esse*;) sed potius per *diluvium particulare*. *Terra-motus* enim in illis Regionibus raro eveniunt. Verum è contraria parte, tam immania plane & vasta habent flumina, ut fluvii *Asia*, *Africa*, & *Europa*, præ illis, instar rivulorum sint. Quin & *Andes* ipsorum, sive *Montes*, nostris longe sunt altiores: Unde credibile est, reliquias stirpis hominum, apud eos, post tale *diluvium particulare*, conservatas fuisse. Quantum vero ad observationem *Machiavelli*: nimirum, zelotypiam & æmulationem Senatorum, ad extinguendam rerum memoriam, multa molitam: qui *Gregorio Magno* notam inurit, ac si pro viribus suis Antiquitates omnes *Ethnicorum* suppressere annexus fuerit: Non video certe, hujusmodi zelos aut notabile quidpiam efficere, aut diu durare: Id quod liquet in successione

sione *Sabiniani* : qui Antiquitates easdem statim refuscitavit : Tum vero prohibita, licet tenebris cooperta, obrepunt tamen, & suas nanciscuntur Periodos.

Vicissitudines five *Mutationes* in *Globo superiori*, fusius, in hoc Sermone, tractandæ non sunt. Fortitan, *Annus magnus Platonis*, nili Mundus ante dissolutioni esset destinatus, aliquem sortiri possit Effectum; Non in renovandis corporibus Individuorum; (Id enim fumus & vanitas eorum est, qui opinantur, corpora Cœlestia accuratiores in hæc inferiora habere influentias, quam revera habent;) Sed tantum in summis & massis rerum. *Cometa* proculdubio aliquid operantur super easdem summas & massas rerum; verum, homines, ut nunc est, indiligentes, aut curiosi, circa eos sunt; eosque potius mirabundi spectant; atque itineraria eorundem conficiunt, quam Effectus eorum prudenter & sobrie notant; præcipue Effectus eorum comparativos: id est, *Cometa* talis magnitudinis; talis coloris & lucis; conversionis radiorum; situs, quatenus ad Regionem cœli; tempestatis anni; semitæ aut cursus, durationis: quales producat Effectus.

Leviculum quiddam est; quod olim inaudiveram; neque tamen prorsus contemni volo, sed in observationem aliquam venire.

venire. Ferunt, à *Belgiis* notatum esse, singulis septenis lustris, similem annorum temperaturam & tempestatem cœli velut in orbem redire: Exempli gratia; Magnas glacies, inundationes magnas; magnas siccitates, hyemes tepidas, æstates frigidiores, & similia. Vocant autem hujusmodi Circulum annorum, *Primam*. Hoc autem ideo recenseo, quod oculos in præterita conjiciens, hujusce rei inveni congruentiam; haud exactam sane, sed non multum discrepantem.

Verum transeamus à *Naturalibus* ad *Humana*. Maxima apud homines *Vicissitudo*, est illa *Sectarum & Religionum*. Hi enim Orbes animis hominum maxime dominantur. *Religio* vera super *Petram edificata est*: reliquæ fluctibus temporum agitantur. Dicamus igitur de *Novarum Sectarum Causis*: atque *Consilii* aliquid circa eas inspergamus; quatenus humani ingenii infirmitas tantis revolutionibus moras injicere, aut remedia exhibere poterit.

Quando *Religio recepta* discordiis laceratur, sanctitas item professorum labefactata est, & scandalis exposita; simulque tempora stupida, indocta & barbara sunt; à *Nova* alicujus *Sectæ* ortu merito metuedum; præcipue, si eo tempore *ingenium* aliquod *intemperans*, & *Paradoxa spirans*, sub-

suboriatur. Quæ omnia tenuerunt, *Mahometes* cum *Legem* suam promulgavit. *Secta nova* licet pullulet, duobus li destituitur adminiculis, ab ea non metuas; non enim late se diffundet. Primum est, *Imperii*, sive *Auctoritatis stabilis oppugnatio*: Nihil enim magis populare est, quam Principatus, & Politias, convellere. Alterum est, *Porta luxuria & voluptatibus aperta*: *Hereses* enim speculativæ, (qualis fuit olim *Arrianorum*, & hodie *Arminianorum*,) etiam in hominum ingenia miris modis operentur, statum tamen Rerum publicarum non magnopere concutient, nisi ex occasione motuum Civilium. Modi tres sunt, quibus *Nova Secta* plantantur; *Miraculis*, *Eloquentia*, & *Gladio*. Equidem *Martyria* inter *miracula* numero; quoniam vires naturæ humanæ excedere videntur: Idem etiam facere licet de excelsa illa & admirabili *vita sanctimoniam*. Certe, non alia melior via est ad *Sectarum* & *Schismatum* ortus repellendos, quam abusuum reformatio; dissidiorum minorum pacificatio; leniter à principio procedere, & à sanguinariis persecutionibus abstinere; *Schismatum* denique *Coryphæos*, favoribus potius & dignitatibus mollire atque allicere, quam violentia & sævitia exacerbare.

Mutationes & Vicissitudines in rebus bellicis

licis haud paucae sunt ; sed praecipue in tribus versantur : In Sede belli : in Genere armorum : & in Disciplina militari. Bella, antiquis temporibus , *movere* videbantur ex Oriente potissimum in Occidentem : Et enim Persa, Assyrii, Arabes, Scythae, (qui invalores erant,) omnes Orientales fuerunt. Verum est, Gallos fuisse Occidentales ; Sed de duabus tantum ipsorum incur- sionibus legimus ; Una in Gallo-Graciam, altera contra Romanos. Attamen Oriens & Occidens cœli Climata non determi- nant ; neque etiam Belli motus, ab Orien- te, aut ab Occidente, aliquid certae obser- vationis recipiunt. Sed Meridies, & Sep- tentrio, natura fixi sunt : Atque raro in omni memoria invenitur, Meridionales interiores invalisse Septentrionales ; sed e contra. Unde manifestum est, Tractum Mundi Septentrionalem ; natura ipsa, ma- gis esse bellicosum : Sive hoc ascribi possit hujus Hemisphaerii stellis ; sive amplitu- dini continentium ad partes Septentriona- les, cum partes Australes (quantum adhuc innotuit) maria fere occupant ; sive (id quod manifestissimum est) frigoribus Cli- matis Borealis ; Nam hoc ipsum, absque alia causa quacunque, corpora indurat, spi- ritus inflammat : ut liquet in populo *Aram- censis* : qui ad ulteriora *Austri* positi, omni- bus

bus *Peruviansibus* fortitudine longe præcellunt.

Imperio aliquo magno labascente, & viribus fracto, pro certo bella expectes. Etenim *Imperia* magna dum in vigore sunt, Copias nativas Provinciarum coercunt & destruunt, propriis cohortibus domi fidentia; Cum autem & illæ deficiunt, omnia ruunt, atque aliis Gentibus in prædam cedunt. Hoc evenit in declinatione *Imperii Romani*: atque etiam in *Imperio Occidentali*, post *Carolum Magnum*, cum aves singulæ plumas suas repeterent: atque simile quidpiam etiam *Imperio Hispano* contingere possit, si quando viribus decideret. Ex altera parte, *accessiones* magnæ *Ditionum*, & *uniones Regnorum*, similiter bella suscitant: Etenim, cum Status aliquis in potentiam majorem insurgit, similis est fluvio intumescenti, qui inundationem statim minatur; ut videre est in *Imperiis Romanorum, Turcarum, Hispanorum, &* aliorum. Attende: Cum Mundus *Nationibus Barbaris* minus abundet, sed civiliores fere sunt: Qui uxores temere non ducunt, nec liberos progignunt, nisi modum familiam alendi, aut saltem victum parandi, præviderint: (ut sit in omnibus prope Nationibus, hodierno die, exceptis *Tartari*;) non ingruit periculum ab *Inundationi-*

tionibus aut migrationibus Populorum: At cum Populorum greges magni sunt, qui perpetuo sobolem suscipiunt, de fortunis & sustentatione sua in futurum minime solliciti; necessarium est, ut in seculo uno aut altero portionem aliquam multitudinis suæ exonerent, & novas sedes quærant, & sic alias *Nationes* invadant: Quod Populi Septentrionales, veteres sorte facere solebant: sortes dantes, quæ pars domi maneret, quæ autem alio migraret. Cum *Gens* aliqua, prius *bellicosa*, ad molliem & luxuriam degenerat, de *bello* certa esse possit: Status enim tales, plerunque, dum degenerant, opes accumulunt: adeo ut præda invitet, & declinatio virium animæ, Gentes alias, ad eosdem invadendos.

Quantum ad *Armorum & Telorum* genus: illorum mutationes sub observationem vix cadunt: Attamen & hæc ipsa Periodos & *Vicissitudines* suas sortiuntur. Pro certo enim est, *Tormenta aenea*, apud Urbem *Oxydracorum* in *India*, tempore *Alexandri Magni*, cognita fuisse: eaque à *Macedonibus*, *Tonitrus*, & *Fulgura*, & *Operationes Magicæ*, habita & appellata. Similiter, indubitatum est, usum *Pulveris Pyrii*, & *Tormentorum igneorum*, *Chinensibus*, ante annos bis mille, innotuisse. Conditiones *Telorum*, & mutationes in

melius, hæ sunt. Primo, ut ad distantiam majorem feriant : Id enim periculum, ab hostili parte, anticipat : quod certe *Tormenta & Sclopeta* majora præstant. Secundo, ut impetus eorum fortior & validior sit ; in quo genere *Tormenta ignea, Arietationes* omnes & antiquas machinas, item superant. Tertio, ut usus eorum commodior & facilior sit. Id quod etiam *Tormentis igneis majoribus* competit : quæ omnibus tempestatibus idonea ; vectura levia & mobilia sunt ; & his similia.

Quod ad *Militiam* attinet : Antiquis temporibus numerum præcipue curabant ; virtuti & animis militum, in bellis gerendis, fidebant : dies sæpius & loca præliandi constituebant, & æquo Marte experiebantur ; denique in acie instruenda & ordinanda imperitiores, fere erant. Postea, numerum præoptabant commodum potius quam vastum ; locorum opportunitates, diversionum artificia, & similia, captabant : postremo, in acie ipsa instruenda peritiores evadebant.

In Reipublicæ alicujus *adolescencia* arma florent ; ætate media, *Litera* ; ac deinceps, ad moram aliquam, duo illa simul florere solent : de vexta autem ætate, *Artes Mechanicæ & Mercatura*. *Litera* vero suam habent infantiam, quando leviuscule sunt, & pue-

& pueriles : Sequitur eorum adolescentia, quando luxuriantur, & juvenile quiddam sapiunt : Succedit ætas virilis, quando solidiores & exactiores deveniunt : Postremo senectus earum obrepit, cum sicæ & exhaustæ fiunt; manente tamen garrulitate. Verum consultum non fuerit, in rotas hæc *Vicissitudinum* nimis longum oculos figere, ne vertigine corripiamur. Quatenus vero ad *Philologiam*, quæ in hoc Argumento, ut plurimum, versatur, nihil aliud est, quam Narratiuncularum & Observationum futilium congeries quædam; ideoque Scripto huic minime congruit.

LVII.

QUOMODO PROPECTUS IN
VIRTUTE FACIENDVS SIT.

PLurima confici possunt præcepta, de prudenti Institutione Exercitationum animi, non minus quam corporis. Illorum paucula recenscimus.

Primum erit, ut jam à principio caveamus, à *pensis, vel magis arduis, vel magis pusillis*, quam res postulat : Nam si oneris nimium imponatur apud ingenium mediocre, bene sperandi alacritatem obtundes; apud ingenium fiduciæ plenum, opinionem concitabis, qua plus sibi pollicetur, quam præstare possit; quod secum

trahit socordiam. In utroque autem ingenii temperamento fiet, ut experimentum expectationi non satisfaciat; id quod animum semper deiecit, & confundit. Quod si pensa leviora fuerint, magna inducitur, in progressionis summa, iactura,

Secundum erit, ut ad *exercendam facultatem aliquam, quo Habitus comparatur, duo in primis tempora observentur*: alterum, quando animus optime fuerit ad rem dispositus; alterum, quando pessime: Ut ex priore, plurimum in via promoveamus; ex posteriore, nodos obicesque animi contentione strenua deteramus: unde tempora media facile & placide labentur.

Tertium erit illud præceptum, *cujus Aristoteles obiter meminit, Ut totis viribus* (citra tamen vitium) *nitamur in contrarium illius, ad quod natura maxime impellimur*: Sicut cum in adversum gurgitis remigamus; aut baculum incurvum, ut rectum fiat, in contrarium flectimus.

Quartum præceptum ex illo Axiomate pendet, quod verissimum est; *Animum ad quacunque feliciter trahi & suavius, si illud, quo tendimus, in intentione operantis non sit principale, sed tanquam aliud agendo superetur*; quoniam ita fert natura, ut necessitatem & imperium durum ferre oderit. Sunt & alia multa, quæ utiliter

præcipi possunt de regimine *consuetudinis*: *Consuetudo* enim, si prudenter & perite inducatur, sit revera (ut vulgo dicitur) *altera natura*: Quod si imperite & fortuito administretur, erit tantum *Simia* naturæ; quæ nihil ad vivum imitetur, sed inscite tantum; & deformiter.

Similiter, si de *Libris & Studiis*, eorumque ad *Mores* virtute & influentia, verba facere vellemus: num. nam desunt plurima præcepta, & consilia fructuosa, eo spectantia? Annon unus ex Patribus, magna cum indignatione, *Poësin* appellavit *Vinum Damonum*; cum revera progignat plurimas tentationes, cupiditates, & opinioniones vanas; Annon prudens admodum, & digna, quæ bene perpendatur, est Sententia Aristotelis, *Juvenes non esse idoneos & Morali philosophia auditores*; quia in illis perturbationum æstuatio nondum sedata est, nec tempore & rerum experientia consopita? Atque ut verum dicamus, Annon ideo fit, ut Scriptorum præcorum præstantissimi libri & sermones (quibus ad virtutem homines efficacissime invitati sunt; tam *augustam* ejus *majestatem* omnium oculis repræsentando; quam opinioniones populares, in virtutis ignominiam, tanquam *habitu Parasitorum* indutas, derisui propinando) tam parum prosint, ad

vitz honestatem, & mores pravos corrigendos, quia perlegi & revolvi non consueverunt à viris ætate & judicio maturis, sed pueris tantum & tironibus relinquuntur? An non & hoc verum est, juvenes multo minus *Politica*, quam *Ethica*, auditores idoneos esse, antequam *Religione* & *Doctrina de moribus* & *officiis* plane imbuantur; ne forte judicio depravati & corrupti, in eam opinionem veniant, non esse rerum differentias morales veras & solidas, sed omnia ex utilitate aut successu metienda? Sicut Poëta canit;

Prosperum & felix scelus Virtus vocatur.
Et rursus:

Ille crucem pretium sceleris tulit, hic diadema.

Ac Poëtæ quidem hæc satyrice & per indignationem loqui videntur: at *Libri* nonnulli *Politici* idem serio & positive supponunt. Sic enim Machiavello dicere placet, *Quod si contigisset, Casarem bello superatum fuisse, Catilina ipso fuisset odiosior*: Quasi vero nihil interfuisset, præter fortunam solam, inter Furiam quandam, ex libidine & sanguine constatam, atque animum excelsum, & inter homines naturales maxime omnium (si ambitio abfuisset) suspiciendum. Videmus etiam ex hoc ipso, quam necessarium sit, homines, *Do-*

ctri-

Atrinas pias & Ethicas, antequam *Politicam* degustent, plenius faucibus haurire: Nimirum, quod qui in Aulis Principum, & negotiis Civilibus; à teneris (ut ajunt) unguiculis nutriti sunt, nunquam fere sinceram & internam morum probitatem assequantur; quanto minus si accesserit etiam librorum disciplina? Porro, & in documentis ipsis moralibus, vel saltem aliis quibus eorum, annon cautio pariter est adhibenda, ne inde fiant homines pertinaces, arrogantes, & insociabiles, juxta illud Ciceronis de M. Catone; *Hæc bona, qua videmus, divina & egregia, ipsius scito esse propria: quæ nonnunquam requirimus, ea sunt omnia non à natura, sed à magistris.* Sunt & Axiomata alia complura, de iis, quæ à *Studiis*, & *Libris*, hominum animis ingenerantur. Verum est enim quod dicit ille, *abeunt studia in mores*: Quod pariter affirmandum de cæteris illis rebus, *Convictu*, *Fama*, *Legibus patriis*, & reliquis, quas paulo ante recensuimus.

Cæterum animi quædam est *cultura*, quæ adhuc magis accurata & elaborata videtur, quam reliquæ. Nititur autem hoc fundamento; *Quod omnium mortalium animi, certis temporibus, reperiantur in statu perfectiore, alius, in statu magis depravato.* Hujus igitur culturæ intentio fuerit &

institutum, ut *bona illa tempora* foveantur; *prava* vero tanquam ex *Kalendario* deleantur, & expungantur. Ac *bonorum* quidem *temporum fixatio*, duobus modis procuratur; *Votiis*, aut saltem *constantissimis animi Decretis*, & *Obserti Intiis*, atque *Exercitationibus*: quæ non tantum in se valent, quantum in hoc, quod animum in officio & obedientia jugiter contineant. *Malorum temporum oblitteratio* duplici itidem ratione perfici potest; *Redemptione aliqua*, vel *Expiatione præteritorum*; & *Novo vita instituto*, veluti *de integro*. Verum hæc pars ad Religionem plane spectare videtur: Nec mirum, cum *Moralis Philosophia* vera & genuina (sicut ante dictum est) ancillæ tantum vices erga Theologiam suppleat.

Quamobrem concludemus hanc partem cum eo *Remedio*, quod omnium est maxime compendiosum, & summarium; & rursus maxime nobile & efficax, quo animus ad virtutem efformetur, & in statu collocetur perfectioni proximo. Hoc autem est, *Ut fines vita actionumque deligamus, & nobis ipsis proponamus, rectos, & virtuti congruos: qui tamen tales sint, ut eos assequendi nobis aliquatenus suppetat facultas*. Si enim hæc duo supponantur; ut & *fines Actionum sint honesti, & boni:*
 & de-

& decretum animi de iis assequendis, & ob-
tinendis, fixum sit & constans: sequetur, ut
continuo verat & efformet se animus, una
opera in omnia omnes. Atque hæc cer-
te, illa est ratio, quæ *Natura ipsius opus*
referat; cæcisque, quæ diximus, vi-
deantur esse solummodo sicut *Opera ma-
nus*. Quemadmodum enim *Statuarius*,
quando simulacrum aliquod sculpsit aut
incidit, illius solummodo partis figuram
effingit, circa quam manus occupata est,
non autem cæterarum: (veluti si faciem
efformet, corpus reliquum rude permanet
& informe saxum, donec ad illud quoque
pervenerit.) E contra vero *Natura*, quan-
do florem molitur, aut animal, rudimen-
ta partium omnium simul parit, & produ-
cit: Eodem modo, quando virtutes habitu
acquiruntur, dum temperantiæ incumbi-
mus, ad fortitudinem, aut reliquas, parum
proficimus: quando autem *rectis & hone-
stis finibus* nos dedicaverimus penitus, &
devoverimus, quæcunque fuerit virtus,
quam animo nostro commendaverint &
imperaverint fines illi, reperiemus nos
jamdudum imbutos & prædispositos habi-
litate & propensione nonnulla, ad eam
assequendam & exprimendam. Atque hic
possit esse status ille animi, qui egregie ab
Aristotele describitur; & ab eo, non *Vir-*

utis, sed Divinitatis cuiusdam charactere insignitur. Ipsa ejus verba hæc sunt: Immanitati autem consentaneum est oppondere eam, quæ supra humanitatem est, Heroicam sive Divinam virtutem. ait paulo post, *Nam ut fere, neque vitium, neque virtus est, sic neque Dei. Sed hic quidem status, altius quiddam virtutis est: ille aliud quiddam à vitio.* Plinius certe Secundus, ex licentia magniloquentiæ Ethnicæ, Trajani virtutem, divinæ, non tanquam imitamentum, sed tanquam exemplar, proponit, cum ait, *Opus non esse Hominibus alias ad Deos preces fundere, quam ut benignos aque & propitios se Dominos mortalibus præstarent, ac Trajanus præstitisset.* Verum hæc profanam Ethnicorum jactantiam sapiunt, qui umbras quasdam corpore majores prensabant: Ut Religio vera, & sancta Fides Christiana, rem ipsam petit; imprimendo animis hominum Charitatem, quæ appositissime *Vinculum perfectionis* appellatur, quia virtutes omnes simul colligat, & revincit. Sane elegantissime dictum est à Menandro, de amore sensuali, qui divinum illum perperam imitatur; *Amor, melior Sophista lavo, ad humanam vitam.* Quibus innuit, morum decus melius ab amore efformari, quam à Sophista & præceptore inepto, quem *lavum* appellat. Si-
 qui-

quidem universis suis operosis regulis & præceptionibus hominum tam dextre & expedite effingere nequeat; ut se ipsum & in pretio habere, & se belle in omnibus componere, non amor facit. Sic proculdubio, si quis cuiuspiam, fervore *Charitatis* verum, incitatur, ad maiorem perfectionem evellitur, quam per universam *Ethicam doctrinam*: quæ *Sophista* profecto habet rationem, si cum altera illa conferatur. Quinetiam, sicut *Xenophon* recte observavit; *Ceteros affectus, licet animum attollat, eum tamen distorquere & discomponere, per ecstases, & excessus suos: Amorem vero solum, eum simul & dilatare, & componere*: Sic omnes aliæ humanæ, quas admiramur, dotes, dum naturam in majus exaltant, excessui interim sunt obnoxia; sola autem *Charitas* non admittit excessum. Angeli, dum ad potentiam, Divinæ parem, aspirarent, prævaricati sunt, & ceciderunt: *Ascendam, & ero similis Altissimo*. Homo dum ad scientiam, Divinæ parem, aspiraret, prævaricatus est, & lapsus: *Eritis sicut Diis scientes bonum & malum*. Verum ad similitudinem, Divinæ *bonitatis*, aut *charitatis*, aspirando, nec Angelus; nec homo, unquam in periculum venit, aut veniet. Imo ad hanc ipsam *imitationem* etiam invitamur; *Diligite inimicos*

vestros, benefacite his qui oderunt vos, & orate pro persequentibus & calumniantibus vos, ut sitis filii patris vestri qui in calis est, qui solem suum oriri facit super bonos & malos, & pluit super iustos & iniustos. Quin & in ipso Archetypo turæ Divinæ, verba sic collocat religio Ethnica (Optimus, Maximus:) Scriptura autem sacra pronunciat, Misericordia ejus super omnia opera ejus.

LVIII.

DE CIVILI CONVERSATIONE.

Conversatio certe affectata esse non debet, at multo minus neglecta: cum prudentia in ejus moderamine, & decus quoddam morum in se ipsa præ se ferat; & ad negotia, tam publica, quam privata, commode administranda, plurimum juvet. Etenim sicut actio Oratori tanti habetur, (licet sit externum quiddam,) ut etiam illis alteris partibus; quæ graviores & interiores videntur, antepositatur, eodem ferè modo, in Viro Civili, *Conversatio*, ejusque regimen, (utcumque in exterioribus occupetur) si non summum, at certe eximium locum invenit. Quale enim pondus habet, *Vultus* ipse ejusque compositio? Recte Poëta;

Nec vultu destrue verba tuo.

PO-

Poterit enim quis *vim Orationis vultu* labefactare, & plane prodere. Quin & *Facta*, non minus quam *Verba*, *vultu* pariter destrui possint, si Ciceroni credamus: qui cum fratri affabilitatem commendaret erga Provinciales; non in hoc eam potissimum sitam dixit, ut *aditus præberet* ad se faciles, nisi etiam *vultu ipso* comiter accedentes exciperet. *Nil interest, habere ostium apertum, vultum clausum.* Videmus quoque, Atticum, sub primum Ciceronis cum Cæsare congressum, bello adhuc fervente, diligenter & serio Ciceronem per epistolam monuisse de *Vultu & Gestu* ad dignitatem & gravitatem componendis. Quod si tantum possit *Oris & Vultus* solius moderatio, quanto magis *Sermo familiaris*, & alia, quæ ad *Conversationem* pertinent? Atque sane Summa & Compendium decori, & elegantiz morum, in hoc fere sita sunt; ut quasi æqualitè, & propriam dignitatem, & aliorum, metiamur & tueamur: Quod etiam non male expressit T. Livius, (licet alii rei intentus) eo personæ caractere; *Ne (inquit) aut arrogans videar, aut obnoxius: quorum alterum est, aliena libertatis oblitus: alterum, sua.* Ex contraria vero parte, si *Urbanitati*, & elegantiz morum externæ, impensius studeamus, transeunt illæ in affect-

affectionem quandam deformem, & ad-
ulterinam: *Quid enim deformius, quam*
Scenam in vitam transferre? Quinetiam,
licet in excessum illum vitiosum minime
prolabantur: temporis tamen nimium in
huiusmodi leviculis absumentur: nimis.
que ad curam ipsarum, n. ag. m. oportet,
deprimitur. Ideoque sicut in Aca-
demiis adolescentes literarum studiosi, aut
sodalium congressibus plus satis indulgentes,
moneri soleant à Præceptoribus: *A-*
micos esse fures temporis: Sic certe assidua
ista, in *Conversacionis* decorum, animi in-
tentio, magnum gravioribus meditationi-
bus furtum facit. Deinde, qui primas adeo
in *Vrbanitate* obtinent, & ad hanc rem
unam quasi nati videntur, hoc fere habent,
ut sibi ipsis in illa sola complacent, & ad
virtutes solidiores, & celsiores, vix un-
quam aspirent: Quando e contra, qui sibi
in hac parte defectus sunt conscii, decus
ex bona existimatione quarunt: Ubi enim
adest bona existimatio, omnia fere decent;
ubi vero illa deficit, tum demum, à com-
moditate morum, atque *Vrbanitate*, sub-
sidium petendum est. Porro, ad res geren-
das, vix gravius aut frequentius reperias
impedimentum, quam huiusce decori ex-
terni curiosam nimis observationem; at-
que illud alterum, quod huic ipsi inservit;

ni-

nimirum, anxiam temporis atque opportunitatum electionem: Egregie enim Salomon; *Qui respicit ad ventos, non seminat: qui respicit ad nubes, non metit:* Creanda siquidem nobis est opportunitas, sapientius *quædam* opperienda. Ut verbo dicamus, *Urbana* i. *in compositio*, veluti vestis animi *et* proinde vestis commoditates referre debet. Primum enim, talis esse debet, ut sit in usu communi: Rursus, ut non sit nimis delicata aut sumptuosa: Deinde, ita conficienda, ut si qua sit in animo virtus, eam exhibeat *maxime* conspicuam: si qua deformitas, eandem suppleat, & occultet: Postremo, & super omnia, ne sit nimis arcta, atque ita animum angustet, ut ejusdem motus in rebus gerendis cohibeat & impediat.

L I X.

CONSILIA QUÆDAM DE NEGOTIIS, EX PARABOLIS ALIQUIBUS SALOMONIS.

P A R A B O L A.

I. *Mollis responsio frangit iram.* Prov. xv.

E X P L I C A T I O.

Si incendatur *Ira* Principis vel Superioris adversus te, & tux jam sint loquendi partes, duo præcipit Salomon: Alterum, ut *fiat responsio*; Alterum, ut *eadem sit mollis*.

Prius,

Prius, ut *careas à Silentio tristi & contumaci*: Illud enim, aut culpam totam in te recipit, ac si nihil habeas quod respondere possis, aut Dominum occulte iniquitatis infimulat, ac si aures ejus, defensionis, licet iustæ, non paterent. Secundo, ut *careas à re comperendinanti*, neque tempus aliud ad defensionem possis habere. Hoc enim, aut eandem notam inurit, quam prius, (nimirum Dominum tuum nimia mentis perturbatione efferri,) aut plane significat, te artificiosam quandam defensionem meditari, cum in promptu nihil habeas: Adeo ut optimum semper fuerit, aliquid in præsentia, & è re nata, in excusationem tui adducere. Tertio, ut *fiat prorsus responsio*: *Responsio*, inquam; non *mera Confessio*, sed aliquid Apologiæ & Excusationis interspergatur: Neque enim aliter tutum est facere, nisi apud ingenia valde generosa & magnanima; quæ rara admodum sunt. Sequitur posteriore loco, ut *responsio sit mollis*, minime præfracta aut aspera.

PARABOLA.

2. *Servus prudens dominabitur in Filium stultum: & partietur hereditatem inter fratres.*

EXPLICATIO.

In omni familia, turbata & discordi, semper exurget aliquis *Servus*, aut *humilis* *Ami-*

Amicus, præpotens, qui pro arbitro se gerat, ad lites familiaræ componendas; cuique, eo nomine, & familia tota, & dominus ipse, sunt obnoxii. Ille, si suam rem agat, familiaræ mala fovet, & aggravat; sin fidelis revera fuerit, & integer, plurimum certe mereor: adeo ut etiam tanquam inter Fratres haberi debeat: aut saltem procuratorem hanc. Et accipere fiduciarium.

PARABOLA.

3. *Vir sapiens, si cum stulto contendit, sive irascatur, sive rideat, non inveniet requiem.*

EXPLICATIO.

Monemur sapius, ut *Congressum impari rem fugiamus*; eo sensu; *Ne cum potentioribus decertemus*. At haud minus utile est Monitum, quod hic exhibet Salomon, *Ne cum indigno contendamus*. Iniqua enim prorsus forte hæc res transigitur. Siquidem, si superiores simus, nulla sequitur victoria: si superemur, magna indignitas. Neque juvat etiam, in huiusmodi contentione exercenda, si interdum veluti *per jocum* agamus, interdum cum *fastu & contemptu*. Nam quocunque nos vertamus, leviores inde efficiemur, neque commode nos explicabimus. Pessime autem fit, si huiusmodi persona, quacum contendimus, (ut Salomon loquitur.) aliquid affine habeat

beat cum *Stulto* : hoc est , si sit audaculus ,
& temerarius.

P A R A B O L A .

4. Sed & cunctis sermonibus, qui dicuntur , ne accomodes aurem tuam , ne forte audias servum tuum maledicentem tibi.

E X P L I C A T I O .

Vix credi possit , vitam quantum perturbet *inutilis curiositas* , circa illas res , quæ nostra inter sunt ; nimirum , quando secreta illa rimari satagimus , quæ detecta & inventa , ægritudinem quidem animo inferant , ad consilia autem expedienda nihil juvent. Primo enim sequitur *animi vexatio & inquietudo* , cum humana omnia perfidiæ & ingratitude plena sint. Adeo ut , si comparari possit speculum aliquod Magicum , in quo odia , & quæcunque contra nos ullibi commoventur , intueri possemus , melius nobis foret , si protinus projiceretur & collideretur. Hujusmodi enim res , veluti foliorum murmura sunt , & brevi evanescunt. Secundo *Curiositas illa animum suspicionibus nimis onerat*. Quod consiliis inimicissimum est , eaque reddit inconstantia , & complicata. Tertio eadem , *mala ipsa sæpissime figit , alias prateritura* : Grave enim est conscientias hominum irritare : qui si latere se putent , facile mutantur in melius , sin deprehesos se sentiant ,

tiant, malum malo pellunt. Merito igitur summæ prudentiæ tribuebatur Pompeio Magno, quod Sertorii chartas universas, nec à se perlectas, ne, aliis permissas, igni dedisset.

P A R A B O L A.

5. *Adveniens viator pauperies: & egestas quasi armatus.* *Prov. c. 6, v. 11.*

E X P L I C A T I O.

Eleganter describitur in Parabola, quomodo *Prodigis*, & circa rem familiarem incuriosis, superveniant *nausfragia fortunarum*. A principio enim pedetentim, & passibus lentis, instar *viatoris*, advenit *obarsio* & *sortis diminutio*, neque fere sentitur: At non multo post invadit *Egestas*, tanquam *vir armatus*, manu scilicet tam forti, & potente, ut ei amplius resisti non possit: cum apud antiquos, recte dictum sit, *Necessitatem ex omnibus rebus esse fortissimam*. Itaque *viatori* occurrendum, contra *armatum* muniendum.

P A R A B O L A.

6. *Qui erudit derisorem, ipse sibi injuriam facit: & qui arguit impium sibi maculam generat.* *Prov. c. 9, v. 7.*

E X P L I C A T I O.

Congruit cum præcepto Salvatoris, *Ne non mittamus margaritas nostras ante porcos*. Distinguuntur autem in hac Parabola,

la, actiones *Præceptionis*, & *Reprehensionis*. Distinguuntur itidem personæ, *Derisorii*, & *Impii*: Distinguitur postremo, id quod *rependitur*. In prioribus enim *rependitur opera lusa*: in posteriore, etiam & *rem*. Cum enim quis erudit & institutus *rem*: *lactura* primum fit *temporis*. Deinde & alii *conatum irridunt*, tanquam rem vanam, & operam male collocatam; Postremo, *Derisor* ipse *scientiam quam didicit, fastidio habet*. At majore cum periculo transigitur res in *reprehensione impii*: quia non solum *Impius* non auscultat, sed & *corrua* obvertit, & reprehensorem, odiosum sibi jam factum, aut confestim convitiis proscindit, aut saltem postea apud alios criminatur.

PARABOLA.

7. *Filius sapiens latificat patrem: Filius vero stultus mæsticia est matri suæ.*

EXPLICATIO.

Distinguuntur solatia atque ægritudines *Oeconomicæ*: *Patris* videlicet & *Matris*, circa *Liberos* suos. Etenim *Filius prudens* & *frugi*, præcipuo solatio est *Patris*, qui *virtutis* pretium melius novit quam *Mater*: ac propterea *Filii* sui indoli, ad virtutem propensæ, magis gratulatur: *Quin* etiam gaudium illi fortasse affert institutum suum, quod *Filium* tam probe educa-

rit,

rit, illique honestatem morum, præceptis & exemplo, impresserit. Econtra, *Mater calamitati Filii plus compatitur*, & indolet: tum ob affectum maternum magis mollem, & tenerum, tum fortasse indulgentiæ suæ conscia, qua cum corruerit, & depravaverit.

PARABOLA.

8. *Memoria Iusti cum laudibus aut nomen Impiorum putrescet.*

EXPLICATIO.

Distinguitur inter *famam virorum bonorum*, qualis esse soleat post *obitum*. *Viris enim bonis*, extincta invidia, (quæ famam eorum, dum vixerant, carpebat) *nomen* continuo efflorescit, & *laudes* magis indies inualescunt: At *viris malis* (licet fama eorum, per gratiam amicorum, & factionis suæ hominum, ad breve tempus manserit) paulo post fastidium *nominis* oboritur; & postremo *laudes* illæ *evanida*, in *infamiam*, & veluti in odorem gravem *eternum*, desinunt.

PARABOLA.

9. *Qui conturbat domum suam, possidebit ventos.*

EXPLICATIO.

Utile admodum Monitum, de *Discordiis & Turbis domesticis*. Plurimi enim, ex *diffidiis uxorum*, aut ex *heredationibus filiorum*;

*rum; aut mutationibus frequentibus familia, magna sibi spondet; ac si inde, vel animi tranquillitas, vel rerum suarum administratio felicior, sibi obventura foret. Sed plerumque abeunt spes suæ in ventos. Et enim, tum mutationes illæ, ut plurimum, non cedunt in melius: tum etiam, perturbatores isti, familiæ suæ, molestias varias, & ingratitude eorum, quos aliis præteritis adoptant & deligunt, sæpenumero experiuntur. Quin & hoc pacto, rumores sibi progignunt non optimos, & famas ambiguas; Neque enim male à Cicerone notatum est; *Omnem famam à domesticis manare. Vtrumque autem malum per ventorum possessionem eleganter à Salomone exprimitur: Nam expectationis frustratio, & rumorum suscitatio, ventis recte comparantur.**

P A R A B O L A.

10. *Melior est finis orationis, quam principium.*

E X P L I C A T I O.

Corrigit *Parabola* errorem frequentissimum, non solum apud eos, qui verbis præcipue student, verum etiam apud prudentiores. Is est, quod homines de *sermone* suorum *aditu* atque *ingressu* magis sint solliciti, quam de *exitu*: & accuratius exordia & præfatiunculas meditentur quàm

extre-

extrema orationum. Debuerant autem, nec illa negligere, & ista, ut longe potiora, præparata & digesta apud se habere; reuoluentes secum, &, quantum fieri potest, animo prospicientes, quis tandem *exitus sermonis* sit futurus, & quomodo negotia inde promoveri & maturari possint. Neque hic finis. Quinimo non *Epilogos* tantum, & *sermonum*, qui ad ipsa negotia spectant, egressus, meditari oportet: verum etiam & illorum *sermonum* cura suscipienda, quos sub ipsum discessum commode & urbane inijcere possint, licet à negotio prorsus alienos. Equidem cognovi Consiliarios duos, Viros certe magnos, & prudentes, & quibus onus rerum tunc præcipue incumberebat: quibus illud fuit perpetuum, & proprium, ut quoties cum Principibus suis de negotiis ipsorum communicarent, colloquia in rebus ad ipsa negotia spectantibus nunquam terminarent, verum semper, aut ad jocum, aut aliud aliquid, quod audire erat volupe, diverticula quærerent, atque, ut Adagio dicitur, *Sermones marinos aqua fluviali sub extremum abluerent*. Neque hoc illis inter artes postremum erat.

P A R A B O L A.

I I. Sicut musca mortua fætore faciunt unguentum optimum: sic hominem preciosum sapientia & gloria, parva stultitia.

Ex.

E X P L I C A T I O.

Iniqua admodum & misera est conditio *hominum virtute præcellentium*, (ut optime notat *Parabola*,) quia *erroribus* eorum, quamvis levissimis, nullo modo ignoscitur: Verum, quemadmodum in *Gemma*, valde nitida, minimum quodque granulum, aut nubecula, oculos ferit, & molestia quadam afficit: quod tamen, si in *Gemma* vitiosiore repertum foret, vix notam subiret: Similiter, in *Viris singulari virtute præditis*, minima quæque vitia statim in oculos & sermones hominum incurrunt, & censura perstringuntur graviore: quæ in *hominibus mediocribus*, aut omnino laterent, aut veniam facile reperirent. Itaque viro valde prudenti, parva stultitia: valde probò, parvum peccatum; urbano, & moribus eleganti, paululum indecori: de fama & exultatione multum detrahit. Adeo ut non pessimum foret *Viris egregiis*, si nonnulla *absurda* (quod citra vitium fieri possit) actionibus suis immiscerent; ut libertatem quandam sibi retineant, & parvorum defectuum notas confundant.

P A R A B O L A.

12. *Homines derisores Civitatem perdunt: Sapientes vero avertunt calamitatem.*

E X P L I -

EXPLICATIO.

Mirum videri possit, quod in descriptione hominum, qui ad Respub. labefactandas & perdendas veluti natura comparati & facti sunt, delegerit Salomon characterem, non hominis superbi & insolentis: non tyrannici & crudelis; non temerarii & violenti; non impii & scelerati; non iniusti & oppressoris; non seditiosi & turbulentis; non libidinosi & voluptarii; non denique insipientis & inhabilis; sed *Derisoris*. Verum hoc sapientia ejus Regis, qui Rerumpub. conservationes & everisiones optime norat, dignissimum est. Neque enim similis fere est pestis Regnis & Rebuspublicis: quam si Consilarii Regum, aut Senatores; quique gubernaculis rerum admoventur, sint ingenio *derisores*. Hujusmodi enim homines, periculorum magnitudinem, ut fortes videantur Senatores, semper extenuant: iisque qui pericula, prout par est, ponderant, veluti timidis insultant; consultandi & deliberandi maturas moras, & meditata disceptationes, veluti rem oratoriam, & tædii plenam, & ad summas rerum nihil facientem, substantiant: Famam, ad quam Principum consilia præcipue sunt componenda, ut *salivam Vulgi*, & rem cito prætervolaturam, contemnunt: Legum vim & auctoritatem, ut

N

reti-

reticula quædam, quibus res majores minime cohiberi debeant, nil morantur: Consilia & præcautiones, in longum prospicientes, ut somnia quædam, & apprehensiones Melancholicas, rejiciunt; Viris revera prudentibus, & rerum peritis, atque magni animi & consilii, disertiis & facetiis illudunt: Denique fundamenta omnia Regiminis Politici simul labefactant. Quod magis attendendum est, quia cuniculis, & non impetu aperto, hæc res agitur: neque cæpit esse inter homines (pro ut meretur) suspecta,

P A R A B O L A.

13 *Princeps, qui libenter præbet aures verbis mendacii, omnes servos habet improbos.* Luc. 11, 30.

E X P L I C A T I O.

Cum *Princeps* talis fuerit, ut Sufurrionibus, & Sycophantis, absque judicio, faciles & credulas aures præbeat, spirat omnino, tanquam à parte *Regis*, aura pestilens, quæ omnes *servos* ejus corrumpit, & inficit. Alii metus *Principis* rimantur, eosque narrationibus fictitiis exaggerant: alii invidiæ furias concitant, præsertim in optimos quosque: alii criminationibus aliorum, proprias sordes, & conscientias malas, eluunt: alii amicorum suorum honoribus & desideriis yelificant, Competito-

res

res eorum calumniando, & mordendo: alii fabularum argumenta, contra inimicos suos, tanquam in Scena, componunt: & innumera hujusmodi. Atque hæc illi, qui ex *servis Principis* ingeniosunt magis improbo. At illi etiam, qui natura probiores sunt, & melius morati, postquam in innocentia sua parum præsidii esse senserint, (quoniam *Princeps* vera à falsis distinguere non novit,) morum suorum probitatem exuunt, & ventos Aulicos captant, illque servilem in modum circumferunt. *Nihil enim* (ut ait Tacitus de Claudio) *tutum est apud Principem, cujus animo omnia sunt tanquam indita & jussa.* Atque bene Cominens; *Praestat servum esse Principis, cujus suspicionum non est finis, quam ejus, cujus credulitatis non est modus.*

PARABOLA.

14. *Iustus misereatur anima jumentis sui: sed misericordia impiorum crudeles.*

EXPLICATIO.

Inditus est, ab ipsa natura, homini *Misericordia* affectus nobilis, & excellens; qui etiam ad *Animalia bruta* extenditur: quæ ex ordinatione Divina, ejus imperio subjiuntur. Itaque habet ista *Misericordia* Analogiam quandam cum illa Principis erga Subditos; Quinetiam illud certissimum est, quod quo dignior est anima, co-

pluribus compatiatur. Etenim animæ angustæ & degeneres, hujusmodi res ad se nihil pertinere putant: at illa, quæ nobilior est portio universi, ex communione afficitur. Quare videmus, sub Veteri Legge, haud pauca fuisse præcepta, non tam mere *Ceremonialia*, quam *Misericordie institutiva*: quale fuit illud, de *non comedendo carnem cum sanguine ejus*: & similia. Etiam in Sectis *Estæorum*, & *Pythagoræorum*, ab usu animalium omnino abstinebant. Quod etiam hodie obtinet (superstitione inviolata) apud incolas nonnullos Imperii *Mogollensis*. Quin & *Turæ*, Gens licet, & Stirpe & Disciplina, crudelis, & sanguinaria, brutis tamen eleemosynas largiri solent; neque animalium vexationes & torturas fieri sistent. Verum, ne forte hæc quæ diximus, omnis generis *Misericordia* patrocinari videantur, salubriter subjungit Salomon, *Impiorum misericordias esse crudeles*. Ex sunt, quando hominibus sceleratis & facinorosis parcitur, Justitiæ gladio feriendis: Crudelior enim hujusmodi *misericordia*, quam crudelitas ipsa. Nam crudelitas exercetur in singulos; at misericordia illa universum facinorosum exercitum, concessa impunitate, in homines innocentes armat & immittit.

P A R A B O L A.

15. *Totum spiritum suum proferit stultus: at sapiens reservat aliquid in posterum.*

E X P L I C A T I O.

Corrigit Parabola præcipue (ut videtur) non hominum vanorum futilitatem, qui, dicenda, tacenda, facile proferunt, non Parthesiam illam, qua absque discrimine & judicio in omnes & omnia involant; non garrulitatem, & qua ad nauseam usque aliis obstrepunt; sed vitium aliud magis occultum; nempe sermonis regimen, minime omnium prudens & Politicum: Hoc est, cum quis ita sermonem (in colloquiis privatis) instituit, ut quæcunque in animo habet, quæ ad rem pertinere putet, simul, & tanquam uno spiritu, & oratione continuata, proferat: Hoc enim plurimum negotiis officit. Siquidem primo, *Oratio intercisæ*, & per partes infusa, longe magis penetrat, quam continuata; quoniam in continuata pondus rerum non distincte & sigillatim excipitur, nec per moram nonnullam insidet; sed ratio rationem, antequam penitus infederit, expellit. Secundo, nemo tam potenti & felici eloquentia valet, ut primo sermonis impetu quem alloquitur, *mutum* & *elinguem plane reddas*, quin & alter aliquid vicissim respondebit, & fortasse objiciet:

Tum vero accidit, ut quæ in Refutationem aut Replicationem reservanda fuissent, præmissa jam, & antea delibata, vires suas & gratiam amiserint. Tertio, si quis ea, quæ dicenda sunt, non simul effundat, sed per partes eloquatur, aliud primo, aliud subinde injiciens; sentiet ex ejus, quem alloquitur, vultu, & responso, quomodo singula illum affecerint, quam in partem accepta fuerint; ut quæ adhuc restant dicenda, cautius aut supprimat, aut excerpatur.

PARABOLA.

16. *Si Spiritus potestatem habentis ascenderit super te, locum tuum ne dimiseris: quia curatio faciet cessare magna peccata.*

EXPLICATIO.

Præcipit Parabola, quomodo se quis gerere debeat, cum iram atque indignationem Principis incurrerit. Præceptum duplex: Primo, *ut non dimittat locum suum*: Secundo, *ut curationi*, tanquam in morbo aliquo gravi diligenter & caute attendat. Consueverunt enim homines postquam commotos contra se Principes suos senserint, partim ex dedecoris impatiëntia, partim ne vulnus observando refricent, partim ut tristitiam & humilitatem eorum Principes sui perspiciant, se à muneribus & functionibus suis subducere: quinetiam interdum ipsos magistratus, & dignitates quas

quas gerunt, in *Principum* manus restitue-
 re. At Salomon, hanc medendi viam, vel-
 uti noxiam, improbat; idque summa pro-
 fecto ratione. Primo enim, *Dedecus ipsum*
nimis illa publicat: unde tum inimici, at-
 que invidi, audaciores fiunt ad lædendum;
 tum amici timidiores ad subveniendum.
 Secundo, hoc pacto fit, ut *Principis ira*,
 quæ fortasse, si non evulgaretur, sponte
 concideret, *magis figatur* & veluti princi-
 pio jam facti hominis deturbandi, in præ-
 cipitium illius feratur. Postremo, *secessus*
iste aliquid sapit ex malevolo, & temporibus
 infenso; id quod malum indignationi-
 nis, malo suspicionis cumulat. Ad *Cura-*
tionem autem pertinent ista. Primo, ca-
 veat ante omnia, ne *stupiditate* quadam,
 aut etiam *animi elatione*, *indignationem*
Principis minime sentire, aut inde, prout
 debeat, affici, videatur: hoc est, ut & vul-
 tum, non ad tristitiam contumacem, sed
 ad mœstitiam gravem atque modestam
 componat: & in rebus quibuscunque a-
 gendis se minus solito hilarem & lætum
 ostendat: Quin & in rem suam erit, amici
 alicujus opera, & sermone, apud *Principem*
 uti, qui, quanto doloris sensu in intimis
 excrucietur, tempestive insinuet. Secundo,
Occasiones omnes, vel minimas, sedulo evi-
set, per quas aut *res ipsa*, quæ indignationi

causam præbuit, *refricetur*: aut *Princeps* denuo excandescendi, & ipsum, quacunque de causa, coram aliis, objurgandi, ansam arripiat. Tertio, perquirat etiam diligenter occasiones omnes, in quibus *opera ejus Principi grata esse possit*: ut, & voluntatem promptam redimendi culpam præteritam ostendat; & *Princeps* suus sentiat, quali tandem servo, si eum dimittat, privari se contigerit. Quarto, *Culpam ipsam* aut *sagaciter in alios transferat*: aut *animo* illam non malo commissam esse insinuet; aut etiam *malitiam illorum*, qui ipsum Regi detulerunt, vel rem supra modum aggravarunt, *indiceret*. Denique in omnibus evigilet, & *Curationi* sit intentus.

P A R A B O L A.

17. *Primus in Causa sua justus: tum venit altera pars, & inquit in eum.*

E X P L I C A T I O.

Prima in unaquaque *Causa Informatio*, si paulisper animo Iudicis infederit, altas radices agit, eumque imbuat, & occupat: adeo ut agre elui possit, nisi aut manifesta aliqua falsitas in materia informationis; aut artificium aliquod in eadem exhibenda, deprehendatur. Etenim nuda & simplex defensio, licet justa sit & præponderans, vix præjudicium informationis primæ compensare, aut libram Iustitiæ semel

mel propendentem ad æquilibrium reducere, per se valet. Itaque & Iudici tutissimum, ut nihil, quod ad merita causæ spectat, prælibetur, priusquam utraque pars simul audiantur; & defensori optimum, si Iudicem senserit præoccupatum, in hoc potissimum (quantum dat Causa) incumbere, ut versutiam aliquam, & dolum malum, ab adversa parte, in Iudicis abusu, adhibitum, detegat.

P A R A B O L A.

18. *Qui delicate à pueritia nutrit servum suum, postea sentiet eum consumacem.*

E X P L I C A T I O.

Servandus est Principibus & Dominis, ex consilio Salomonis, in gratia & favore suo erga servos, *modus*. Is triplex est: Primo, ut *promoveantur per gradus*, non per *salus*: Secundo, ut *interdum assuefiant repulse*: Tertio, (quod bene præcipit Machiavellus,) ut *habeant præ oculis suis semper aliquid*, quo ulterius *aspirare possint*. Nisi enim hæc fiant, reportabunt proculdubio *Principes*, in fine, à *servis* suis, loco animi grati, & officiosi, fastidium & contumaciam. Etenim, ex promotione subita, oritur *insolentia*: ex perpetua desideratorum adeptione, *impatiensia repulse*: denique si vota defint, deerit itidem *alacritas & industria*.

PARABOLA.

19. *Vidisti virum velocem in opere suo: coram Regibus stabit: nec eris inter ignobiles.* Prov. 22. 29.

EXPLICATIO.

Inter virtutes, quas Reges, in delectu *servorum*, potissimum spectant & requirunt, gratissima est præ cunctis *Celeritas*, & in *negotiiis expediendis strenuitas*. Viri profunda prudentia, Regibus suspecti; utpote qui nimium sint inspectores; & Dominos suos, inscios & invitos, ingenii sui viribus (tanquam machina) circumagere possint. Populares, invisi; utpote qui Regum luminibus officiunt, & oculos populi in se convertunt. Animosi, pro turbulentis sæpe habentur, & ultra, quam par est, ausuris. Probi, & vitæ integræ, tanquam difficiles existimantur, nec ad omnes nutus heriles apti. Denique non est virtus alia quæ non habeat aliquam quasi umbram, qua Regum animi offendantur; Sola *Velocitas ad mandata*, nihil habet, quod non placeat. Insuper, motus animorum regiorum celeres sunt, & moræ minus patientes. Putant enim, se quidvis efficere posse; illud tantum deesse, ut cito fiat. Itaque ante omnia iis grata est *Celeritas*.

PARABOLA.

20. *Vidi cunctos viventes, qui ambul-
ant sub Sole, cum Adolescente secundo,
qui consurgit pro eo. Eccl. 10, 11. An. T. H.*

EXPLICATIO.

Notat Parabola vanitatem hominum,
qui se agglomerare solent ad *Succeffores*
designatos Principum. Radix autem hujus
rei est; Insania illa hominum animis pe-
nitus à natura insita; Nimirum ut spes
suas nimium adament. Vix enim reperitur,
qui non delectatur magis iis quæ *sperat*,
quam iis quæ *fruitur*. Quinetiam *Novitas*
humanæ naturæ grata est, & avidè expe-
titur. In *Succeffore* autem *Principis* ista duo
concurrunt; *Spes*, & *Novitas*. Innotat au-
tem Parabola idem, quod olim dictum
erat; primo à Pompeio ad Syllam; postea
à Tiberio de Mærone; *Plures adorare Sa-
lem orientem, quam occidentem*. Neque
tamen *Imperantes* multum hac re com-
moventur, aut eam magni faciunt; sicut
nec Sylla, nec Tiberius fecit: sed rident
potius hominum levitatem, nec pugnant
cum somniis: *Est autem* (ut agebat ille)
spes vigilantis insomnium.

PARABOLA.

21. *Erat Civitas parva, & pauci in ea
viri; Venit contra eam Rex magnus, & va-
davit eam, instruxitque munitiones per gy-
rum,*

rum, & perfecta est obsidio: inventusque est in ea vir pauper & sapiens, & liberavit eam per sapientiam suam; & nullus deinceps recordatus est hominis illius pauperis.

EXPLICATIO.

Describit Parabola ingenium hominum pravam & malevolum. Ii in rebus duris, & angustis, confugiunt fere ad viros prudentes, & strenuos, licet antea contemptui habitos. Quamprimum autem tempestas transierit, ingrati demum erga conservatores suos reperiuntur. Machiavellus vero, non sine causa, instituit Quaestionem, *Vter ingratius esset erga bene meritos, Princeps, aut Populus?* Sed interim utrumque ingratitude arguit. Attamen hoc non solum ex ingratitude Principis aut Populi oritur, sed accedit plerumque his invidia Procerum, qui secreto indolent eventui, licet felici & prospero, quia ab ipsis profectus non sit: Itaque & meritum hominis extenuant, & ipsum deprimunt.

PARABOLA.

22. *Iter pigrorum, quasi sepes spinarum.*

EXPLICATIO.

Elegantissime ostendit Parabola, pigritiam in fine laboriosam esse. Diligentia enim, & sedula præparatio, id præstant, ut pes in aliquod offendiculum non impingat; sed ut complanetur, via antequam
inea-

ineatur. At qui piger est, & omnia in extremum momentum executionis differt; necesse est ut perpetuo, & singulis passibus, quasi per rubos & sentes incedat, qui eum subinde detineant, & impedian. Idem observari possit etiam in familia regenda; in qua, si abhibeatur cura & providentia, omnia placide & veluti sponte procedunt, absque strepitu & tumultu: Sin hæc desint, ubi major aliquis motus intervenit, omnia simul agenda turmatim occurrunt; tumultuantur servi: ædes personant.

PARABOLA.

23. *Qui cognoscit in judicio faciem, non bene facit; iste, & pro buccella panis, deferet veritatem.*

EXPLICATIO.

Prudentissime notat *Parabola*, in *Judicio* magis perniciosa esse *facilitatem morum*, quam *corruptelam munerum*. Munera enim haudquaquam ab omnibus deferuntur; at vix ulla est Causa, in qua non invenitur aliquid, quod flectat Iudicis animum, si *personas respiciat*. Alius enim respicietur, ut popularis; alius, ut maledicus; alius, ut dives; alius, ut gratus; alius, ut ab amico commendatus; Denique omnia plena sunt iniquitatis, ubi dominatur *respectus personarum*: & levi omnino de causa, veluti *pro buccella panis*, *Judicium* pervertetur.

PA-

PARABOLA.

24. *Vir pauper calumnians pauperes, similis est imbri vehementi, in quo paratur fames.*

EXPLICATIO.

Parabola ista antiquitus expressa & depicta fuit, sub Fabula Hirudinis utriusque: nimirum, plenæ, & vacuæ. Pauperis enim & famelici oppressio, longe gravior est, quam oppressio per divitem & repletum: quippe quæ omnes exactionum technas, & omnes nummorum angulos, perquirat. Solebat hoc ipsum etiam spongiis assimilari: quæ aridæ, fortiter sugunt: madidæ, non item. Monitum autem utile continet, tum erga Principes, ne præfecturas Provinciarum, aut Magistratus, viris indigentibus, & obæratīs, committant; tum erga populos, ne Reges suos cum nimia egestate conflictari permittant.

PARABOLA.

25. *Fons turbatus pede, & venia corrupta, est iustus cadens coram impio.*

EXPLICATIO.

Præcipit Parabola, Rebuspub. ante omnia cavendum esse de iniquo & infami Iudicio, in causâ aliqua celebri & gravi: præsertim ubi non absolvitur noxius, sed condemnatur insons. Etiam injuriæ interpretatos grassantes, turbant quidem & pol-

polluunt *latices*, sed tanquam in *rivulis*: Verum judicia iniqua, qualia diximus, à quibus exempla petuntur, *fontes* ipsos *justitia* inficiunt; & inquinant. Postquam enim Tribunal cesserit in partes injustitiz, status rerum vertitur tanquam in latrocinium publicum: fitque plane, ut *homo homini sit lupus*.

P A R A B O L A.

26. *Noli esse amicus homini iracundo, nec ambulare cum homine furioso.*

E X P L I C A T I O.

Quanto religiosius amicitiz jura inter bonos servanda, & colenda sunt; tanto magis cavendum est, jam usque à principio, de *prudente amicorum delectu*. Atque amicorum natura & mores, quantum ad nos ipsos spectant, omnino ferendi sunt: Cum vero necessitatem nobis imponunt, qualem erga alios personam induamus, & geramus, dura admodum, & iniqua, amicitiz conditio est. Itaque interest imprimis, ut præcipit Salomon, ad vitæ pacem, & præsidia, ne res nostras cum *hominibus iracundis*, & qui facile lites & jurgia provocant, aut suscipiunt, commisceamus: Istud enim genus amicorum, perpetuo nos contentioneibus & factionibus implicabit: ut aut amicitiam abrupte, aut incolumitati propriæ deesse, cogamur.

P A -

PARABOLA.

27. *Qui celat delictum, querit amicitiam: sed qui altero sermone repetis, separas fœderatos. Prov. 17, 9.*

EXPLICATIO.

Duplex, concordiam tractandi, & animos reconciliandi, via. Altera, quæ incipit ab *amnestia*; altera, quæ à *repetitione injuriarum*, subjungendo apologias, & excusationes. Equidem memini sententiam viri admodum prudentis & politici: *Qui pacem tractat, non repetitis conditionibus dissidii, id magis animos dulcedine concordia fallit, quam equitate componit.* Verum Salomon, illo scilicet prudentior, in contraria opinione est; & *amnestiam* probat, *repetitionem* prohibet. Etenim in *repetitione* hæc insunt mala: tum quod ea sit veluti *unguis in ulcere*; tum quod *periculum impendeat à nova altercatione*, (siquidem de injuriarum rationibus inter partes nunquam conveniet;) tum denique quod *deducat rem ad apologias*: ac utraque pars malit videri, potius offensam remisisse, quam admisisse excusationem.

PARABOLA.

28. *In omni opere bono erit abundantia: ubi autem verba sunt plurima, ibi frequenter egestas.*

Ex-

EXPLICATIO.

Separat Salomon, hac *Parabola*, fructum *laboris lingua*, & *laboris manuum*; quasi ex altero proveniat *egeſſas*, ex altero *abundantia*. Etenim fit ſere perpetuo, ut qui multa effutiant: jactent multa, promittant, egeni ſint; nec emolumentum capiant ex illis rebus, de quibus loquuntur. Quinetiam, ut plurimum, induſtrii minime ſunt, aut impigri ad opera: ſed tantummodo ſermonibus ſe, tanquam, vento, paſcunt & ſatiant. Sane, ut Poëta loquitur: *Qui ſilet, eſt firmus*. Is qui conſcius eſt, ſe in opere proficere, ſibi plaudit, & tacet: Qui vero e contra conſcius eſt, auras ſe inanes captare, multa & mira apud alios prædicat.

PARABOLA.

21. *Melior eſt correptio manifeſta, quam amor occultus.*

EXPLICATIO.

Reprehendit *Parabola* molliſſimam amicorum, qui amicitia privilegio non utuntur in admonendo libere & audacter amicos, tam de erroribus, quam de periculis ſuis. *Quid enim faciam* (ſolet hujusmodi molliſſimus dicere) *aut quo me vertam?* Amo illum, quantum quis, maxime: meque, ſi quid illi adverſi contigerit, ipſius loco liberter ſubſtituerim: Sed novi ingenium ejus: ſi libe-

libere cum eo egero, animū illius offendam, saltem contristabo: neque tamen proficiam: atque citius eam ab amicitia mea alienabo, quam ab iis, quæ in animo fixa habet, abducam. Hujusmodi *amicum*, tanquam e-
nervem, & inutilem, redarguit Salomon, atque plus utilitatis, ab inimico *manifesto*, quam ab ejus generis *amico*, sumi posse pronunciat. Siquidem ea fortasse audire ei contigerit ab *inimico* per contumeliam, quæ *amicus* mussat præ nimia indulgentia.

PARABOLA.

30. *Prudens advertit ad gressus suos: Stultus divertit ad dolos.*

EXPLICATIO.

Dux sunt *Prudentia* species: Altera vera & sana: altera degener & falsa, quam Salomon *Stultitia* nomine appellare non dubitat. Qui priori se dederit, viis & vestigiis propriis cavet; periculis prospiciens, meditans remedia; proborum opera utens, contra improbos se ipsi muniens; cautus inceptu, receptu non imparatus; in occasiones attentus, contra impedimenta strenuus; cum innumeris aliis, quæ ad sui ipsius *actiones* & *gressus* regendos spectant. At altera species, tota est confuta ex *fallaciis* & *astutiis*, spemque ponit omnino in aliis circumveniendis, iisdemque ad libitum effingendis. Hanc merito rejicit

cit *Parabola*, non tantum ut improbam, sed etiam ut *stultam*. Primo enim, minime est ex iis rebus, quæ in nostra sunt potestate; nec etiam aliqua *constans Regula* nititur; sed nova quotidie comminiscenda sunt stratagemata, prioribus fatiscentibus, & obsoletis. Secundo, qui vafri & subdoli hominis famam & opinionem semel incurrerit, præcipue se ad res gerendas *instrumento* prorsus privavit; hoc est, *fide*: Itaque, omnia parum votis suis consentientia, experietur. Postremo, *artes ista*, utcumque pulchra videantur, & complacent, attamen sæpius frustrantur; quod bene notavit Tacitus; *Consilia callida & audacia, expectatione lata, tractatu dura, eventu tristia*.

PARABOLA.

31. Noli esse justus nimium, nec sapientior quam oportet; cur abripiare subito?

EXPLICATIO.

Sunt tempora (ut inquit Tacitus) in quibus magnis virtutibus certissimum est exitium. Atque hoc viris virtute & iustitia egregiis, aliquando subito, aliquando diu ante prævisum, contingit. Quod si adjungatur etiam prudentia, hoc est, ut cauti sint, & ad propriam incolumitatem evigilent, tum hoc lucrantur, ut ruina eorum subito obveniat, ex occultis omnino & ob-

& obscuris consiliis; quibus & evitetur invidia, & perniciēs ipsos imparatos adoriatur. Quod vero ad illud *Nimum*, quod in *Parabola* ponitur, (quandoquidem non Periandri alicujus, sed Salomonis verba sunt ista; qui mala in hominum vita sæpius notat, nunquam præcipit) intelligendum est, non de virtute ipsa, in qua *Nimum* non est, sed de vana ejus atque invidiosa affectatione, & ostentatione. Simile quiddam innuit Tacitus de Lepido; miraculi loco ponens, quod nunquam servilis alicujus sententiæ auctor fuisset, & tamen tam sævis temporibus incolumis mansisset; *Subit* (inquit) *cogitatio, utrum hæc fato regantur, an etiam sit in nostra potestate, cursum quendam tenere, inter deforme obsequium, & abruptam contumaciam, mediū periculo simul & indignitate vacuum?*

P A R A B O L A.

32. *Da sapienti occasionem, & addetur ei sapientia.* *Prov. 1. 5.*

E X P L I C A T I O.

Distinguit *Parabola*, inter *Sapientiam* illam, quæ in verum habitum increverit, & maturuerit; & illam, quæ natat tantum in cerebro & conceptu, aut sermone jactatur, sed radices altas non egerit. Siquidem prior, oblata occasione, in quæ exerceatur, illico excitatur, accingitur, dilatur; adeo

ut

ut se ipsa maior videatur: posterior vero, quæ ante occasionem alacris erat, occasione data, fit attonita & confusa; ut etiam ipsi, qui ea se præditum arbitrabatur, in dubium vocetur, annon Præceptiones de ea fuerint insomnia mera, & speculationes inanes.

P A R A B O L A.

33. *Qui laudas amicum voce alta, surgendo mane, eris illi loco maledictionis.* *Prov.*

E X P L I C A T I O.

27, v. 17.

Laudes moderatæ, & tempestivæ, & per occasionem prolatae, famæ hominum atque etiam fortunæ, plurimum conferunt; At immoderatæ, & streperæ, & importune effusæ, nihil prosunt; imo potius, ex sententia Parabola, impense nocent. Primo enim manifesto se produnt, aut ex nimia benevolentia oriundas; aut ex composito affectu; quo collaudatum potius falsis præconiis demereantur, quam veris Attributis ornent. Secundo, Laudes parca, & modesta, invitans fere presentes, ut ipsis etiam aliquid adjiciant; profusæ contra & immodicæ, ut aliquid demant & detrahant. Tertio, (quod caput rei est) constatur illi invidia, qui nimium laudatur, cum laudes omnes nimia videantur spectare ad contumeliam aliorum, qui non minus merentur.

PA.

PARABOLA.

34. *Quomodo in aquis resplendent facies; sic corda hominum manifesta sunt prudentibus.*

EXPLICATIO.

Distinguit Parabola inter mentes prudentium & caterorum hominum, illas aquis aut speculis comparans, quæ species & imagines rerum recipiunt; cum alteræ similes sint terra, aut lapidi impolito, in quibus nihil reflectitur. Atque eo magis apte comparatur animus hominis prudentis ad speculum; quia in speculo imago propria spectari possit, una cum imaginibus aliorum: id quod oculis ipsius sine speculo non conceditur. Quod si animus prudentis adeo capax sit, ut innumera ingenia & mores observare & internoscere possit; superest, ut detur opera, quo reddatur non minus *variis applicatione*, quam *representatione*.

Qui sapit, innumeris moribus aptus erit.

LX.

FABER FORTUNÆ, SIVE
DOCTRINA DE AMBITU VITÆ.

AC primo quidem intuitu, novum quoddam & insolitum Argumentum tractare videbor; docendo homines, quomodo *Fortuna sua fabri* fieri possint: Doctrinam certe, cui quisvis libenter se discipulum

pulum addiderit, donec difficultatem ejusdem habuerit perspectam. Non enim leviora sunt, aut pauciora, aut minus ardua, quæ ad *Fortunam* comparandam requiruntur, quam quæ ad *Virtutem*: Resque est æque difficilis ac severa, fieri vere *Politicum*, ac vere *Moralem*. At hujus *doctrina* pertractio, plurimum ad literarum, tum *decus*, tum *pondus*, pertinet. Interest enim imprimis *honoris* literarum, ut homines isti Pragmatici sciant, eruditionem haudquam aviculæ, qualis est alauda, similem esse, quæ in sublime ferri & cantillando se oblectare soleat: at nihil aliud: quinimo ex accipitris potius genere esse, qui & in alto volare, ac subinde, cum visum fuerit, descendere, & prædam rapere novit. Deinde, & ad *perfectionem* literarum hoc ipsum spectat, quia legitimæ inquisitionis vera norma est, ut nihil inveniatur in *globo materia*, quod non habeat *parallelum in globo crystallino*, sive *intellectu*. Hoc est, ut nihil veniat in *Præcticam*, cujus non sit etiam *Doctrina* aliqua & *Theoria*. Neque tamen literæ hanc ipsam *fortuna architecturam* aliter admirantur aut æstimant, quam ut opus quoddam inferioris generis. Nemini enim *fortuna propria*, pro dono *Esse sui*, à Deo concessio, ullo modo digna retributio esse possit. Quin & non raro fit,

ut

ut viri virtutibus egregii, fortunæ suæ sponte renuncient, ut rebus sublimioribus vacent. Digna tamen est *fortuna*, quatenus virtutis ac bene merendi organum est, sua quoque *speculatione & doctrina*.

Ad hanc *Doctrinam* pertinent præcepta: nonnulla *summaria*; nonnulla *sparsa & varia*. Præcepta *summaria* versantur circa veram *notitiam*, & *aliorum*, & *sui*. Primum igitur præceptum (in quo cardo *notitiæ aliorum* vertitur) illud constituatur, ut procuremus nobis (quantum fieri possit) *fenestram* illam, quam olim requisivit Momus. Ille, cum in humani cordis fabrica, tot angulos & recessus conspicatus esset, id reprehendit, quod defuisset *fenestra*, per quam in obscuros illos & tortuosos anfractus inspicere quis possit. Hanc autem *fenestram* obtinebimus, si omni sedulitate nobis informationē comparemus, & procuremus, de personis, quibuscum intercedunt negotia, particularibus; earumque ingeniis, cupiditatibus, finibus, moribus, auxiliis & adminiculis quibus præcipue suffulciuntur & valent: Et rursus, defectibus & imbecillitatibus, quæ ex parte maxime pateant obnoxii sint; amicis, factionibus, patronis, clientelis, rursusque inimicis, invidis, competitoribus, etiam temporibus & aditibus;

(Sola

(*Sola viri molles aditus, & tempora noris;*) Denique institutis, & normis quas sibi præscripserunt: & similibus. Quinetiam, non solum informatio capienda est, de *personis*, sed insuper de *actionibus* particularibus, quæ de tempore in tempus in motu sunt; & tanquam sub incude; Quomodo regantur & succedant, quorum studiis foveantur, à quibus oppugnentur, cujusque sint ponderis & momenti, & quid secum trahant, & hujusmodi. Etenim *actiones* præsentis nosse, & in se plurimum prodest; & illud insuper habet, quod absque hoc, etiam personarum notitia valde futura sit fallax & erronea. Mutantur enim homines simul cum actionibus: & alii sunt, dum actionibus ipsius implicentur & obfideantur; alii, postquam redierint ad ingenium. Atq; hæc de rebus particularibus informationes, quæ tam ad *personas*, quam ad *actiones* spectant, sunt tanquam Propositiones minores in omni activo Syllogismo. Nulla enim Observationum aut Axiomatum (unde conficiuntur Majores propositiones Politicæ) veritas, aut excellentia, ad Conclusionis firmamentum sufficere possit, si in Minore propositione fuerit erratum. Quod vero hujusmodi *notitia* comparari possit; fidejussor nobis est Salomon, qui ait: *Consilium in corde viri*

tanquam aqua profunda; sed vir prudens exhauriet illud. Quamvis autem ipsa *notitia* non cadat sub præceptum, quoniam individuorum est, attamen mandata de eadem elicienda utiliter dari possunt.

Notitia hominum sex modis elici & hauriri potest: per *vultus* & *ora* ipsorum; per *verba*; per *facta*; per *ingenia* sua; per *finis* suos: denique per *relationes* aliorum. Quantum ad *Vultus* attinet, minime nos movet vetus Adagium, *Fronti nulla fides*. Licet enim hoc ipsum non perperam dictum sit de *Vultus* & *Gestus* compositione externa & generali: attamen subsunt subtiliores quidam motus, & labores oculorum, oris, vultus, & gestus: ex quibus referatur & patet (ut eleganter ait Q. Cicero) veluti *Ianna* quædam animi. Quis Tiberio Cæsare occultior? At Tacitus, notans characterem & modum loquendi diversum, quo usus est Tiberius, in laudando, apud Senatum, res à Germanico, & à Druso, gestas, de laudibus Germanici sic: *Magis in speciem adornatis verbis, quam ut penitus sentire videretur.* De laudibus Drusi sic: *Paucioribus, sed intentior, & fida oratione.* Iterum Tacitus, eundem Tiberiū, alias etiam ut non nihil pellucidam, notans: *In aliis* (inquit) *erat veluti eluctantium verborum: solutius vero loquebatur,*
quan-

quando subueniret. Sane difficile reperitur simulationis artifex aliquis, tā peritus & egregius: aut vultus aliquis ita coactus, & ut ille loquitur, *jussus*; qui a sermone artificioso & simulatorio possit istas notas sejungere, quin aut sermo sit solito *solutior*, aut *comptior*: aut magis *vagus* & *oberrans*, aut magis *aridus* & quasi *eluctans*.

Ad *verba hominum* quod attinet: sunt quidem illa (ut de urinis loquuntur Medici) *meretricia*. Sed isti *meretricii fuci* optime deprehenduntur duobus modis: cum scilicet *proferuntur verba*, aut *ex improviso*, aut in *perturbatione*. Sic Tiberius, cum ex Agrippinæ verbis aculeatis subito commotus esset, & nonnihil abreptus, extra innatæ simulationis terminos pedem protulit: *Audita hæc* (inquit Tacitus) *raram oculi pectoris vocem elicere: correptamque, Græco versu admonuit: Ideo ladi quia non regnaret.* Quare Poëta perturbationes hujusmodi, non in scite appellat *Torturas*, quod ab iis secreta sua prodere homines compellantur:

—— *Vindictæ & ira.*

Ipsa sane testatur experientia, paucos admodum reperiri, qui erga arcana sua tam fidi sint, animumque gerant adeo obfirmatum: quin interdum ex iracundia: interdum ex jactantia: interdum ex intima

erga amicum benevolentia; interdum ex animi imbecillitate, qui se mole cogitationum operari amplius non sustineat: interdum denique ex alio quopiam affectu: intimas animi cogitationes revelent & communicent. Ac ante omnia finis animi excutit, si simulatio simulationem impulerit; juxta Adagium illud Hispanorum: *Dic mendacium, & erues veritatem.*

Quin & *Facilis* ipsis, licet humani animi pignora sint certissima, non prorsus tamen fidendum: nisi diligenter ac attente pensitatis prius, illorum & *magnitudine, & proprietate.* Illud enim verissimum: *Fraus sibi in parvis fidem praestruit, ne majore emolumento fallat.* Italus vero se ipsum in ipso stare lapide putat, ubi *Præco prædicat*, si melius solito tractetur, absque causa manifesta. Etenim, officia ista minora, homines reddunt oscitantes, & quasi consiliatos, tam ad cautionem, quam ad industriam; atque recte à Demosthene appellantur, *alimenta socordiae.* Porro *Proprietatem* & naturam, nonnullorum *factorum*, etiam quæ *beneficiorum* loco habentur, subdolum & ambiguum luculenter cernere licet ex eo, quod Antonio Primo imposuit Murianus: Qui post reditum cum eo in gratiam, sed fide pessima, plurimos ex Antonii amicis, ad dignitates evehit: *Symul*

mul amicis ejus Praefecturas & Tribunatus largitur. Hoc autem astu, Antonium non munivit, sed exarmavit penitus & desolavit, amicitias ejus ad se transferendo.

Certissima autem Clavis, ad animos hominum referandos, vertitur, in rimandis & pernoscendis, vel *ingeniis & naturis* ipsorum; vel *finibus & intentionibus*. Atque imbecilliores certe & simpliciores, ex *ingeniis*: prudentiores autem, & rectiores, ex *finibus* suis optime judicantur. Certe prudenter & facete (licet meo judicio minus vere) dictum fuit à Nuntio quopiam Pontificis, sub reditu ejus à Legatione apud nationem quandam, ubi tanquam Ordinarius resederat. Interrogatus, de delectu Successoris sui, consilium dedit, *Ut nullo modo mitteretur aliquis, qui eximie prudens esset, sed potius mediocriter tantum: quoniam* (inquit) *ex prudentioribus nemo facile conjiciet, quid verisimile foret illius gentis homines facturos.* Sane non raro intervenit ille error, & maxime familiaris est viris prudentibus, ut ex modulo ingenii proprii alios metiantur: ac proinde ultra scopum sæpius jaculentur, supponendo quod homines majora quædam meditentur, & sibi destinent, & subtilioribus technis utantur, quam quæ illorum animos unquam subierunt. Quod etiam

eleganter innuit Adagium Italicum, quo notatur; *Nummorum, Prudentia, Fidei, semper minores inveniri rationes, quam quis putaret.* Quare in levioris ingenii hominibus, quia multa absurda faciunt, capienda est conjectura potius ex propensionibus *ingeniorum*, quam ex destinationibus *finium*. Porro, *Principes* quoque (sed longe aliam ob causam) ab *ingeniis* optime judicantur: *Privati* autem ex *finibus*. *Principes* enim fastigium adepti humanorum desideriorum, nullos fere sibi propósitos *fines* habent, ad quod, præsertim vehementer & constanter, aspirant: ex quorum *finium* situ & distantia, reliquarum suarum *actionum* possit excipi & confici directio & scala: Id quod inter alia, causa est vel præcipua, ut *corda eorum* (quod Scriptura pronunciat) *sint inscrutabilia*. At *Privatorum* nullus est, qui non sit plane veluti viator, & proficiscatur intente ad aliquam itineris metam, ubi consistat: unde non male divinare quis poterit, quid facturum sit, aut non facturum. Si enim in ordine sit quidpiam ad finem suum, probabile est, facturum: sin sit in contrarium finis, minime. Neque, de *finium*, aut *ingeniorum*, in hominibus diversitate, informatio capienda est simpliciter tantum, sed & comparate: quid scilicet prædominetur, & re-

& reliqua in ordinem cogat. Sic, ut videmus, Tigellinus, se cum Petronio Turpiliano inferiorem sentiret, in voluptatibus Neroni ministrandis & prægustandis *mens* (ut ait Tacitus) *Neronis rimatus est* : & hoc pacto æmulum evertit.

Ad *Notitiam* quod attinet, de hominum animis, secundariam, nimirum, quæ ab aliorum *relatione* desumitur, breviter dicere sufficiet. Defectus & vitia didiceris optime ab inimicis ; virtutes & facultates ab amicis ; mores & tempora à famulis ; opiniones & meditationes ab intimis familiaribus, cum quibus frequentius colloquia miscent. Fama popularis levis est, & superiorum judicia minus certa. Etenim coram illis testiores incedunt homines. *Verior fama è domesticis emanat.*

Verum ad *Inquisitionem* istam universam via maxime compendiaria in tribus consistit. Primum, ut *amicitias multas* comparemus, cum ejusmodi *hominibus*, qui *multiplicem & variam* habent, tam *rerum*, quam *personarum*, *notitiam*: Inprimis vero enitendum, ut saltem singulos habeamus præsto, qui pro negotiorum atque hominum diversitate, nos de unaquaque re certiores facere, & solide informare possint. Secundo ut *prudens temperamentum & mediocritatem* quandam persequamur,

mur; & in *libertate sermonis*, & in *taciturnitate*: frequentius *libertatem* usurpantes; at, cum res postulat, *silentium*. *Libertas* siquidem in *sermone*, etiam alios invitat & provocat, ut pari *libertate* erga nos utantur; & sic multa deducit ad notitiā nostram: At *taciturnitas* fidem conciliat efficitque, ut ament homines secreta sua apud nos, tanquam in sinu, deponere. Tercio, is nobis paulatim acquirendus est *Habitus*, ut vigilante & præsente animo, in omnibus colloquiis & actionibus, simul & rem, *qua instat*, geramus: & alia, *qua incidunt*, observemus. Nam sicut Epictetus præcipit, ut *Philosophus* in singulis suis actionibus ita secum loquatur; *Et hoc volo, & etiam institutum servare*: Sic *Politicus* in singulis negotiis, ita secum statuat; *Et hoc volo, atque etiam aliquid, quod in futurum usui esse possit, addiscere*. Itaque, quieosunt ingenio, ut nimium *Hoc agant*, & toti sint in præsente negotio, quod in manibus habent, de iis autem, quæ interveniunt, nec cogitant quidem, (id quod in se agnoscit Montaneus,) illi certe ministri Regum, aut Rerumpub. sunt vel optimi, sed ad proprias fortunas claudicant. Interim, Cautio ante omnia adhibenda, ut *impetum animi*, & *alacritatem* nimiam cobibeamus; ne multa sciendo, ad
nos

nos multis immiscendum, feramur. Infelix enim quiddam est, & temerarium; *Polypragmosyne*. Itaque ista, quam comparandam præcipimus, *notitia rerum & personarum* varietas, huc tandem redit; ut & rerum, quas suspicimus, & hominum, quorum opera utimur, magis cum iudicio delectum faciamus, unde cuncta & magis dextre, & magis tuto, disponere & administrare sciamus.

Notitiam aliorum sequitur *notitia sui*. Etenim non minor diligentia adhibenda est, sed major potius, ut nos de nobis ipsis, quam de aliis, vere & accurate informemus. Quippe cum Oraculum illud, *Nosce te ipsum*, non tantum sit Canon Prudentiæ universalis, sed & in *Politicis* præcipuum locum habeat. Optime enim homines monet S. Iacobus; *Eum, qui vultum in speculo consideravit, oblivisci tamen illi eo, qualis fuerit*: ut omnino frequenti inspectione sit opus. Idque tenet etiam in *Politicis*. Sed *specula* scilicet sunt diversa: Nam *Speculum Divinum*, in quo nos contueri debemus, est Verbum Dei; *Speculum autem Politicum*, non aliud est quam status rerum, & temporum, in quibus vivimus.

Examen igitur accuratum, nec quale esse solet sui nimium amantis, instituendū est homini, de propriis facultatibus, virtu-

tibus & adminiculis: nec non de defectibus, inhabilitatibus, & obstaculis: ita rationem subducendo, ut hæc perpetuo in majus; illa autem minoris potius, quam revera sunt, æstimentur. Ex hujusmodi autem Examine in Considerationem veniant quæ sequuntur.

*Prima Consideratio sit, quomodo alicui homini, moribusque & naturæ suæ, cum temporibus conveniat, quæ si inventa fuerint congrua, omnibus in rebus magis libere & solute agere & suo ingenio uti liceat: sin sit aliqua Antipathia, tum demum in universo vitæ cursu magis caute & recte est incedendum; minusque in publico versandum. Sic Tiberius fecit; qui morum suorum sibi conscius, cum seculo suo non optime convenientium, Ludos publicos nunquam spectavit: quinetiam per duodecim continuos annos postremos nunquam in Senatum venit: ubi contra Augustus perpetuo in oculis hominum vixit: quod & Tacitus observat; *Alia Tiberio morum vis.* Eadem & Periculis ratio fuit.*

Secunda sit Consideratio, quomodo alicui conveniat cum professionibus & generibus vitæ, quæ in usu & pretio sunt, quorumque sibi delectus sit faciendus; ut si jam decretum non sit de genere vitæ, maxime

xime aptum & ingenio suo congruum summat; si jam pridem id *genus* vitæ, ad quod minus à natura factus est, fuerit ingressus, sub prima occasione se subducatur, & novam conditionem arripiat. Id quod à Valentino Borgia videmus factum, ad vitam sacerdotalem à patre innutrito, quam tamen postea ejuravit, suo obsecutus ingenio, & vitæ militari se applicuit: Quanquam Principatu æque ac Sacerdotio indignus, cum utrunque homo pestilens dehonestaverit.

Tertia sit *Consideratio*, quomodo se habeat quis, *comparatus ad aequales & amulos suos*: quos verisimile sit eum habiturum in fortuna sua. Competitores: eumque vitæ cursum teneat, in quo maxima invenitur virorum egregiorum solitudo; atque in quo probabile sit, se ipsum, inter cæteros, maxime posse enitere. Id quod à C. Cæsare factum est; qui ab initio Orator fuit, & causas egit: & in Toga potissimum versabatur: Cum vero vidisset, *Ciceronem, Hortensium, Catulum*, eloquentiæ gloria excellere; rebus vero bellicis clarum admodum neminem, præter Pompeium, destitit ab incepto, & potentiæ illi Civili mulcum valedicere jubens, transiit se ad artes militares, & Imperatorias; ex quibus summum rerum fastigium conscendit.

Quarta sit *Consideratio*, ut naturæ suæ, & ingenii rationem, habeat quis, in *deligendis amicis*; ac *necessariis*; Siquidem diversis, diversum genus *amicorum* convenit; aliis solenne, & taciturnum; aliis audax, & jactabundum; & complura id genus. Certe notatu dignum est, quales fuerint *amici* Iulii Cæsaris, (Antonius, Hirrius, Pansa, Oppius, Balbus, Dolabella, Pollio, reliqui: Illi scilicet jurare solebant; *Ita vivente Cæsare moriar*: infinitum studium erga Cæsarem præ se ferentes; erga omnes alios arrogantes & contemptores: fueruntque homines, in negotiis gerendis, impigri, fama, & existimatione, mediocres.

Quinta sit *Consideratio*, ut caveat quis sibi *ab Exemplis*: neque ad *imitationem aliorum* se inepte componat; quasi quod aliis fuerit pervium, etiam sibi patere necesse sit; neutiquam secum reputant, quantum fortasse interfuerit, inter suum, & illorum, quos ad Exemplum sibi delegit, ingenium & mores. In quem errorem manifesto incidit Pompeius, qui, ut Cicero scriptum reliquit, toties solitus erat dicere; *Sylla potuit, ego non potero?* Qua in re vehementer sibi imposuit, cum ingenium & rationes agendi Syllæ à suis *soto calo* (ut ajunt) *disfarent*: Cum alter ferox esset,

vio-

violentus, quippe factum in omnibus urgeret; alter gravis, legum memor, omniaque ad majestatem & famam componens; unde longe minus erat, ad perficienda quæ cogitavit, efficax & validus. Sunt & aliæ hujus generis *præceptiones*; verum hæc ad Exemplum reliquarum sufficient.

Neque vero, *Nosse se ipsum*, homini sufficit; sed ineunda etiam est ratio secum, quomodo se *ostentare, declarare*, denique *flectere se & effingere*, commode & prudenter, possit. Ad *ostensandum se* quod attinet, nihil videmus usu venire frequentius, quam ut qui virtutis habitu sit inferior, specie virtutis externa sit potior. Non parva igitur est prudentiæ prærogativa, si quis arte quadam, & decore, specimen sui apud alios exhibere possit; *virtutes* suas, *merita*, atque *fortunam* etiam (quod sine arrogantia aut fastidio fieri possit) commode *ostendendo*; contra, *vitia*, *defectus*, *infortunia* & *dedecora*, artificiose occultando: illis immorans, easque veluti ad lumen obvertens; his subterfugia quærens, aut apte ea interpretando eluens: & similia. Itaque, de Mutiano, viro sui temporis prudentissimo, & ad res gerendas impigerissimo, Tacitus; *Omnium, quæ dixerat, feceratque, arte quadam ostentator*. Indiget certe res hæc arte nonnulla, ne tædium & contemptum

prum pariat: ita tamen, ut *ostentatio* quæpiam, licet usque ad vanitatis *primum gradum*, vitium sit potius in *Ethicis*, quam in *Politicis*. Sicut enim dici solet de calumnia; *Audacter calumniare, semper aliquid haret*: Sic dici possit de jactantia, (nisi plane deformis fuerit & ridicula;) *Audacter te vendita, semper aliquid haret*. Hærebit certe apud populum, licet prudentiores subrideant. Itaque existimatio parta apud plurimos, paucorum fastidium abunde compensabit. Quod si ista, de qua loquimur, *sui ostentatio*, decenter, & cum iudicio, regatur; exempli gratia; si nativum quendam pectoris candorem & ingenuitatem præ se ferat; aut si illis temporibus adhibeatur, vel cum pericula circumstant, (ut apud viros militares in bellis;) vel cum alii invidia flagrent; aut si verba, quæ ad laudes proprias pertinent, tanquam aliud agenti, excidisse videantur; minimeque vel serio, vel prolixè nimis, iis insistatur; aut si ita quis se laudibus honestet, ut simul etiam censuris & jociis erga se non abstineat; aut si denique hoc facit, non sponte, sed tanquam laceffit, & aliorum insolentis & contumeliis provocatus: non parvum certe hæc res existimationi hominis cumulum adjicit. Neque sanè exiguus est eorum numerus, qui, cum natura
sint

sint magis solidi, & minime ventosi; atque propterea hac arte honori suo velificandi, careant; moderationis suæ, nonnulla cum dignitatis jactura, dant pœnas.

Verum hujusmodi *Ostentationem virtutis* utcumque aliquis infirmiore judicio, & nimium fortasse *Ethicus*, improbaverit; illud nemo negarit, dandam saltem esse operam, ut virtus per incuriam justo suo pretio non fraudetur; & minoris, quam vera est, æstimetur. Hæc vëro, in virtute æstimanda, pretii diminutio, tribus modis solet contingere: Primo, quando quis, in rebus gerendis, se, & operam suam, offert & obtrudit, non vocatus, aut accersitus: Hujusmodi enim officiis, remunerationis loco esse solet, si non repudientur. Secundo, quando quis in principio rei gerendæ viribus suis nimium abutitur; & quod sensim erat præstandum, uno impetu effundit; id quod rebus bene administratis præproperam conciliat gratiam, in fine autem satietatem inducit. Tertio, quando quis virtutis suæ fructum, in laudibus, plausu, honore, gratia sibi præbitis, nimis cito & leviter sentit, atque in iis sibi complacet; de quo prudens habetur Monitum; *Cave ne insuetus rebus majoribus videaris; si hæc res parum, sicuti magna, delectat.*

Defectum enim vero sedula occultatio, mino-

minoris haudquaquam momenti est, quam *virtutum* prudens & artificiosa ostentatio. Defectus autem occultantur, & latent maxime, triplici quadam industria, & quasi tribus latebris; *cautione, prae-textu, & confidentia*. *Cautionem* dicimus, quando iis rebus prudenter abstinemus, quibus pares non sumus: Ubi contra, ingenia audaculæ, & inquieta, se facile ingerunt, sine iudicio, rebus, quibus non insueverunt; & proinde defectus suos proprios publicant, & quasi proclamant. *Prætextum* dicimus, cum sagaciter, & prudenter, viam nobis sternimus & munimus, qua benigna & commoda, de *vitii* & *defectibus* nostris, fiat interpretatio; quasi aliunde provenientibus, aut alio tendentibus, quam vulgo existimatur. Etenim, de latebris vitiorum non male Poëta;

Sæpe latet vitium proximitate boni.

Quare, si quem defectum in nobis ipsis perceperimus, opera danda, ut personam & prætextum *virtutis finitima* mutuemur, sub cuius umbra lateat. Verbi gratia, *tardo gravitas* prætexenda, *ignavo lenitas*, & sic de cæteris. Illud etiam utile, probabilem aliquam causam obtendere, & in vulgus spargere, qua adducti, ultimas vires nostras promere refugiamus, ut quod non possimus, nolle videamur. Quod ad Consi-

den-

dentiam attinet, impudens certe est remedium, sed tamen certissimum atque efficacissimum; nempe, ut quis ea omnino contemnere & vilipendere se profiteatur, quæ revera assequi non possit; Mercatorum prudentium more, quibus solenne est, & proprium, ut pretium mercium suarum attollant, aliorum deprimant. Est tamen & aliud *Confidentia* genus, hoc ipso impudentius; nimirum, perfricta fronte *despectus* suos etiam opinioni obtrudere, & venditare; quasi in iis, quibus maxime destituitur, se eminere credat; atque ut hoc facilius cæteris imponiat, se in iis rebus, quibus revera plurimum pollet, fingat diffidentem. Quemadmodum fieri videmus in Poëtis. Poëta enim Carmina sua recitante, si unum aliquem Versiculum non admodum dixeris probandum, audias illico; *Atqui hic Versus pluris mihi constitit, quàm reliquorum plurimi.* Tum vero aliū quempiam Versum adducet, quasi sibi suspectū, & de eo, quid putes, sciscitabitur, quem satis norit, inter plurimos esse optimum, & censuræ minime obnoxium. Ante omnia vero, ad hoc, quod nunc agitur; ut scilicet, specimen sui quis edat coram aliis illustre, & jus suum in omnibus retineat; nil magis interesse judico, quam ne quis per nimiam suam naturæ bonitatem, & suavitatem, se exar-

exarmer, & injuriis & contumeliis exponat: quin potius in omnibus aliquos animi liberi & generosi, & non aculei minus, quam mellis, intra se gestantis, igniculos subinde emittat. Quæ quidem munita vitæ ratio, una cum prompto & parato, ad se à contumeliis vindicandum, animo, aliquibus ex accidente imponitur, & necessitate quadam inevitabili, propter aliquid infixum in persona, aut fortuna sua: veluti fit, in *deformibus & spuris, & ignominia aliqua multatis*: unde hujusmodi homines, si virtus non desit, felices plerunque evadunt.

Quod vero ad se *declarandum* attinet; Id alia res omnino est ab *Ostentatione* sui, de qua diximus. Neque enim ad *virtutes* aut *defectus* hominum, refertur; sed ad *actiones vitæ particulares*. Qua in parte nihil invenitur magis Politicum, quam ut mediocritas quædam servetur, prudens & sana, in sensa animi, circa actiones particulares, aperiendo, aut recondendo. Licet enim profunda taciturnitas, & consiliorum occultatio, & is rerum gerendarum modus, qui omnia cæcis & (ut modernæ linguæ potius loquuntur) surdis artibus, & mediis, operatur, res sit & utilis, & mirabilis; tamen non raro evenit, ut (quod dicitur) *diffimulatio errores pariat, qui diffimula-*

mulatorē ipsum illaqueant, Nam videmus, viros Politicos, maxime omnium insignes, libere & indissimulanter, fines quos peterent, palam proferre non dubitasse. Sic L. Sylla manifesto præ se tulit, se omnes mortales, vel felices, vel infelices fieri, cupere, prout sibi essent, vel amici, vel inimici. Sic Cæsar, cum primum profectus est in Gallias, nil veritus est profiteri; Se malle primum esse in villa obscura, quam secundum Roma. Idem Cæsar, cæpto jam bello, dissimulatore minime egit, si audiamus quid Cicero de illo prædicet. Alter (Cæsarem innuens) non recusat, sed quodammodo postulat, ut (ut est) sic appelletur Tyrannus. Similiter videmus in Epistola quadam Ciceronis ad Atticum, quam minime fuerit Augustus Cæsar dissimulator; qui in ipso ingressu ad res gerendas, cum adhuc Senatui esset in deliciis; solitus tamen erat, in Concionibus apud populum, jurare, illa formula; Ita Parentis honores consequi liceat. Illud autem, non minus quiddam erat, quam ipsa Tyrannis. Verum est, ad invidiam paululū leniendam, solitum eum simul, ad statuum Iulii Cæsaris, quæ in Rostris posita erat, manum protendere. Homines autem ridebant, & plaudebant, & admirabantur, & inter se ita loquebantur; Quid hoc est? Qualis Adolescens? Sed tamen

men nihil malitiæ in eo suspicabantur, qui tam candide & ingenue, quod sentiret, loqueretur. Et isti quidem, quos nominavimus, prospera omnia consecuti sunt. Pompeius contra, qui ad eisdem tendebat fines, sed viis magis umbrosis & obscuris; (sicut Tacitus de eo loquitur; *Occultior, non melior*: atque Salustius similiter idem insinuat; *Ore probo, animo inverecundo*;) id prorsus agebat, & innumeris technis moliebatur, ut cupiditates suas & ambitionem alte recondendo, interim Rempublicam in Anarchiam & Confusionem redigeret; quo illa se necessario in sinu ejus conjiceret; atque hoc pacto, summa rerum ad eum deferretur, quasi invitum & renitentem. Cum vero hoc se putaret consequutum, factus consul solus (quod nunquam cuiquam contigisset,) nihilo plus ad fines suos proficiebat; eo quod, etiam illi, qui proculdubio eum fuissent adjutori, quid vellet non perciperent. Adeo ut tandem coactus sit, tritam & vulgarem inire viam; ut scilicet, prætextu se Cæsari opponendi, arma & exercitum compararet. Adeo lenta, casibus obnoxia, & plerunque infelicia solent esse ea consilia, quæ profunda *diffimulatione* obteguntur! Qua de re idem sensisse videtur Tacitus, cum *simulationis* artificia, tanquam inferioris sub-

subsellii prudentiam, constituent, præ *artibus politicis*: illam Tiberio, has vero Augusto Cæsari attribuens. Etenim, de Livia verba faciens, sic loquitur; Quod fuisset illa, *cum artibus mariti & simulatione filii, bene composita.*

Quod ad animum *flectendum & effingendum* attinet; Totis viribus certe incumbendum, ut animus reddatur occasionibus & opportunitatibus obsequens, neque ullo modo erga eas durus aut renitens. Neque enim majus fuerit impedimentum, ad res gerendas, aut fortunas hominum constituendas, quam illud; *Idem manebas, neque idem decebas*: videlicet, cum homines iidem sint, & natura sua utantur, postquam occasiones se mutaverint. Bene itaque Livius, cum Catonem Majorem introducit, tanquam fortunæ suæ architectum peritissimum, illud subjungit; quod ei fuerit *ingenium versatile*. Atque hinc fit, quod ingenia gravia & solennia, & mutare nescia, plus plerunque habeant dignitatis, quam felicitatis. Hoc verò vitium in aliquibus à *natura* penitus insitum est, qui suo pre ingenio sunt *viscosi & nodosi*, & ad versandum inepti. At in aliis *consuetudine* obtinuit (quæ est altera *natura*.) atque opinione quadam (quæ in animos hominum facile obrepit;) ut minime mutandam sibi putent

putent rerum gerendarum rationem, quam prius bonam & prosperam sint experti. Prudenter enim observat Machiavellus in Fabio Maximo, quod *pristinum suum & inveteratum, cunctandi & belli trahendi, morem retinere mordicus voluerit, cum natura belli esset alia, & acriora postularet consilia*. In aliis porro, idem vitium ex inopia iudicii progignitur; cum homines periodos rerum & actionum non tempestive discernant; sed tum demum se vertant postquam opportunitas jam elapsa sit. Tale quidpiam in Atheniensibus suis redarguit Demosthenes; Eos ajens esse *rusticis similes, qui in ludogladatorio se probantes, semper post plagam acceptam, in eam partem muniendam scutum transferunt, qua percussi sunt: non prius*. In aliis rursus hoc ipsum contingit: quia operam, in via ea, quam semel ingressi sunt, collocatam, perdere gravantur, nec receptui canere sciunt: sed potius, se occasionibus superiores fore, constantia sua, confidunt. Verum ista animi *viscositas & venientia*, ex quacunque illa tandem radice pullularit, rebus gerendis, fortunæ hominum, est damnosissima: Nihilque magis Politicum, quam animi rotas reddere cum rotis Fortunæ concentricas, & simul volubiles. Atque de *Præceptis duobus summariis, circa Fortunæ archi-*

architecturam, hactenus. *Præcepta autem sparsa* haud pauca sunt; Nos tamen per pauca deligemus, pro modo exempli.

Primum *Præceptum* est: *Faber fortuna*, amuisse sua perite utatur, eamque rite applicet; hoc est, animum assuefaciat, ut rerum omnium pretium & valorem æstimet, prout ad fortunam & fines suos, magis aut minus, conducant; hocque curet sedulo, non perfunctorie. Mira enim res, sed verissima: Inveniuntur plurimi, quorum mentis *pars Logica* (si ita loqui licet) est bona: *Mathematica*, pessima: videlicet, qui de rerum consequentiis satis firmiter judicant; de pretiis vero, imperitissime. Hinc fit, ut alii, privata & secreta cum Principibus colloquia: alii, aures populares, tanquam magna adepti, admirentur; cum sit utrunque sæpenumero res, & invidia & periculo plena: alii autem res metiuntur ex difficultate, atque opera sua in eis impensa: fieri oportere existimantes, ut quantum moveant, tantum etiam promoverint: Sicut Cæsar de Catone Uticensi, veluti per Ironiam, dixit: narrando quam laboriosus fuerit & assiduus, & quasi indefatigabilis, neque tamen multum ad rem *Omnia* (inquit) *magno studio agebat*: Hinc etiam illud accidit, ut homines sæpius se ipsos fallant: qui, si magni alicujus aut honorati viri opera u-

tan-

tantur, sibi omnia prospera promittant: cum illud verum sit, non grandissima quæque instrumenta, sed aptissima, citius & felicius opus quodque perficere. Atque ad *Mathematicam* verā *animi* informandam, operæ pretium est, illud inprimis nosse, & descriptum habere: quid ad cuiusque fortunam constituendam & promovendam primum statui debeat, quid secundum, & sic deinceps. Primo loco *emendationem animi* pono: *Animi* enim *impedimenta* & *nodos* tollendo & complanando: citius viā fortunæ aperueris, quam fortunæ auxiliis, *animi impedimenta* sustuleris. Secundo loco *opes* pono, & *pecuniam*: quam summo loco plurimi fortasse collocaverint, cum tanti sit ad omnia usus. Verum eam opinionem similem ob causam adjudico, atque Machiavellus fecit, in alia re, non multum ab ea discrepante. Cum enim vetus fuerit *Sententia*, *Pecuniam esse nervos belli*: ille contra, non alios esse *nervos belli* asseruit, quam *nervos virorum fortium & militarium*. Eodem prorsus modo vere asseri possit: *Nervos fortuna*, non esse *pecuniam*, sed potius *animi vires*, ingenium, fortitudinem, audaciam, constantiam, moderationem, industriam, & similia. Tertio loco colloco *famam & existimationem*: eo magis, quod illa æstus quosdam habeant, &

tempora, quibus si non opportune utaris, difficile erit rem in integrum restituere. Ardua enim res, famam præcipitantem retrovertere. Postremo loco, pono *honores*: ad quos certe facilior aditus per unumquodque ex illis tribus, multo magis per omnia conjuncta datur; quam si ab *honoribus* auspiceris, & deinde ad reliqua perrexeris. Verum, ut in ordine rerum servando haud parum est momenti: ita non minus in servando ordine temporis: cujus perturbatione frequentissime peccatur: dum ad fines tum properatur, quando initia essent curanda; atque dum ad maxima quæque subito advolamus, quæ in medio posita sunt temere transilientes. At illud recte præcipitur: *Quod nunc instat, agamus.*

Secundum *Præceptum* est, ut caveamus, ne animi quadam magnitudine, & præfidentia, ad magis ardua, quam par est, feramur: neve in adversum fluvii remigemus. Optimum enim consilium circa fortunas hominum,

— *Fatis accede, Deisque.*

Circumspiciamus in omnes partes, & observemus, qua res pateant, qua clausæ & obstructæ sint, qua proclives, qua arduæ: neque viribus nostris, ubi non patet aditus commodus abutamur. Hoc si fecerimus;

P

& à

& à repulsa nos immunes præstabimus; & in negotiis singulis nimis diu non hærebimus; & moderationis laudem reportabimus; & pauciores offendemus; & denique felicitatis opihionem acquirèmus; dum quæ sponte fortasse eventura fuissent, nostræ industriæ accepta ferentur.

Tertium *Præceptum* cum proxime præcedente nonnihil pugnare videri possit; licet, probe intellectum, minime. Illud hujusmodi est; Ut occasiones non semper expectemus, sed eas quandoque provocemus, & ducamus. Quod etiam innuit Demosthenes, magniloquentia quadam. Et *quemadmodum receptum est; ut exercitum ducat Imperator: sic à cordatis viris res ipsa ducenda, ut quæ ipsis videntur, ea gerantur, & non ipsi persequi eventus tantum cogantur.* Etenim, si diligenter attendamus, duas observabimus, easque discrepantes species, eorum, qui rebus gerendis, & negotiis tractandis, pares habeantur. Alii siquidem occasionibus commodè sciunt uti, sed nihil ex se moliuntur, aut excogitant; alii toti sunt in machinando, qui occasiones, quæ opportune incidunt, non arripiunt. Harum facultatum altera, alteri non conjuncta, manca omnino & imperfecta censenda est.

Quartum est *Præceptum*; Ut nihil suscipia-

icipiamus, in quo necesse sit temporis plurimum insumere: verum ut Versiculus ille aurem semper vellicet;

Sed fugit interea, fugit irreparabilis tempus.

Neque alia subest causa, cur ii, qui professionibus laboriosis, aut rebus similibus, se addixerunt: veluti Jureconsulti, Oratores, Theologi doctiores, librorum Scriptores, & hujusmodi: in fortuna sua constituenda, & promovenda, minus sint solertes: quam, quod tempore (alias scilicet insumpto) indigent ad particularia pernoscentia; opportunitates captandas; & machinas, quæ ad fortunam suam spectent, comminiscendas & meditandas. Quinetiam, in aulis Principum, & Rebuspub. eos reperiatis, & ad fortunam suam promovendam, & ad aliorum invadendam, maxime efficaces, qui nullo publico munere funguntur, sed in hoc, de quo loquimur, *ambitu vita* perpetuo occupantur.

Quintum est *Præceptum*: Ut naturam quodammodo imitemur, quæ *nihil facit frustra*. Id quod factu non erit admodum difficile, si negotia nostra omnium generum perite commisceamus & contexamus. In singulis enim actionibus ita animus est instituendus & præparandus, atque intentiones nostræ aliæ aliis subternendæ,

& subordinandæ: ut, si in aliqua re voti compotes in *summo gradu* fieri non possimus, in *secundo* tamen liceat consistere: imo vel in *tertio*: Quod si nec in *aliqua* omnino *parte rei* hætere aut consistere possimus, tum vero ad alium quempiam (præter destinatum finem) operam impensam flectamus; Sin nec in *presenti* aliquem fructum demetere queamus, saltem aliquid ex ea extrahamus quod in *futurum* profuit: Si vero nihil *solidi*, nec in *presenti*, nec in *futuro*, inde elicere detur, satagamus saltem, ut aliquid *existimationi* nostræ inde accrescat: Et alia id genus: rationes semper à nobis ipsis exigendo, quibus constet, nos fructus aliquid, plus minus, ex singulis actionibus & consiliis nostris percepisse: neque ullo modo permittendo, ut tanquam confusi ac consternati animum illico despondeamus, si forte scopum principalem non licuerit attingere. Nihil enim minus convenit viro Politico, quam uni rei unice esse intentum. Qui enim hoc facit, occasionum innumerarum iactura multabitur, quæ rebus agendis ex obliquo intervenire solent: quæque fortasse magis fuerint propitiæ & commodæ ad alia, quæ postea usui futura sint, quam ad ea, quæ in manibus habeamus. Ideoque bene calleamus illam Regulam: *Hæc oportet*

et facere, & illa non omittere.

Sextum est *Præceptum*; Ut nos rei alicui nimis peremptorie non astringamus: quāquam casui videatur, primo intuitu, minus obnoxia: sed semper habeamus, vel fenestram apertam ad evolandum: vel posticum aliquod secretum, ad redeundum.

Septimum *Præceptum*, est antiquum illud Biantis: modo non ad perfidiam, sed ad cautionem, & moderationem, adhibeatur: *Et ames tanquam inimicus futurus, & oderis tanquam amaturus.* Nam utilitates quasque mirum in modum prodit & corrumpit, si quis nimium se immerferit amicitiiis infelicibus: molestis & turbidis odiis: aut puerilibus & futilibus æmulationibus.

Hæc exempli loco, circa *Doctrinam de Ambitu vite*, sufficient: Illud enim hominibus in memoriam subinde reducendum est; longe abesse, ut adumbrationes istæ, quibus utimur in desideratis, loco iustorum *Tractatum* ponantur; sed sint solummodo tanquam schedæ aut simbræ, ex quibus de tela integra iudicium fieri possit. Neque rursus ita desipimus, ut fortunam, absque tanto, quantum diximus, molimine, minime parari asseramus. Probe enim novimus, eam tanquam sponte in gremium aliquorum defluere: alii autem eam diligentia sola & assiduitate (cautione

nonnulla aspersa,) absque arte multa aut operosa, adipiscuntur. Verum sicut Cicero Oratorem perfectum depingens, non id vult, ut Causidici singuli tales esse debeant, aut possint; ac rursus, sicut in Principe aut Aulico describendo. (quod nonnulli tractandum susceperunt) modulus effingitur, prorsus secundum artis perfectionem, non autem secundum Practicam vulgatam: idem & nos in *Politico* instruendo praestitimus: *Politico* (inquam) quoad fortunam propriam.

Enimvero, illud utique monendum, *Præcepta*, quæ circa hanc rem delegimus & proposuimus, omnia ex genere eorum esse, quæ *Bonæ Artes* vocantur. Quod enim ad *Malas Artes* attinet: Si quis Machiavello se dederit in disciplinam: qui præcipit, *Virtutem ipsam non magnopere curandam, sed tantum speciem ejus, in publicum versam: quia virtutis fama & opinio homini adjumento sit, virtus ipsa impedimento*: Quique alio loco præcipit, *Ut homo Politicus illud tanquam fundamentum prudentia sua substernat: quod presupponat, homines, non recte, nec tuto, ad ea, quæ volumus, flecti aut adduci posse, præterquam solo metu: ideoque det operam, ut omnes, quantum in se est, obnoxii sint, atque in periculis & angustiis constituti: ita*

ut Politicus suus videatur esse, quod Itali dicunt, *Seminator spinarum*: Aut si quis Axioma illud, quod à Cicerone citatur, amplecti velit: *Cadant amici, dummodo inimici intercidant*; Sicut Triumviri fecerunt, qui inimicorum interitum, amicissimorum exitio redimebant: Aut si quis L. Catilinæ imitator esse velit, ut Rerum-pub. incendiarius fiat & perturbator, quo melius in aquis turbidis piscari & fortunam suam expedire possit; *Ego* (inquit) *si in fortunis meis incendium sit excitatum, id non aqua, sed ruina restinguam*: Aut si quis illud Lylandri ad se transferat, qui dicere solebat: *Pueros placentis, viros perjuris alliciendos*: Cum aliis ejusdem latinx pravis ac perniciosis dogmatibus; quorum (ut sit in cæteris rebus omnibus) major est numerus, quam rectorum & sanorum: Si quis (inquam) hujusmodi inquinata prudentia delectetur; non ierim inficias, cum (quandoquidem, legibus Charitatis & Virtutis omnibus se ipsum solum, fortunæ solummodo manciparit) posse, majore compendio, & celerius, fortunam suam promoveri. Fit vero in *vita*, quemadmodum & in *via*, ut iter brevius, sit fœdus & cœnosius: neque sane, ut per viam meliorem quis incedat, multa circuitione opus est.

Tantum vero abest, ut homines ad hujusmodi *artes pravas* se applicare oporteat: ut potius sane (si modo sint apud se, seque sustinere valeant, neq; ambitionis turbine & procella in adversum rapiantur) ante oculos proponere debeant; non solum Mundi Chorographiam generalem illam, quod *omnia sint vanitas*, & *vexatio spiritus*: verum etiam & illam magis specialem: videlicet, quod ipsum *esse*, se junctum à *bono esse*, maledictionis loco sit: & quo grandius sit *esse*, eo major sit maledictio: quodque amplissimum virtutis præmium, sit ipsa virtus: Quemadmodū & ultimū vitii supplicium est vitium ipsum: sicut egregie Poëta:

Quæ vobis, quæ digna, vivi, pro talibus ausis (mum

Pramia posse rear solvi? Pulcherrima prædii moresque dabunt vestri.

Et e contra non minus vere ille de sceleratis, *Atque eum ulciscuntur mores sui*. Quinetiam, mortales, dum in omnes partes cogitationes suas agitant, & diffundunt, ut fortunis suis recte prospectum atque consultum sit, interim in mediis illis animi transcurribus ad divina judicia, & providentiam æternam, oculos attollere debent: quæ sæpissime impiorum machinationes, & consilia prava, licet profunda, subvertit, & ad nihilum redigit; securum

dum

dum illud Scripturæ; *Concepit iniquitatem, & pariet vanitatem.* Imo, etli injuriis, & *malis artibus*, abstineant; attamen hæc jugis & irrequieta anhelatio ad ardua fortunæ, absque cessatione, & quasi sine sabbatho, tributum temporis nostri Deo debitum minime solvit: qui, ut videre est, facultatum nostrarum decimas, temporis autem septimas exigit, & sibi seponit. Quorsum enim fuerit, os gerere in cœli sublimia erectum, mentē vero humi prostratam, & pulverem instar serpentis comedentem? Quod etiam Ethnicos non fugit; *Atq; affigit humi divina particulam aure.* Quod si hoc sibi quisquam adblandiatur, quod fortuna sua, utcumque eam malis artibus obtinuerit, recte uti decrevit: sicut de Augusto Cæsare, & Septimio Severo, solitum erat dici; *Debuisse illos aut nunquam nasci, aut nunquam mori:* tanta in ambitu fortunæ suæ patrarunt mala; tanta rursus, summa adepti, contulerunt bona: intelligat nihilominus, hanc malorum per bona compensationem post factum probari; consilium autem hujusmodi merito damnari. Abs re postremo nobis non fuerit, in cursu isto incitato, & fervido, versus fortunam nostram, frigidam paulisper aspergere, haustam è dicterio itlo non ineleganti, Caroli Quinti Impera-

toris, in Institutionibus suis ad Filium :
*Imitari fortunam mores mulierum, quæ
 procos plus nimio ambientes plerumquæ su-
 perbe averfantur.* Verum hoc ultimum
 remedium pertinet ad eos, quibus gustus
 ex morbo animi, corruptus est. Innitantur
 potius homines lapidi illi, qui *Theologia &
 Philosophia* est tanquam *angularis*; quæ
 idem fere afferunt de eo, quod *primum*
quæri debeat: Etenim *Theologia* edicit;
Primum *quærite regnum Dei, & ista om-
 nia adjicientur vobis*: *Philosophia* autem
 simile quiddam jubet; *Primum* *quærite*
bona animi, cætera aut aderunt, aut non
oberunt. Quamvis autem hoc *fundamen-*
sum, humanitus jactum, interdum locetur
 super *arenas*: quemadmodum videre
 est in M. Bruto, qui in eam vocem, sub
 exitura suum, prorupit;

*Te colui, virtus, ut rem, aſſe tu nomen
 inane es.*

At idem *fundamentum*, divinitus loca-
 tum, firmatur semper in *Petra*. Hic autem
Doctrinam de ambitu vitæ concludimus.

LXI.

De Certitudine legum, per Aphorismos.

PROOEMIUM.

APHORISMVS I.

IN Societate Civili aut Lex, aut Vis
 valet. Est autem & Vis quædam Le-
 gem

gem simulans; & Lex nonnulla magis vim sapiens, quam æquitatem Juris. Triplex est igitur Injustitiæ fons; Vismæra: Illaqueatio malitiosa prætextu legis: & Acerbitas ipsius legis.

APHORISMVS 2.

Firmamentum Juris privati tale est. Qui injuriam facit, Re utilitatem aut voluptatem, capis; Exemplo periculum. Ceteri utilitatis aut voluptatis illius participes non sunt, sed exemplum ad se pertinere putant. Itaque facile cõeunt in consensum, ut caveatur sibi per leges; ne injuriæ per vices ad singulos redeat. Quod si ex ratione temporum, & communione culpa, id eveniat, ut pluribus & potentioribus, per legem aliquam periculum creetur, quam caveatur, factio solvit legem; Quod & sæpe fit.

APHORISMVS 3.

At Jus privatum sub tutela Juris publici latet. Lex enim cavet civibus, Magistratus legibus. Magistratum autem auctoritas pendet ex majestate Imperii & fabrica Politia. & Legibus fundamentalibus. Quare, si ex illa parte sanitas fuerit, & recta constitutio, Leges erunt in bono usu; sin minus, parum in iis præsidii erit.

APHORISMVS 4.

Neque tamen Jus publicum ad hoc tantum spectat, ut addatur tanquæ custos Juri

privato, ne illud violetur; atq; ut cessent injuria: sed extenditur etiam ad Religionē, & arma, & disciplinam, & ornamenta, & opes, deniq; ad omnia circa bene esse civitatis.

APHORISMVS 5.

Finis enim & scopus, quem leges intueri, atque ad quem jussiones & sanctiones suas dirigere debent, non alius est, quam ut cives feliciter degant. Id fiet, si pietate & religione recte instituti: moribus honesti; armis adversus hostes externos tuti; Legum auxilio adversus seditiones & privatas injurias muniti; Imperio & Magistratibus obsequentes: copiis & opibus locupletes & florentes fuerint. Harum autem rerum instrumenta & nervi sunt leges.

APHORISMVS 6.

Atque hunc finem optima leges assequuntur, plurima vero ipsarum aberrant. Leges enim, mirum in modum, & maximo intervallo, inter se differunt; ut alia excellent; alia mediocriter se habeant; alia prorsus vitiosæ sint. Dictabimus igitur, pro judicii nostri modulo, quasdam tanquam legum leges: ex quibus informatio peti possit, quid in singulis legibus bene aut perperam positum aut constitutum sit.

APHORISMVS 7.

Antequam vero ad corpus ipsum legum particularium deveniamus; perstringemus
par-

paucis virtutes & dignitates legum in genere. Lex bona censei possit, qua sit intimatione certa; præcepto iusta; executione commoda; cum forma Politicæ congrua; & generans virtutem in Subditis.

TITVLVS I.

De Prima dignitate Legum,
ut sint certæ.

APHORISMVS 8.

Legis tantum interest ut certa sit, ut absque hoc nec iusta esse possit. Si enim incertam vocem det tuba, quis se parabit ad bellum? Similiter si incertam vocem det lex, quis se parabit ad parendum? Ut moneat igitur oportet, priusquam feriat. Etiam illud recte positum est: Optimam esse legem, quæ minimum relinquit arbitrio iudicis: Id quod certitudo ejus præstat.

APHORISMVS 9.

Duplex Legum incertitudo: Altera, ubi lex nulla præscribitur; altera ubi ambigua & obscura. Itaque de Casibus omissis à lege primo dicendum est: ut in his etiam inveniatur aliqua norma certitudinis.

De Casibus omissis à Lege.

APHORISMVS 10.

Angustia prudentiæ humanæ, Casus omnes, quos tempus reperit, non potest

test capere. Non raro itaque se ostendunt casus omitti & novi. In huiusmodi casibus triplex adhibetur remedium, sive supplementum; vel per processum ad similia; vel per usum Exemplorum, licet in legem non coaluerint; vel per jurisdictiones, quæ statuunt ex arbitrio boni viri, & secundum discretionem sanam; sive ille Curix fuerint Prætorix, sive Censorix.

De processu ad Similia, & extensionibus legum.

APHORISMVS. II.

IN Casibus omissis deducenda est norma legis à similibus: sed caute & cum iudicio. Circa quod servanda sunt Regula sequentes. Ratio prolifica, consuetudo sterilis esto, nec generet casus. Itaque quod contra rationem juris receptum est, vel etiam ubi ratio ejus est obscura, non trahendum est ad Consequentiam.

APHORISMVS. II.

Lex publicum insigne, rapit ad se Casus omissos. Quamobrem, quando Lex aliqua, Reipub. commoda notabiliter & majorem in modum intuetur, & procurat, interpretatio ejus extensiva esto, & amplians.

APHO-

APHORISMVS 13.

*Durum est torquere leges, ad hoc ut tor-
queant homines. Non placet igitur exten-
di leges pœnales, multo minus capitales,
ad delicta nova. Quod si Crimen vetus fue-
rit, & legibus notum: sed prosecutio ejus
incidat in casum novũ, à legibus non pro-
visum omnino recedatur à placitis juris,
potius quam delicta maneant impunita.*

APHORISMVS 14.

*In statutis, quæ jus commune (præsertim
circa ea, quæ frequenter incidunt, & diu
coaluerunt) plane abrogant, non placet pro-
cedi per Similitudinem ad Casus omissos.
Quando enim Respub. tota lege diu carue-
rit: idque in casibus expressis; parum pe-
riculi est, si casus omissi expectent remo-
dum à statuto novo.*

APHORISMVS 15.

*Statuta, quæ manifesto temporis leges
fuerunt: atque ex occasionibus Reipub. tunc
invalescentibus nata, mutata ratione tem-
porum, satis habent, si se in propriis casibus
sustinere possint: præposterum autem esset, si
ad casus omissos ullo modo traherentur.*

APHORISMVS 16.

*Consequentia non est Consequentia: sed
fisti debet extensio intra casus proximos.
Alioqui labetur paulatim ad Dissimilia: Et
magis valebunt acmina ingeniorũ, quam*

auctoritates Legum.

APHORISMVS 17.

In legibus & statutis brevioris styli, extensio facienda est liberius. At in illis, quae sunt enumerativa casuum particularium, cautius. Nam, ut Exceptio firmat vim Legis in casibus non exceptis: ita Enumeratio infirmat eam in casibus non enumeratis.

APHORISMVS 18.

Statutum explanatorum claudit rivos statuti prioris: nec recipitur postea extensio in alterutro statuto. Neque enim facienda est superextensio à Iudice, ubi semel coepit fieri extensio à lege.

APHORISMVS 19.

Solemnitas verborum, & actorum non recipit extensionem ad Similia. Perdit enim naturam solennis, quod transit à more ad arbitrium: Et introductio novorum corrumpit majestatem veterum.

APHORISMVS 20.

Proclivis est extensio Legis ad Casus post-natos; qui in rerum Natura non fuerunt tempore Legis lata. Vbi enim casus exprimi non poterat, quia tunc nullus erat, casus omissus habetur pro expresso, si similis fuerit ratio.

Atque de extensionibus legum, in casibus omissis hæc dicta sint: Nunc de usu Exemplorum dicendum.

De

De Exemplis, & usu eorum.

APHORISMVS 21.

DE Exemplis jam dicendum est, ex quibus jus hauriendum sit, tibi Lex deficit. Atque de Consuetudine, qua legis species est, deque Exemplis, qua per frequentem usum in consuetudinem transierunt, tanquam Legem tacitam, suo loco dicemus. Nunc autem de Exemplis loquimur, qua raro & sparsim interueniunt, nec in Legis vim coaluerunt; quando, & qua cautione, norma Iuris ab ipsis petenda sit, cum Lex deficiat.

APHORISMVS 22.

Exempla à temporibus bonis & moderatis petenda sunt: non tyrannicis, aut fastidiosis, aut dissolutis. Huiusmodi Exempla temporis partus spurii sunt: & magis nocent, quam docent.

APHORISMVS 23.

In Exemplis, recentiora habenda sunt pro tutioribus. Quod enim paulo ante factum est, unde nullum sit secutum incommodum, quid ni iterum repetatur? Sed tamen minus habent auctoritatis recentia. Et si forte res in melius restitui opus sit, recentia Exempla magis seculum suum sapiunt, quam rectam rationem.

APHO-

APHORISMVS 24.

At vetustiora Exempla caute, & cum delectu, recipienda: decursus siquidem aetatis multa mutat: ut quod tempore videatur antiquum, id perturbatione, & inconformitate ad praesentia, sit plane novum. Medii itaque temporis Exempla sunt optima, vel etiam talis temporis, quod cum tempore currente plurimum conveniat: quod aliquando praestat tempus remotius, magis quam in proximo.

APHORISMVS 25.

Intra fines Exempli, vel citra potius, recohabeto, nec illos ullo modo excedito. Vbi enim non adest norma Legis, omnia quasi pro suspectis habenda sunt. Itaque, ut in obscuris, minimum sequitor.

APHORISMVS 26.

Cavendum ab Exemplorum fragmentis & compendiis: atque integrum Exemplum, & universus ejus processus introspiciendus. Si enim incivile sit nisi tota Lege perspecta, de parte ejus judicare, multo magis hoc valere debet in Exemplis; quae accipitis sunt usus, nisi valde quadrent.

APHORISMVS 27.

In Exemplis plurimum interest, per quas manus transferint, & transacta sint: Si enim apud Scribas tantum, & Ministros Iustitiae, ex cursu Curiae, absque notitia mani-

manifesta Superiorum, obtinuerint: aut etiam apud errorum magistrum populum; conculcanda sunt, & parvi facienda. Sin apud Senatores, aut Iudices, aut Curias Principales, ita sub oculis posita fuerint, ut necesse fuerit, illa, approbatione Iudicum, saltem tacita, munita fuisse, plus dignationis habent.

APHORISMVS 28.

*Exemplis, quae publicata fuerint, ut-
cunque minus fuerint in usu, cum tamen
sermonibus, & disceptationibus hominum,
agitata & ventilata extiterint, plus au-
thoritatis tribuendum. Quae vero in scriniis
& archivis manserunt, tanquam sepulta,
& palam in oblivionem transferunt, mi-
nus. Exempla enim, sicut aqua, in pro-
fluente sanissima.*

APHORISMVS 29.

*Exempla, quae ad Leges spectant, non
placet ab Historicis peti, sed ab actis pu-
blicis, & traditionibus diligentioribus.
Versatur enim infelicitas quaedam inter
Historicos vel optimos, ut Legibus, & a-
ctis judicialibus, non satis immorentur:
aut si forte diligentiam quandam adhibue-
rint, tamen ab authenticis longe variant.*

APHORISMVS 30.

*Exemplum, quod aetas contemporanea
aut proxima respuit, cum casus subinde re-*
CHR-

curreret, non facile admittendum est. Neque enim tantum pro illo facit, quod homines illud quandoque usurparunt: quam contra, quod experti reliquerunt.

APHORISMVS 31.

Exempla in consilium adhibentur, non utique iubent, aut imperant. Igitur ita regantur, ut auctoritas præteriti temporis flectatur ad usum præsentis.

Atque de informatione ab exemplis, ubi Lex deficit; hæc dicta sint. Jam dicendum de Curiis Prætoriis, & Censoriis.

De Curiis Prætoriis, & Censoriis.

APHORISMVS 32.

CURIAE sunt, & Iurisdictiones, quæ statuunt ex arbitrio boni viri, & discretionem sana, ubi Legis norma deficit. Lex enim (ut antea dictum est) non sufficit casibus, sed ad ea, quæ plerumque accidunt, aptatur. Sapientissima autem res tempus, (ut ab antiquis dictum est) & novorum casuum quotidie auctor, & inventor.

APHORISMVS 33.

Interveniunt autem novi casus & in criminalibus; qui poena indigent: & in civilibus; qui auxilio. Curias, quæ ad priora illa respiciunt, Censoriis; quæ ad posteriora, Prætorias appellamus.

APHORISMVS 34.

Habent Curix Censorix jurisdictionem & potestatem, non tantum nova delicta puniendi, sed etiam pœnas, à legibus constitutas pro delictis veteribus, augendi, si casus fuerint odiosi, & enormes, modo non sint capitales. Enorme enim, tanquam novum est.

APHORISMVS 35.

Habeant similiter Curix prætorix potestatem, tam subveniendi contra rigorem Legis, quam supplendi defectum Legis Si enim porrigi debet remedium ei, quem Lex præteriit, multo magis, ei, quem vulneravit.

APHORISMVS 36.

Curix ista Censorix, & Prætorix, omnino intra casus enormes & extraordinarios se continent: nec jurisdictiones ordinarias invadunt: ne forte tendat res ad supplantationem Legis, magis quam ad supplementum.

APHORISMVS 37.

Jurisdictiones ista in supremis tantum Curiiis resident, nec ad inferiores communicant. Parum enim abest, à potestate leges condendi, potestas eas supplendi, aut moderandi.

APHORISMVS 38.

At Curix illa uni viro ne committantur,

tur, sed ex pluribus consent. Nec decreta exeant cum silentio; sed Iudices sententiæ suæ rationes adducant, idque palam, atque astante corona: ut, quod ipsa potestate sit liberum, fama tamen & existimatione sit circumscriptum.

APHORISMVS 39.

Rubricæ sanguinis ne sunt, nec de Capitalibus, in quibuscunque Curiis, nisi ex lege nota & certa, pronunciator. Indixit enim mortem Deus ipse prius: postea infligit: Nec vita eripienda nisi ei, qui se in suam vitam peccare prius nosset.

APHORISMVS 40.

In Curiis Censoriis calculum tertium dato: ut Iudicibus non imponatur necessitas, aut absolvendi, aut condemnandi; sed etiam ut non liquere pronunciare possint. Etiam Censoria non tantum pœna, sed & nota esto: scilicet, qua non infligat supplicium, sed aut in admonitionem desinat, aut reos ignominia levi, & tanquam rubore, castiget.

APHORISMVS 41.

In Curiis Censoriis, omnium magnorum criminum, & scelerum, actus inchoati, & medii, puniuntur: licet non sequatur Effectus consummatus: Isque sit eorum Curiarum usus vel maximus: cum & severitatis interfuit, initia scelerum puniri:

niri: & clementia, perpetrationem eorum
(puniendo actus medios) intercipi.

APHORISMVS 42.

*Cavendum imprimis, ne in Curiis Præ-
toriiis prabeatur auxilium in casibus, quos
lex, non tam omisit, quam pro levibus
contempsit, aut pro odiosis remedio indi-
gnos judicavit.*

APHORISMVS 43.

*Maxime omnium interest certitudinis
Legū (de qua nunc agimus,) ne Curix Præ-
torix intumescant & exundent in tan-
tum, ut prætenu rigoris legum mitigan-
di, etiam robur & nervos iis incendant, aut
laxent, omnia irahendo ad arbitrium.*

APHORISMVS 44.

*Decernendi contra statutum expressum,
sub ullo aequitatis prætenu. Curiis Præto-
riis jus ne esto; Hoc enim si fieret, Iudex
prorsus transiret in Legislatorem, atque
omnia ex arbitrio penderent.*

APHORISMVS 45.

*Apud nonnullos receptum est, ut Iuris-
dictio, qua decernit secundum æquum &
bonum; atque illa altera, qua procedit se-
cundum jus strictum, iisdem Curiis depen-
tentur: apud alios autem, ut diversis. O-
mnino placet Curiarum separatio. Neque
enim servabitur distinctio casuum, si fiat
commixtio jurisdictionum: sed arbitrium
legem tandem trahet.*

APHO-

APHORISMVS 46.

Nō sine causa in usum venerat apud Romanos album Prætoris, in quo præscripsit, & publicavit, quomodo ipse ius diciturus esset. Quo exemplo Iudices in Curiis Prætoriis regulas sibi certas (quantum fieri potest) proponere, easque publice affigere debent. Etenim optima est Lex, qua minimum relinquit arbitrio Iudicis: optimus Iudex, qui minimum sibi.

Verum de Curiis istis fufius tractabimus, cum ad locum de Iudiciis veniemus: obiter tantum jam locuti de iis, quatenus expediant & suppleant omiffa à Lege.

De Retrospectione Legum.

APHORISMVS 47.

Est & aliud genus supplementi Casuum omifforum, cum Lex legem supervenit, atque simul Casus omiffos trahit. Id fit in Legibus, sive statutis, qua retrospiciunt, ut vulgo loquuntur. Cujus generis Leges raro, & magna cum cautione, sunt adhibenda. Neque enim placet Ianus in legibus.

APHORISMVS 48.

Qui verba, aut sententiam legis, captionem & fraude eludit, & circumscribit, dignus est, qui etiam à lege sequente innodetur. Igitur in casibus fraudis, & evasionis

tionis doloſæ, *juſtum eſt*, ut leges retroſpiciant, atque altera alteris in ſubſidiis ſint: ut, qui doloſo meditatur, & everſionem legum præſentium, ſaltem à futuris metuat.

APHORISMVS 49.

Leges, quæ actorum & inſtrumentorum veras intentiones, contra formularum aut ſolennitatum defectus, corroborant & confirmant, rectiſſime præterita complectuntur. Legis enim, quæ retroſpicit, viſum vel præcipuum eſt, quod perturbet. At hujusmodi Leges confirmatoriæ, ad pacem & ſtabilimentum eorum, quæ tranſacta ſunt, ſpectant. Cavendum tamen eſt, ne convellantur res judicate.

APHORISMVS 50.

Diligenter attendendum, ne ea Leges tantum ad præterita reſpicere putentur, quæ anteaſta infirmant: ſed & ea, quæ futura prohibent & reſtringunt, cum præteritis neceſſario connexa. Veluti, ſi quæ Lex artiſcibus aliquibus interdicit, ne mercimoniam ſua in poſterum vendant: Hac ſonat in poſterum, ſed operatur in præteritum: Neque enim illis illa ratione viſum querere jam integrum eſt.

APHORISMVS 51.

Lex declaratoria omnia, licet non habet verba de præterito, tamen ad præterita,

Q

ipſa

ipsa vi declarationis, omnino trahitur. Non enim tum incipit interpretatio cum declaratur, sed efficitur tanquam contemporanea ipsi legi. Itaque leges declaratorias ne ordinato, nisi in casibus, ubi leges cum Iustitia retrospicere possint.

Hic vero eam partem absolvimus, quæ tractat de incertitudine Legum, ubi invenitur lex nulla. Jam dicendum est de altera illa parte, ubi scilicet lex extat aliqua, sed perplexa, & obscura.

De Obscuritate Legum.

APHORISMVS 52.

Obscuritas legum à quatuor rebus originem ducit: vel ab accumulatione legum nimia, præsertim admixtis obsoletis: vel à descriptione earum ambigua, aut minus perspicua & dilucida: vel à modis enucleandi juris neglectis, aut non bene institutis: vel denique contradictione & vacillatione iudiciorum.

De Accumulatione Legum nimia.

APHORISMVS 53.

Dicit Propheta: Pluet super eos laqueos. Non sunt autem peiores laquei quam legum, præsertim pœnaliū: si numero immensa, & temporis decursu inutilis,

les, non lucernam pedibus praebeant, sed
retia potius obijciant.

APHORISMVS 54.

Duplex in usum venit Statuti novi con-
dendi ratio: Altera statuta priora circa
idem Subiectum confirmat & roborat; dein
nonnulla addit aut mutat: Altera abrogat
& delet cuncta, quae ante ordinata sunt, &
de integro Legem novam & uniformem
substituit. Placet posterior ratio. Nam ex
priori ratione ordinationes deveniunt com-
plicata & perplexa: & quod instat, agitur
sane, sed corpus legum interim redditur
vitiosum. In posteriore autem, major certe
est adhibenda diligentia, dum de lege ipsa
deliberatur, & antea facta scilicet evolvenda,
& pensanda, antequam lex feratur. Sed
optime procedit per hoc legum concordia
in futurum.

APHORISMVS 55.

Erat in more apud Athenienses, ut con-
traria legum capita (quae Antinomias vo-
cant) quotannis à sex viris examinaren-
tur, & quae reconciliari non poterant, pro-
ponerentur populo, ut de illis certum ali-
quid statueretur. Ad quorum exemplum ii,
qui potestatem in singulis Polis legum
condendarum habent, per triennium, aut
quinquennium, aut prout videbitur, Anti-
nomias retractant. Ea autem à viris, ad
hoc

hoc delegatis, prius inspiciantur, & praparentur, & demum Comitibus exhibeantur; ut, quod placuerit, per suffragia stabiliatur, & figatur.

APHORISMVS 56.

Neque vero contraria legum capita reconciliandi, & omnia (ut loquuntur) salvandi, per distinctiones subtiles, & quasitas, nimis sedula aut anxiosa cura esto. Ingenit enim hac tela est: Atque utcumque modestiam quandam & reverentiam prae se ferat, inter noxia tamen censenda est; utpote quae reddat corpus universum legum varium, & male consutum. Melius est prorsus, ut succumbant deteriora, & meliora stent sola.

APHORISMVS 57.

Obsoletæ leges, & quæ abierunt in desuetudinem, non minus quam Antinomix, proponantur à delegatis ex officio tollenda. Cum enim statutum expressum regulariter desuetudine non abrogetur, fit, ut ex contemptu legum obsoletarum, fiat nonnulla auctoritatis iactura etiam in reliquis: & sequitur tormenti illud genus Mercentii, ut leges vivæ in complexu mortuarum permantur. Atque omnino cavendum est à gangræna in legibus.

APHORISMVS 58.

Quia & in legibus & statutis obsoletis,

tis, nec noviter promulgatis, Curiis Prætorii interim contra eas decernendi jus esto. Licet enim non male dictum sit, Neminem oportere legibus esse sapientio- rem, tamen intelligatur hoc de legibus, cum evigilant, non cum dormitant. Contra recentiora vero statuta (qua juri publico nocere deprehenduntur) non utique Prætoribus, sed Regibus, & sanctioribus Consiliis, & supremis Potestatibus, auxilium præbendi jus esto: earum executionem per Edicta aut Acta suspendendo, donec redeant Comitibus, aut hujusmodi cœtus, qui potestatem habeant eas abrogandi; ne salus Populi interrim periclitetur.

De novis Digestis Legum.

APHORISMVS 59.

Q*uod si leges aliæ super alias accumulatae, in tam vasta excreverint volumina, aut tanta confusione laboraverint, ut eas de integro retractare, & in Corpus sanum & habile redigere ex usu sit; id ante omnia agitor: atque opus ejusmodi, opus Heroicum esto: atque auctores talis operis inter Legislatores, & Instauratores, tunc & merito numerantur.*

APHORISMVS 60.

Hujusmodi Legum expurgatio, & Digestum novum, quinque rebus absolvitur.

Q₃

Pri-

Primo, omittantur obsoleta, quæ Justinianus antiquas fabulas vocat. Deinde ex Antinomii recipiantur probatissimæ, aboleantur contrariæ. Tercio Homoionomix, siue Leges quæ idem sonant, atque nil aliud sunt, quam iterationes ejusdem rei, expungantur; atque una quæpiam ex iis, quæ maxime est perfecta, retineatur vice omnium. Quarto, si quæ legum nihil determinent, sed quæstiones tantum proponant, easque relinquant indecisas, similiter facessant. Postremo, quæ verbosæ inveniuntur, & nimis prolixæ, contrahantur magis in arctum.

APHORISMVS 61.

Omnino vero ex usu fuerit, in novo Digesto legum, leges pro Iure communi acceptas, quæ tanquam immemorales sunt in origine sua; atque ex altera parte, statuta de tempore in tempus superaddita; seorsum digerere & componere: cum in plurimis rebus non eadem sit, in jure dicendo, Juris communis, & Statutorum, interpretatio, & administratio. Id quod fecit Tribonianus in Digesto, & Codice.

APHORISMVS 62.

Verum, in hujusmodi Legum regeneratione, atque structura nova, veterum legum atque librorum legis verba prorsus & textum retineto: licet per centones,

nes, & portiones exiguas, eas excerpero
 necesse fuerit: Ea deinde ordine contextit:
 Et si enim fortasse commodius, atque etiam,
 si ad rectam rationem respicias, melius hoc
 transigi posset per Textum novum quam
 per huiusmodi consarcinationem; tamen in
 legibus, non tam stylus, & descriptio,
 quam auctoritas, & huius patronus anti-
 quitas, spectanda est. Alias videri possit
 huiusmodi opus, Scholiasticum potius quid-
 dam, & Methodus, quam Corpus legum
 imperantium.

APHORISMVS 63.

Consultum fuerit in novo Digesto le-
 gum, vetera volumina non prorsus deleri
 & in oblivionem cedere, sed in Bibliothecis
 saltem manere; licet usus eorum vulgaris
 & promiscuus prohibeatur. Etenim in
 Causis gravioribus non abs re fuerit, le-
 gum prateritarum mutationes, & series
 consulere, & inspicere: at certe solenne est,
 antiquitatem presentibus aspergere. No-
 vum autem huiusmodi Corpus legum, ab
 eis, qui in Politicis singulis habent potesta-
 tem Legislatariam, prorsus confirmandum
 est, ne forte, prae-textu veteres leges dige-
 rendi, leges novae imponantur occulto.

APHORISMVS 64.

Optandum esset, ut huiusmodi legum
 instaurationis illis temporibus suscipiatur,

qua antiquioribus, quorum acta & opera retractant, literis & iterum cognitione praestiterint. Quod secus in opere Justiniani evenit. Infelix res namque est, cum ex iudicio & delectu atatis minus prudentis & erudite, antiquorum opera mutilentur, & recomponantur. Veruntamen saepe necessarium est, quod non optimum.

Atque de Legum obscuritate, quæ à nimia & confusa earum accumulatione fit, hæc dicta sint. Jam de Descriptione earum, ambigua & obscura, dicendum.

De Exemplis, & usu eorum.

APHORISMVS 65.

Descriptio Legum obscura oritur, aut ex loquacitate & verbositate earum; aut rursus ex breuitate nimia; aut ex Prologo legis, cum ipso corpore legis pugnante.

APHORISMVS 66.

De Obscuritate vero legum, *qua ex earum descriptione prava oritur, jam dicendum est. Loquacitas, qua in prescribendo Leges in usum venit, & prolixitas, non placet. Neque enim, quod vult & capiat, uno modo assequitur, sed contrarium potius. Cum enim casus singulos particulares verbis appositis & propriis persequi & exprimere contendat, maiorem inde spe-*

sporans certitudinem: e contra quæstiones multiplices parit de verbis: ut difficilins procedat interpretatio secundum sententiam legis, (qua sanior est & verior) propter strepitum verborum.

APHORISMVS 67.

Neque propterea nimis concisa & affectata breuitas, Majestatis gratia, & tanquam magis Imperatoria, probanda est; præsertim his seculis: ne forte sit Lex instar regulæ Lesbix. Mediocritas ergo affectanda est: & verborum exquirenda generalitas, bene terminata: qua licet Casus comprehensos non sedulo persequatur, at tamen non comprehensos satis perspicue excludat.

APHORISMVS 68.

In legibus tamen, atque edictis ordinariis & politicis, in quibus, ut plurimum, nemo Iurisconsultum adhibet, sed suo sensui confidit, omnia folius explicari debent, & ad captum vulgi, tanquam digito monstrari.

APHORISMVS 69.

Neque nobis prologi legum, qui inepti olim habiti sunt, & leges introducunt disputantes, non jubentes, utique placent, si priscos mores ferre possemus. Sed prologi isti legum plerunque (ut nunc sunt temporæ) necessario adhibentur, non tam ad ex-

Q

plica-

plicationem legis, *quam instar suasionis, ad perferendam legem in Comitibus: & rursus ad satisfaciendum Populo. Quantum fieri potest tamen, prologi evitentur, & lex incipiat à jussione.*

APHORISMVS 70.

Intentio & sententia legis, *licet ex præfationibus, & præambulis, (ut loquuntur) non male quandoque eliciatur: Atamen latitudo aut extensio ejus, ex illis minime peti debet. Sape enim præambulum arripit nonnulla ex maxime plausibilibus & speciosis ad exemplum, cum lex tamen multo plura complectatur: aut contra, lex restringit, & limitat complura, cujus limitationis rationem in præambulo inferi, non fuerit opus. Quare dimensio & latitudo legis petenda. Nam præambulum saepe aut ultra aut citra cadit.*

APHORISMVS 71.

Est vero genus perscribendi leges valde vitiosum; Cum scilicet casus, ad quem lex collimat, fuse exprimitur in præambulo: Deinde ex vi verbi (Talis,) aut hujusmodi Relativi, corpus Legis retro vertitur in præambulum; unde præambulum inseritur & incorporatur ipsi legi: Quod & obscurum est, & minus tutum, quia non eadem adhiberi consuevit diligentia in ponderandis & examinandis verbis præ-

præambuli, *qua adhibetur in corpore ipsius legis.*

Hanc partem de incertitudine Legum, quæ ex mala descriptione ipsarum ortum habet, fusius tractabimus, quando de interpretatione Legum postea agemus. Atque de descriptione Legum obscura hæc dicta sint: Jam de modis enucleandi Juris dicendum.

De Modis enucleandi Juris, & tollendi ambigua.

APHORISMVS 71.

Modi enucleandi Juris, & tollendi dubia, *quinque sunt. Hoc enim fit, aut per perscriptiones judiciorum; aut per scriptores authenticos: aut per libros auxiliares: aut per prælectiones; aut per responsa, sive consulta prudentum. Hac omnia, si bene instituantur, præsto erunt magna Legum obscuritati subsidia.*

De perscriptione Judiciorum.

APHORISMVS 73.

An te omnia, Judicia reddita in Curiis supremis & principalibus, atque causis gravioribus, præsertim dubiis, quæque aliquid habent difficultatis, aut novitatis, diligenter & cum fide excipiunt. Judicia enim anchoræ Legum sunt, ut leges Reip.

APHORISMVS 74.

Modus *hujusmodi* Judicia excipienda, & in scripta referendi, talis esto. Casus precise, Judicia ipsa exacta perscribito: rationes Judiciorum, quas adduxerunt Iudices, adjicito: casuum, ad Exemplum adductorum, auctoritatem, cum casibus principalibus ne commisceto: de Advocatorum perorationibus, nisi quidpiam in iis fuerit admodum eximium, sileto.

APHORISMVS 75.

Personæ, quæ *hujusmodi* Judicia excipiant, ex Advocatis maxime doctis sunt, & honorarium liberale ex publico excipiunt. Iudices ipsi ab *hujusmodi* præceptionibus abstinento: ne forte opinionibus propriis, addicti, & auctoritate propria freji, limites Referendarii transcendant.

APHORISMVS 76.

Judicia illa, in ordine, & serie temporis, digerito, non per methodum & titulos. Sunt enim scripta *ejusmodi*, tanquam historiarum, aut narrationes legum. Neque solum acta ipsa, sed & tempora ipsorum, judici prudenti lucem præbent.

De Scriptoribus Authenticis.

APHORISMVS 77.

EX legibus ipsis, quæ Jus commune constituunt: deinde, ex Constitutionibus

bus *sive* Statutis: *tertio loco*, ex *Judiciis* *prescriptis*, *Corpus Juris tantummodo* *constitutor*. *Præter illa*, *alia authentica*, *aut nulla sunt*, *aut parce recipiuntur*.

APHORISMVS 78.

Nihil tam interest certitudinis Legum, *(de quo nunc tractamus)* *quam ut scripta* *authentica inter fines moderatos coercantur,* *& faceat multitudo enormis auctorum,* *& Doctorum in Jure: unde laceratur sententia legum: Iudex fit attonitus,* *processus immortales,* *atque Advocatus ipse,* *cum tot libros perlegere & vincere non possit,* *compendia sectatur.* *Glossa fortasse aliqua bona,* *& ex Scriptoribus classici pauci,* *vel potius Scriptorum pauculæ portiones,* *recipi possint pro Authenticis.* *Reliquorum nihilominus maneat usus nonnullus in Bibliothecis,* *ut eorum tractatus inspiciant Judices,* *aut Advocati,* *cum opus fuerit: Sed in Causis agendis, in foro,* *citare eos non permittitur, nec in auctoritatem transeunto.*

De libris Auxiliaribus.

APHORISMVS 79.

A*T scientiam Juris, & practicam, auxiliaribus libris ne nudant, sed potius instruunt. Is ex genere sunt. Institutiones. De Verborum significatione. De*
Re-

Regulis Juris. Antiquitatis Legum. Summa. Agendi Formulæ.

APHORISMVS 80.

Preparandi sunt Juvenes, & Noviti, ad scientiam, & ardua Iuris, altius & commodius haurienda, & imbibenda, per Institutiones. Institutiones illas ordine claro, & perspicuo, composito. In illis ipsis universum Jus privatum percurrito: non alia omittendo, in aliis plus satis immorando: sed ex singulis quadam breviter delibando: ut ad Corpus legum perlegendum accessuro nil se ostendat prorsus novum, sed levi aliqua notione praeceptum. Jus publicum in Institutionibus ne attingito, verum illud ex fontibus ipsis hauriatur.

APHORISMVS 81.

Commentarium de vocabulis Juris conficito. In Explicatione ipsorum, & sensu reddendo, ne curiose nimis, aut laboriose, versator. Neque enim hoc agitur: ut definitiones verborum quarantur exacte, sed explicationes tantum, qua legendis Iuris libris viam aperiant faciliorem. Tractatum autem istum, per literas Alphabeti ne digerito: Id Iudici alicui relinquito; sed collocentur simul verba, qua circa eandem rem versantur: ut alterum alteri sit iuvamento ad intelligendum.

APHO-

APHORISMVS 82.

Ad certitudinem legum facit (si quid aliud) tractatus bonus & diligens de divertis regulis Juris. Is dignus est, qui maximis ingeniis, & prudentissimis Iureconsultis committatur. Neque enim placent, quæ in hoc genere extant. Colligenda autem sunt regulæ non tantum notæ, & vulgata, sed & alia magis subtiles & recondita quæ ex legum & rerum judicatarum Harmonia extrahi possint: quales in Rubricis optimis quandoque inveniuntur: suntque Dictamina generalia rationis, quæ per materias Legis diversas percurrunt, & sunt tanquam saburra Iuris.

APHORISMVS 83.

At singula Juris Scita, aut Placita, non intelligantur pro regulis, ut fieri solet satis imperite. Hoc enim si reciperetur, quot leges, tot regulæ. Lex enim nil aliud, quam regula imperans. Verum eas pro regulis habeto quæ in Forma ipsa Iustitia hærent: unde, ut plurimum, per Iura Civilia diversarum Rerum pub. eadem regulæ fere reperiuntur: nisi forte propter Relationem ad formas Politiarum variant.

APHORISMVS 84.

Post regulam, brevi & solido verborum complexu enuntiata, adjiciantur exempla & decisiones casuum, maximo luculenta

lenta ad explicationem: distinctiones, & exceptiones ad limitationem; cognata ad ampliationem ejusdem regulæ.

APHORISMVS 85.

Recte jubetur; ut non ex regulis Jus sumatur: sed ex Jure, quod est, Regula fiat. Neque enim ex verbis regulæ petenda est probatio, ac si esset Textus legis. Regula enim legem (ut acus nautica polos) indicat, non statuit.

APHORISMVS 86.

Præter corpus ipsum Juris, iuvabit etiam antiquitates legum invisere: quibus licet evanuerit auctoritas, manet tamen reverentia: Pro antiquitatibus autem legum habeantur scripta circa leges & judicia, siue illa fuerint edita, siue non, quæ ipsum corpus legum tempore præcesserunt. Earum siquidem jactura facienda non est. Itaque ex iis utilissima quæque excerpto, (multa enim inveniuntur inania & frivola) sæque in unum volumen redigito: ne antiquæ fabulæ, ut loquitur Trebonianus, cum legibus ipsis misceantur.

APHORISMVS 87.

Practicæ vero plurimum interest, ut Jus universum digeratur ordine, in Locos & Titulos: ad quos subito (prout dabitur occasio) recurrere quis possit, veluti in promptuarium paratum ad præsentes usus.

Hujus-

Huiusmodi libri summarum, & ordinant sparsa, & abbreviant fusa & proluxa in lege. Cavendum autem est, ne summar ista reddant homines promptos ad Practicam, cessatores in scientia ipsa. Earum enim officium est tale, ut ex iis recolatur jus, non perdiscatur. Summar autem omnino magna diligentia fide & iudicio sunt conficienda, ne furtum faciant legibus.

APHORISMVS 88.

Formulas agendi diversas, in unoquoque genere colligito. Nam & Practicæ hoc interest: & certe pandunt illa oracula & occulta legum. Sunt enim non pauca, quæ latent in legibus: At in formulis agendi melius & fufius perspiciuntur: instar pugni, & palmæ.

De Responsis & Consultis.

APHORISMVS 89.

DUbitationes particulares, quæ de tempore in tempus emergunt, derivandi & solvendi aliqua ratio iniri debet. Durum enim est, ut ii, qui ab errore cavere cupiunt, ducem viæ non inveniant, verum ut actus ipsi periclitentur, neque sit aliquis ante rem peractam iuris prænoscendi modus.

APHORISMVS 90.

Responsa prudentum, quæ petentibus dan-

Primo, omittantur obsoleta, qua Justinianus antiquas fabulas vocat. Deinde ex Antinomiis recipiantur probatissimæ, aboleantur contrariæ. Tercio Homoionomix, siue Leges quæ idem sonant, atque nil aliud sunt, quam iterationes ejusdem rei, expungantur; atque una quæpiam ex iis, qua maxime est perfecta, retineatur vice omnium. Quarto, si qua legum nihil determinent, sed quæstiones tantum proponant, easque relinquunt indecisas, similiter facessant. Postremo, qua verbosæ inveniuntur, & nimis prolixæ, contrahantur magis in arctum.

APHORISMVS 61.

Omnino vero ex usu fuerit, in novo Digesto legum, leges pro Iure communi acceptas, qua tanquam immemorales sunt in origine sua; atque ex altera parte, statuta de tempore in tempus superaddita; seorsum digerere & componere: cum in plurimis rebus non eadem sit, in jure dicendo, Juris communis, & Statutorum, interpretatio, & administratio. Id quod fecit Tribonianus in Digesto, & Codice.

APHORISMVS 62.

Verum, in hujusmodi Legum regeneratione, atque structura nova, veterum legum atque librorum legis verba prorsus & textum retineto: licet per centones,

nes, & portiones exiguas, eas excerpere
 necesse fuerit: Ea deinde ordine contextit:
 Et si enim fortasse commodius, atque etiam,
 si ad rectam rationem respicias, melius hoc
 transigi posset per Textum novum quam
 per huiusmodi consarcinationem; tamen in
 legibus, non tam stylus, & descriptio,
 quam auctoritas, & huius patronus anti-
 quitas, spectanda est. Alias videri possit
 huiusmodi opus, Scholiasticum potius quid-
 dam, & Methodus, quam Corpus legum
 imperantium.

APHORISMVS 63.

Consultum fuerit in novo Digesto le-
 gum, vetera volumina non prorsus deleri
 & in oblivionem cedere, sed in Bibliothecis
 saltem manere; licet usus eorum vulgaris
 & promiscuus prohibeatur. Etenim in
 Causis gravioribus non abs re fuerit, le-
 gum praeitarum mutationes, & series
 consulere, & inspicere: at certe solenne est,
 antiquitatem praesentibus aspergere. No-
 vum autem huiusmodi Corpus legum, ab
 iis, qui in Politicis singulis habent potesta-
 tem Legislatoriam, prorsus confirmandum
 est, ne forte, praetextu veteres leges dige-
 rendi, leges novae imponantur occulto.

APHORISMVS 64.

Optandum esset, ut huiusmodi legum
 instauratio illis temporibus suscipiatur.

qua antiquioribus, quorum acta & opera retractant, literis & rerum cognitione praestiterint. Quod secus in opere Justiniani evenit. Infelix res namque est, cum ex iudicio & delectu atatis minus prudentis & erudita, antiquorum opera mutilentur, & recomponentur. Veruntamen saepe necessarium est, quod non optimum.

Atque de Legum obscuritate, quae à nimia & confusa earum accumulatione fit, haec dicta sint. Jam de Descriptione earum, ambigua & obscura, dicendum.

De Exemplis, & usu eorum.

APHORISMVS 65.

Descriptio Legum obscura oritur, aut ex loquacitate & verbositate earum; aut rursus ex breuitate nimia; aut ex Prologo legis, cum ipso corpore legis pugnante.

APHORISMVS 66.

De Obscuritate vero legum, qua ex earum descriptione prava oritur, jam dicendum est. Loquacitas, qua in praescribendo Leges in usum venit, & prolixitas, non placet. Neque enim, quod vult & capiat, uno modo assequitur, sed contrarium potius. Cum enim casus singulos particulares verbis appositis & propriis persequi & exprimere contendat, maiorem inde spe-

ſperans certitudinem: econtra quaſtiones multiplices parit de verbis: ut difficilins procedat interpretatio ſecundum ſententiam legis, (qua ſanior eſt & verior) propter ſtrepitum verborum.

APHORISMVS 67.

Neque propterea nimis conciſa & affectata breuitas, Maieſtatis gratia, & tanquam magis Imperatoria, probanda eſt; praſertim his ſeculis: ne forte ſit Lex inſtar regulæ Leſbiae. Mediocritas ergo affectanda eſt: & verborum exquirenda generalitas, bene terminata: qua licet Caſus comprehenſos non ſedulo perſequatur, at tamen non comprehenſos ſatis perſpicue excludat.

APHORISMVS 68.

In legibus tamen, atque edictis ordinariis & politicis, in quibus, ut plurimum, nemo Iuriſconſultum adhibet, ſed ſuo ſenſui confidit, omnia futius explicari debent, & ad captum vulgi, tanquam digito monſtrari.

APHORISMVS 69.

Neque nobis prologi legum, qui inepti olim habiti ſunt, & leges introducunt diſputantes, non iubentes, utique placerent, ſi priſcos mores ferre poſſemus. Sed prologi iſti legum plerumque (ut nunc ſunt temporaria) neceſſario adhibentur, non tam ad ex-

Q

plica-

plicationem legis, *quam instar suasionis, ad perferendam legem in Comitibus: & rursus ad satisfaciendum Populo. Quantum fieri potest tamen, prologi evitentur, & lex incipiat à iussione.*

APHORISMVS 70.

Intentio & sententia legis, licet ex præfationibus, & præambulis, (*ut loquuntur*) non male quandoque eliciatur: At tamen latitudo aut extensio ejus, ex illis minime peti debet. Sape enim præambulum arripit nonnulla ex maxime plausibilibus & speciosis ad exemplum, cum lex tamen multo plura complectatur: aut contra, lex restringit, & limitat complura, cujus limitationis rationem in præambulo inferi, non fuerit opus. Quare dimensio & latitudo legis petenda. Nam præambulum saepe aut ultra aut citra cadit.

APHORISMVS 71.

Est vero genus perscribendi leges valde vitiosum; Cum scilicet casus, ad quem lex collimat, fuse exprimitur in præambulo: Deinde ex vi verbi (*Talis*) aut hujusmodi Relativi, corpus Legis retro vertitur in præambulum; unde præambulum inseritur & incorporatur ipsi legi: Quod & obscurum est, & minus tutum, quia non eadem adhiberi consuevit diligentia in ponderandis & examinandis verbis præ-

præambuli, *qua adhibetur in corpore ipsius legis.*

Hanc partem de incertitudine Legum, quæ ex mala descriptione ipsarum ortum habet, fusius tractabimus, quando de interpretatione Legum postea agemus. Atque de descriptione Legum obscura hæc dicta sint: Jam de modis enucleandi Juris dicendum.

De Modis enucleandi Juris,
& tollendi ambigua.

APHORISMVS 72.

MOdi enucleandi Juris, & tollendi dubia, *quinque sunt. Hoc enim fit, aut per perscriptiones judiciorum; aut per scriptores authenticos: aut per libros auxiliares: aut per prælectiones; aut per responsa, siue consulta prudentum. Hac omnia, si bene instituantur, præsto erunt magna Legum obscuritati subsidia.*

De perscriptione Judiciorum.

APHORISMVS 73.

ANte omnia, Judicia reddita in Curiis supremis & principalibus, atque causis gravioribus, præsertim dubiis, quæque aliquid habent difficultatis, aut novitatis, diligenter & cum fide excipiunt. Judicia enim anchoræ Legum sunt, ut leges Reip.

Q 6

APHO-

APHORISMVS 74.

Modus *hujusmodi* Judicia excipiendi, & in scripta referendi, talis esto. Casus præcise, Judicia ipsa exacta perscribito: rationes Judiciorum, quas adduxerunt Iudices, adjicito: casuum, ad Exemplum adductorum, auctoritatem, cum casibus principalibus ne commisceto: de Advocatorum perorationibus, nisi quidpiam in iis fuerit admodum eximium, sileto.

APHORISMVS 75.

Personæ, qua *hujusmodi* Judicia excipiant, ex Advocatis maxime doctis sunt, & honorarium liberale ex publico excipiunt. Iudices ipsi ab *hujusmodi* præscriptionibus abstinento: ne forte opinionibus propriis, additi, & auctoritate propria freij, limites Referendarii transcendant.

APHORISMVS 76.

Judicia illa, in ordine, & serie temporis, digerito, non per methodum & titulos. Sunt enim scripta ejusmodi, tanquam historiarum, aut narrationes legum. Neque solum acta ipsa, sed & tempora ipsorum, judici prudenti lucem præbent.

De Scriptoribus Authenticis.

APHORISMVS 77.

EX legibus ipsis, qua Jus commune constituunt: deinde, ex Constitutionibus

bus siue Statutis: tercio loco, ex Iudiciis
prescriptis, Corpus Juris tantummodo
constituitur. Præter illa, alia authentica,
et nulla sunt, aut parce recipiuntur.

APHORISMVS 78.

Nihil tam interest certitudinis Legum,
(de quo nunc tractamus) quam ut scripta
authentica inter fines moderatos coercen-
tur, & facessat multitudo enormis aucto-
rum, & Doctorum in Jure: unde laceratur
sententia legum: Iudex fit attonitus,
processus immortales, atque Advocatus
ipse, cum tot libros perlegere & vincere non
possit, compendia sectatur. Glossa forsasse
aliqua bona, & ex Scriptoribus classi-
fers pauci, vel potius Scriptorum pauculæ
portiones, recipi possint pro Authenticis.
Reliquorum nihilominus maneat usus
nonnullus in Bibliothecis, ut eorum tra-
ctatus inspiciant Iudices, aut Advocati,
cum opus fuerit: Sed in Causis agendis, in
foro, citare eos non permittitur, nec in au-
thoritatem transeunto.

De libris Auxiliaribus.

APHORISMVS 79.

AT scientiam Juris, & practicam, au-
xiliaribus libris ne nudant, sed po-
tius instruunt. Is sex in genere sunt. Insti-
tutiones. De Verborum significatione. De Re-

Regulis Juris. Antiquitatis Legum. Summa. Agendi Formulæ.

APHORISMVS 80.

Præparandi sunt Juvenes, & Noviti, ad scientiam, & ardua Juris, altius & commodius haurienda, & imbibenda, per Institutiones. Institutiones illas ordine claro, & perspicuo, composito. In illis ipsis universum Jus privatum percurrito: non alia omittendo, in aliis plus satis immorando: sed ex singulis quadam breviter delibando: ut ad Corpus legum perlegendum accessuro nil se ostendat prorsus novum, sed levi aliqua notione præceptum. Jus publicum in Institutionibus ne attingito, verum illud ex fontibus ipsis hauriatur.

APHORISMVS 81.

Commentarium de vocabulis Juris conficito. In Explicatione ipsorum, & sensu reddendo, ne curiose nimis, aut laboriose, versator. Neque enim hoc agitur: ut definitiones verborum quarantur exacte, sed explicationes tantum, qua legendis Juris libris viam aperiant faciliorem. Tractatum autem istum, per literas Alphabeti ne digerito: Id Iudici alicui relinquito; sed collocentur simul verba, qua circa eandem rem versantur: ut alterum alteri sit iuvamento ad intelligendum.

APHO-

APHORISMVS 82.

Ad certitudinem legum facit (si quid aliud) tractatus bonus & diligens de diversis regulis Juris. Is dignus est, qui maximis ingeniis, & prudentissimis Iureconsultis committatur. Neque enim placent, quæ in hoc genere extant. Colligenda autem sunt regulæ. non tantum notæ, & vulgata, sed & alia magis subtiles & recondita, quæ ex legum & rerum judicatarum Harmonia extrahi possint: quales in Rubricis optimis quandoque inveniuntur: suntque Dictamina generalia rationis, quæ per materias Legis diversas percurrunt, & sunt tanquam saburra Iuris.

APHORISMVS 83.

At singula Juris Scita, aut Placita, non intelligantur pro regulis, ut fieri solet satis imperite. Hoc enim si reciperetur, quot leges, tot regulæ. Lex enim nil aliud, quam regula imperans. Verum eas pro regulis habeto quæ in Forma ipsa Iustitia hærent: unde, ut plurimum, per Iura Civilia diversarum Rerumpub. eadem regulæ fere reperiuntur: nisi forte propter Relationem ad formas Politiarum varient.

APHORISMVS 84.

Post regulam, brevi & solido verborum complexu enuntiata, adjiciantur exempla & decissiones casuum, maximo luculenta

lenta ad explicationem: distinctiones, & exceptiones ad limitationem; cognata ad ampliacionem ejusdem regulæ.

APHORISMVS 85.

Recte jubetur, ut non ex regulis Jus sumatur: sed ex Jure, quod est, Regula fiat. Neque enim ex verbis regulæ petenda est probatio, ac si esset Textus legis. Regula enim legem (ut acus nautica polos) iudicat, non statuit.

APHORISMVS 86.

Præter corpus ipsum Juris, juvabit etiam antiquitates legum invisere: quibus licet evanuerit auctoritas, manet tamen reverentia: Pro antiquitatibus autem legum habeantur scripta circa leges & judicia, siue illa fuerint edita, siue non, quæ ipsum corpus legum tempore præcesserunt. Earum siquidem jactura facienda non est. Itaque ex iis utilissima quæque excerpto, (multa enim invenientur inania & frivola) eaque in unum volumen redigito: ne antiquæ fabulæ, ut loquitur Trebonianus, cum legibus ipsis misceantur.

APHORISMVS 87.

Practiciæ vero plurimum interest, ut Jus universum digeratur ordine, in Locos & Titulos: ad quos subito (prout dabitur occasio) recurrere quis possit, veluti in promptuarium paratum ad præsentis usus.

Hujus-

Huiusmodi libri summarum, & ordinando sparsa, & abbreviant fusa & proluxa in lege. Cavendum autem est, ne summarum ista reddant homines promptos ad Practicam, cessatores in scientia ipsa. Earum enim officium est tale, ut ex iis recolatur jus, non perdiscatur. Summarum autem omnino magna diligentia, fide & iudicio, sunt consocienda, ne furum faciant legibus.

APHORISMVS 88.

Formulas agendi diversas, in unoquoque genere colligito. Nam & Practicæ hoc interest: & certe pandunt illa oracula & occulta legum. Sunt enim non pauca, quæ latent in legibus: At in formulis agendi melius & fusius perspicuntur: instar pueri, & palmæ.

De Responsis & Consultis.

APHORISMVS 89.

Dubitaciones particulares, quæ de tempore in tempus emergunt, derivandi & solvendi aliqua ratio iniri debet. Durum enim est, ut ii, qui ab errore cavere cupiunt, ducem viæ non invenient, verum ut actus ipsi periclitentur, neque sit aliquis ante rem peractam Iuris praeoscedendi modus.

APHORISMVS 90.

Responsa prudentum, quæ petentibus dan-

dantur de Iure, siue ab Advocatis, siue à Doctoribus, tanta valere auctoritate, ut ab eorum sententia Iudici recedere non sit licitum, non placet. Iura à juratis Iudicibus sumunto.

APHORISMVS 91.

Tentari Iudicia, per Causas & Personas fictas, ut eo modo experiantur homines qualis futura sit Legis norma, non placet. Dedecorat enim maiestatem legum, & pro prauaricatione quapiam censenda est. Iudicia autem aliquid habere ex Scena, deforme est.

APHORISMVS 92.

Judicum igitur solummodo, tam Iudicia, quam Responfa, & Consulta, sunt. Illa, de litibus pendentibus: hæc, de arduis Juris quæstionibus in Thesi. Ea Consulta, siue in privatis rebus, siue in publicis, à Iudicibus ipsis ne postito: (Id enim si fiat, Iudex transeat in Advocatum;) sed à Principe, aut Statu. Ab illis ad Iudices demandantur. Iudices vero, tali auctoritate freti, disceptationes Advocatorum, vel ab his, quorum interest, adhibitorum, vel à Iudicibus ipsis, si opus sit, assignatorum, & argumenta, ex utraque parte audiunto: & re deliberata Ius expediunto, & declaranto. Consulta hujusmodi inter Iudicia referunto & edunto, & paræ auctoritatis sunt.

De

De Prælectionibus.

APHORISMVS 93.

Prælectiones de Iure, atque Exercitationes eorum, qui Iuris studiis incumbunt, & operam dant, ita instituuntor. & ordinantor, ut omnia tendant ad Quæstiones, & Controversias de Iure, sedandas potius, quam excitandas. Ludus enim (ut nunc fit) fere apud omnes instituitur & aperitur, ad altercationes & quæstiones de Iure multiplicandas, tanquam ostendandi ingenii causa. Atque hoc vetus est malum. Etenim apud antiquos gloria fuit, tanquam per scelus & factiones, quæstiones complures de Iure, magis fovere, quam extinguere. Id ne fiat, provideto.

De Vacillatione Iudiciorum.

APHORISMVS 94.

Vacillant Iudicia, vel propter immaturam & præfestinam sententiam: vel propter æmulationem Curiarum; vel propter malam & imperitam perscriptionem Iudiciorum: vel propter viam præbitam ad rescissionem eorum nimis facilem & expeditam. Itaque providendum est, ut Iudicia emanent, matura deliberatione prius habita: atque ut Curiae se invicem revercantur: atque ut Iudicia perscribantur

tur fideliter & prudenter: *utque* via ad rescindenda Iudicia, sit arcta; confragosa, & tanquam muricibus strata.

APHORISMVS 95.

Si Iudicium redditum fuerit de Casu aliquo in aliqua Curia Principali; & similis Casus intervenerit in alia Curia: ne procedito ad Iudicium, antequam fiat consultatio in Collegio aliquo Iudicum majore. Iudicia enim reddita, si forte rescindi necesse sit, saltem sepeliuntur cum honore.

APHORISMVS 96.

Vt Curix de Jurisdictione digladientur, & conflitentur, humanum quiddam est: eoque magis, quod per ineptam quandam sententiam (quod boni & strenui sit, Iudicis ampliare jurisdictionem Curix) alatur plane ista intemperies, & calcar addatur, ubi frano opus est. Vt vero, ex hac animorum contentione, Curix Iudicia utrobique reddita (qua nil ad Iurisdictionem pertinent) libenter rescindant, intolerabile malum: & à Regibus, aut Senatu, aut Politia plane vindicandum. Pessimi enim exempli res est, ut Curix, qua pacem subditis præstant, inter se duella exercent.

APHORISMVS 97.

Non facilis esto, aut proclivis, ad Iudicia rescindenda, aditus, per appellationes, aut

aut impetitiones de errore, aut reuifus, & similia. Receptum apud nonnullos est, ut lis trahatur ad forum superius, tanquam res integra: Iudicio inde dato seposito, & plane fufpenfo. Apud alios vero, ut Iudicium ipsum maneat in fuo vigore, fed executio ejus tantum ceflet. Neutrum placet: nifi Curix, in quibus Iudicium redditum fit, fuerint humiles, & inferioris ordinis: fed potius, ut & Iudicium flet, & procedat ejus executio; modo cautio detur à defendente, de damnis & expenfis, fi Iudicium fuerit refcifsum. Atque hic Titulus, de Certitudine Legum, ad Exemplum Digefli reliqui (quod meditamur) fufficiet.

COLORES BONI & MALI;
TAM SIMPLICIS QUAM
COMPARATI.

Sophifma.

Quod iaudant Homines & celebrant,
Bonum: quod vituperant & reprehendunt, Malum.

Elenchus.

Fallit Sophifma quatuor modis: fcilicet, Aut propter Ignorantiam: Aut propter Studia & Factiones: Aut propter Ingenia Laudatorum & Vituperatorum. Propter Ignorantiam: quid Vulgi Iudicium ad Examen Boni & Mali? Melius Phocion, qui,

qui, cum populus ei præter solitum applauderet, quæstivit, *Num forte deliquisset* Propter *Malam Fidem*; Laudantes enim & Vituperantes suam rem sæpius agunt, neque loquuntur ut sentiunt.

Laudat Vanales qui vult extrudere Merces.

Item: *Malum est, malum est*, inquit *Emptor: sed cum recesseris, tum gloriaberis.* Propter *Factiones*: Cuivis enim patet, consuescere Homines, eos, qui suarum Partium sunt, immodicis esse laudibus; qui autem contrariarum sunt, infra Meritum deprimere propter *Ingenia*: Alii enim Natura facti sunt, & compositi, ad Adulationem Servilem: Alii contra Momi & tetrici; Ut laudando & vituperando suis *Ingeniis* tantum obsecundent, parum de Veritate solliciti.

Sophisma.

2. *Quod etiam ab Inimicis laudatur, magnum Bonum: quod vero etiam ab Amicis reprehenditur, magnum Malum.*

Sophisma Fundamento hoc niti videtur; quod quæ ingratis, & contra Animi nostri Affectum & propensionem, loquimur, ea ipsa vim veritatis à nobis extorquere, facile creditur.

Elenchus.

Fallit *Sophisma* propter *Astutiam*, tam
Inimi-

Inimicorum, quam *Amicorum*. *Inimici* enim Laudes quandoque tribuunt, non inviti, nec à vi veritatis coacti; sed eas tamen diligentes, quæ Inimicis suis invidiam & pericula conflare possint. Itaque apud Græcos superstitio quædam invaluit, ut crederent, si quis ab altero laudaretur, Animo malevolo, & proposito nocendi, *Naribus ejus pustulam annasci solere*. Fallit iterum, quia Laudes interdum impertiunt *Inimici*, tanquam Præfatiunculas quasdam, ut postea liberis & maliciosus calumniarentur. Ex altera parte fallit etiam hoc Sophisma propter Astutiam *Amicorum*. Solent enim & illi vitia Amicorum interdum agnoscere, & prædicare: non quod aliqua vis Veritatis eos cogat, sed ea eligentes, quæ minimum Amicos suos lædere possint, ac si cætera quidem, viri optimi essent. Fallit iterum, quia *Amici* quoque Reprehensionibus suis (sicut de *Inimici* laudibus diximus) tanquam præfatiunculis quibusdam utuntur, quo paulo post in laudes effusus excurrant.

Sophisma.

3. *Cujus Privatatio bona, id ipsum Malum: cujus Privatatio mala, id ipsum Bonum.*

Elenchus.

Fallit *Sophisma* duobus modis. Aut propter *Comparisonem Boni & Mali*: Aut pro-

propter *Successionem Boni ad Bonum, aut Mali ad Malum*. Propter *Comparisonem*: Si bonum fuerit Generi Humano, privari Esu Glandium, non sequitur, quod malus ille erat, sed *Dodona bona, Ceres melior*. Neque si malum fuit Populo Syracusano, Dionysio Seniore privari, sequitur quod Dionysius ille bonus fuerit, sed minus malus quam Junior. Per *Successionem*: Et enim Privatio Boni alicujus non semper dat locum Malo, sed quandoque majori Bono: ut cum Flos decidit, Fructus succedit: Nec Privatio alicujus Mali dat semper locum Bono, sed interdum majori Malo. Nam sublato Inimico Clodio, Milo simul & Segetem Gloriæ perdidit.

Sophisma.

4. *Quod Bono, aut Malo, vicinum est, id ipsum itidem Bonum aut Malum: quod vero remotum est à Bono, Malum: quod à Malo, Bonum.*

Habet hoc fere Rerum Natura, ut quæ Natura sua conveniant, etiam Locis conveniant; quæ vero contrariæ Naturæ sunt, etiam intervallis distent: Cum singula Amica sibi associare, Inimica summovere gaudeant.

Elenchus.

Sed fallit *Sophisma* tribus modis: Primo propter *Destitutionem*; secundo propter

pter *Obscuracionem*: tertio propter *Protectionem*. Propter *Destitutionem*: Fit, ut quæ in suo genere amplissima sunt, & maxime excellunt, omnia, quantum fieri potest, ad se trahant, & in vicino quæque posita destituant, ac quasi inedia conficiant. Itaque in propinquo Arborum grandium Virgulta nunquam læta reperies. Recte etiam ille, *Divitis Servi maxime Servi*. Nec male cavillatus est, qui inferius famulitium in Aulis Principum, *Festorum vigiliis* comparavit; quæ Festa sua in proximo attingunt, ipsæ autem Jejunii addicuntur. Propter *Obscuracionem*: Etenim & hoc habent quæque, in suo genere, præstantissima; ut licet proxima non extenuent, aut destituant, tamen obscurent, & obumbrent. Quod etiam de *Sole* notant Astronomi; quod sit scilicet *Aspectu* bonus, *Conjunctione* & *Approximatu* malus. Propter *Protectionem*: Nam non solum res coeunt & congregantur propter Consortium, & Naturæ similitudinem; sed etiam Malum (præsertim in Civilibus) confugit ad Bonum; ut lateat, & protegatur. Itaque Scelerati Homines petunt Asyla Divorum; & Vitium ipsum se in Virtutis Umbram recipit:

Sæpe latet vitium proximitate Boni.

Contra & Bonum se aggregat ad Malum,

R

non

non propter Consortium, sed ut illud convertat & reformet in Bonum. Itaque & Medici, magis accedunt ad Aegrotos, quam ad Sanos; & Servatori nostro obiectum est, quod *conversaretur cum publicanis & peccatoribus.*

Sophisma.

5. Cui cetera Partes, vel Sectæ, Secundas unanimiter deferunt, (cum singula Principatum sibi vendicent) melior reliquis videtur: Nam primas quæque ex Zelo videtur sumere, secundas autem ex Vero & Merito tribuere.

Ita Cicero argumentatur, Sectam Academicorum, quæ Acatalepsiæ tenuit, Philosophiarum fuisse præstantissimam. Interroga enim (inquit) Stoicum, quæ Secta sit potior: ille suam ceteris anteponet: Deinde quæ secundas teneat, Academicam fatebitur. Age similiter cum Epicureo. (qui Stoici vix aspectum toleraverit) postquam suam Sectam collocarit in summo, collocabit Academicam in proximo. Similiter, vacante Dignitate aliqua, Princeps si Competitores singulos interrogaret, quem post se potissimum commendare vellent; Verisimile est, secunda illorum vota, in eum qui præcipue dignus & optime meritus fuerit, concursura.

Elen-

Elenchus.

Fallit *Sophisma* propter *Invidiam*. Solent enim homines, proxime post se & Factionem suam, in eos inclinare & propendere, qui reliquorum maxime sint enerves & imbelles, quique eis minimum molestiæ exhibuerunt; in Odium illorum, qui illis plurimum insultarunt, aut incommodarunt.

Sophisma.

6. *Cujus Excellentia vel Exuperantia melior, id toto genere malius.*

Huc pertinent *Formula* illæ usitatæ; *Ne pervagemur in Generalibus: Conferamus particularem aliquem cum particulari; &c.*

Elenchus.

Videtur hoc *Sophisma* satis nervosum; & magis *Dialecticum* quiddam, quam *Rhetoricum*. Attamen interdum fallit. Primo, quia sunt Res haud paucæ, periculo plurimum obnoxix, quæ tamen, si evadant, cæteris antecellant. Ita ut Genere sint deteriores, quia sæpius periclitantur & excidunt; Individuo autem Nobiliores. In hoc numero est *Gemma Martia*, de qua Gallicum Adagium; *Filius Parisiorum, & Gemma Mensis Martii, si ex illis evadat unus, erit instar decem aliorum*: Adeo ut, in Genere, *Gemma Maji* *Gemmæ Martii*

præstat; sed tamen, in Individuo, optima Gemma Martii optimæ Gemmæ Maji præferatur. Fallit secundo, propter *Naturam Rerum*, in aliquibus *Generibus aut Speciebus magis aequali*, in aliquibus *magis inaequali*: Quemadmodum in observationem venit, Climata Calidiora generaliter Ingenia producere acutiora: at in Frigidioribus, Ingenia illa quæ eminent, etiam acutissimis Calidarum Regionum præstare. Similiter, in Exercitiis compluribus, si Res Duello inter singulos transigeretur, fortasse ad unam Partem accederet Victoria: si Copiis universis, in alteram. Etenim Excellentiæ & Exuperantiæ casum recipiunt: at Genera Natura aut Disciplina reguntur. Quinetiam, in Genere, Metallum Lapide pretiosius: Atamen Adamas præcellit Auro.

Sophisma.

7. *Quod rem integram servat, Bonum: Quod sine receptu est, Malum: Nam se recipere non posse, Impotentia genus est; Potentia autem Bonum.*

Hinc confinxit Æsopus Fabulam de duabus Ranis: quæ in magna siccitate, cum Aquæ ubique deficerent, deliberant, quid sibi demum agendum esset: Prior autem: *Descendamus*, inquit, *in puteum profundum*, neque enim verisimile est ibi
Aquam

Aquam defuturam: Cui altera ita rege-
rit: *Quin si forte ibi quoque Aqua defi-*
ciet, quomodo exinde rursus ascendere po-
terimus? Firmamentum autem hujus So-
phismatis est: Quod Actiones Humanæ
adeo sint incertæ, & Periculis expositæ, ut
illud optimum videatur, quod plurima ha-
beat Effugia. Huc spectant Formulæ illæ,
quæ in usu sunt: *Obligatum plane & Ob-*
strictum te reddes: Non tantum quantum
voles, sumes ex Fortuna, &c.

Elenchus

Fallit *Sophisma* primo, quia in *Actioni-*
bus humanis, fortuna urget, ut aliquid de-
mum decernatur. Etenim, ut eleganter
à quopiam dictum est: *Etiā non Statuere,*
est aliquid Statuere: Adeo ut sæpenume-
ro Contili Suspensio, pluribus nos impli-
cet Necessitatibus, quam si aliquid statuif-
semus. Videtur autem iste Morbus quidam
Animi, similis ei, qui reperitur in Avaris:
sed translatus à Cupiditate retinendi Opes,
ad Cupiditatem retinendi Arbitrium &
Potestatem. Siquidem Avarus frui non
vult, ne quid detrahat de Summa: Ita &
hujusmodi Scepticus nil exequi vult, ut
omnia ei sint integra. Fallit secundo, quia
Necessitas, & illud (quod ajunt) *Iacta est*
alea, stimulos addit Animis: sicut inquit
ille, *Cæteris pares, necessitate certe superio-*
res esis.

Sophisma.

8. *Quod quis culpa sua contraxit, minus Malum: quod ab externis imponitur, minus Malum.*

Hujus Rei Causa est, quod Morsus Conscientiæ Adversa conduplicet: Contra, Conscium sibi esse, quod culpa quis vacet, magnum præbet in Calamitate Solatium. Itaque Poëtæ ea Pathemata maxime exaggerant, tanquam Desperationi propria, ubi quis se ipsum accuset, & discruciet,

Seque unum clamat Causamque Caputque Malorum.

Contra Calamitates Virorum insignium, elevat & diluit Innocentiæ & Meriti Conscientia Porro cum Malum ab aliis intenteretur, habet quis quod libere conqueri possit, unde Dolores sui exhalent, neque Cor suffocent: Etenim iis, quæ ab injuria Hominum profecta sunt, indignari solemus, aut ultionem meditari, aut denique Nemesein Divinam vel implorare, vel expectare: Quinetiam, si à Fortuna ipsa inflicta quid sit, tamen datur quædam cum Fatis ipsis Expostulatio:

Atque Deos atque Astra vocat crudelia Mater.

Contra, ubi quis Malum aliquod sua Culpa contraxerit, stimuli Doloris intro ver-

tun-

tuntur; Animumque magis vulnerant, & confodiunt.

Elenchus.

Fallit istud *Sophisma*, primo propter *Spem*: quæ Malorum magnum est Antidotum. Etenim Culpæ Emendatio, sæpe in nostra Potestate sita est: Fortunæ vero minime. Itaque Demosthenes, non semel Cives suos hujusmodi Verbis affatus est: *Quod ad præterita pessimum, id ad futura optimum est. Quid hoc tandem sit? Hoc ipsum scilicet, quod vestra incuria & culpa res vestra male se habeant: Nam si vos officio vestro per omnia perfuncti essetis, & nihilominus Status vester, ut nunc, laborasset: ne spes quidem reliqua esset, cum futurum aliquando meliorem. Cum vero Errores vestri in causa potissimum fuerint, confidendum plane, Vos illis emendatis, pristinum statum vestrum recuperaturos.* Similiter Epictetus, de Gradibus Tranquillitatis Animi verba faciens; Infimum locum illis attribuit, qui alios accusant: Superiorem iis, qui se ipsos: Supremum vero illis, qui nec alios, nec se ipsos. Fallit secundo, propter iactantiam Animis humanis *Superbiam*: qua ægre adducuntur Homines, ut Errores proprios agnoscant. Hoc vero ut evitent, Patientiam adhibent longe majorem, in

iis malis, quæ culpa sua contraxerunt. Et enim, quemadmodum fieri videmus, ut, cum culpa admissa sit, neque de Auctore constiterit, supra modum exardescunt Homines & tumultuantur: quod si postea in notitiam pervenerit, culpam illam ad Filium, aut Uxorem, aut Graciosum aliquem pertinere, statim sedantur turbæ & consilescunt: Eodem modo fit; cum Res aliqua accedit, propter quam necessitas incumbit culpam in nos ipsos recipiendi. Id quod in mulieribus sæpissime conspicitur, quæ si quid infeliciter egerunt, contra consensum Parentum, aut Amicorum, qualecunque Infortunium sequatur, illud sedulo dissimulabunt.

Sophisma.

9. *Gradus Privationis major videtur, quam Gradus Diminutionis: & rursus, Gradus Inceptionis major videtur, quam Gradus Incrementi.*

Canon est in Mathematicis, *Nullas esse Rationes Nihili ad Aliquid*: Itaque Gradus Nullitatis, & Quidditatis, majores videntur Gradibus Incrementi, & Decrementi. Sicut Monoculo durius est, unum perdere Oculum, quam utrumque Oculum habenti. Similiter, complures Liberos habenti, gravius est, ultimum, qui super-

superstes fuerit, Filium amittere, quam reliquos priores. Itaque & Sibylla, cum duos priores Libros combussisset, pretium tertii duplicavit: Siquidem illius *Amissio Gradus* fuisset *Privationis*, non *Diminutionis*.

Elenchus.

Fallit *Sophisma* primo, propter eas res, quarum Usus in Sufficiencia quadam, sive Competentia, hoc est, Quantitate Determinata, consistit. Si quis enim obligetur pœnaliter ad Solutionem certæ Pecuniæ Summæ, ad Diem certum; gravius ei fuerit, Nummo unico Aureo carere, quam si, posito quod ille unicus parari non potuerit, deessent etiam decem alii. Similiter in Decoctionibus Fortunarum, damnosior videtur Gradus Obxationis, qui primus Sortem minuit: quam extremus, qui ad egestatem redigit. Huc spectant Formulæ illæ usitatæ: *Sero in fundo Parsimonia: Parum interest, utrum nihil habeas, an quod nihil juvet, &c.* Fallit secundo, propter illud Principium in Natura, Quod *Corruptio unius, sit generatio alterius*: Adeo ut Gradus ipse *Privationis* ultimæ, minus interdum incommodet, quoniam Ansam & Stimulum præbet novæ alicui Rationi incundæ. Unde etiam Demosthenes sæpius conqueritur apud Ci-

ves suos: *Conditiones minus utiles, & honorificas, quas à Philippo impositas subibant, nihil aliud esse, quam Alimenta quadam ipsorum Ignavia & Socordia: ut multo iis fuisset satius, illis omnino carere: Propterea quod hoc pacto Industria illorum melius acui possit ad alia paranda Remedia.* Novimus certe Medicum quendam, qui, Mulieribus delicatis, querentibus, se male habere, sed tamen à Medicamentis omnibus abhorrere, solebat dicere, non minus facerè, quam morosè: *Vobis omnino opus est, ut deterius valeatis, quo Medicamenta, etiam qualibet, libenter toleretis.* Quinetiam ipse Gradus Privationis, sive indigentiae ultimae, salutaris esse possit, non tantum ad excitandam Industriam, verum etiam ad impetrandam Patientiam.

Quod ad secundum Membrum hujus *Sophismatis*, illud eodem, quo prius, Fundamento (de Gradibus Quidditatis & Nul-
litate) nititur. Hinc tanta usurpantur, de Initiis Negotiorum, *Præconia*.

Dimidiū facti, qui bene cœpit, habet, &c. Hinc Astrologorum Superstitio, qui judicium faciunt de Dispositione aut Fortuna Hominis, ex Memento sive Articulo Nativitatis aut Conceptus.

Elenchus.

Fallit *Sophisma* primo, quoniam in
non-

nonnullis, primæ Rerum Inceptiones nihil aliud sunt, quam quæ Epicurus, in Philosophia sua, appellat *Tentamenta*: id est, Rudimenta quædam, quæ nihil sunt, nisi iterentur, aut provehantur. Itaque in hoc casu, Gradus secundus dignior videtur & potentior, quam primus: Quemadmodum in Plaustris, Equus qui penultimus est, plus confert ad Motum Plaustri quam primus. Etiam non inepte dici solet; *Convivium regestum illud esse, quod pugna sit reum*. Prius enim fortasse prætervolatum fuisset. Itaque prius *Malo Principium dedit, sed posterius modum abstulit*. Fallit *Sophisma* secundo propter Dignitatem Perseverantiæ, quæ in progressu, non in Aggressu sita est. Etenim Casus, aut Natura, primum impetum progignere possunt; at Affectus tantummodo maturus, & Iudicium, Constantiam. Fallit tertio in iis rebus, quarum Natura & Cursus ordinarius in contrarium Rei inceptæ fertur. Ita ut prima Inceptio perpetuo evacuetur, nisi vires continuentur. Quemadmodum in formulis illis usitatis dicitur: *Non progredi est regredi*: Et, *Qui non proficit, deficit*: Ut in Cursu in adversum Montis; Remigatione in adversum Gurgitis; At contra, si in declivi Montis Motus incipiat: aut secundo Flumine Re-

Elenchus.

Fallacia hujus *Sophismatis* subtilior paulo est; licet Responſio ad Exemplum, quod adducitur, facilis. Neque enim Virtus eligitur, *Propter Auram Popularem*. Cum etiam illud præceptum ſit, *Ut quis maxime omnium ſe ipſum revereatur*. Ita ut Vir bonus, idem fuerit in Solitudine, idem in Theatro. Licet fortè intendatur Virtus nonnihil per laudes, quemadmodum Calor augetur per Reflexionem. Sed hoc Suppoſitionem negat, non Fallaciam redarguit. *Elenchus* vero talis eſt. Dato, quod virtus (præſertim ea, quæ Labores & Conſictus ſubit) non eligeretur, niſi quod Laudes & fama, eam comitari ſoleant: haud inde ſequitur, quod Appetitus & Motus ad Virtutem, non ſit præcipue propter ſe. Siquidem Fama poſſit eſſe, Cauſa tantum *Impulſiva*, aut *Sine qua non*: neutiquam *Efficiens*, aut *Conſtituens*: Exempli gratia; Si duo fuerint Equi, quorum unus, Calcaribus non admotis, quævis haud ſegniter præſtaret; at alter, Calcaribus admotis, priorem longe ſuperaret: Poſterior iſte (arbitror) Palmam referet, & pro Equo meliore iudicabitur. Neque quemquam iudicii ſani commoverit Formula illa: *Apæ iſtum Equum, cujus Spiritus ſiti ſunt in Calcaribus*. Quandoqui-

doquidem enim Instrumentum Ordinarium Equitanti sit Calcar, neque ullo modo oneri aut impedimento ei sit; non minoris propterea æstimandus est Equus, qui Calcar incitatur: Neque etiam ille alter, qui absque Calcaribus mira præstet, eo ipso melior, sed delicatior tantum habendus est. Simili ratione Gloria & Honor Virtuti pro Stimulis & Calcaribus subserviunt: Ac licet Virtus, sine illis, paulo futura esset languidior: tamen, cum semper illa præsto sint ei, etiam non invitata, nil officit, quo minus Virtus propter se quoque expetatur: Itaque rectè redarguitur illa Positio, *Nota ejus rei, quod propter opinionem, & non propter veritatem eligitur, hac est, quod quis si clam putaret fore, facturus non fuisset.*

Sophisma.

II. *Quod opera & virtute nostra paratum est, majus Bonum: Quod ab alieno Beneficio, vel ab indulgentia Fortune datum est, minus Bonum.*

Causæ hujus rei hæc sunt: Primo, propter *Spem de futuro*. Siquidem in aliorum Gratia, aut Fortune, ipsius Ventis secundis, non multum inest certitudinis: Propria vero Industria, aut Virtus, semper domi adsunt. Adeo ut, postquam Boni quid nobis hoc modo paratum fuerit, maneant

neant etiam eadem instrumenta, in novos
usus parata: quin & consuetudine & suc-
cessu reddita validiora. Secundo, quia
quod *alieno Beneficio adipiscimur*, ejus et-
iam *aliis debitores sumus*: cum, quæ per
nos ipsi comparaverimus, nihil oneris se-
cum trahant. Etiam si quid Indulgentia
Divina in nos cumulaverit, retributionem
quandam erga Dei Bonitatem efflagitat:
quod Homines pravos & improbos mor-
det: ubi in priore genere illud Prophetæ
usu veniat, *Latantur, & exultant, immo-
lant plagis suis, & sacrificant reti suo*. Ter-
tio, quia *ea quæ à Virtute nostra minime
profecta sunt, nulla sequitur Laus & Existi-
matio*. Quæ enim Felicitatis sunt, Admi-
rationem quandam pariunt, Laudem mi-
nime. Sicut ait Cicero ad Cæsarem: *Quæ
miremur habemus, quæ laudemus expecta-
mus*. Quarto, quia quæ *Industria propria
acquiruntur*, cum *Laboribus & Contem-
ptione* fere conjuncta sunt: quod nonnul-
lam habet in se *Suavitatem*: uti Salomon,
Suavis Cibus à Venatu.

- *Elenthus.*

At quatuor inveniuntur *Colores oppositi*,
qui rem in contrariam partem inclinant,
possintque esse prioribus instar *elentho-
rum*. Primo, quia *Felicitas* videtur esse
Signum quoddam, & Character Favoris
Di-

Divini : & propterea , tum in nobismet
 ipsis Confidentiam & Alacritatem gene-
 rat , tum apud alios Auctoritatem & Re-
 verentiam. Felicitas autem ista etiam For-
 tuita complectitur , ad quæ Virtus ægre
 aspirat : Veluti cum Cæsar ad Navis Gu-
 bernatorem, Animos addendo, dixit : *Cæ-
 sarem portas, & Fortunam ejus.* Quod si
 dixisset: *Cæsarem portas, & virtutem ejus:*
 frigidum prorsus fuisset Solatium peri-
 clitanti in procella. Secundo, quia *ea, quæ
 à Virtute aut Industria procedunt, sunt
 imitabilia*, & aliis patent : cum Felicitas
 sit Res inimitabilis, & Prærogativa quæ-
 dam Hominis Individui : Itaque in Ge-
 nere videmus, Res naturales Artificialibus
 præponi , quia Imitationem non reci-
 piunt. Quod enim imitabile est, poten-
 tia vulgatum est. Tertio, quæ ex Felici-
 tate proveniunt, *Bona videntur gratuita,
 nec laboribus emptæ* : At quæ virtute pro-
 pria, Pretio veluti acquisita. Itaque ele-
 ganter Plutarchus, de Rebus Timolcon-
 tis, Hominis longe Fortunatissimi, cum
 Rebus Agefilai & Epaminondæ, qui uno
 ævo vixerunt, comparatis, dixit : *Illas
 Homeri Carminibus fuisse similes, quæ cum
 alias excellant, sponte etiam fluere videan-
 tur, & quasi Genium sapere.* Quarto, quia,
 quod præter Spem, aut præter Expectatum

contingit gratui, & majore cum Voluptate in Hominum Animos influit. Illud vero neutiquam competit iis, quæ propria cura & ambitu comparantur.

Sophisma.

12. *Quod ex pluribus constat, & Divisibilibus, est majus, quam quod ex paucioribus, & magis unum: Nam omnia per Partes considerata majora videntur. Quare & pluralitas Partium, Magnitudinem præ se fert: Fortius autem operatur pluralitas partium, si ordo absit: Nam inducit Similitudinem Infiniti, & impedit Comprehensionem.*

Sophisma istud videtur etiam primo intuitu fallax, & quasi palpabile: Siquidem, non pluralitas Partium tantum, sed Majoritas earundem poterit constituere Totum auctius. Attamen abripit hoc ipsum Sophisma sæpius Phantasia: quinetiam insidiatur Sensui. Etenim Aspectui ipsi brevior videtur via, in planitie, ubi nihil intercurrat quod Visum frangat: quam in tali Tractu Terræ, ubi simul conspiciuntur Arbores, aut Ædificia, aut aliud aliquod Signum, quod Spatium metiri & dividere possit. Sic homini bene nummato, postquam Arcas suas, & Marsupia, diviserit, & digesserit, major etiam quam antea subit Divitiarum Phantasia. Habet etiam

vim

vim in Amplificationibus, si Res in plures Portiones dividatur, atque singulæ seorsum tractentur. Hoc vero adhuc magis Phantasmam implet, si fiat promiscue, & sine Ordine. Confusio enim Multitudinis opinionem generat. Siquidem quæ ordine ostenduntur, aut proponuntur, tum ipsa magis finita apparent, tum certum præbent Argumentum, nihil esse prætermisum. At contra, quæ confuse representantur, non solum in se numerosa putantur, sed & Suspicioni locum relinquunt, restare adhuc plura, quæ omittuntur.

Elenchus.

Fallit *Sophisma* primò, ubi quis amplior rem præceperit de re aliqua Opinionem, quam pro vera Rei ipsius magnitudine. Etenim cum hoc fit, Distributio falsam illam opinionem destruet, & in rem in Veritate sua, non autem cum Amplificatione, monstrabit. Itaque si quis Morbo aut Dolore corripitur, Horæ longiores ei videbuntur, absque Horologio, aut Clepsydra, quam si iisdem mensurentur. Nam si Tædium & Vexatio Morbi, tempus videri longius faciunt, quam revera est: at Computatio temporis errorem illum corrigit, & brevius facit, quam Opinio illa falsa conceperat. Etiam in Planitie, con-

tra quam superius dictum est, aliquando evenit. Licet enim visus in Principio viam ostendet breviorē sensui, quia indivisa est: tamen si ex eo obrepāt opinio de longe minori Intervallo quam reperitur, opinionis ejus vanæ frustratio efficiet, ut videatur demum etiam, quam revera est, productior. Itaque si quis Opinioni alicujus falsæ, de Magnitudine Rei cujuscumque, velificare cupiat, caveat à Distributionibus, sed rem integram utique extollat. Fallit *Sophisma* secundo, si Distributio ea distrahatur, non autem simul observetur, aut uno aspectu visum feriat. Itaque si Flores in Horto aliquo in plures Torulos distinguantur, majoris Quantitatis Speciem præbent, quam si omnes in uno Toro simul crescerent: Modo Toruli illi oculis simul subjiciantur: Aliter enim Vnio Distributioni distractæ prævalebit. Sic Reditus eorum majores videntur, quibus Prædia & Latifundia sua vicina aut conjuncta sunt; Nam si sparsim sita sint, non veniunt tam facile sub Aspectum. Fallit *Sophisma* tertio, propter Dignitatem Unitatis, supra Multitudinem. Omnis enim Compositio, Indigentia in singulis Signum est certissimum, ubi illud usu venit,

Et quæ non profunt Singula, Multa juvant.

Ita-

Itaque Mariæ partes potiores: *Martha, Martha, attendis ad plurima, unum sufficit.* Hinc illa Fabula Æsopi de Vulpe & Feli. Jactabat enim Vulpes, quantas Artes haberet & Effugia, quibus se à Canibus eriperet: Felis autem se unico tantum confidere Auxilio dixit, utpote quæ tenuem Scandendi Facultatem haberet: Quod tamen reliquis illis vulpinis longe præstantius præsidium fuit: unde Adagium: *Multa novit vulpes, Felis unum magnum.* Quinetiam in hujus Fabulæ significatione Morali idem cernitur: Nam potenti & fido Amico niti, plus præsidii habet, quam Artes & Astutiæ complurimæ,

INDEX SERMONUM.

I.	D E Veritate	pag. 5
II.	De Morte.	9
III.	De Vnitate Ecclesie.	12
IV.	De Vindicta.	20
V.	De Rebus aduersis.	22
VI.	De Dissimulatione & Simulatio- ne.	24
VII.	De Parentibus & Liberis.	30
VIII.	De Nuptiis & Coelibatu.	32
IX.	De Inuidia.	35
X.	De Amore.	44
XI.	De Magistratibus & Dignitati- bus.	47
XII.	De Audacia.	53
XIII.	De Bonitate, & Bonitate nati- ua.	56
XIV.	De Nobilitate.	60
XV.	De Seditionibus & Turbis.	63
XVI.	De Atheismo.	75
XVII.	De Superstitione.	80
XVIII.	De Peregrinatione in partes exte- ras.	83
XIX.	De Imperio.	87
XX.	De Consilio.	95
XXI.	De Mora.	103
XXII.	De Astutia.	105
	XXIII.	

INDEX

XXIII.	<i>De Prudentia qua sibi sapit.</i>	III
XXIV.	<i>De Innovationibus.</i>	114
XXV.	<i>De expediendis negotiis.</i>	116
XXVI.	<i>De Prudentia apparente.</i>	119
XXVII.	<i>De Amicitia.</i>	121
XXVIII.	<i>De Sumptibus.</i>	133
XXIX.	<i>De proferendis finibus Imperii.</i>	136
XXX.	<i>De regimine valetudinis.</i>	153
XXXI.	<i>De Suspicionē.</i>	156
XXXII.	<i>De Discursu Sermonum.</i>	158
XXXIII.	<i>De Plantationibus Populorum & Coloniis.</i>	161
XXXIV.	<i>De Divitiis.</i>	167
XXXV.	<i>De Ambitione.</i>	173
XXXVI.	<i>De Natura, & Indole naturali in hominibus.</i>	177
XXXVII.	<i>De Consuetudine & Educatione.</i>	179
XXXVIII.	<i>De Fortuna.</i>	183
XXXIX.	<i>De Usura sive Fœnore.</i>	186
XL.	<i>De Iuvenute & Senectute.</i>	192
XLI.	<i>De Pulchritudine.</i>	195
XLII.	<i>De Deformitate.</i>	197
XLIII.	<i>De Ædificiis.</i>	199
XLIV.	<i>De Hortis.</i>	208
XLV.	<i>De Negotiatione.</i>	219
XLVI.	<i>De Clientibus, Famulis, & Amicis.</i>	222
	XLVII.	

S E R M O N V M.

XLVII.	<i>De Supplicantiis.</i>	225
XLVIII.	<i>De Studiis, & Lectione Librorum.</i>	228
XLIX.	<i>De Factionibus</i>	232
L.	<i>De Ceremoniis civilibus, & Decoro.</i>	235
LI.	<i>De Laude.</i>	238
LII.	<i>De vana Gloria.</i>	241
LIII.	<i>De Honore & Existimatione.</i>	244
LIV.	<i>De officio Iudicis.</i>	247
LV.	<i>De Ira.</i>	254
LVI.	<i>De vicissitudine rerum.</i>	257
LVII.	<i>Quomodo profectus in virtute faciendus sit.</i>	267
LVIII.	<i>De civili Conversatione.</i>	276
LIX.	<i>Consilia quadam de Negotiis, ex Parabolis aliquibus Salomonis.</i>	279
LX.	<i>Faber Fortuna sive Doctrina de ambitu vita.</i>	310
LXI.	<i>De Certitudine Legum, per Aphorismos.</i>	346
LXII.	<i>Colores Boni & Mali, tam simplicis, quam Comparati.</i>	381

F I N I S.

